

3. PATRIS NOSTRI

4

CYRILLI ARCHIEPISCOPI HIEROSOLYMORVM, CATECHESSES ILLVMINATORVM HIEROSOLYMIS XVIII. ET V. MYSTAGOGICAE.

Qua tempore quidem Hieronymi & Damasceni extabant, ut ipsi testantur: proximis verò aliquot seculis, in abstrusis quibusdam locis delitescentes, nunc primum Latinitate donata in lucem prodeunt.

Ioanne Grodecio P. & I. V. D. Decano Glogouiensi, Vratislaviensi, Varmiensi que Canonicò, interprete.



ANTVERPIAE,
Excudebat sibi & Materno Cholino, ciui Coloniensi, Christophorus Plantinus.

M. D. LXIIII.

CVM PRIVILEGIO REGIO ET
CAESAREO.

TENOR PRIVILEGII,

Regis Priuilegio cautum est, ne quis Sancti Patris nostri Cyrilli Catecheses &c. citra Christophori Plantini voluntatē, à die impressionis absolutę ad quadriennium imprimat, aut alicubi impressum vendat, venalem' ve habeat. Qui secus faxit, confiscationis librorum, & quinquaginta florenorum pœna, fisco Regio exoluenda, multabitur: vt latius in Regio diplomate expressum est. Dato Bruxellæ xxvi. Maij, anno Domini

M. D. LXIIII.

Signat. I. Fabri.

REVERENDISSIMO

IN CHRISTO PATRI, ET
Domino, D. Caspari Dei gratia Epi-
scopo Vratislauien. superioris & infe-
rioris Silesiæ Capitaneo, Domino co-
lendissimo, Ioannes Grodecius, Deca-
nus Glogouiensis, Vratislauiensis Var-
miensisque Canonicus, florentem Fe-
licitatem.



ATECHESEON nostri tempo-
ris, quæ noua semper à nouis autho-
ribus cuduntur, plena sunt omnia:
per quas plerique omnes nouatores,
opiniones suas de religione, imperi-
ta iuuentuti tradere, & vulgò spar-
gere contendunt: Sed si quis eas cum veteribus pa-
trum Catechesibus comparare velit, dis dià π.σ.ω.ν
discrepare ab illis conspiciuntur. Tutius autem ac
multo consultius fuerit, principia nostræ religionis,
è puris fontibus Patrum haurire, quàm turbidos
degenerum filiorum riuulos consèctari. Quamuis e-
nim noui homines isti de puritate doctrinæ pluri-
mùm gloriantur, quam è sacra scripturæ fontibus, se
hausisse fingunt: si quis tamen, sano mentis oculo
pressius intueatur, nil nisi turbidum cænum, & vo-
lubiles arenas, sub splendido verbi Dei prætectu, ab
illis spargi conspiciet. Nam & cum ipsis scripturis
sacris sanè intellectis: & cum orthodoxis patribus,

qui eodem spiritu quo scripta fuerant, interpreta-
 bantur scripturas, principia & progressus doctrina
 illorum minimè conueniunt: & ipsi inter se mutuò
 tam de mysterijs, quàm de alijs religionis dogmati-
 bus vehementer discrepant. In qua varietate, &
 dissensione, puritas & veritas doctrina nequaquàm
 consistere potest. Verum enim non nisi unum &
 simplex esse potest: falsum autem, ut noster inquit
 Cyrillus, varium est ac multiplex. Unde ista va-
 rietas Catechesèon nata est, dum qualibet secta suis
 sectarijs nouos tradit catechismos, nouas mysterio-
 rum institutiones, nouos ritus sacrorum effingit.
 Quam varietatem & coniunctam illi falsitatem,
 qui vitare vult, ad puritatem doctrina Catholica, &
 proxima crescentis Ecclesie principia, recurrat, ne-
 cesse est, atque diligenter consideret, qua tum fuerint
 sacra institutiones, qua catecheses, qua mysteriorum
 explicationes. Quod cum ex alijs vetustissimis
 sanctorum Patrum scriptis: tum verò ex his Cyrilli
 Hierosolymitani catechesibus perspicere licet: qui-
 bus ille populum Hierosolymitanum ad pietatem
 instituebat, & ea sacrosancta fidei dogmata tra-
 debat, qua nunc à nouarum opinionum cultoribus
 vehementer conuelluntur. Quas quidem Cateche-
 ses, longè commodius esse puto, è tenebris in lucem
 proferre, & nostra tempestatis hominibus passim le-
 gendas proponere, quàm nouas aliquas institutiones,
 utcunque varijs elegantijs exornatas, describere.
 Authoritas enim & maiestas doctrina Christiana,
 præclara est apud antiquos illos & orthodoxos anti-
 stites, qui sanam doctrinam, & veras traditiones
 Aposto-

Apostolicas, ritusq; ecclesia à viris Apostolicis, instinctu Spiritus sancti institutos, in Orientali ecclesia docuerūt, & ad posteros deinceps literis mandarunt. Atque hoc studio antiquitatis & sincerae veritatis adductus ego, cū ante aliquot annos in vrbe, apud Reuerendiss. & Illustriss. Dominum Stanislaum Hosium, Cardinalem Varnien. nunc S. sedis Apostolica in Concilio Tridentino de latere Legatum, amplissimum, ac Dominum meum clementissimum, nactus essem Græcum exemplar Catecheseōn Cyrilli Hierosolymitani Prasulis vetustissimi, manu scriptū, neque unquā anteā, quod sciā, in sermonem Latinum translatum, aut editum: facturum me nonnullum operæpretium putavi, si illud Latinitate donatum, alijs quoque sincerae pietatis studiosis passim legendum proponerem. In quo opere perficiundo cū versarer, planeq; iam illud peregissem, Reuerendiss. Dominus, D. Jacobus Vchanski Archiepiscopus Gnesnensis, Legatus natus, regniq; Polonia primas, antiquitatis, priscaeq; fidei studiosissimus, & in tuenda, propagandaq; Catholica religione vigilantissimus: posteaquā intellexit, me Græcolatinas Cyrilli Hierosolymitani catecheses habere: (quas ille ante complures annos, Slauonum idiomate conscriptas, ex Macedonia & Bulgaria nactus fuerat, & in linguam Polonicam transtulerat.) suum exemplar Slauonopolonum earundem catecheseōn pro sua benignitatē mecum communicauit, atque ut translatio utraque una cum originē Græca conferretur, diligenter curauit. Quo factum est, ut ex mirabili quadam cōcordia diuersæ linguae,

& translationis, cōstans veritas institutionum com-
 modissime elucesceret. Quamuis enim menda non-
 nulla & hiatus, qui vitio librariorum committi so-
 lent, in utroque exemplari non decissent: ex mutua
 tamen collatione sublati illis, & quæ desideraban-
 tur, in integrum restitutis: series orationis & doctri-
 nae, sic in omnibus concordabat, ut nulla superesset
 possit suspitio, quin istæ catecheses Cyrilli sint, veris-
 sima, & veteri orthodoxa doctrina coniunctissima.
 In quibus transferendis veritatis maiorem, quàm
 elegantie rationem habendam putauimus, ut quàm
 proximè ad phrasim Cyrilli accederemus. Nam ubi
 verba diuina, & sacra traduntur mysteria, pericu-
 lum est, & grande nefas, procul ab ipsis verbis rece-
 dere, & splendori potius orationis, quàm proprietati
 simplicis doctrinae studere. Cum autem mihi pro-
 bè perspectum sit, Antistes, & D. Reuerendissime,
 quanta iam cura, & sollicitudines animum tuum af-
 ficiant, quantum elaborare studeas, ut pro tua di-
 uina vocatione, sanctoq; officio pastorali nouas secta-
 riorum nimium vulgatas institutiones, & doctrinas
 demoniorum, ex patria, diœcesiq; tua extirpare, &
 veterem disciplinam religionis catholicae introduce-
 re queas, cumq; me quoque exiguum clientem, in
 hac diœcesi tua singulari beneficio afficere, & in vi-
 neam Domini asciscere non dubitaueris: opportu-
 num esse putari, veteres hasce Cyrilli Catecheses,
 Celsitudini tue dicare, ut sub tuo amplissimo nomi-
 ne, & authoritate in lucem prodeant, & potius
 quàm pestifera nouatorum catecheses à iuuentute
 prisca fidei studiosa, passim lectitentur. Nam cum
 pro

pro tua praclara vigilantia pastorali, ab alijs collegis meis crebris adhortationibus exigere id non dubites, ut non torpescant otio, sed verbi Dei praconum fungantur officio: me quoq, singularis hac pietas tua, & studium religionis catholicae propagandae vehementer commouit, ita ut primo quoque tempore tam pijs illis admonitionibus, cuperem lubens satisfacere: sed cum nondum adsit eius rei praestanda facultas, & alio me nunc trudet legum necessitas, has interim Cyrilli Catecheses, in quibus confirmanda catholica doctrina causa, pro mea virili elaboravi, tibi pientissime Praesul, qua summa possum animi mei submissione offero, atque dedico. Quas ut benigne acceptare, & reliqua studia mea favore tuo prosequi non graueris, etiam atque etiam submissem peto. Quis autem fuerit author hic Cyrillus, & quo tempore floruerit: tum quae sit ratio scriptorum illius, ex his quae ex Scriptoribus Ecclesiasticae historiae de vita illius collegi, inferius patebit.



CYRILLVS Hierosolymitanus inter veteres Ecclesie Patres sanctos illos verè catholice & Apostolice doctrine assertores, ac propugnatores clarissimus antistes recensetur: nam & compluribus ex illis Ecclesie columnis equalis, multis etià antiquior fuit, doctrinam verò orthodoxam communem cum omnibus catholicis habebat. Clauit ante mille ducentos, & amplius annos, temporibus Constantij Imperatoris, & aliquot eius successorum. Quod multis in locis plerique Scriptores ecclesiasticæ historie, vt Socrates, Theodorus, Sozomenus, & alij demonstrant, & honorificam semper illius faciunt mentionem. A quibus etiam Nicephorus id accipiens & catalogū Patrum, qui circiter tempora Sardicensis Concilij floruerunt (quod de Constantij & Constantis voluntate institutum erat) longa serie recensens: inter ceteros aequales Cyrilli, magnæ authoritatis vnà cum illo, & clarissimos fuisse, sanioris doctrine defensores, commemorat, Paulum Constantinopolitanum, Athanasium Alexandrinum, Antonium Aegyptium, vnà cum vniuerso Aegyptiorū monachorū cetū. Deinde subdit: Multi deniq; alij spectati viri eisdem annis viuere, atque in Ecclesijs Dei emittiere. Inter quos præcipuè eruditione & eloquētia floruit Eusebius Emesenus Episcopus, Titus Bostrensis, Serapion Tumeni, Basilium Ancyranus, Eudoxius Germanicensis. Acacius Casariensis, Eusebij successor, Cyrillus, qui post Maximum Hierosolymitanam administrabat ecclesiam, & Theodorus Perintius, tum & Ephraim Syrus. Hæc & alia permulta scribit eo in loco Nicephorus, de claris & catholica pietate excellentibus illius seculi viris: inter quos cum & Cyrillus Hierosolymitanus recenseatur, quæ sit & quanta illius authoritas, facile quiuis perspicere potest. Legitur quoque de eodem Cyrillo, non modo alijs virtutibus vero Episcopo dignis illum fuisse præditum: verum etiam dono prophetie non caruisse. Nam cum Iulianus Imperator, vt scribit in Ecclesiastica historia Socrates Iudeis templum Hierosolymis instaurare iussisset, & de publico sumptus subministrasset: tum temporis Cyrillus Hierosolymorum Episcopus, memor vaticinijs Danielis prophete, quod & Christus in sanctis Euāgelijs cōfirmavit, ac multis futurū prædixit, quod in eo templo lapis super lapidem nō maneret: hoc, inquit, Ser-

uatoris

Lib. 9. cap. 14.
 Ecclesiast. hist.

Lib. 3. cap. 20.

uatoꝝ oraculū adimplebitur . Quum hoc dixisset Episcopus , noctu
 tremotus magnus factus , lapides fundamentales veteris templi
 structura euulsit , ac cunctos vnā cum cōtiguīs edificiis dispersit . Et
 cum multi ad miraculum Iudei conuenissent , ignis celitus delapsus ,
 cuncta artificum instrumenta consumpsit . Sequenti verò nocte si-
 gna crucis , instar radij solari splēdentia , vestibis illorum impressa
 comparuerunt , quæ extergere nullo pacto potuerunt . Hæc adeo stu-
 penda prodigia , vnum illud Cyrilli verbum , dinino , planeq; prophe-
 tico spiritu prolatum , consequuta sunt . Neque verò his tantum in
 terra prodigijs , predictionem eius confirmare , verumetiam in celo
 longè maiori miraculo Episcopatum illius Deus illustrare dignatus
 est . Nam illo Præside sacrorum Hierosolymis , signum Crucis in
 cælo ex lumine , super sacrum montem Caluarie diebus Pentecostes ,
 hora ferè diei tertia apparuit , & sole tunc lucente radios solis , illius
 Crucis fulgores longè præcelluerunt , ita vt lucis illius excellentia ,
 vniuersus populus Hierosolymitanus concitatus , maxima cum ad-
 miratione , signum illud filij hominis aliquandiu spectauerit . Nam
 & magnitudine Crux illa fuit tanta , vt quindecim stadia excede-
 ret , ab ipsoq; sacro Golgotha , ad montem vsque Oliueti protende-
 retur : & luce tanta , vt non modò Christiani omnes istic illustra-
 tos sese , confirmatosq; sentirent : verumetiam Iudei ac Gentiles ad-
 uenæ , ab erroribus tenebrarum auersi , illuminarētur , & crucifixum
 verum esse Deum profiterentur . Quemadmodum ipse Cyrillus opti-
 mē id describit in epistola sua , quam de eodem admirando signo , ad
 Constantium Imperatorem dederat : Et Nicephorus in historia
 Ecclesiastica idem pluribus commemorat . Ita sanè tum coruscabat
 Hierosolymis verbum Dei , multò amplius quàm hisce nostris postre-
 mis temporibus apud nos , non modò predicatione Cyrilli , verum
 etiam virtute Dei , sequentibus tam admirandis signis .

Succesit autem Cyrillus in Hierosolymitana Episcopo Maxi-
 mo , & ipse quoque istic maximus fidei catholice defensor erat .
 Sic enim scribit Theodorus : Sed Hierosolymis post Macarium il-
 lum cuius non semel fecimus mentionem , præsulatum gerebat Ma-
 ximus , vir in propugnanda pietate excellens , & oculum dextrum
 ideo amiserat , & incisum habebat dextrum brachium . Hoc & ipso
 in expertem senectutis vitam transgresso , collata dignitas Episcopa-
 lis gratiæ Cyrillo fuerat , promptissimo defensori Apostolicorum
 dogmatum . Qua de causa maximas etiam passus est persecutiones

Lib. 5 . cap. 3 .
 Ecclesiast. hist.

ab Arrianis. Nam cum animaduertissent illum vehementer heresibus ob stare, & Apostolica dogmata adeo strenue tueri, congestis quibusdam calumnijs, in quodam conciliabulo suo, accusare illum, & deinceps, ita ut alios permultos catholicos Episcopos more suo deponere non dubitarunt, idq; ex negotio pietatis illius erga egenos,

Lib. 4. cap. 25. *questito pretextu, ut auctor est Sozomenus. Caterum Episcopi ca-*
Ecclesiast. hist. tholici centum quinquaginta, qui non ita multo post Seleuciam ad
 Cap. 26. *Eccle* Synodum conuenerat, depositionem illam ratam non habuerunt, ut
siaft. hist. testatur Theodorus: inò ipsum potius aduersarium illius, & au-

thorem depositionis Acatium, quam Cyrillum, ab illa Synodo excludere maluerunt. Nicephorus verò de eiusdem Seleucianæ Synodi actis, & de Acatianis scribens: Neque eandem, inquit, cum alijs si-

dem profiteri, neque ad obiecta crimina respondere sustinere. Quinctiam ad Cyrilli Hierosolymitani causam audiendam inuita-

ti, quem ipsi Episcopatu abire iusserant, non affuere: neque enim qui eos cogeret, aderat quisquam. At alteri illi (nempè catholici) non modo liberè hæc egerunt, sed Acatium, & quicumque ad eum

confugissent, quippe qui intentata eis crimina diluere timuissent, dignitate priuarunt. Ex his patet, quanta fuerit Cyrilli integritas,

quem ne accusare quidem coram legitimis Iudicibus aduersarij veritatis audebant, sed tantum apud suos sectarios, quorum adeo tum

creuerat potentia & audacia, cum intelligerent Imperatorem suarum esse partium, ut ipsi nihilominus quos semel iniquè deposuis-

sent, iniquius vi & armis de suis sedibus exturbarent, & alios pro arbitrio suo substituerent. Quemadmodum accidit & Cyrillo, quo

de sede Hierosolymitana deiecto, Heraclius est illi substitutus, ut ait Nicephorus, atque huic rursus successit Hilarius. Isti nanque

vsque ad Theodosij imperium, eam ecclesiam administrasse traditi sunt. Post quos diuus Cyrillus deinceps sedem suam recuperauit. Quomodo autem is denuò ad sedem suam peruenierit, & quo pacto

in ea sese gesserit, ex literis Synodi Constantinopolitane (que Nestario preside sub Theodosio celebrata est) ad Damasum, Ambrosium, & reliquos Episcopos Romæ coactos, videre est, cum scribunt: In ea verò ecclesia, quæ aliarum omnium mater est, Hierosolymis

Reuerendissimum, & Deo amantissimum Cyrillum Episcopum esse scimus, ritè iamdudum à prouincialibus Episcopis electum, qui sanè diuersis in locis plurimum aduersus Arrianos decertauit. Epiphanius quoque lib. 3. tomo I. heresi 73. Cyrilli huius meminit, quod

preter

Lib. 9. cap. 49.

Nicephorus li-
 bro 22. cap. 16

præter Acatium Arrianum, cum aliis quoque illius sectæ Episcopis contendere religionis ergo non dubitauit. Et Hieronymus in catalogo Scriptorum ecclesiasticorum de illo scribit: Cyrillus Hierosolyme Episcopus sæpè pulsus Ecclesia & receptus, ad extremum sub Theodosio principe octo annis incöcussum Episcopatum tenuit. Itaque ex his, & alijs permultis ecclesiasticorum Scriptorum testimonijs certum est, Cyrillum fortissimum Christi athletam, & orthodoxæ fidei assertorem constantissimum, multis annis pro veritate fidei decertasse, persecutiones varias pertulisse, atque hoc bonum certamen certasse, à primis ferè annis Constantij Imperatoris, usque ad complures annos Theodosij: Cursum autem suum tum deum consummasse, cum Theodosius deuictò Maximo tyranno (qui Romanum Imperium in Occidente inuaserat) rebus Romanis rectè constitutis Constantinopolim reuersus, filios suos Arsenio erudientes traderet, ut scribit Nicephorus. Eadem tempestate Timotheus & Cyrillus, qui in Alexandrinæ & Hierosolymitanæ ecclesiæ thronis enituerant, vita defuncti, alter quidem Alexandriæ Theophilum, alter autem Hierosolymis Ioannem successorem habuit, usque ad tempora Anastasij & Innocentij Pontificum Romanorum. Ioannis verò successor erat Hierosolymis Nepos. Hactenus Nicephorus. Et Cyrillus quidem ita ut legimus, bonum certamen certauit, cursumq; vite sue consummauit: De cetero autem repocita est illi corona gloriæ, quam retribuet illi iustus iudex. Quam præclaram autem, & sanctam sui memoriam apud posteros etiam reliquerit Cyrillus, tum scripta illius quæ extant: tum Orientalis ecclesiæ fusti, seu Calendaria, in quibus preces anniuersariæ, & commemorationes sanctorum descriptæ sunt, abundè testatur. Nam ut aliorum Patrum, qui in sanctorum cætu clariores habentur: ita huius quoque Cyrilli Hierosolymitani, die decima octaua Martij, in ecclesijs Græcis sancta celebratur memoria. Ac scriptis quoque illius apud Græcos, nomen sancti patris præfixum ubique reperitur.

CYRILLIA vocata fuisse in Orientali ecclesia, scripta Cyrilli Hierosolymitani, narrat Nicephorus, & alij scriptores non pauca fuisse testantur. Cum enim v. r. doctus & eloquens esset, & tot annis præfuisset Ecclesie Hierosolymitane, in qua non modo singulis diebus Dominici, vt ex eius institutionibus perspicere licet: verumetiam singulis diebus per totam quadragesimam concionari consueuisset: proculdubio & catecheses, & conciones illius longè plures sunt literis mandate, quàm quæ ad nos peruenire. Hec enim præcipua erat consuetudo Patrum illius temporis, præsertim qui inter alios eruditione, & eloquentia præclari erant, vt quæ ad populum verba fecissent, ea etiam literis mandarent: vt certa orthodoxæ fidei, & doctrine illorum ratio constaret, & hereticorum falsæ opinionibus, tam concionibus, quàm scriptis, etiam post fata scriptorum confutarentur. Quod si qui ita essent occupati, vt ipsis manus, quæ animo concipiebant, & populo tradebant, exarare non vacaret, certos amanuenses studiosos habebant tam celeri calamo verba notantes, vt conciones illorum integras, eadem, quæ dicebantur, serie orationis conscriberent. Quod quidem Græcis illis duplici de causa præstare, non fuit difficile: nam & dictionum ferè omnium mirificas habebant abbreviationes, quarum vix aliqua pars ad nos peruenit: & Patres illi sancti prædicando verbum Dei, magna quadam cum maiestate, venerationeq; lentè pronuntiabant, vt populus venerando sermone magis afficeretur, & commodius quæ dicerentur perciperet, memoriâq; teneret. Quamobrem facile tum quoque fuit, scribis amanuensibus, & studiosis alicuius præclari concionatoris, singula verba calamo excipere. Quod sanè Cyrillo quoque concionante factitatum esse, tum Græca quedam annotatio vetustissima, quam catechesibus eius affixam reperi: tum ipsa inscriptio catechesèon, quæ extemporaneæ, seu ex tempore dictatæ vocantur, clarè testatur. Sic autem dicit annotatio illa: Multæ quidem & aliæ dictatæ sunt institutiones à Cyrillo, singulis annis, & ante baptismum & post baptismum, his qui recens fuerant illuminati. Has autem cum dicebantur, trecentesimo trigésimo secundo anno, aduentus Domini nostri Iesu Christi, quidam studiosi excipientes descripserunt, in quibus magna ex parte reperies, secundum scripturas, de omnibus necessariis fidei dogmatibus, quæ expedit

venire in cognitionem. Ex qua annotatione id quod superius commemoravimus patet, & alia complura Cyrillia dictata, seu scripta extitisse: & has quæ ad nos pervenere, quæque nunc in lucem produnt catecheses decem octo, & Mystagogicæ quinque, à studiosis illius inter dicendum literis esse mandatas, ab ipso autem Cyrillo deinceps proculdubio recognitas, (quarum etiam Hieronymus facit mentionem, & extitisse eas Catecheses Cyrilli tempore suo dicit, quas in adolescentia composuerat.) Atque vel hac etiam de causa extemporaneas inscribi: quod non longa meditatione, verborumque fucis expolirentur: sed simplici puraque puri verbi Dei interpretatione, prout spiritus dabat eloqui illi, ad captum populi accommodarentur. Id vel ex ipsa phrasi Cyrilli, & orationis compositione agnoscere licet: quæ non persuasibilibus humanæ sapientiæ verbis, sed virtute verbi Dei nititur. Non enim philosophicus hic creditur argumentationibus: non sapientum huius sæculi grandiloquas profert opiniones: non sui capitis, quemadmodum novi catechiste nostri temporis solent, somnia, & phantasmata inculcat auditoribus, sed purum putum Dei verbum annuntiat, merasque crepat scripturas: non in privatum aliquem prauumque sensum detortas, sed iuxta sensum & consensum illius, quæ tum florebat, orthodoxæ catholicæque ecclesiæ. Unde manifestè apparet, non privata opinionis aliquos catechismos illi instituisse, neque suam aliquam novam doctrinam populo tradidisse: sed eam quam à Iacobo Apostolo antecessore suo, & ab aliis Apostolis per manus traditam acceperat: quam ab ecclesia catholica didicerat: quam recenti martyrum sanguine confirmatam intellexerat. Neque verò minorem propterea catecheses istæ auctoritatem habere debebunt, quod extemporaneæ vocantur: quin potius multò maiorem orthodoxæ religionis, & sanctæ inspirationis certitudinem retinebunt. Nam quæ per longi temporis meditationem ex mente hominis scriptitantur, rectè commentaria vocantur, vel eò quod plerumque humana commenta, & menda permixta habent. Cum enim persuasibilibus humanæ sapientiæ verbis nitantur, plus carnis, quam spiritus, plus fuci, quam veri candoris habere solent. Quæ verò ex tempore ad proximi edificationem in verbo Dei instructiones fiunt, ab ipsius inspiratione proficiuntur, qui dixit: Non vos estis qui loquimini, sed spiritus patris vestri loquitur in vobis. Et: Nolite cogitare quid loquimini, sed in illa hora dabitur vobis, quod loquimini. Et hoc persèpe usu venire videmus,

ut optimi quique concionatores, cum non peruerso aliquo studio, sed zelo Dei ducuntur, quando ad populum verba faciunt, longè commodius plerunque quàm fuerant meditati, animi sensa sui eloquuntur. Quandoquidem non iam suo, sed spiritu Dei aguntur, & loquuntur sine ullo respectu personarum magnalia Dei, prout spiritus dat eloqui illis. Atque hoc etiam Cyrillo contigisse, cum hæc diuinas institutiones in cathedra Moysi sedens dictaret, & populo traderet Hierosolymitano, certius est, quàm ut dubitari possit. Cernimus enim in his, quàm plenus erat diuini eloqui, quàm copiosus in proferendis scripturis, quàm animosus in confutandis hereticis, quàm fortis rectorum Ecclesiæ catholice dogmatum propugnator. Ac in prioribus quidem octo & decem catechesibus *ῥωτισμὸν* eos, qui recenti fide in Christum erant illuminati, instruit de rebus ad baptismum pertinentibus, & cum primis agit de agnitione peccati, quod germen liberi arbitrij esse docet: tum de confessione, quæ baptismum in adultis precedere solebat: quin & exorcismos commendat plurimum, & quam vim aqua baptismatis habeat ostendit. Deinde dogmata ecclesiæ catholice, summam pleraq; omnia proponit: quæ postremò vna cum vniuerso symbolo Apostolico latius explicat, & interpretatur. In posterioribus verò quinque Mystagogicis institutionibus, his qui iam ad solidiorem aliquantò doctrinam erant aptiores, solidum cibum tradit, diuinamq; explicat mysteria, de Baptismo, Chrismate, Eucharistia, & tremendo Missæ sacrificio. Commemorat autem ferè omnes eas ceremonias, quæ & nunc in Ecclesia catholica in exhibendis istis sacramentis observari solent, ut sunt: Renuntiare sathane & omnibus operibus eius, symbolum fidei profiteri, Chrismate perungi in baptismo. Manius abluere, osculari inuicem, angelorum, omniūq; celestis militiæ facere commemorationem, sanctos innocare, pro viuis & defunctis orare, & sacrificium Christi corporis & sanguinis offerre, in tremendo Missæ sacrificio. In omnibus autem his sacris institutionibus, non suam aliquam priuatam, sed publicam, puramq; ecclesiæ doctrinam, sacris oraculis confirmatam, ac ab Apostolis traditam defendit: hereticorum nugas & errores oppugnat, & his qui recens in Christi militiam nomina dedere tyronibus, aduersus Iudeos & gentiles Græcos, contra hereticos, & antichristos arma porrigit. Quibus armis etiam aduersus nostri temporis hereticos, veteres errores renouantes, fortiter pugnare, & victores euadere poterimus. Vfus est his etiam armis

Cyrilli Ioannes Damascenus contra Iconomachos, ut videre licet in libro tertio Apologetico pro veneratione sanctorum imaginum, ubi inter alios orthodoxorum patrum authoritates, citat etiam ex 12. Catechesi hæc verba Cyrilli: Causam igitur si Christi aduentus queris, recurre ad primum scripturarum librum. Sex diebus Deus creauit mundum. sed mundus propter hominem & alia complura, usque ad ea verba. Imago lignea terrent regis honoratur, quanto magis rationalis imago Dei. Vnde etiam liquet easdem catecheses Cyrilli in Orientali ecclesia olim tempore Damasceni extitisse, quæ nunc post multa secula in Occidentali & Latina Ecclesia primum eduntur Latine; non sine nutu, & prouidentia quadam diuina, ut quo tempore serè indies exoriuntur noui heretici, veteres hereses renouantes: eodem quoque inter alios sanctos patres prodeat in medium Cyrillus, & in acie Dei viuientis consistens, suo etiam præclaro prisca catholicaq; fidei testimonio os hereticis obstruat. Obmutescant itaque, ut cum Cyrillo loquamur, & pudefiant nostri temporis heretici, qui negant liberum arbitrium, & inducunt stoicam quandam rerum omnium necessitatem: cum videant hæc sua dogmata, in illa primitiua ecclesia, ante tot secula etiam à diuo Cyrillo, Dei verbo oppugnata & hereseos damnata. Obmutescant heretici, qui negant opera nostra requiri ad iustificationem: qui tollunt confessionem peccatorum: qui vitam celibem, & virginalem coronam, exercitationemq; monasticam stultè reprobant: cum & Cyrillum legamus, hæc quidem ad cælum usque tollentem, & angelicæ vitæ æquantem: illa verò maxima regni celestis præmia, habere confirmantem. Disperiant heretici omnes, qui ritus & sacramenta Ecclesiæ catholicæ tollunt, & humanas esse, perniciosasq; traditiones, nuper adeò à Pontificibus questus causa excogitata nugantur: cum videamus vel Cyrillo teste, in illa veteri catholica & Apostolica ecclesia, ritus illos & mysteria sacrosancta, tanquam verbo Dei consentanea, & ab ipsis Apostolis instituta, ac per manus tradita, deinceps semper obseruata fuisse. Obstupescant Sacramentarii, qui blasphemant verum corpus & sanguinem Christi, sub speciebus panis & vini: cum tam disertis verbis doceat Cyrillus, veritatē hanc, quam omnes asserimus Catholici, ut iubeat nō modò intellectū, verum etiā sensus omnes captiuare in obsequiū fidei, & plus credere veritati, de veritate corporis sui dicēti, Hoc est corpus meū, quàm sensibus renuntiātibus falso,

hic

hic est panis, quem sentimus, simplex. Obmutescant denique omnes heretici, & dispereant doctrine illorum, qui tollunt sacerdotium & sacrificium: qui tremendum Missæ officium, impia lingua prosciindunt. Cum olim ante mille ducentos & triginta annos, ut indicat Cyrillus, in Hierosolymitana ecclesia, idem quod nunc fit in Romana, in sacro Missæ officio, fuerint commemorationes & inuocationes sanctorum, orationes & obsecrationes, pro uiuis & mortuis, incruentum denique illud sacrificium Christus Iesus Dei filius, Deo patri, pro peccatis tam uiuorum quam mortuorum offerebatur. Hec & alia eiusmodi veteris & orthodoxæ ecclesiæ dogmata, aduersus erroneas hereticorum opiniones tradit & defendit Cyrillus, in his quæ nunc Latina primum isto seculo, in lucem produnt catechesibus, quas omnibus veritatis studiosis legendas proponimus. Scriptum Tridenti durante Concilio æcumenico, die nona Iulij, Anno Domini M. D. LXIII.

P R O T E -



1
P R O C A T A C H E S I S ,
S I V E P R Æ F A T I O C A T E C H E -
S E O N S A N C T I P A T R I S N O S T R I
C Y R I L L I A R C H I E P I S C O P I H I E -
R O S O L Y M O R V M .

Κ Ε ΕΥΛΟΓΗΣΟΝ .

IOANNE GRODECIO INTERPRETE.



IAM est beatitudinis odor in vo-
bis, ô illuminati : iam spiritales
colligitis flores ad plectēdas cæ-
lestes coronas: iam Spiritus san-
cti spirauit fragrantia : iam circa
porticum regalis palatij fuistis,
utinam verò & ab ipso rege introducamini. Flo-
res nunc arborum apparuerunt : utinam verò &
fructus perficiatur. Nomina iam in Christi mili-
tiam vocati dedistis , & spōsales lampades vobis
donatæ , & regni cælestis desiderium , bonum-
que propositum, & spes subsequens . Neque e-
nim falsus est qui dixit:quòd, diligentibus Deū,
omnia cooperantur in bonum . Liberalis nam-
que est Deus, & pronus ad beneficentiam: expe-
ctat tamen cuiuslibet propriam voluntatē . Pro-
pterea subiicit Apostolus:Secūdum propositum
vocatis sanctis . Propositū cū adest proprium,
vocatū te facit: nam etiamsi corpus hīc habeas,
mentem verò non adhibeas , nihil tibi proderit.
Accesserat aliquando Simon Magus ad hoc laua-
crum, baptizatus est, sed non illuminatus:& cor-

B

pus

pus quidem lauit aqua : cor autem nō illustrauit
spīritu . Descendit quidem corpus & ascendit,
anima verò si non est consepulta Christo, neque
cum illo resurrexit . Equidem profero exēpla ca-
suum humanorum , ne & tu cadas : hæc enim in
figura contingebant illis , scripta sunt autem in
admonitionem eorum , qui hodie quoque huc
accedunt : ne quis veltrūm reperiatur , qui tentet
Dei gratiā : ne aliqua radix amaritudinis sursum
germinans perturbet vos : ne quis veſtrūm hæc
dictitans ingrediatur ; Sine videamus , quid agāt
fideles : ingressus videbo , & discam ea quę fiunt ,
visurum te proposueras , videri verò te non pu-
tabas ? Et existimas te quidem ea quę fiunt apud
fideles , penitus perſcrutari , Deum autem cor
+ tuum non perſcrutari ? Scrutabatur olim quidam
nuptias illas , vt est in Euangeliiis , & veſtem ca-
piens minimè decoram , ingressus accubuit &
comedit , admittebat enim ostiarius : sed oport-
tebat ipsum , cūm videret omnes splendidè vesti-
tos , eiuscemodi quoque capere amictum : ve-
rūm ille , cibum quidem vna cum aliis ſumebat
æqualem , inæqualem autem ornatum & propo-
ſitum habebat . Atqui ſponſus , quamuis liberalis ,
non tamen indiscretus . Circumiens namque ſin-
gulos conuiuas , & circunſpiciēs , (curabat enim ,
non quomodò comedebāt , sed quomodò eſſent
ornati) vidit quendam externum , non habentem
veſtem nuptialem , dixitque illi : Amice , quomo-
dò huc intraſti ? quo colore ? qua ſcientia ? Eſto :
ostiarius non prohibuit , propter eius liberalita-
tem ,

tem, qui exhibuit conuiuium. Ignorabas quali
 amictu ingrediendum esset ad conuiuium; sit ita
 sanè. Sed cùm iam intraueras, vidisti splendida
 discumbentium vestimenta, nōne te oportuit,
 vel ex his quæ cernebas discere? nōne opportu-
 nè te ingredi fuerat necesse, vt opportunè exires?
 nunc autem importunè intraisti, vt importunè
 eiiciaris. Et iubet ministris: Ligate pedes illius,
 confidenter intrantes: ligate & manus ipsius,
 quæ splendido illum nescierunt ornare vestitu, &
 proiicite ipsum in tenebras exteriores. Indignus
 enim est, qui spōsales lampades ferat. Vides quid
 tum illi acciderit? caue ergo tibi. Nos enim, qui
 sumus ministri Christi, quemlibet suscipimus, &
 tanquàm in ordine ostiariorum cōstituti, apertū
 esse sinimus ostium: permissum est tibi, etiam
 contaminatam peccatis habenti animam, & for-
 didam voluntatem, intrare: intraisti, eo loco di-
 gnus habitus, nomen tuum inscriptum est. Af-
 pice venerandum hoc Ecclesiæ institutum: cir-
 cumspice ordinem & disciplinam, scripturarum
 lectionem, regularium præsentiam, & doctrinæ
 seriem: reuerearis locum, & erudiaris ex his quæ
 apparent. Exi potiùs nunc opportunè, vt cras
 ingrediaris opportunissimè. Si auaram, cupi-
 damque habes animæ formam, exue illam & in-
 gredere. Exue scortationem, & induc splendi-
 dam temperantiæ stolam. Ego te admoneo,
 priusquàm Iesus, animarum sponsus, ingredia-
 tur, & amictum tuum videat: satis longum
 habes interuallum, cùm pœnitentia dierum

*Vestes nu-
 ptiarum splen-
 dide.*

*Qui audacter
 intrauerunt,
 seu ingressi
 sunt.*

*καὶ οὐκ ἔστιν
 πύλη εἰσόδου.*

quadraginta tibi datur: habes magnā opportunitatē, & exeundi & abluendi, ac rursus induendi, atque intrandi. Sin autem in mala voluntate perseveraueris, ille quidem, qui te admonet, vacat culpa, tu verò frustrā existimas te gratia potiturum. aqua enim te capiet, sed spiritus non recipiet. Si quis vulneris alicuius sibi conscius est, emplastrum accipiat: si quis cecidit, resurgat, nullus sit inter vos Simon, nullus simulator, nulla huius rei curiositas. Contingit & alio prætectu eò venire. Fieri potest, ut vir cupiēs mulieri complacere, vel ea de causā ingrediatur: Idem de mulieribus dici potest. Et seruus sæpè domino, & amicus amico placere voluit. Capiō inescatū hamo, & recipio te, malo quidē proposito venientem, spe autem bona saluatim. Fortassis ignoras, quòd venis, cuiusmodi te capiat rete: incidisti in retia ecclesiastica, viuus captus seruaberis, ne fugias: captat enim te Iesus, non ut occidat, sed ut cæsum viuificet: nā & mori te, & resurgere oportet: audisti apostolum dicentem, Mortui quidem peccato, viuentes autem iustitiæ. Iam ab hodierna die vitam agens considera, quantam tibi Iesus dignitatem contulerit: catechumenus vocabaris, foris subsistens: audiebas spem, & nesciebas: audiebas mysteria, & non intelligebas: audiebas scripturas, & profunda illarum ignorabas. Nunc verò non ampliùs foris, sed intùs sonas: (hoc est, iam non ampliùs superficie tenus discis, vocem exteriorē hominis audiens; sed intus etiam spiritu sancto doceris.) inhabitans enim spiritus,

diuinas

Retia Eccle-
siastica.

diuinas deinceps ædes in mēte tua edificat. Cū audieris ea, quæ de mysteriis sunt scripta, tunc intelligis quæ nesciebas. Neque verò rem exiguā te accipere putes: homo enim cū essēs miserandus, Dei cognomen accipis. audi Paulum dicentem: Fidelis Deus. audi aliam scripturam: Deus fidelis, & iustus. Hoc præuidens psaltes, inquit *Homo Dei cognomen accipit.* in persona Dei, quādoquidem homines Dei cognomen essent accepturi: Ego dixi, dij estis, & filij altissimi omnes. Sed caue ne sit cognomen tantum, fidelis, infidelis autem voluntas. Ingressus es in certamen, perfice cursum, aliud tēpus eiufmodi non habebis. Si tibi dies nuptiarum proponerentur, an non relictis cæteris rebus omnibus, de apparatu conuiuij esses sollicitus? Sanctificaturus autem, seu desponsaturus animam cælesti sponso, an non postpones corporea, vt accipias spiritalia? Non licet bis aut ter, hoc lauacro vti, vt si fortè semel fueris eo frustratus, deinceps corrigas: si enim semel illo frustraberis, amplius id correctionē nō patitur: vnus enim Dominus, & vna fides, & vnum baptisma. Nam soli hæretici rebaptizantur: si quidem prius illud nō erat baptisma. *Rebaptizatur heretici.*

Nihil aliud à nobis Deus requirit, præter voluntatem bonam: ne dixeris, quomodò mea delebuntur peccata? ego affirmo tibi, quòd volendo, & credendo. Quid autem his facilius? Si verò labia quidem tua dicāt se velle, cor autem nō get: scrutator est cordium ille, qui iudicat. Cessato iam hodierna die, ab omni turpi negotio:

non proferat lingua tua obscœna verba, nō peccet ampliùs oculus tuus, neque commoditatibus inhiet, & insistat: festinent pedes tui ad Catecheses audiendas.

*Exorcismi
sunt salubres.*

Exorcismos studiosè suscipe, etiam si inspiratus iam sis, & exorcisatus: salubris enim est tibi res ista. Nam vt rude, infectumque aurum, vel adulteratum, multisque aliis commixtum mine-
ris, vt cū are, stanno, ferro, plumbo, si cupimus aurum tantum habere, nō poterit illud sine igne ab diuersis à se metallis purgari: sic absque exorcismis anima progredi non poterit. Diuini enim sunt, ex diuinisque scripturis collecti. Velatus est vultus tuus, vt mēs tua vacet, neue oculus vagus efficiat, vt & mens vagetur: clausis verò oculis, aures minimè impediuntur salutaria suscipere. Quēadmodū enim aurifabri, per quædā subtilia instrumenta, sufflantes ventulum igni, & aurum in fornace conflantes, excitantesque propositam flammam, id quod quærunt, reperiunt. Sic cū exorcistæ per Spiritum sanctum incutiunt timorem, & in corpore, tanquàm in fornace, animam accendunt: fugit tunc inimicus Damon, adest autem salus* & spes vitæ æternæ assistit: denique anima repurgata à peccatis, salutem consequitur. Persistamus ergo in spe fratres, atque illi nos tradentes certò speramus, vt Deus vniuersorum, voluntatem nostram videns, mündet nos à peccatis, & spem nobis bonam semper de rebus nostris præbeat, & donet nobis pœnitentiam salutarem. Deus enim vocauit, tu verò vocatus es.

*Exorcismos
fugit demon.
& qui per-
manferit,
habet spē vi-
tæ æternæ.*

Perse-

Perseueres in catechesibus, etiamsi longo ser- *Catecheseon*
 mone producantur, ne fortè aliquādo mens tua *usus.*
 deficiat. Arma enim accipis contra aduersarias
 potestates: arma capis aduersus hæreticos, aduer-
 sus Iudæos & Samaritas, & Ethnicos. Multos
 habes hostes, multa tela accipe. Cum plurimis
 hasta concurre. Opus ergo est discere, quomodò
 transigas Græcum, quomodò pugnes cōtra he-
 reticum, contra Iudæum, & Samaritam? Et arma
 quidem parata sunt, gladiusque spiritus prōptis-
 simus: dexteram verò per bonam voluntatem ex-
 tendere necesse est, vt bellum Domini conficias,
 & vincas aduersarias facultates: vt à nullo dein-
 ceptus hæreticorum conatu superari possis. Accipe
 hanc admonitionē, vt ea quæ in catechesibus tra-
 duntur, sic discas, quò possis ea in perpetuum
 custodire. Non existimes institutiones istas esse
 similes homiliis. Quamuis & illæ bonæ sint, &
 fide dignæ: verùm si quid in illis hodie neglexe-
 rimus, cras discere poterimus. Hæc verò, quæ de
 lauacro regenerationis per ordinem tradimus
 documenta, si hodie neglexeris, quando tandem
 corrigentur? Existima tempus id esse plantatio-
 nis arborum, quo nisi fodiamus & inferamus,
 quando tandem poterit rectiùs plantari, quod
 semel est malè plantatum? Ædificium quoddam
 esse intelligas catechesim, ac nisi ordine vinctis
 constringamus structuram, ne quid laxum &
 hians reperiatur, debile fieri ædificium: sed est
 operæpretium, lapidi lapidem apponi, & angu-
 lum angulo coniungi, atque superfluis abscillis,

*Catechesis est
 veluti ædificiū.*

perfectas ædes efficere. Ad eundem modum, adferimus tibi tanquàm lapides cognitionis: audire oportet de Deo viuente: audire opus est de Christo: audire necesse est de resurrectione, & alia permulta ex ordine dicenda sunt: quæ nunc tantum summatim recensentur, deinceps verò suo loco satis explicabuntur. * Si vel vnum ex his non perceperis, etiam si primorum aut secundorum memineris: ædificator quidem benè edificat, tu verò fluxum & debile habebis ædificiū.

** Sed post pietatis erectio-
nem, nisi alteri
collegeris, ac
nisi priorum et
posteriorum
memineris.
tentator.
externo.
Mysteria Ec-
clesie extrā
non proferenda.
Mysteria non
cet aliquibus
nosse.
tentator.
Impostor
esse incipit.*

Cū autem Catechesis recitatur, si catechumenus ex te quæsierit, quid dicebant Doctores: nihil dicas * extrā: mysteria enim tibi, & spem futuri sæculi tradidimus. Custodi hoc mysteriū retributori, nec vnquam dicentem aliquem audi: Quid obest, si & ego didicero? Etiam ægroti vinum quandoque postulant, quod si intempestiuè illis detur, phrenesim conciliat: & duo hinc nascuntur mala: nam & æger interit, & medicus malè audit. Sic & catechumenus, si audiat mysteria à fidei, * phrenesim patitur: nescit enim quid audiuerit, & tamē arguit rem ignotā, dictaque irridet: fidelis verò tanquàm proditor condemnatur. Iam ergo tu in finibus nostris constitutus, caue ne quid effutias: non quòd digna nō sint narratione ea, quæ ibi dicuntur, sed quòd indignus est ille audire, cui referres. Fueras & tu aliquando catechumenus, neque tamen proposita mysteria tibi enarrabantur. Quando autem sublimitatem eorum, quæ nunc traduntur, experientia didiceris, tunc planè intelliges di-
gnos

gnos non esse catechumenos, qui ea audiant.

Vnius matris filij & filię facti estis omnes, quicūque hīc nomina dedistis. Cum ante horā exorcismorum ingrediemini, vnusquisque vestrū pietatis verba proferat: & si quis vestrū aberit, perquirite. Ad cœnam si vocatus fueris, nōne expectares alium pariter vocatum? fratrem si haberes, nōne & fratri benefacere velles?

Ne sis deinceps curiosus in rebus vanis: ne quæ- *Curiositas vitanda.*
ras quid fecerit oppidum, quid Rex, quid Episcopus, quid egerit sacerdos: sursum respice, tempus hoc ipsum exposcit. Vacate & cognoscite quia ego sum Deus. Si videris fideles in ministerio securos, rem certam tutamque habent, sciūt quid acceperint, gratiam susceperunt. Tu verò adhuc in balance aut consequendi, aut non consequēdi, consistis. Ne imiteris illos, qui nulli vacant meditationi: ac reuerentiā adhibe cum sit exorcismus: *Exorcismus reuerenter audiendi.*

quousque alij exorcizati aderunt, viri cum viris, & mulieres cum mulieribus. Nunc enim opus est proponere exemplum arcæ Noæ, in qua erat & vxor eius, & vxores filiorū, ac filię eius: siquidem & arca erat vna, & ostiū clausum. Sed quid hæc significabant? Si conclusa est Ecclesia, & vos omnes intus: *hæc tamen separentur, viri vt sint **Verum istæ res diuersæ sunt.*
cum viris, mulieres cum mulieribus: ne studium salutis sit perditionis occasio. Etsi enim pulchrū sit institutum proximum assidere proximo, sed procul tamen sint affectiones. Tum verò assidentes viri librum aliquem vtilem habeant, & alius quidem legat, alius verò audiat: si autem desit li-

*Virginum con-
uentus & ora-
tio submissa.*

ber, alter oret, alter boni aliquid dicat. Conuen-
tus porrò virginalis sic congregetur, vt vel psal-
lat, vel oret, vel legat, ita vt labia quidem loquan-
tur, vox autem ad alienas aures non perueniat.
Mulierem enim loqui in Ecclesia non permitto.
Et nupta quoque similiter agat, & oret labia mo-
uendo, vt nascatur Samuel, vt sterilis anima tua

*Positus à deo
vel neminem
à deo. ita
Samuel sonat.*

pariat exaudientis Dei salutem. Samuel enim ita
sonat, Videbo cuiusque studium, videbo cuius-
libet deuotionem. Accendatur mens ad pieta-
tem, excitetur anima, excutiat durities infide-
litis, decidant superflui scabriciei cortices, &

Tunc

maneat sola sinceritas: detergatur ferri erugo, vt
maneat proprius splendor. * Cùm vobis osten-
det Deus noctem illam, & tenebras in die appa-
rentes, de quibus dictum est: Tenebræ non ob-
scurabuntur à te. Quando unicuique vestrùm
porta paradisi aperietur: quando ex aquarum usu,
Christophorum, hoc est, Christum ferentium,
prosperitatē habebitis: cùm appellationem Chri-
sti, & rerum diuinarum virtutem accipietis. Iam
verò mentis oculos aperite, iam choros angeli-
cos recogitate, & Dominum vniuersorum Deum
præsidentem, & filium vnigenitum in dextra
illius assidentem, & spiritum simul persisten-
tem. Thronos autem & dominationes mini-
strantes, & quemlibet nostrum saluatam &
saluatam. Iam auribus vestris, quemadmodum
instruebamini, personet vox illa pulcherrima,
quando saluatis vobis angeli concinent: Beati
quorum remissæ sunt iniquitates: quando tan-

Angeloꝝ vox.

quàm

quàm * columbæ, splendida specie, lucenteque sydera
anima Ecclesiam Dei ingrediemini.

Magnum est sanè propositum hoc baptisma: *Baptismi
encomia.*
captiuitatis liberatio, peccatorū remissio, mors

peccati, animæ regeneratio, vestimentum candidum, signaculum sanctum, & indelebile, cur-
rus ad cælum, delitiæ paradisi, regni cælestis conciliatio, charismaque adoptionis filiorum.

Cæterum draco circa viam transeuntes obseruat, caue, ne te veneno infidelitatis inficiat. videt tot saluatos, & quærit quem deuoret. Ad patrem spirituum ingrederis, sed per illum draconem transis.

quomodò igitur illum præteribis? Indue pedes tuos apparatu Euangelij pacis, vt etiam si te mordeat, nihil noceat. Fidem habeas inhabitantem & firmam spem, calceum fortem, vt prætereas hostem, & ad Dominum intres.

Cor tuū præpara ad susceptionem disciplinæ, & sanctorū mysteriorum communicationem. Frequenter

ora, vt Deus te dignum efficiat: neque interdiu, *Orandum
sepe.*
neque noctu sis otiosus, & cū somnus ab oculis recesserit, tunc mens vacet orationi.

Si quam turpem cogitationem in mentem tuam venire animaduuerteris, suscipe iudicij salutarem commemorationem: intende animum ad discendū,

vt rerum turpiū obliuiscatur. Si videris aliquem dicentem tibi, * ingredere aquam vt submergaris, adhuc ciuitas balnea non habet. Agnosce draconem marinum hæc tibi obiicere: non loquētis attendas verbis, sed operantis. Custodi animam tuam vt sis irreprehensibilis, vt in spe perseueras,

hæres

*Cur aquam istam ingrederis, ex hinc, an non sunt balnea in ciuitate?

hæres vitæ æternæ fias. Nos quidem hæc tanquā
 homines & adhortamur, & docemus, ne vestrū
 ædificium ex fœno, stipula, & paleis conficiatis,
 ✕ ne cū opus arserit, detrimentum patiamini: sed
 ut sit opus vestrum, aurum, argentum & lapides
 pretiosi. Meum est dicere, tuum verò agere, Dei
 autem perficere. Intendamus mentem, dirigamus
 animam, præparemus cor, de anima enim
 nobis certamen est, æternasque res speramus.
 Potens est autem Deus, qui nouit corda vestra,
 & scit qui sit verus, qui verò simulator: germanum
 quidem suum seruire, hypocritam verò fidelem
 efficere. Potest enim Deus facere fidelem,
 si modò cor illi præbuerit, & factum contra nos
 chirographum delere. Obluionem autem vobis
 tribuet rerum priorum, atque Ecclesiæ vos
 inferet, & induens vos armis iustitiæ sibi deliget,
 cælestibusque rebus ac noui testamenti replebit,
 & spiritus sancti signaculum indelebile dabit
 in sempiternum: in Christo Iesu Domino
 nostro, cui gloria in secula seculorum, Amen.

AD LECTOREM.

*Catecheses istas illuminatorum, accedentibus
 quidem ad baptismum, & his qui hoc lauacrum
 habent iam fidelibus, legendas exhibeas: catechumenis
 verò, & alijs qui non sunt Christiani, ne dederis:
 alioquin redditurus es Domino rationem.*

SANCTI

SANCTI PATRIS NOSTRI

CYRILLI ARCHIEPISCOPI

Hierosolymorum prima Cathedresis, seu institutio illuminatorum Hierosolymis extemporanea: introductoria ad baptismum. Et lectio ex Esaia: Lauamini, &c.

NOVI Testamenti discipuli, & mysteriorum Christi participes, nunc quidē vocatione, paulò post verò & gratia, cor nouum vobis ipsis facite, & spiritum nouum, vt ex eo latentur cælestes. Si enim super vno peccatore, vt est in Euangelio, fit gaudium, quantò magis tot animarum salus ad lætitiā cælestes mouebit? Bonum iter & pulcherrimū capeſſendo, cautè cursum pietatis percurrite. Ad vestram enim liberationem paratus adest vnigenitus Dei filius. Venite, inquit, omnes qui laboratis, & onerati estis, & ego reficiam vos. Qui grauitate delictorum estis circumdati, & ligati cathenis peccatorum vestrorum, prophetā vocem dicentem audite: Lauamini, mundi estote, auferte prauitates vestras ab animabus vestris, corā oculis meis, vt angelicus vobis chorus acclamare possit: Beati quorum remissæ sunt iniquitates, & quorum tecta sunt peccata. Qui fidei lampades nuper accendistis: nunc non extinctas easdem manu tenendo custodite, vt qui latroni paradysum, in hoc sanctissimo mōte Gogota, per fidem aperuerit, vobis quoque id præſtet, quò possitis canticū sponsi cantare. Si quis est hīc seruus peccati, paratus sit per fidem, ad ingenuam

*Confessione
exiit vetus
homo.*

**cupiditas*

*ἰσχυρὸν π
γενεσθῆναι*

*Simulatio
fugienda.*

genuam adoptionis filiorum regenerationem peruenire, & præcens pessimam peccatorum seruitutem, atque in beatissimum Domini obsequium sese tradens, dignus censebitur, regnum cælestæ hæreditate possidere. Exuite veterem ho-

minem, qui corrumpitur secundum concupiscentias erroneas: exuite autem per cōfessionem, vt induatis nouum, eum qui est renouatus, per agnitionem eius qui creauit illum. Arrabonem Spiritus sancti possidete per fidem, vt recipiamini in æterna tabernacula: accedite ad mysticum signaculum, vt sitis bene noti Domino. Recenseamini in sancto & spiritali grege Christi, ad dexteram eius segregati, atque paratam vobis vitam hæreditate possideatis. Quibus adhuc peccatorum *asperitas adhæret, isti à sinistris consistunt, eò quòd ad gratiam Dei non accedant, quæ datur per Christum, in huius lauari regeneratione. Regenerationem autem dico

non corporis, sed animæ spiritalem renouationem. Corpora enim per eos, qui videntur parentes, generantur: animæ verò, per fidem regenerantur. Spiritus enim vbi vult spirat. Atque tum si dignus eris, licebit tibi audire: Euge serue bone & fidelis: nempe cùm nihil impuri, nihil simulati in tua conscientia repertum fuerit. Si enim quispiam ex his, qui hîc adsunt, tentat gratiam Dei, seipsum decipit, & virtutem diuinam ignorat. Caue simulatam mentem habere ô homo, propter illum, qui scrutatur corda & renes. Quemadmodum qui milites sunt conscri-

conscripturi, & ætatem & corpora, deligendorum ad pugnam, diligenter excutunt: sic & Dominus, delectum faciens animarum, voluntates illarum scrutatur, ac si quam hypocrisim deprehenderit occultatam, reiicit hominem, tanquam ad veram illius militiam non idoneum: si verò dignum inuenerit, huic libenter confert gratiam. Non dat sancta canibus, sed ubi bonum videt propositum, illic salutare sigillum & admirandum imprimit, quod metuentes tremunt dæmones, & agnoscunt angeli: ita ut illi quidem fugitent abacti: hi verò familiariter circa illud tanquam domestici versentur. Qui itaque spiritale hoc signaculum & salutare accipiunt, opus est ut voluntariè id faciant. ut enim calamus scriptorius aut telum, ut ab aliquo impellatur necesse est: sic & gratia indiget credentibus. Arma capis non corruptibilia, sed spiritalia, atque deinceps in spiritalem paradysum infereris, nomenque nouum accipis, quod antea non habebas. Antea catechumenus eras, nunc verò fidelis vocaris. Transplantaris rursus in spiritales oleas, ex oleastro in oleam frugiferam insertus, ex peccatis in iustitiam, ex pollutione in puritatem, & particeps sanctæ illius vineæ efficeris: ac si permanseris in vinea, tanquam vitis frugifera cresces: sin autem non maneat, ignis te consumet. Fructum ergo ita, ut æquum est, feramus, ne sic agatur nobiscum, ut actum est cum illa ficu sterili: ne fortè veniens Iesus, etiam nunc propter

*Propositum,
voluntatibus
Deus induitur.*

Not.

Sterilitas operum maledicta. propter sterilitatem tibi maledicat: sed ut possimus omnes illi dicere: Ego sicut olea fructifera in domo Dei. Olea non corporea, sed spiritalis. Ipsius quidē est, qui lucem omnibus adfert, plantare & rigare, tuum verò fructum facere. Dei est gratiam conferre, tuum verò acceptare & custodire. Non ideo spernas gratiam, quòd gratis datur, sed religiosè potiùs, cū eam acceperis, custodito. Tempus præsens, est tempus confessionis. Confiteare quæ perpetrasti, siue verbo, siue opere, siue noctu, siue interdiu: Confitearis tempore acceptabili, & in die salutis. Suscipe cælestem thesaurum, & in exorcismis studiosè verseris. Assistas catechesibus, & quæ in illis dicuntur memineris. Dicitur enim nō ideò, ut audias tantum, sed ut per fidem dicta obsignes. Omnem tunc humanam sollicitudinem deleas ex animo: nam in animæ cura versaris. Mundana hæc omninò postpone: parua enim sunt, quæ relinquis, maxima verò, quæ dantur à Domino. Relinque præsentia, & crede futura. Tot annorum circulos transegisti, mundo frustra operam nauans; & quadraginta diebus non vacabis pro anima tua? Vacate & videte, quia ego sum Deus, dicit scriptura diuina. Otiosa loqui multa recusa, ac neque ipse detrahas, nec detrahentem alicui audi: sed potiùs in precationibus assiduus esto. Monstra in exercitio cordis tui, quod erat occlusum: munda vas tuum, ut gratiam capiat abundantiorē. Remissio enim peccatorum ex æquo datur omnibus: communicatio autem Spiritus sancti,

sancti, secundum fidei vniuscuiusque proportio- *Gloria spiri-*
nem donatur. Si partim laboraueris, parum acci- *tus pro ratione*
pies: si verò multum operaberis, multa te merces *fidei datur.*
manet. In tui ipsius commodum curris, reputa si
quid contra aliquem habes, ac dimitte. Accedis
accepturus peccatorum remissionem, necesse est
ut & tu delinquenti ignoscas. Qua fronte enim
diceres Domino, remitte mihi multa mea pecca-
ta, si tu pauca conseruo tuo non remiseras? Sacris
conuentibus libenter studeas, non modò nunc,
cùm te clerici hortantur, verùm & deinceps cùm
iam gratiã acceperis. Si priusquàm facta esset in- *- custodia*
stitutio benè erat, nōne rigari & excoli, etiam post *- post aug-*
plantationē multò pulchrius est? Certamen fusti- *- tionē.*
neas pro tua ipsius anima, his præsertim diebus,
* sacris lectionibus animã tuam recrea. Mensam ** Diebus*
enim spiritalem Dominus tibi parauit: Dic & tu *quadragesi-*
cum Psalmista: Dominus pascit me, & nihil mihi *ma.*
deerit, in loco pascuæ ibi me collocauit. Super
aquas refectionis posuit me, & animam meam
conuertit: ut & angeli congratulètur; & ipse Chri-
stus magnus summusque sacerdos, propositum
vestrum suscipiens, & vos omnes offerens, dicat
Deo: Ecce ego & pueri mei, quos dedisti mihi
Deus. Qui omnes vos sibi placentes custodiat.
Cui gloria & nunc & in secula infinita. Amen.

CATECHESIS SECVNDA IL-
 LVMINATORVM HIEROSOLYMIS
*extemporanea . De pœnitentia , & remissione
 peccatorum . Et lectio ex Ezechiele : Iustitia
 iusti super ipsum erit , & reliqua .*

*Liberi arbitrij
 germē, peccatū*



GRAVIS est res peccatū, & morbus
 animæ acerbissimus iniquitas, quæ
 & nervos illius omnes præcidit, &
 æterno igni obnoxiam facit . Malum
 liberi arbitrij, germenque voluntarium . Nam
 quod volūtariē peccemus, dicit quodam in loco
 apertē propheta : Ego plantaui vineam fructife-
 ram, totā veram: quomodō conuersa es in ama-
 ritudinem, vti vinea aliena ? Plantatio quidē bo-
 na, sed fructus ex voluntate malus : atque ideō
 plantator quidem in culpa non est, vinea autem
 comburetur: quoniam in bonum plantata est, &
 in malum fructificauit . Fecerat enim Deus ho-
 minem rectum, vt inquit Ecclesiastes, sed ipse
 quæsiuit quæstiones multas . Et Apostolus dicit:
 Iplius enim factura sumus, creati in bonis ope-
 ribus, quæ præparauit Deus, vt ambulemus in
 illis . Creator itaque cū sit bonus, bonos crea-
 uit: creatura verò, voluntate propria, in amari-
 tudinem cōuersa est . Graue igitur malum, vt di-
 ctum est, peccatum, sed non incurabile: graue re-
 tinenti, leue autem per pœnitentiam abiicienti .
 Posito enim quod manu aliquis teneat ignem,
 quandiu quidem retinet carbonem, procul du-
 bio vritur: si verò carbonem abiiciat, ablatu est
 feruor.

*Peccatū gra-
 ue et leue.*

feruor. Quòd si quis cùm peccat, vri se non sentit, de hoc ait scriptura: Inuoluat quis ignem in sinu, & vestes eius non vratur? Vrit enim peccatū neruos animæ, & cōterit ossa mētis spiritalia, ac lumen cordis obtenebrat. Sed dixerit aliquis: quid tandem est peccatum? animal est, vel angelus? num dæmon est? Quid est hoc quod tātam vim habeat? Non est hic inimicus ô homo, qui tecum exteriùs pugnet: sed est mala soboles, à te ipso voluntariè propagata. Rectis vide oculis, & non erit concupiscētia. Non rapias aliena, & cessabit rapina. Memineris iudicij, & non erit scortatio, nec adulterium, neque homicidiū, neque vlla iniquitas apud te inualescet. Nam cùm Dei obliuisceris, tunc demùm cogitas peruersa, & iniqua perficis. Neque verò tu solus es dux istius rei; verùm est etiam alius quidam: ille & incitat, sed non vi superat reluctantem. Quare dicit Ecclesiastes: Si spiritus dominantis ascenderit in te, locum tamen non deferas: si ostium occluseris, minimè tibi nocebit. Si verò neglectè susceperis concupiscentiæ incitationem, per ratiocinationes, radices in te figet, & mentem tuam ligabit, & te detrahet in foueam malorum. Sed fortè dices: Fidelis sum, non me apprehendet concupiscentia, etiamsi aliquid concupiuerò obscurius. An ignoras quòd etiam in petra quandoque radix agitur, & sæpè manet? Ne suscipias semen, quoniam perdet tuam fidem: priusquàm floreat, radicitus erue malum: ne si ab initio neglexeris, postea

Peccatū quid, & vnde. et p. 1. d. 1.
effectus obliuionis dei.
Hierony- 16. uile.

C 2

nequic-

nequicquā incidas, & ignem magis excites. Lip-
 pitudinem inceptantem tempestiuè cura, ne cū
 excacatus fueris, tum demū frustra medicum
 quæras.

*Princeps pec-
 cati diabolus.*

Princeps est peccati diabolus, & pater malo-
 rum. hoc autem Dominus dixit, non ego: quod
 ab initio diabolus peccat: nam ante illum pecca-
 uit nemo. Peccauit autem, non ex necessitudine
 naturæ vitium suscipiens, quò sic peccati occasio
 rursus in opificem retorqueatur: sed bonus

*Diabolus ex
 Archangelo.*

creatus, propria volūtate factus est Diabolus: ab
 actione capiens cognomen. Archangelus enim
 cū esset bonus, Diabolus postea, seu calumnia-
 tor, à calumniando dictus est: bonus cū esset
 Dei minister, satanæ deinceps nomen tulit. Sata-
 nas autem aduersarium significat. Non mea sunt
 hæc dogmata, sed Ezechielis spiritiferi prophete.
 Ille enim deplorans istum, dicit. Tu signaculum
 similitudinis Dei, & corona pulcherrima in pa-
 radiso Dei factus. Et paucis interiectis: Factus
 es immaculatus tu in diebus tuis, quibus tu crea-
 tus es, vsquequo inuentæ sunt iniquitates in te:
 omninò pulcher reperiēbaris. Neque enim ex-
 terius congestum est, sed ipse genuisti malum, &
 causam mali. Deinde dixit: Eleuatum est cor
 tuum super pulchritudinem tuam. Propter mul-
 titudinem peccatorum vulneratus es, in terram
 proiecit te. Et Christus in Euangelis similiter:
 Vidi; inquit, Satanam tanquā fulgur cadē-
 tem de cælo. Cernis veteris Testamenti cum
 nouo consonantiam. Iste cadens traxit ad rui-

nam

nam multos, iste obsequentibus sibi, suggerit concupiscentias : ex hoc scortatio & adulterium, ac omne denique genus mali. Per hunc pater noster Adam pulsus est, & pro paradiso, admirando quodam modo sponte sua fructus ferente, terram spiniferam accepit.

Quid igitur (dixerit aliquis) decepti perimus: nunquid * non est deinceps salus? cecidimus, an non licet resurgere? excæcati sumus, ergo non licet prospicere? claudi sumus effecti, licebit ne incedere? In summa, mortui sumus; num fieri potest ut resurgamus? Qui Lazarum quatrduanum excitauit, o homo, nonne te uiuentem multò faciliùs suscitauerit? Qui pretiosum sanguinem suum effudit pro nobis, ipse nos à peccato liberabit. Non desperemus in ipso fratres: non abiiciamus nos ipsos in statum desperationis. Graue enim scelus, non credere spem pœnitentiæ. Qui non expectat salutem, temerè accumulât peccata: at qui sperat medicinam, deinceps sibi temperat. Latro enim, qui non sperat condonationem, deuenit in contumaciam, qui verò sperat remissionem, persæpè pœnitentiam suscipit. Si potest serpens deponere senectutem, cur nos peccatū non deponamus? Ac terra quodque spinosa, cū fuerit bene exulta, in frugiferam transmutatur: nostra autem non restaurabitur salus? Natura itaque est capax salutis, sed requiritur deinceps voluntas. Benignus est Deus, & non parum benignus. Non ergo dixeris, scortationem & adulterium commisi, grauiâ patraui-

* Nunquid est salus, an licet resurgere.

Voluntas in salutis reparatione requiritur.

scelera, idque non semel, sed frequentissimè,
 nunquid condonabit? nūquid obliuiscetur? Au-
 di quid dicat psalter: Quam magna multitudo
 bonitatis tuæ Domine. Non vincunt tua peccata
 multitudinem miserationum Dei: non superant
 vulnera tua summi illius medici experientiam,
 fidelem modò teipsum præbeas. Edissere medi-
 co affectionem tuam, dicens cum Dauid: Dixi,
 confitebor aduersum me iniquitatem meam Do-
 mino, & fiet id quod proximè sequitur. Et ipse
 remisit impietatem cordis mei. Vis agnoscere hu-
 manitatem Dei, tu qui recens ad catechesim ac-
 cessisti? vis, inquam, perspicere Dei benignita-
 tem, & longanimitatis illius multitudinem?
 Audi de Adamo. Non paruit Adam protopla-
 stus Deo: nunquid non potuit statim in illum
 mortem inducere? Sed vide quid agat benig-
 nissimus Dominus: Eiicit ipsum ex paradiso: ne-
 que enim erat dignus illo loco propter pecca-
 tum. Constituit autem illum è regione paradisi,
 ut videat vnde exciderit, & à quibus, in quæ de-
 lapsus sit, deincepsque per pœnitētiā saluetur.
 Cain primogenitus homo fratricida factus, &
 inuentor malorū, & princeps cædium, primus-
 que inuidus. Sed posteaquàm è medio sustulit
 fratrem, quomodo condemnatur? Gemens &
 tremens eris super terram. Etiam hîc post pecca-
 tum est dilatio mûltæ.
 Hac igitur vera est benignitas Dei, sed adhuc
 parua, respectu eorum, quæ sequuntur. Cogita
 enim quæ tempore Noë contigerint. Peccaue-
 runt

runt * Gigantes, & iniquitas in terra plurima homines.
 diffusa est, & propter hanc futurum erat dilu- *Gigantes tem*
 uium. Ac quingentesimo quidem anno commi- *pore Noë.*
 nationem protulerat Deus, sexcentesimo verò
 diluuium induxit. Cernis benignitatis Dei lati- *Diluuij mine*
 tudinem, in centum vsque annos protensam? *centum annis*
 Nunquid enim, quod post centum annos fecit, *præcesserunt.*
 statim facere non potuit? sed data opera distulit,
 concedens pœnitentiæ indulgentiam, ac si tunc
 egissent pœnitentiam, nequaquam Dei benigni-
 tate excidissent. Veniamus porrò ad alios, qui
 per pœnitentiam saluati sunt. Verum enimuerò
 & ex mulieribus, si fortè aliqua dicat; Scortatio-
 ne & adulterio polluta sum, scædani corpus meū
 omni genere luxuriæ, nunquid erit salus? Aspi-
 ce Raab ô mulier, & spera tu quoque salutem:
 nam si ea, quæ apertè publiceque scortata est,
 saluata est per pœnitentiam: nunquid quæ semel
 tantùm fornicata est ante gratiam, per pœniten-
 tiam & ieiunium non seruatur? Quomodò au-
 tem saluata est illa, perquire: hoc tantùm dixit,
 Quia Deus vester in cælo, & in terra Deus ve-
 ster. Suum enim dicere non audebat, eò quòd
 se impuram sentiebat. Quòd si scriptum habe- *not*
 re vis testimonium, illam esse saluatam, habes
 scriptum in psalmis: Memor ero Raab & Babilo-
 nis, * & postea cognoscent me. O magnam Dei *vel scientiū*
 benignitatem, etiam inhonestæ mulieris memi- *me.*
 nit, in peccatis, sed non simpliciter meminit, ve-
 rùm scientium me.

Est itaque & viris & mulieribus salus, quæ

per pœnitentiam conciliatur. Etiamſi vniuerſus
 populus peccet, non ſuperabit diuinam benigni-
 tatem. Vitulum populus fabricauerat, ſed non
 deſtitit Dominus Deus à benignitate: Negaue-
 runt Deum homines, ſed Deus ſeipſum non
 negauit. Iſti, inquiunt, ſunt dii tui Iſraël. Et ta-
 men pro more ſuo Deus ſeruabat illos. Neque
 populus tantum peccauit: verum etiam Aaron
 ſummus ſacerdos. Moyſes enim dicit: Et ſuper
 Aaron facta eſt ira Domini: & rogauit, inquit,
 pro ipſo, & condonauit illi. Tum verò Moyſes
 quidem ſupplicans, pro ſummo ſacerdote pec-
 cante, placauit Dominum. Ieſus autem vnigeni-
 tus, orans pro nobis non placabit Deum? Ac
 illum quidem propter crimen, non vetuit ad
 ſummum ſacerdotium peruenire: te verò ex
 gentibus venientem, ſalutem conſequi veta-
 bit? Pœnitentiam ergo agas ô homo, & non ar-
 cebitur à te gratia. Irreprehenſibilem deinceps
 tuæ vitæ diſpone modum: Benignus eſt Deus
 & verax, nec vllus poterit homo illius beni-
 gnitatem ſatis prædicare: imò etiamſi om-
 nes omnium hominum linguæ ſimul coacer-
 uarentur, ne ſic quidem partem aliquam be-
 nignitatis illius enarrare poſſent. Dicimus ſan-
 nè nos ex parte quadam, de illius erga homi-
 nes benignitate, ſed nescimus quanta ille, &
 angelis condonauerit. Indulget enim & illis:
 quandoquidem ipſe tantum vnus eſt, qui pec-
 care non poſſit, qui purgat peccata noſtra Ie-
 ſus. Ac de illis quidem ſufficiat: ſi verò plura
 velis

*Aaronis crimē
 ſacerdotiū eius
 non impedit.*

*Angelis etiam
 indulget Deus*

velis audire de nobis, & alios typos profere-
 mus. Accede ad beatum Dauid, & pœnitentia-
 tæ typum ab illo accipe. Deliquit vir ille ma-
 gnus, cùm post cubile pomeridianum in pa-
 latio deambularet: vidit obiter mulierem, &
 humanum quid pãssus est: deinde peccatum
 perfecit, sed non occubuit animi illius in con-
 fitendo peccato æquitas. Venit Nathan prophe-
 ta, celerimus redargutor, & vulneris medicus:
 Ira citur, inquit, Dominus, quoniam peccasti.
 Idiota seu plebeius arguit regem: verum Da-
 uid rex non indignabatur: non tam enim dicen-
 ti, quam mittenti attendebat. Non excæcabat il-
 lum circumstans militum agmen: intellexerat
 enim angelicum Domini exercitum, & tanquã
 videns inuisibilem perhorrescebat: ac respondit
 venienti, imò potius per illum mittenti: Pec-
 caui Domino. Cernis humilitatem regis? vides
 confessionem? Non enim erat conuictus ab ali-
 quo: non multi illius rei conscij fuerant. Cele-
 riter transegerat negotium, & propheta adest il-
 licò accusator, & delinquens facinus confitetur:
 quod cùm ingenuè fassus esset, celeriter perci-
 pit medicinam. Propheta enim Nathan qui com-
 minatus est, extemplò inquit: Dominus quoque
 transtulit peccatum tuum. Cernis velocissimam
 Dei benignissimi mutationem. Attamen dicit:
 Irritasti inimicos Domini, multos enim propter
 iustitiam hostes habebas, sed custodiebat te tem-
 perantia: traditis autem his armis, promptos ha-
 bebis, stantes aduersus te, & inimicos consur-

*Typus pœnitentia-
 e. Dauid.*

*Confessio
 Dauid.*

gentes contra te. Propterea igitur sic eum consolatus est: Beatus autem David, quamuis audierit Dominum transtulisse peccatum ipsius, non abstinuit tamen à pœnitentia: verùm loco purpuræ sacco utebatur, & loco aurei throni, in terra cinereque Rex sedebat: neque tantùm in cinere sedebat, verùm etiam cinere vescebatur: quemadmodum ipse dicit: Quòd cinerem tantùm panem manducabam, & poculum meum cum fletu miscebam. Vindicabat lachrymis concupiscentem oculum. Lauabo, inquit, per singulas noctes lectum meum, & lachrymis stratum meum rigabo. Cùm principes illum adhortarentur, vt manducaret panem: non patiebatur id sibi persuaderi, & in totum vsque septimum diem ieiunium producebat. Rex igitur sic confitebatur, & tu idiota seu priuatus, an non debes confiteri? Porro cùm Absolon aduersus illum arma cepit, quamuis multæ illi ad fugam viæ patèrent, per montes tamen oliuarum fugere maluit, fermè inuocans mente liberatorem illum, qui isthinc cælos erat ascensurus. Et cùm vehementer eundem Semei execrarentur, dixit, sinite illum: vt Deus respiceret humilitatem eius. Sciebat enim quod remittenti Deus remitteret.

Vides quòd pulchrum est confiteri? Cernis, quòd pœnitentibus datur salus? Et Salomon ceciderat: sed quid inquit? Postea ego pœnitentiam egi. Et Achaab Rex Samariæ, erat iniquissimus idololatra, excellenti improbitate, procul

*Satisfactio, seu
Pœnitentia
demisso peccato
60 David.*

Not.

Salomonis pœnitentia.

+

procul ab omni pietate, concupiscens agros & vineas alienas. Sed cum Naburthe per suam Iesabel occidisset, & Helias propheta veniens tantummodò illi comminatus esset, discidit vestimenta, & induit saccum. Quid autem dicit benignus Deus ad Heliam? Vidisti quomodò humiliatus est Achaab ante faciem meam? Quasi persuadens ira accenso prophetae, ut subueniret poenitenti. Non inducam malum in diebus eius. Et quamvis etiam post hanc indulgentiam iste non erat à sua improbitate cessaturus: remittens tamen Deus ignoscebat: non ignorans quid esset futurum, sed consentaneam poenitentiae praesentis concedens indulgentiam. Iusti enim iudicis est, de singulis factis aptè sententiam pronunciare. Rursus Hieroboam, cum stetit sacrificans idolis in ara, manus eius exaruit, quoniam iusserat arguentem se prophetam comprehendere: sed cum vim illius praesentis experientia didicisset, dicit, Supplica pro me Domino: & propter hoc verbum manus illius in integrum restituta est. Si Hieroboam sanavit propheta, te Christus non poterit solvens à peccatis liberare? Erat & Manasses sceleratissimus, qui Esaïam dissecuit, & in omni genere idololatriae volutabatur, innocentumque sanguine Hierosolymam replebat: sed captivus postea abductus Babilonem, malorum experientia adactus, poenitentiae usus est medicina. Dicit enim scriptura: quod humiliatus est Manasses coram Domino, & oravit,

*Ignoscit Deus
etiam denuò
peccaturis.*

uit, & exaudiuit eum Dominus: & reduxit illum in regnum eius. Si is, qui Prophetam dissecuerat, per pœnitentiam saluatur, tu verò qui nihil eiusmodi perpetrasti, non saluaberis? caue ne virtuti pœnitentiæ frustra diffidas.

*Cōfessionis vis
& pœnitentiæ*

Vis cognoscere quantam vim habeat pœnitentia? vis nosse hæc fortia salutis arma, & discere quàm multis præualeat cōfessio? Centum octoginta milia hostium Ezechias per confessionem in fugam verterat. Magnum quidem id reuerà: sed exiguum tamen respectu eorum, quæ dicenda sunt: Diuinam sententiam promulgatam, hic idem per pœnitentiā reuocauit. Ægrotanti enim illi, dixerat Esaias: Dispone domui tuæ, morieris enim tu, & non viues. Quæ deinceps expectatio, quæ spes salutis, Propheta dicente, quòd morieris? Sed non abstinuit tamen à pœnitentia Ezechias: recordatusque illius, quod scriptum est: Cùm conuersus ingemueris, tunc saluaberis. Conuersus ad parietem, & eleuans mentem à lecto ad cælum (neque enim spissitudo parietum, impedit orationes deuotas sursum emitti.) Memento, inquit, mei Domine: sufficit enim ad sanitatem mihi, si tu memineris mei: non tu subiaces temporibus, sed ipse es vitæ legislator. Neque enim secundum generationem, vel nexum, seu inclinationem astrorum, vt nonnulli fabulantur, sed tu ipse vti vis, vitæ mortisque potestatem habes. Itaque de cuius vita, ex sententia Prophetæ desperabatur, huic quindecim annorum interuallum vitæ adiectum est: in cuius rei signum,

signum, sol iter fecit reciprocum. Tum propter
 Eſechiam sol reuerſus eſt: propter Chriſtum ve-
 rò, ſol obſcuratus eſt: non retrocedens, ſed defi-
 ciens: atque per hoc vtriuſque differentiam &
 Eſechiæ, & Ieſu, demonſtrauit. Ac ille quidem
 potuit Dei ſoluere ſententiam: Ieſus autem non
 poterit remiſſionem peccatorum donare? Con-
 uertere, & de te ipſo ingemiſce, claude ianuam,
 & ſupplica, vt tibi remittatur, vt flammas te vren-
 tes auferat. Poterit enim confeſſio, etiam ignem
 extingui, poterit & leones cicurare. Quod ſi
 non credis, recogita quid acciderit iis, qui erant
 cum Anania, quales effuderunt fontes: quot va-
 ſa aquæ, quadraginta nouem vlnarum flammam
 extingui potuerunt: ſed vbi modicum ascen-
 dit flamma, illic fluuiolum effudit fides: & iſtic
 dixerunt pro remedio malorum: Iuſtus es Do-
 mine in omnibus, quæ feciſti nobis: peccauimus,
 iniquè egimus: Et pœnitentia diſſoluit flammas.
 Si non credis, quòd ignem gehennæ poteſt extin-
 guere pœnitentia, ex his quæ Ananiæ contige-
 runt, diſce. Sed dixerit aliquis ex his, qui celeri-
 ter omnia percipiunt. Illos Deus liberauit, tan-
 quàm iuſtos: nam quòd idololatriam commit-
 tere nolebāt, vim hanc illis tribuit. Sit ita planè:
 Veniamus deinceps ad alium pœnitentiæ typum.
 Quam opinionē habebis de Nabuchodonosoꝝ?
 Audiſtine ex ſcripturis, quòd ſanguinarius erat,
 & ferus homo leoninam quandā mentem habe-
 bat? Nōne audiuiſti illū oſſa ex ſepulchris Regū
 eieciſſe? populum captiuum abduxiſſe? Regis
 oculos

*Confeſſio ignē
 extinguit.*

*Cherubim
sculpta in
templo Salo-
monis.*

oculos excæcasse; cùm priùs videndos illi præbuit filios ante se iugulatos? Nónne audisti, quòd Cherubim contriuit? non illa dico Cherubim spiritalia; absit, ne quis hoc cogitet: sed ea, quæ fuerant sculpta. Sed & propiciatorium, in cuius medio vocem edebat Deus; & velum templi cõculcauit. Thuribulum accipiens ad idolorum delubrum transtulit: sustulit omnes oblationes: templum funditùs combussit. Quantis hic dignus erat pœnis? in tollendis Regibus, in sacris comburendis, captiuando populo, sacratis vasis in idolorum templa inferendis? Nunquid non millies mori meruerat? Vides scelerum magnitudinem? Conuertere deinde ad Dei clementiam. In bestiam transmutatus est, in solitudine degebat, flagellatus est, vt seruaretur. Leoninos habebat ungues, raptor enim sanctorum fuerat. Crines quoque leonum habebat: leo enim rapax erat & rugiens: fœnum tanquàm bos comedit. pecus enim fuit, nesciens quis regnum illi contulerat. Tinctum erat corpus eius rore, etenim præuidens à rore extinctum ignem, non credidit. Et quid factum est? Postea, inquit, ego Nabuchodonosor, oculos meos in cælum leuaui, & Altissimum deprecatus sum, & viuẽtem in æternum laudaui, & glorificaui. Cùm igitur agnouit Altissimum, vocesque gratias agentes ad Deum emisisset, & deuenit ad eorum, quæ patrauit, pœnitẽtiam, infirmitatemque suam agnouit: tunc restituit illi Deus regni honorẽ. Quid igitur? Nabuchodonosori, tantis obnoxio sceleribus,

*Confessio Na-
buchodonosoris*

ribus, quamprimùm confessus est, peccata remissit, regnumque restituit: tibi verò agenti pœnitentiam non remittet? neque regnum cæleste, si te pro dignitate gesseris, concedet? Benignus est Dominus, & velox ad indulgendum, tardus autem ad vindictam. Nemo itaque desperet de sua salute. Petrus princeps Apostolorum excellentissimus, coram ancilla ter negavit Dominum: sed ad se rediens, fleuit amarè. Fletus enim veram, seu ex corde, pœnitentiam designat. Atque ideò non solùm negationis illius accepit condonationem, verùm etiam dignitatem Apostolicam non ablatam retinuit. Habemus fratres multos peccantium typos, & pœnitentium, & promptè saluatorum. Et vos igitur confitemini Domino, ut antè patratorem remissionem accipiatis peccatorum, & cæleste regnum consequamini, donumque supercæleste hæreditetis, cum omnibus sanctis, in Christo Iesu: cui gloria in secula seculorum, Amen.

*Petrus primus
Apostolorum.*

CATE-

CATECHESIS TERTIA ILLV-
MINATORVM HIEROSOLYMIS EX-
temporanea de Baptismo. Et lectio ex Epistola
ad Romanos: An ignoratis, quòd quicumque in
Christum Iesum baptizati sumus, in mortem
eius baptizati sumus? Consepulti ergo ipsi per ba-
ptismum, &c.

AETENTVR cæli, & exultet terra,
propter eos, qui aspergentur hyssopo,
& mundabuntur: hyssopo spiritali, &
virtute illius, qui tempore passionis
hyssopo, & arundine potatus est. Ac cælestes
quidem virtutes gaudeant: animæ verò, quæ
cælesti sponso copulandæ sunt, præparètur: Vox
enim clamantis in deserto: parate viam Domini.
Res enim non parua est, neque vulgaris & teme-
raria coniunctio, sed spiritus omnia perscrutâti
secundùm fidem delectus. Nam mundana con-
nubia, non omninò cum iudicio fiunt, sed vbi
vel diuitiæ, vel pulchritudo, illuc statim sponsus
aspirat. Hic verò, non vbi corporis pulchritudo,
sed vbi irreprehensibilis conscientia: hîc non
mammonæ damnatæ diuitiæ, sed pietas animæ
quæritur. Credite itaque filij iustitiæ Ioanni ad-
hortanti & dicenti: Parate viam Domini, aufer-
te omnia impedimenta & scandala, vt rectè pro-
ficiscamini in vitam æternam: præparate animæ
sanctitatem puram, per fidem non simulatam, ad
Spiritus sancti susceptionem. Incipiat stolæ ve-
stras per pœnitentiã lauare, vt ad sponsi thalamũ
vocati,

*Connubium
spirituale.*

vocati, mundi reperiamini. Vocat omnes simpliciter, quoniam liberalis est gratia, & sonora voce præconum congregat omnes simpliciter; quoniam liberalis est gratia: ipse verò deinceps discernit eos, qui in typicas nuptias ingrediuntur. Absit ut aliquis ex his, qui nomina dederunt, & in album relati sunt, audiat: Amice, quomodo huc intraſti, non habens vestem nuptialem? Vtinam verò liceat nobis omnibus audire: Euge serue bone & fidelis, super pauca fuisti fidelis, supra multa te constituam, ingredi in gaudiū Domini tui. Haftenus enim foris stetisti. Vtinam autē & vos omnes dicere possitis: Introducet me Rex in tabernaculū suum, exultet anima mea in Domino: induit me veste salutis, & tunica lætitiæ: tanquā sponſo cirumposuit mihi * mitram, & ^{coronam.} tanquā sponſam ornauit me ornatu. Ut omnium vestrū anima sine macula & ruga, vel aliquo eiusmodi reperiatur. Non hoc dico, antequā gratiam consequamini: omnes enim ad remissionem peccatorū vocati estis; sed ut postquā data vobis fuerit gratia, irreprehensibilis conscientia reperiatur, & gratiæ congruat.

Magna profectò res est, fratres, magnaque cum attentione ad illam accedendum. Nam unusquisque vestrū assistet Deo coram multis angelorum myriadibus. Spiritus sanctus obſignabit animas vestras: deligēdi estis in militiam magno Regi. Itaque parate vos, & instructi estote. Non quod stolas vestium splendidas induatis: sed animæ bene cōſciam pietatem. Non tanquā aquæ

*Preparatio ad
baptismum.*

*In idolorū
delubris.*

*Aqua sancti
ficatur per in-
uocationem.*

simplici studeas huic lauacro, sed ut spiritali gra-
tia, quæ cum aqua datur. Nam, ut illa, quæ * in
aris offeruntur, cum natura sint pura, inuoca-
tione dæmonum impura efficiuntur. sic contrā
aqua simplex per sancti Spiritus, Christi & Pa-
tris inuocationem accepta virtute, sanctitatem
consequitur. Cum enim duplex sit homo, ex a-
nima & corpore compositus, duplex quoque pu-
rificatio: incorporea quidem, incorporeo: cor-
porea verò, corpori. Et aqua sanè mudat corpus,
spiritus autem signat animam, ut abluti in corpo-
re aqua munda, & repurgati in corde, accedamus
ad Deum. Qui itaque in aquam descensurus es,
non aquæ simplicitati mentem adhibe, sed Spi-
ritus sancti virtute salutē suscipe: nam sine vtrif-
que ad perfectionem deduci non poteris. Non
ego sum, qui dico, sed Dominus Iesus Christus,
ille qui eius rei potestatem habet: Nisi quis, in-
quit, renascatur desuper: Et addit, ex aqua &
spiritu, non poterit intrare in regnū Dei. Neque
si quis aqua baptizetur absque spiritu, perfectam
habet gratiam: neque si quis etiam benè compo-
sitis, probisque sit moribus, non recipiat autem
signaculum * per aquam, intrabit in regnum cæ-
lorum. Audax est hic sermo, sed non meus: Iesus
enim est, qui hanc tulit sententiam. Cuius rei ex
sacra scriptura accipe demonstrationem. Corne-
lius erat vir iustus, & angelorum visione dignus
habitus: cum tanquam columnam bellam in
cælo coram Deo suas orationes, & eleemosynas
constituisset; venit Petrus, & spiritus infusus est,
creden-

*sine baptismo
non est salus.*

** aquæ.*

credentibus, & locuti sunt linguis diuersis, & prophetabant: & tamen post hanc Spiritus gratiam, dicit scriptura: Præcepit illis Petrus, vt in nomine Iesu Christi baptizarentur, vt anima per fidem regenerata, & corpus per aquam susci- peret gratiam.

*Anima per
fidem, corpus
per aquam re-
generatur.*

Quod si quis scire desiderat, quare per aquam potius, quàm per aliquod aliud elementum gratia detur, sacras scripturas relegens, inueniet. Magnum enim quiddam est aqua, & ex qua- tuor mundi elementis apparentibus pulcherri- mum. Angelorum habitaculum est cælum: at- qui ex aquis sunt cæli. Terra est hominum lo- cus: atqui ex aquis etiam terra. Et ante omnem rerum creatarum sex illis diebus distinctionem, spiritus Domini ferebatur super aquas. Princi- pium mundi aqua: principium Euangelij Ior- danus. Liberatio Israël à Pharaone, per mare facta est: & liberatio à peccatis mundi, per lau- crum est aquæ in verbo Dei. Vbicunque fœdus aliquod inter Deum & homines, ibi & aqua. Post diluuium fœdus percussum est cum Noë; fœdus & cum Israël ex monte Sina: verum hæc non sine aqua, & lana rubea, & hysopo. Helias assumptus est, sed non sine aqua: prius enim transiit Iordanem, deinde in cælum raptus est: prius abluitur summus sacerdos factus. Quo- modò enim susciperetur pro aliis oraturus, qui nondum per aquam purificatus esset? Symbo- lum baptismi, erat labrum in tabernaculo po- situm. Veteris testamenti finis, & noui est prin-

*Gratia cur
per aquam
datur.*

cipium baptismus. Ioannes erat dux eius, quo
 maior inter natos mulierum nullus: qui finis erat
 prophetarum: omnes enim prophetae & lex us-
 que ad Ioannem. Et idem erat rerum euangeli-
 carum principium. Initium enim euangelij Iesu
 Christi, & quae sequuntur. Erat Ioannes bap-
 tizans baptismum. Etiam si Heliam Thesbytem di-
 xeris esse in caelum assumptum: attamen non est
 hic maior Ioanne. Enoch translatus est: sed non
 maior est tamen Ioanne. Moyses maximus legis-
 lator, & omnes prophetae, sed non maiores Io-
 anne. Non ego prophetas prophetis audeo
 comparare, sed ipse Dominus noster & illorum,
 Dominus Iesus pronunciauit: Maior inter na-
 tos mulierum Ioanne non surrexit. Non inter
 natos virginum, sed mulierum. Magni serui ad
 conseruos comparatio: filij vero ad seruos mi-
 nimè comparanda est gratia & excellentia. Vides
 quantum hominem huius gratiae ducem elegit,
 nihil omninò possidentem, solitudinis studio-
 sum, sed non inhumanum, locustas manducan-
 tem, & alas parantem animae, melle vescentem,
 & dulciora melle, vtiliora quae loquentem, veste
 de pilis camelorum indutum, & exercitationis
 typum in seipso monstrantem, qui etiam in vte-
 ro matris cum gestaretur, à Spiritu sancto san-
 ctificatus est. Erat quidem & Hieremias sancti-
 ficatus, sed non prophetauit in utero. Solus au-
 tem Ioannes in utero existens, exultauit in gau-
 dio, & corporeis oculis nihil videns, spiritu Do-
 minum cognouit. Cum enim magna sit gratia
 baptismi,

Dux baptismi
 qualis.

Monastica exer-
 citationis typus
 Ioannes mon-
 strat.

baptismi, magno quoque præsule egebat. Hic baptizabat in Iordane, & exibat ad illum omnis Hierosolyma; baptismique primitiis fruebatur: bonorum enim excellentia Hierosolymis.

Sed cognoscite, cognoscite vos Hierosolymitæ, quemadmodum illi, qui exhibant, baptizabantur ab illo, confitentes peccata sua. Primum ostendebant vulnera: deinde ille medicamenta apponebat, & credentes liberabat ab igne æterno. Ac si velis hoc tibi probari, quod baptismus Ioannis ab igne comminationis liberabat, audi ipsum dicentem: Genimina viperarum, quis monstravit vobis fugere à futura ira? Non igitur sis deinceps vipera, sed cum esses aliquando genimen illius, exue, inquit, primæ illius iniquæ vitæ personam. Quilibet enim serpens in angustum intrans, deponit senectutem, & vetustatem per extrusionem exuit, corporeque denuò toto renouatur. Sic & tu, intra per angustam portam & strictam, affligens teipsum per ieiunium, expelle tuam perditionem. Exue veterem hominem cum actionibus suis, & dic illud, quod est in Canticis: Expoliaui me tunica mea, quomodò induar illa? Cæterum, si quis est inter vos homo hypocrita, & ostentator, deuotionem quidem simulans, non ex corde autem credens, Simonis Magi habens hypocrisim, qui non vt gratiæ particeps sit, accedit, sed vt perscrutetur, anxieque speculetur, id quod datur. Audiat & ipse à Ioanne: Iam enim securis ad radicem arborum posita est: omnis

Confessio præcedebat baptismum.

Ioannis baptismus ab igne liberabat.

Cant. 6.

Hypocrisis excindenda.

Mat. 3.

igitur arbor, quæ non facit fructum bonum, excindetur, & in ignem mittetur. Inexorabilis est iudex, relinque hypocrisim.

*Pœnitentie
fructus.*

Quid igitur faciendum est, & qui sunt fructus pœnitentiæ? Qui habet duas tunicas, det nō habenti. Fide dignus est, qui docuit: quandoquidem primus ipse compleuit quod docuit. Non dubitauit dicere: neque enim, quæ linguam eius redargueret, habebat conscientiam. Qui habet escas, faciat similiter. Vis frui gratia Spiritus sancti, & cibus sensilibus pauperes non reficis? magna quæris, & parua nō expendis. Etiam si publicanus, etiam si scortator eras, spera salutē. Publicani, & meretrices præcedent vos in regnū Dei. Et testis Paul⁹ dicēs: Neque fornicatores, neque idolis seruientes, neque alij eiusmodi, &c. regnū Dei possidebunt. Et hæc aliquando fuistis, sed abluti estis, sed sanctificati estis. Nō dixit, quales estis, sed quales fuistis. Quod fit ex ignorantia peccatum, facilē condonatur; pertinax autē malitia condemnatur. Habes gloriationem baptismi, filium Dei vnigenitum: quid enim, quod ampliùs dicam de homine? Magnus Ioannes, sed quid is ad Dominum? magnifica vox clamantis; sed quid ad Dominum? clarissimus præco, sed quid ad Regem? bonus ille, qui in aqua baptizabat, sed quid ad illum qui baptizat in spiritu & igne? Spiritu sancto & igne Apostolos baptizauit Saluator, quando est de cælo factus repente sonus, tanquàm aduenientis spiritus vehemētis, & repleuit totam domum, ubi erant sedentes: Et

*Ioannes in
+ aqua, Christus
in Spiritu S.
& igne bapti-
zabat disci-
pulos.*

appa-

apparuerunt ipsis dispersitæ linguæ, tanquam *Baptismus*
 ignis, seditque supra singulos eorum, & repleti *fluminis.*
 sunt omnes Spiritu sancto. Si quis non baptiza-
 tur, salutem nō habet, præter solos martyres, qui *Martyres in*
 vel sine aqua regno cælesti potiuntur. Redimens *suo sanguine*
 enim terram Saluator, per crucem, & in latere *baptizantur.*
 vulneratus, sanguinem & aquam emisit: ut alij *~ Baptismus*
 quidem pacis tempore in aqua baptizarentur: alij *fluminis.*
 verò tempore persecutionis, in propriis sangui-
 nibus baptizentur. Quod verò etiam is rectè ba-
 ptismus vocetur, vidē Saluatoris testimonium,
 qui dicit: Potestis bibere calicem, quem ego bi- *Baptismus*
 bam, & baptismo, quo ego baptizor, baptizari? *sanguinis.*
 Ac martyres quidem confitentur, spectaculum
 facti mundo, & angelis, & hominibus. Tu verò
 paulò post confiteberis. Sed de his aliàs: non-
 dum enim est ea audiendi tempus.

Sanctificauit baptismum Iesus, cum ipse bapti-
 zatus est. Si filius Dei baptizatus est, quis pius
 potest baptismum cōtemnere? Baptizatus autē *Christus cur*
 est, non ut peccatorum acciperet remissionē: non *baptizatus.*
 poterat enim peccare: sed etiam si peccato non
 esset obnoxius, baptizatus est, ut diuinā gratiam
 & dignitatem exhiberet baptizandis. Quemad-
 modum enim pueri, participes facti sunt corpo-
 ris & sanguinis, sic & ipse particeps illorū factus,
 ut præsentia illius in corpore facti participes, di-
 uinæ quoque illius gratiæ communicent. Sic ba-
 ptizatus est Iesus, ut per eius participationē, nos
 deinceps vnā cum salute, honorem cōsequamur.
 Draco erat in aquis, ut ait Iob, qui ore capiebat

Iordanem . Cùm igitur conterenda essent capita draconis, descendens in aquas ligauit fortem, vt facultatem calcandi super serpentes & scorpiones accipiamus . Minimè parua fuit bellua, sed horrenda : Nauis piscatoria quæcunque corium vnum caudæ illius ferre non potuit . Imminebat ab illo perditio, contagione inficiens occurrentes . Succurrit deinde vita, vt mors quoque timeret, vt saluati omnes dicamus : Vbi est mors tua victoria, vbi inferne stimulus tuus ? Per baptismum enim soluitur mortis stimulus .

Descendis quidem in aquam ferens peccata, sed gratiæ inuocatio signans animam non permittit deinceps ab horrendo illo submergi dracone . Mortuus in peccatis descendisti, & ascendis viuificatus in iustitia . Si enim insitus factus es similitudini mortis Saluatoris, etiã resurrectione dignus efficieris . Quemadmodum enim Iesus mundi totius peccata recipiens, mortuus est, vt mortificato peccato restituat te iustitiæ : sic & tu descendens in aquam, & quodam modo consepultus illi, sicut ille in petra, exciteris, rursus in nouitate vitæ ambulans : deinde cùm tibi gratia confertur, tunc rursus tibi aduersus contrarias virtutes dat potestatem . Quemadmodum enim ille post baptismum & quadraginta dies tentatus est : non quod & antea non posset vincere, sed quod ordine omnia & successiuè facere volebat . Sic & tu ante baptismum aduersariis reluctari non audebas . Accepta verò gratia, deinceps confidēs armis iustitiæ, decertato, & si vis etiam, euan-

Baptismum sequitur pugna.

euangeliza. Iesus Christus Dei filius erat: attamen ante baptismum non euangelizabat. Si Dominus ipse secundum ordinem tempus quærebat, nunquid nos serui audere aliquid præter ordinem debemus? Ab eo tempore cœpit Iesus prædicare, cum descendit in illum Spiritus sanctus corporaliter in specie columbæ. Non ut tunc primum Iesus videret: videbat enim etiã antequam corporaliter in eum veniret; sed ut Ioannes baptizãs illum cerneret. Ego enim, inquit, non noui illũ: sed qui misit me baptizare, ille mihi dixit, Super quem videris Spiritum descẽdere, & manere in illo, ille est. Si & tu non simulatam habueris religionem, descendet in te Spiritus sanctus. Vox tibi paterna desuper intonat. Non hic est filius meus: sed quod nunc factus est filius meus: in illo enim est ipsum esse. Quoniam in principio erat verbum, & verbũ erat apud Deũ, & Deus erat verbum. In illo est esse: quãdoquidem est filius Dei. In te verò nunc factũ est, quoniam non secundum naturam, sed iuxta alienam auctoritatem habes adoptionem. Ille sempiternus est: tu verò ex profectu accipis gratiam.

Ordo in omnibus seruandus.

Corporaliter descendit s. Spiritus in specie columbæ.

Præpara itaque vas animę tuę, ut sis filius Dei, & hæres quidem Dei, cohæres autem Christi. Præparaueris autem teipsum ita, ut id consequare, si ex fide accesseris, si deponere veterem hominem volueris. Omnia sanè quæcũque perpetraueris, condonabuntur, siue fornicatio, siue adulterium, siue quodcunque aliud eiusmodi genus peccati fuerit, quod nihilominus crucifi-

Præparatio ante adoptionem.

* Nam cum
accessissent
tria millia,
dixit Petrus
his qui cru-
cifixérât Do-
minū, cū di-
cerent: Quid
faciemus fra-
tres?

gentibus Christum non æquatur. Quod maius
esse potest scelus, quàm crucifigere Christum? &
huius tamen ablutio est baptisimus. * Nam illis
qui accedebant ad Dominum, & sciscitabantur
dicentes: Quid faciemus viri fratres? Magnum
enim hoc vulnus. Perculsisti nos Petre nostra
ruina, dicens: Ducem vitæ occidistis. Quod em-
plastrum dabitur tanto vlceri? Quæ salus in hac
perditione? Pœnitentiam, inquit, agite, & bap-
tizetur vnusquisque vestrū, in nomine Iesu
Christi Domini nostri, in remissionem peccato-
rum, & accipietis donum Spiritus sancti: O inef-
fabilem Dei benignitatem! Qui de salute despe-
rabant, donum Spiritus sancti accipiunt. Vides
baptismi virtutem. Si quis vestrū verbis blas-
phemis Christum crucifixit; si quis ex vobis per
ignorantiam coram hominibus negauit; si quis
per malefacta sua, vt dogma Christi malè audi-
ret, vel blasphemaretur, effecit, agendo pœniten-
tiam benè spera: adest enim & nunc eadē gratia.
Confide Ierusalem: abstulit enim Dominus ini-
quitates tuas: abluuit Dominus sordes filiorum
eius, & filiarum eius. In spiritu iudicij, & in spi-
ritu combustionis, sparget super vos aquā mun-
dam, & mundabimini ab omni peccato vestro.
Saltabūt circa vos angeli, & dicēt: Quæ est ista,
quæ ascēdit dealbata, & cōfirmata super patruelē
suo? Quæ enim antea fuerat serua anima, nunc
patruelem ipsum Dominum ascripsit. Qui non
simulato proposito acclamat: Ecce pulchra es,
ecce es pulchra propinqua mea. Dentes tui
sicut

sicut greges tonfarū. Idque fit propter bona conscientia factam confessionē, & reliqua. Vtræque permanētes; propter duplicem gratiam: dico autem eā, quæ ex aqua & spiritu perficitur, vel per illam quæ ex veteri & nouo Testamēto sibi mutuò respondet. Faxit Deus, vt vos omnes cursū ieiunij perficiātis, recordantes ea, quæ vobis dicta sunt, fructificātes in operibus bonis, & incontaminatē spiritali sponso assistētes, remissionē peccatorū cōsequamini à Deo. Cui gloria cū Filio & Spiritu sancto, in secula seculorū, Amen.

CATECHESIS QVARTA IL-

LUMINATORVM HIEROSOLYMIS

extemporanea de decem dogmatibus. Et lectio, ex epistola ad Colossenses: Cauete ne quis vos seducat per philosophiam & vanum erronem, secundum traditionem hominum, secundum elementa mundi: & quæ sequuntur.



LUMINATVR virtutem improbitas, & zizania contendit triticū videri, quod quidem specie quadam tritico assimilatur, gustu autem à sentientibus facile discernitur. Et Diabolus quoque trāsformatur in angelū lucis. Non quòd eò, vbi quondam erat, ascēderet: sed vt vitā angelis æqualē ducēs, homines cecitatis caligine & incredulitatis pestilentia corā irretiret. Multi lupi obambulant in vestimētis ouiuū, & vestes quidē ouiuū nanciscuntur, sed non & ungues aut dentes: ac pelle quidem mansueta induti, specie probitatis decipiūt.

Pernicio-

*& in ouibz in
piciendū.*

Perniciosum verò impietatis venenum, ex dentibus emittunt. Opus est igitur diuina gratia, & sobria mente, & vigilantibus oculis: ne zizaniis pro tritico vefcentes, imprudenter pereamus: ne'ue lupum existimantes esse ouem, capiamur: ne'ue perditorem nostrum diabolum, bonum esse angelum putantes, deglutiamur. Circuit enim tanquam Leo rugiens, quærens quem deuoret, vt scriptum est. Propterea nos Ecclesia admonet: propterea lectiones fiunt. Pietatis enim modus in his duobus consistit: in piorum dogmatum certitudine, & bonis operibus: ita vt neque dogmata sine bonis operibus accepta sint Deo: neque absque piis dogmatibus opera perfecta suscipit Deus. Quid enim prodest scire quidem diuina dogmata pulchrè, scortari verò turpiter? Quid rursus confert temperare sibi à malis, & blasphemare impiè? Maxima igitur est possessio, dogmatum scientia, sed opus est temperati anima: quoniam multi sunt, qui per philosophiam, & vanos errores decipiunt. Et Græci quidem per eloquentiam capiunt. Mel enim fluit de labiis mulieris fornicariæ. Qui verò ex circumcisione sunt per sacras scripturas, quas malè interpretantur, accedentes decipiunt, à puero sese exercentes vsque ad senium, & in inscitia consenescent. Hæreticorum autem filij per blandiloquentiam & facundiam seducunt corda hominum minimè malorum: qui grato Christi nomine, impiorum dogmatum venena occultant. De quibus omnibus simul dicit Dominus: Videte, ne quis vos in errorem

*Pietatis ratio
in duobus con-
sistit.*

*Scientia, posses-
sio maxima.*

*Hæretici quo-
modo seducant.*

rorem inducat. Atque ideò & fidei doctrina, & illius enarrationes heri solent. Sed ante fidei traditionem, operæpretium existimo nunc cōtinua repetitione atque summaria, necessaria dogmata comprehendere: ne multitudine dicendorum, & interuallo dierum totius sanctę quadragesimę obliuio eorum, quę diligēter mente tenenda essent, vobis inducatur. Summatim itaque nūc ea spargemus, vt deinceps cūm latiūs excolentur & explicabuntur, non eorum obliuiscamur. Tolerabunt autem eunī vsum, quicumque adsunt perfectiores, & sensus iam habēt exercitatos, ad bona malaque discernenda, cūm audient hanc paruulorum in Christo lacteam introductionem: vt simul hi qui egent instructione vtilitatem ex his capiant, & qui iam hæc antea norunt, refri-

*Lactea intro-
ductio.*

DE DEO.

PRIMUM igitur dogma de Deo in anima vestra funderetur: quòd Deus vnus est ingenitus, sine principio, immutabilis, nō alterabilis, neque ab alio factus: neque alium habens vitę successionem: nec in tēpore viuere incipiens, nec vnquam desiturus: Et quòd ipse est bonus & iustus. Vt si fortè aliquādo audias hæreticum dicentē, quòd alius sit iustus, alius verò bonus, statim eius recorderis, & agnoscas hereseos venenū. Ausi enim sunt nonnulli, impiè vnum Deum diuidere sermone, & aliqui dicebant, alium esse animæ opificem & dominum; alium verò corporū, absque ratione simul & absque pietate docentes. Quo-

modo

modò enim duorum Dominorum vnus homo seruus esset? cùm Dominus dicat in euangeliiis: Nemo potest duobus dominis seruire. Vnus igitur est Deus solus, & animarum & corporum creator. Vnus est opifex cæli & terræ, angelorū & archangelorum creator, qui multorū quidem est opifex, vnus verò tantum pater ante secula: vnus sanè solus vnigeniti sui filij, Domini nostri Iesu Christi, per quem etiam fecit omnia visibilia & inuisibilia. Hic pater Domini nostri Iesu Christi, non aliquo circumscribitur loco, neque minor est cælo: verum opera manuum eius sunt cæli, & vniuersa terra pugillo eius continetur. Hic in omnibus & extra omnia est. Non existimes illum solē minorem, vel illi æqualē esse. Qui enim solē creauit, ipsum oportet prius multo incomparabiliorem esse, longēque lucidiorē. Prouisor est omnium futurorū, & omnium potentissimus, sciens & faciens quicquid vult. Non subiectus rerum successionibus, neque generationibus, neque fortunæ, neque fato. In omnibus perfectus, & omnem virtutis ideam æqualiter possidens. Neque augmento, neque diminutioni obnoxius: sed per omnia semper eodem modo sese habet. Præparans pœnam peccatoribus, & iustis coronas. Cùm itaque aberrauerint quidam ab vno Deo, diuersimodè multi sentiebant. Ac alij quidem solem ponebāt, vt occidēte sole, noctis tēpore sine Deo essent: alij verò Lunam, vt in die Deum non haberēt. Alij verò res alias quæ sunt in mundo, alij artes, alij voluptates.

*Opifex omnium
vni.*

*Errores de
Deo.*

tes.

tes. Et alij quoque amore mulierū furētes, nudę mulieris idolū in sublimi statuētes, adorabāt, vt cupiditas illorū apparēret. Alij verò ob auri splendorem in stuporē redacti, hoc ipsum & cæteras materias deos finxerūt. Si itaque aliquis doctrinam hanc de monarchia Dei, in mente fixerit, & illi crediderit, omnem simul malorum, & idololatriæ, & hæreseōn errorem ac perniciem præciderit. Hoc itaque primum est dogma pietatis, in anima per fidem fundandum.

DE CHRISTO.

CREDE autē & in filiū Dei, vnū & solū Dominū nostrū Iesum Christū, Deū ex Deo genitū, *Consubstantialis
lis patri filius.* vitam ex vita genitā, ex lumine lumen genitum, *ὁμοούσιον* hoc est, consubstantialē per omnia generanti. Qui nō in tēporibus esse cōpit: sed ante secula sempiternus, incōprehensibiliter ex patre *Substantialis
institia Dei,
filius.* genitus. Sapientiā Dei, & virtutem & iustitiam substantialē. Qui in dextera patris ante omnia secula sedet. Neque enim, vt aliqui putabāt, post passionē coronatus, & tanquā a Deo propter patientiā accepisset a dextera thronū: sed ex quo est (est autem semper) habet regiam dignitatem: assidens patri, Deus existens & sapientia, sicut dictum est. Cum patre simul regnans, & omnium per patrem opifex, non deficiēs in deitatis dignitate, & cognoscens genitorem suum. Et vt summarim dicamus, illius quod in Euāgelio scriptū est meminero: Quod nemo cognoscit filium, nisi pater; neque patrē quis cognoscit, nisi filius. Neque ab alienis a patre filiū, neque cōmixtionem *faciens*

*Verbum subsi-
stens.*

faciens ὁμοῦς, filij patrisque confusionem quādam credas. Sed crede, quòd vnus Dei vnigenitus vnus est filius, ante omnia secula, Deus verbum, verbum non enuntiatiuè in aërem prolatum, neque verbis non subsistētibus assimilatum, sed verbum filius, rationabiliū effector. Verbum audiens patrem, & loquens ipse. Ac de his alio tempore, si Deus cōcesserit, latiùs vobis dicetur. Neque enim obliuiscemur, quòd proposuerimus, nunc tātū summarias fidei introductiones facere.

DE GENERATIONE EX VIRGINE.

*Christi natura
duplex.*

CREDE, quòd hic vnigenitus filius Dei, propter peccata nostra de cælo descendit in terram, & earundem affectionum cum nobis assumpsit humanitatem: & natus est ex MARIA virgine & Spiritu sancto. Non opinione, non phantasia, humanitatem assumpsit, sed in veritate: non tanquā per canalem transiens per virginem, sed verè incarnatus ex ipsa. Lacte nutritus verè, verèque comedens, sicut & nos. Si enim phantasma erat illa incarnatio, phantasma & salus. Duplex erat Christus: homo quidem id quòd apparebat, Deus verò quòd intelligebatur. Comedebat quidē vt homo verè, ita vt nos, similes enim nobis corporis affectiones habebat: vt Deus autem, quinque panibus aluit quinque milia. Mortuus est verè vt homo; vt Deus autem mortuum quadriduanum excitauit. Dormiuit in naui verè vt homo, & ambulauit super aquas vt Deus.

DE CRUCE.

Hic crucifixus est pro peccatis nostris verè, *Crucis lignum*
 ac si negare volueris, locus hic apparēs te arguit: *per orbem di-*
 beatus hic mons Golgotha: in quo nunc propter *uisum.*
eum qui crucifixus est in illo applaudimus, & li- *Not.*
gno crucis vniuersus terrarum orbis per partes
 repletus est. Crucifixus autem est, non pro suis
 peccatis, sed vt nos à peccatis liberaremur. Et
 cōtēnnebatur quidem tunc ab hominibus, ala-
 pisque percussus vt homo. Agnitus verò est à
 creatura, quòd Deus erat. Sol enim videns inho-
 noratum Dominum, tremens defecit, neque spe-
 ctaculum hoc potuit ferre.

DE SEPVLCHRO.

IN sepulchro lapideo, verè positus vt homo: *Petræ meta*
 sed petræ propter ipsum præ timore scissæ sunt. *scissæ.*
 Descendit ad inferos, vt & illinc iustos liberaret.
 Cur enim vellet, viuentes quidem frui gratia,
 quamuis plurimi ex his sancti non essent; qui *†*
 verò cum Adam à longo tempore cōclusi erant,
 deinceps nō potiri libertate? Isaias propheta tan-
 ta de illo prædicauit: Et non vis, vt Rex descen-
 dens liberet suum præconem? Dauid illic erat, &
 Samuel, & omnes prophete: ac ipse Ioannes, qui
 ad eum per suos nuncios dicebat, Tu es qui ven-
 turus es, an alium expectamus? Non vis vt des-
 cendens liberet tales? *†*

DE RESURRECTIONE.

Qui descenderat ad inferos, rursus ascendit.
 Et qui sepultus erat Iesus tertia die, verè surre-
 xit. Ac si te fortè exhibilent Iudæi, celeriter oc-
 E currens,

*Resurrectionis
testes.*

currens, sic eos interroga: Jonas tertia die de cælo exiuit. Et Christus triduanus nunquid ex terra excitatus non est? Ossa Elisei mortuum contactu excitauit: & factor hominum virtute patris, nunquid non multo facilius resur exit? Surrexit igitur verè, & à resurrectione apparuit rursus discipulis, & duodecim discipuli testes sunt eius resurrectionis, qui non verbis tantum testimonium perhibebant, sed vsque ad tormenta & mortē de veritate resurrectionis certabant. Cū autem in ore duorum vel trium testiu, stet omne verbum secundum scripturam: duodecim verò resurrectioni Christi testimonium præbentibus, an adhuc resurrectioni non planè credis?

DE ASCENSIONE.

Cū iam patientiæ cursum perfecisset Iesus, & homines à peccatis redemisset, ascendit rursus in cælos, nube ipsum suscipiente, & angeli quidem ascendenti assistebant; Apostoli verò aspiciebant. Quòd si his dictis non credis, crede ipsi virtuti eorum, quæ nunc videntur. Omnes reges cū moriuntur, vnà cum vita exuuntur omni potestate. Christus autem crucifixus nunc ab vniuerso orbe adoratur. Crucifixum nūc annunciamus, & tremunt dæmones. Multi quidem aliàs quoque crucifixi sunt, sed cuius alterius crucifixi inuocatio dæmones expulit. Non pudeat itaque nos crucis Christi. Quòd si aliquis id occultet, tu manifestè signa te cruce in fronte, vt dæmones signum regis videntes, tremantes procul fugiant. Fac autem hoc signum, & manducās & bibens,

bibens, & sedens, & stans & loquens, & ambulans: in summa in omni tuo negotio. Crucifixus enim hic, suprà nunc in cælis est. Si enim is crucifixus, & sepultus permanisset in sepulchro, esset quod nos puderet. Nūc verò, qui in hoc Golgota crucifixus est, ex eo qui est ad orientem, monte oliuarum ascendit in cælum. Hinc enim descendens in infernum, & rursus ad nos ascendens: à nobis deinceps illinc in cælum ascendit, patre ipsum aduocante, & dicēte: Sede à dextris meis, donec ponam inimicos tuos scabellum pedum tuorum.

*Crucis signum
ad omnia præmittendum.*

DE FUTURO IUDICIO.

Hic Iesus Christus, qui ascenderat, veniet rursus de cælis, non de terra, eò quòd multi Antichristi nunc de terra venturi sunt. Iam enim, ut videtur, cœperunt multi dicere: Ego sum Christus: & ventura quoque est abominatio desolationis, quæ sibi falsum nomen imponet. Tu verò non ampliùs verum Dei filium vnigenitum, non ampliùs de terra, sed de cælis vèturum expectes: super omnem coruscationem & splendorem luminis omnibus apparentem, & ab angelis stipatum: ut iudicet viuos & mortuos, & regnet in regno cælorum in sempiterna secula. Confirma fidem tuam & in hoc: sunt enim multi, qui dicunt, finem esse regni Christi.

*Cyriilli tēpore
multi iam
Christos se vocabant.*

DE SPIRITU SANCTO.

CREDE & in Spiritum sanctū, & rectam habes de illo sententiam. Multi enim sunt alieni à Spiritu sancto, qui nefanda de illo docent. Tu

*Spiritus san-
ctus animam
obsignat.*

*Spiritu sancto
indigēt angeli.*

*Mysteria fidei
nulla sine li-
teris.*

verò discere, vnum esse Spiritum sanctum, indiuisibilem, & multarum virtutum, multa operantem, ipsum verò non partibilem. Cognoscētem mysteria, & perscrutantē omnia, etiam profunda Dei. Qui in specie columbæ super Dominum Iesum Christum descendit: qui in lege & prophetis operabatur, & nunc tēpore baptismi animam tuam obsignat. Cuius sanctificatione vniuersa in intellectualis natura indiget. Quem si quis ausus fuerit blasphemare, non habet remissionē peccatorum, neque in hoc, neque in futuro seculo. Cui cum patre & filio equalis dignitas, & honor exhibetur. Quo indigent throni & dominationes, principatus & potestates. Vnus enim est Deus pater Christi, & vnus Dominus noster Iesus Christus, vnus Dei vnigenitus filius, & vnus Spiritus sanctus: qui omnes sanctificat; qui in lege & prophetis, in veteri nouoque Testamēto locutus est. Hoc signaculū vbique circūfer in mēte tua, quod nūc quidē summam & leuiter tibi tradidimus: deinceps verò, Deo volēte, ex sacrarū scripturarū demōstratione, singula, vt fieri poterit, comprobabimus. Necesse est enim de diuinis & sanctis fidei misteriis: neque sine sacris scripturis temerē quicquam tradere, nec simplici credulitate & verborū apparatu circumferri: neque mihi hæc dicenti simpliciter credas, nisi demonstrationem annuntiatorum ex sacris literis accipias. Salus enim ipsa fidei nostræ non ex commentitia disputatione, sed ex demonstratione diuinarum scripturarum est.

DE STATV HOMINIS.

POSTEA QVAM autem venerandam hanc & sanctissimam fidem cognoveris, deinceps nosce teipsum, quisnam es : quòd duplex homo sis constitutus, ex anima & corpore compositus: quòd etiam, sicut paulò antè dictum est, idem Deus & animę & corporis est opifex. Cognosce autem animam esse sui iuris, seu voluntatis liberę, opus Dei pulcherrimum, secundùm factoris imaginem immortale per eum, qui immortalitate illud donavit, animal rationale, incorruptibile per eum, qui gratiam illi contulit, potestatem habens facere quę velit. Neque enim ex generationis natura peccas: neque propter animam fornicaris: neque, vt nonnulli fingunt, astrorum inclinationes ad amplectendam impietatem te cogunt. Cur tua ipsius mala confiteri detrectas? cur innocuis astris culpam ascribis? Nō ergo deinceps attendas astrologis. de his enim sacra dicit scriptura: Stent & saluent te astrologi cęli, & terrę. Ecce omnes sicut stipula igne comburentur, & non liberabūt animam ipsorum de flamma. Discce autem & hoc, quòd priusquàm adesset in hoc mundo anima, nihil peccavit: sed venientes sine peccato, nunc ex nostro arbitrio peccamus. Ne quem audias differentem malè. Scis hoc dicere: Quod nolo, hoc facio: sed memineris etiam dicentis, Si volueritis & audieritis me, bona terrę comedetis. Et sicut exhibuistis membra vestra serua immunditię & iniquitati, & ad iniquitatem, ita & nunc exhibete membra vestra serua iustitię

Anima est liberi arbitrij.

Astrologis non attendendum.

Anime status.

in sanctificationem . Et memineris quoque scripturæ, quæ dicit, Et sicut putauerunt Deum non habere in cognitione . Et quod notum est Dei, manifestum est in ipsis . Et, quod oculis suis conuiebant . Et rursus, ubi Deus conqueritur & dicit: Ego plantaui te vineam fructiferam: quomodo versa es in amaritudinem, vinea aliena? Immortalis est anima . Omnes animæ tam virorum, quam mulierum pulchræ & similes sunt, sed membra tantum corporis discrimen faciunt . Non est aliquis ordo animarum, quæ ex natura peccet: nec est ullus ordo animarum, quæ ex natura iuste agat: sed utraq; hæc voluntate fiunt, quamnis vnius speciei, & similis sit in omnibus animabus substantia . Scio quidem, & quam multa dico, & quam longum iam tempus sit . Sed quid maiori studio suscipiendum est, quam salus? Non vis laborans sumere viaticum aduersus Hæreticos? Non vis cognoscere viæ diuerticula, ne ex ignorantia in præcipitium adducaris? Si magistri lucrum putant esse non paruum, te ista docere, tu qui discis, nunquid non debes suauiter suscipere dictorum multitudinem? Liberum arbitrium habet anima: & potest quidem Diabolus incitare, cogere autem præter voluntatē, omninò non potest . Subiicit tibi scortationis cogitationes, si vis probas; si nolis, improbas . Si enim ex necessitate scortareris; cuius gratia gehennam Deus parasset? Et si natura, & non voluntate iuste ageres, cur Deus coronas pararet? Mansuetum est animal ouis, neque tamen illa propter mansuetudinem

*Anime virorum
& mulierum
similes.*

*Liberum habet
anima arbitrium*

nem coronatur : quoniam illa mansuetudo non ex voluntate, sed à natura illi inest.

DE CORPORE.

COGNOVISTI dilecte hætenus, quantum sufficit de anima, accipe & de corpore, quantum fieri potest, reliquum sermonem . Non patiaris tibi à quoquam persuaderi, quod alienum sit à Deo corpus hoc . Qui enim alienum esse à Deo corpus credebāt, tanquam alieno quodam vase, in scortationē ipso facile abusi sunt. Quid autem damnabant in hoc admirādo corpore ? Quæ pulchritudo illi deest ? Quid non est in illius compositione artificiosum ? Nūquid non debebant splendidissimam oculorum constitutionem considerare ? Quomodò aures à latere positæ, citra vllum impedimentum auditum suscipiunt : Et quemadmodum olfactus quidem odores suscipit, & vim illorum discernendorū habet. Lingua verò quomodò duabus rebus seruit, & gustui & sermoni ? Quomodò pulmo in abstruso positus loco, incessabilem tamen habet aëris respirationem ? Quis assiduam cordis palpitationem condidit ? Quis venas, & totidem arterias disposuit ? Quis ossibus nervos, seu robur inseruit ? Quis partem quidem tibi in substantiam, partem verò in aptam egestionē discernit ? & membra verèda in conuenientibus occultauit locis ? Quis defecturam humanam naturam, per facilem cōmunionem, indeficientem constituit ? Non ergo corpus accuses . Si enim corpus est causa peccati, quare mortuum non peccat ? Appone arma

*Corpus non
alienū à Deo.*

*Corpus non est
causa peccati.*

dexteræ mortui, & cædes ab illo non fit. Ab eo qui nuper mortuus est, omnis pulchritudo iuuenilis recessit, & concupiscentia fornicationis non

Corpus instrumētū anime. fit. Cū ergo non peccat per se corpus, sed per illud anima peccat, instrumentum quoddam est

animæ corpus: & tanquā vestis & stola animæ.

Et si sub illa fornicatio fuerit perpetrata, immun-

da efficitur: si verò anima sancta inhabitet, tem-

plum fit Spiritus sancti. Non ego hæc dico, sed

Paulus Apostolus hæc dicebat: Nescitis quòd cor-

pora vestra templa sunt Spiritus sancti, qui in

vobis habitat? Parce itaque corpori, tanquā tem-

plo Spiritus sancti. Non fœdes in fornicationi-

bus carnem, ne polluas stolam pulcherrimam.

Quòd si polluisti, ablue per pœnitentiam: nunc

Virgines et heremite æquangelici. enim tempus est ablutionis. Ac præcipuè de tem-

perantia sermonem audito, secundum ordinem

solitariam vitam agentium, & virginum vitam

æqualem angelis ducentium. Magna vobis repo-

sita est, fratres, corona. Ne parua voluptate ven-

dati magnam dignitatē. Audite quid dicat Apo-

stolus: Est ne aliquis impurus, sicut Esau, qui pro

esca vendidit primogenita sua? Sed tu in libros

euangelicos inscriptus cū sis, propter insti-

tutum continentia; caue igitur, ne delearis pro-

pter scortationem. Neque rursus cū magnope-

rè studes temperantiæ, sis inflatus aduersus il-

los, qui occupati sunt nuptiis: nam & hi mundi

sunt. Honorabile enim coniugiū, & torus

immaculatus, dicit Apostolus, & tu qui id igno-

ideo,

ideò, quòd aurum possides, argentum reprobēs. Sed in bona spe consistant, & hi qui nuptiis legitimè vtuntur: non autem illis procaciter abutuntur, per intemperatiam. Qui norunt tempus continendi, vt vacent orationi: qui vnà cum vestimentis, munda ad conuentus Ecclesiæ adferunt corpora, qui studio liberorum, non studio voluptatis, ad nuptias accedunt. Et monogami quoque eos, qui ad secundas nuptias aspirant, non reprobrent. Bona est continentia, & admiranda, veruntamen per dispensationem fieri potest, vt quis secundam vxorem ducat: ne in errorem incidant impotentes. Bonum quidem esset illis, si permāserint sicut & ego, dicit Apostolus: si autem non continent, nubant: melius enim est nubere, quàm vri. Reliqua autē omnia procul exterminentur, fornicatio, adulterium, & omne genus impudicitiae. Custodi corpus Domino mundum, vt & Dominus respiciat corpus. Alis corpus cibis vt viuat, & sine impedimento ministret.

*Nuptiae sint
studio liberorū.*

DE CIBIS.

ET de cibis ista vobis sint dogmata: quandoquidē multi circa cibos quoque impingunt: alij enim idolothytis indifferenter accedunt, alij verò abstinent, sed iudicant tamen manducantes: & duplici modo circa cibos quorundam anima polluitur, qui ignorant debitas manducandi causas. Ieiunamus enim, à vino & à carnibus abstinentes: non quòd hæc tanquàm abominationes oderimus: sed quòd præmium expectamus, vt

*Ieiunium à vino
no & carnibus*

sensibilia despicientes, spiritali deinceps & intellectuali mensa fruamur: & nunc seminantes in lachrymis, in futuro seculo in exultatione metamus. Non igitur contemnas eos, qui manducant, & propter corporum infirmitatem cibos sumunt: neque vituperes, qui modico vino utuntur propter stomachum, & crebras infirmitates. Ac neque ipsos condemnes tanquam peccatores, neque tanquam abominabiles oderis carnes. Sciebat enim quosdam tales futuros Apostolus, dicens: Prohibentes nubere, & vesci cibis, quos Deus creauit in usum credentibus, & cum gratiarum actione sumentibus. Abstinens igitur ab his, non tanquam ab abominabilibus abstine: alioquin præmium non habes: sed bona contemne, propter ea, quæ proposita sunt spiritalia meliora. Confirma certò animam tuam, ne quid manduces, quod idolis est oblatum. De cibis enim, non modò mihi nunc, verum etiam Apostolis, & ipsi Iacobo, huius ecclesiæ Episcopo, studium fuit. Et scripserat Apostoli, & presbyteri ad omnes gentes catholicam Epistolam: Præcipientes abstinere ab idolothyris, tum verò à sanguine, & suffocato, & fornicatione. Multi enim feri homines, & more canum viuentes, sanguinem quidem scruissimarum belluarum in modum lambebant: suffocata verò crudeliter vorabant. Tu verò Christi seruus, cum manducas, cum modestia quadam manduca. Ac de cibis hæc sufficiant.

A sanguine & suffocato abstinebatur.

DE VESTITV.

AMICTV simplici vtare : non ad ornamento-
 tum, sed ad necessitatem : non, vt molliciei stu-
 deas, sed vt hyeme calefias, & corporis ignomi-
 niam contegas : neque tamen prætextu isto te-
 gendæ turpitudinis, superfluis vestibus, in aliam
 turpitudinem incidas.

*Amictus salu-
 tem ad necessita-
 tatem.*

DE RESVRRECTIONE.

MODESTE, vt tractes corpus, hoc te moneo,
 & cognosce, quòd cum corpore resurges ad iu-
 dicium. Quòd si quæ infidelis cogitatio tibi in
 mentem veniat, tanquàm ea res fieri non possit,
 ex his quæ in te sunt, perspice ea, quæ non appa-
 rent. Tu ipse enim dic mihi, vbi ante centum &
 amplius annos fueras? recogita ex quanta exigui-
 tate, & vilissima substãtia, in tantam staturæ ma-
 gnitudinem, & tantam pulchritudinis dignita-
 tem euectus es. Tum verò, qui potuit id, quod
 non erat, vt aliquid esset, producere id quod iam
 est, cùm ceciderit, restituere iterum non poterit?
 Qui frumentũ propter nos seminatum, quotan-
 nis mortificatum excitat, nũquid nos ipsos, pro-
 pter quos & ipse surrexit, difficile suscitabit? Cer-
 nis quomodò arbores tot mensibus sine fructu
 & foliis sunt, sed hyeme prætereunte, rursus tan-
 quàm ex mortuis reuiuiscunt? Et non multò fa-
 ciliùs nos reuiuiscemus? Virga Moyse, in dispa-
 ratam serpentis naturam, voluntate Dei mutata
 est : & homo cadens, rursus in seipsum non re-
 stituetur? Non attendas ergo his, qui negant cor-
 pus hoc resurrecturum, Nam quod resurget,
 etiam

*Resurrectio
qualis.*

etiam Esaias testatur. Excitabuntur, inquit, mortui, & resurgent, qui sunt in monumentis, & multi qui in puluere terræ dormiunt. Suscitabuntur, vt inquit Daniel, hi quidem in vitam æternam, hi verò in ignominiam æternam. Omnes quidem homines resurgent, sed nō omnium similis erit resurrectio. Omnes enim æterna accipiemus corpora, sed non omnes similia. Nam iusti, accipient, vt in æternum cum angelis lætentur: peccatores autem, vt in æternum pœnas peccatorum luant. Quamobrem prospiciens nobis benignitatis Dominus, lauacri pœnitentiam dedit, vt multitudinem peccatorū, imò onus vniuersum abiicientes, & sancti Spiritus recipientes signaculum, regni cælestis hæredes efficiamur. Sed cū de lauacro satis paulò antè dixerimus, ad reliquas Isagogicas doctrinas deinde pergamus.

DE SACRA SCRIPTURA.

HÆC docent nos diuinæ scripturæ, tam veteris, quàm noui Testamenti, quòd vnus est amborum testamentorum Deus: qui Christum in nouo apparentem, in veteri prænuntiauerat: qui per legem & prophetas, vt per pædagogos, in Christum ducebat. Antequàm enim fides venisset, sub lege custodiebamur: & lex pædagogus noster erat in Christo. Ac si quando hæreticorum audiueris aliquem blasphemantem legem & prophetas: Responde illi salutaria verba, dicens: Non venit Christus legem soluere, sed adimplere. Et diligenter ab Ecclesia disce, qui sunt veteris, & qui noui testamenti libri, & nihil
apo-

apocryphum legas : cùm enim ne ista quidem, quæ omnes confitentur, scias, quid in dubiis discere laboras ? Lege sacras scripturas (nempe viginti duos veteris testamenti libros) quæ à septuaginta duobus interpretibus translata sunt. Alexandro enim Macedonorum rege defuncto, & regno eius in quatuor principatus diuiso ; in Babyloniam, Macedoniam, Asiam, & Ægyptum : vnus ex his , qui in Ægypto regnabant , Ptolomæus Philadelphus, cùm esset literarum studiosissimus Rex, & vndiquaque libros congregaret, à Demetrio Phalereo, bibliothecæ præfecto, de legis & prophetarum diuinis libris audiens : & longè melius esse iudicans, non coactè à nolentibus libros consequi : sed donis placare homines, & amicitiam eorum sibi conciliare, quò posset optatis potiri. Eò quòd intelligeret, id quod coactè fit, & non voluntariè datur, dolo persæpè non carere : quod verò spontè & liberè exhibetur, omni cum veritate donatur. Eleazaro tum apud Iudæos summo sacerdoti, plurima dona misit in templum, quod hîc extat Hierosolymorum : & sex viros secundùm duodecim tribus Israël, ad se interpretes mitti postulauit. Et vt diuinæ legis esse hos libros experientia disceret, & ne ij qui fuerant ad illum missi, mutuò conspirarent, prospiciens in insula Pharo, quæ est prope Alexandriam, singulis interpretibus singulas domos distribuit, & vnicuique, vt separatim omnes scripturas interpretarentur, mandauit. Qui cùm in septuaginta duobus diebus negotium id

*Apocrypha
non legenda.*

*Sex viri ex
singulis tribu-
bus veteris
Testa. 72. in-
terpretes erant.
Septuaginta
interpretes 72
diebus opus
suum fecerunt,
singuli separa-
tim.*

perfe-

perfecissent, simul omnium interpretationes, ex diuersis domibus prodeuntes protulerunt. Collatis autem simul non solum in sensibus: verum etiam in verbis consonas inuenit. Non facundia & apparatu sophismatum humanarum factum id fuerat: sed ex Spiritu sancto, diuinarum scripturarum interpretatio perfecta est. Istorum igitur hos viginti libros lege, cum apocryphis verò nihil habeas negotij: has tantum studiosè meditare scripturas, quas in Ecclesia confidenter legimus. Multò prudentiores te, & religiosiores fuerant Apostoli, & primi Episcopi, veritatis duces, qui nobis eas tradiderunt. Tu itaque cum sis filius Ecclesiæ, non transgrediaris illius terminos.

DE LIBRIS.

Libri veteris testamenti.

Ac veteris quidem testamenti, vt dictum est, viginti duos meditare libros, quos, si ita cupis, poteris ex me nominatim audire. Legis quidem sunt, primi quinque libri Moyse, Genesis, Exodus, Leuiticus, Numeri, Deuteronomion. Deinde verò Iesus Naue, & liber Iudicum cū Ruth septimus. Reliquorum verò historicorum librorum, primus & secundus Regum, vnus est apud Hebræos liber: vnus etiam, qui nunc dicitur, tertius & quartus, similiter quoque & Paralipomenon primus & secundus, apud illos vnus est. Et Esdræ primus & secundus, pro vno reputatur. Duodecimus liber est Esther. Et hæc sunt historica. Carmine verò scripta sunt quinque, Iob, & liber Psalmorum, & Prouerbia, & Ecclesiastes,

Carmine scripti libri qui sunt.

fiastes, & Cantica canticorum, septimus & decimus liber. Postea prophetici libri quinque. Prophetarum vnus liber, & Esaiæ, & Hieremia, cum Baruch, & Trenis, & epistola deinde Iesekiel, & Daniel: viginti duo libri veteris testamenti.

Noui autem testamēti, quatuor tantum Evangelia: reliqua autem falsò inscripta, & pernicio-
sa sunt. Scripserunt enim Manichæi secundum Thomam Euangelium: quod Euangelico nomine coloratum, animas simplicium corrumpit. Suscipe autem & Actus duodecim Apostolorum. Adhæc, septem Iacobi, Petri, & Ioannis & Iudæ epistolas catholicas. Ob signationem verò omnium discipulorum vltimam, Pauli quatuordecim epistolas. Reliqua autem omnia in altero loco repone: & quotquot in Ecclesiis leguntur. Quæ autem in Ecclesiis non leguntur, eas neque tu legas. De quibus ista sufficiant. Fuge autem omnem diabolicam operationem, & ne parti-
ris tibi quicquam persuaderi à Dracone apostata: qui ex bona substantia spontaneam habuit mutationem: qui persuadere quidem potest volentibus, cogere autem non potest. Tum verò neque astrologis, neque auguriis, neque diuinationibus vllis mentē adhibeas: neque fabulosis idolorū oraculis. Veneficiū autem, incantationem, & necromantię scelera, ne ad aures quidem admitte. Procul sis ab omni genere intemperantiæ: neque gulosorum, neque luxuriosorum, nec maxime auarorum congregationibus accede:
neque

Thome Euangelium.

Astrologia & diuinitio vitanda.


neque iis qui ethnica speculantur, neque vllis conuentibus eiusmodi, quibus aliquando vacabas. Auerferis & tabernariorum vilitatem. Ab omni sabbatorum obseruatione abstine, neque commune aliquid in cibis diuersis esse, aut imundum dixeris. Præcipuè autem omnia hæreticorum conuenticula oderis. Et omninò animam tuam munias, & stabilias ieiuniis, orationibus, eleemosynis, & diuinorum eloquiorum lectionibus: vt cum temperantia & pia *doctrina, reliquo vitæ tuæ tempore, vnica lauacri salute perfruaris: atque sic conscriptus, à Deo & Patre omnium, in cælis potiare corona, in Christo Iesu Domino nostro: cum quo gloria Patri, cum sancto Spiritu in sæcula seculorum, Amen.

*Hæreticorum
conuenticula.*

*Ieiuniis & ele-
emosynis ani-
ma munitur.*

**Constitu-
tionibus
laudabili-
bus.*

CATECHESIS QVINTA ILLV-
MINATORVM HIEROSOLYMIS EX
*tempore dicta De Fide. Et lectio, ex epistola ad
Hebræos: Est autem fides sperandarum substan-
tiarum, argumentum non apparentium. In
hac enim testificati sunt seniores. &c.*

 VANTAM vobis dignitatem contu-
lerit Dominus, ab ordine catechu-
menorum ad fideles translatis, Pau-
lus Apostolus assistens, dicit: Fidelis
Deus, per quem vocati estis in participationem
filij eius. Deo, fidelis nomine, vocato, & tu hãc
eandem accipis appellationem, magnamque ac-
cipis dignitatem. Quemadmodum enim Deus
bonus & iustus vocatur, & omnipotens, &
opifex

opifex vniuerforum: sic & fidelis. Cogita ergo in quantam prouerheris dignitatem, cum diuinæ eris futurus particeps appellationis. Hic igitur deinceps quærite, ut fidelis inter vos aliquis secundum conscientiam reperiatur. Virum enim fidelem inuenire, hoc opus, hic labor est. Nō ut demonstres mihi conscientiam: neque enim ab humano die iuducandus es: sed ut Deo synceritatem fidei ostēdas, qui scrutatur corda & renes, & cognoscit hominum cogitationes. Magnum quiddam est, vir fidelis, omniūque diuite ditior. Fidelis enim viri est, vniuersus mundus diuitiarum, qui possit contemnere ipsas, & conculcare. Nam qui ad apparentiam diuites sunt, multa que possident, in anima pauperes sunt. Quantō plura enim congregant, tantō magis eorū, quę desunt, concupiscentia tabescūt. Fidelis autem vir, quod est maximè paradoxon, in paupertate diues est. Sciens enim, quod tantum habere necesse est, quibus tegamur, & vescamur, & his contentus, spernit diuitias. Neque verò apud nos tantum, qui sic appellamur, magnum quid fides est: verum etiam omnia quæcunque in mundo geruntur, & quæ ab his, qui sunt extra ecclesiam peraguntur, in fide consistunt. Fide sunt leges nuptiales, quæ diuersos in idem copulant, & homo alienus, per eam, quæ est in contractibus sponsalitiis, fidem, corporum & pecuniarum particeps efficitur. Fide etiam consistit agricultura: nisi enim crederet vsumfructum sese percepturum, non sustineret eos labores. Fideles & hi, qui na-

Fidelis, cognomen est Dei.

Diuites sunt pauperes in anima.

Fide omnia in mundo consistunt

uigant in mari, exiguo enim ligno credentes, instabilem fluctuū agitationem, sæuissimi elementi, pro terra commutant, & incertæ spei sese exponunt, & omni ancora tutiorem circumferunt fidem. Per fidem itaque plæraque omnia consistunt humana negotia, idque non tantum apud nos sic creditur, verum etiam apud eos, ut dictum est, qui sunt extrà. Quamuis enim non recipiant scripturas: sed suas quasdam proferant ordinationes, fide etiam illa recipiuntur. Ad fidem veram nos vocat, & hodierna lectio, viamque nobis preparat, quomodo oporteat & nos placere Deo. Quando enim accesserit homo ad seruiendum Deo, non credens illum futurum remuneratorem? Quomodo continebit puella, & iuuenis sibi temperabit, si non crediderit, immarcescibilem esse castitatis coronam?

*Castitatis in-
corrupte cor-
rona.*

*Fides intel-
lectu illuminat.*

Oculus omnem illuminans conscientiam est fides, & intelligentiam efficiens. Dicit enim Propheta: Nisi credideritis, non intelligetis. Obstruit fides ora leonum, sicut de Daniele scriptura dicit: quod extractus est Daniel ex fouea, & nulla læsio apparuit in illo, eò quod crederet Deo suo. Est ne quicquam Diabolo horribilius? sed aduersus hunc arma alia habemus nulla, nisi fidem. Scutum incorporeum, aduersus hostem inuisibilem. Emitterit enim varia tela, & configit in tenebris non vigilantes. Sed cum non apparet hostis, pallium habemus firmum, fidem, quemadmodum Apostolus dicit: In omnibus assumētes scutum fidei, in quo omnia tela inimici ignea extin-

Fides scutum.

extin-

extinguatis. Ignitum sæpè telum, turpis voluptatis concupiscentia, à diabolo emittitur, sed fides subiiciens menti iudicium, & refrigerans mentem, extinguit telum. Longus adeò est de fide sermo, vt dies illi proferendo nō suffecerit. Sufficiet autem nobis nunc ex antiquæ legis figuris solus Abraham, quandoquidē illius facti sumus filij per fidem. Ille non ex operibus tantum iustificatus est, verum etiam ex fide multa perfecta officia fecit. Sed neque prius amicus Dei vocatus est, quàm credidisset, & omne opus secundū fidem perfecisset. Reliquit parentes per fidem, deseruit patriam, & regionem, & domum per fidem. Quemadmodum igitur ille iustificatus est, & tu iustificeris. Emortuo quoque fuerat corpore ad filiorum procreationem, senex enim erat, & senem quoque habebat vxorem Saram, nec vlla spes procreationis liberorum illi reliqua fuerat: & tum Deus prolem illi futuram promisit, non deficiens tamen in fide Abraham: & cū emortuum iam corpus suum intelligeret, non corporis imbecillitati, sed promittentis potestati animum adiiciens, fidelemque credens eum, qui promiserat, emortuum illius corpus filium procreauit, præter omnium opinionem. Et deinceps cū iussus esset offerre filiū, quamuis iam audisset, In Isaac vocabitur tibi semen: offerebat filium suum vnigenitum Deo, credens, quòd à mortuis poterit excitare Deus. Colligans filium suum, & lignis imponens voluntate quidem immolauit: diuina autem bonitate filium

*Fides obsignat
iustitiam.*

*Fides, Abrahæ
nos facit filios.*

viuum recepit, agno ipsi loco filij oblato. Cùm
adeò fidelis esset, obsignatus est in iustitiam, &
circuncisionem recepit, signaculum illius fidei in
præputio, accipiens promissionem, quòd erit pa-
ter multarum gentium: quomodò igitur est pa-
ter multarum gentium Abraham, videamus. Iu-
deorum quidem esse illum secundum carnis suc-
cessionem patrem, certum est: sed si carnem tan-
tùm spectemus, falsum sit necesse est diuinum
oraculum. Neque enim nostrum omnium est
pater, secundum carnem, sed figura illius fidei,
omnes vos Abrahæ filios facit. Quemadmodum
incredibile est apud homines à mortuis resurge-
re aliquem, sic etiam credibile non est, ex se-
nibus mortificatis, filios procreari: sed Christo
annunciato, quòd in ligno crucifixus esset &
mortuus, & quòd resurrexisset, nos credimus.
Similitudine igitur fidei, deuenimus in adoptio-
nem Abraham: & tunc per fidem, similiter vt
ille, accepimus spiritale signaculum, Spiritu san-
cto; per lauacrum baptismi, circuncisi, non cor-
poris præputium, sed cordis, secundum Iere-
miam dicentem: Et circuncidatis præputium
cordis vestri Deo. Sicut & Apostolus: In circun-
cisione, inquit, Christi consepulti ipsi in baptis-
mate: Et quæ sequuntur.

*Fides, ex grani-
lene facit.*

Hanc fidem si custodierimus, irreprehensibi-
les erimus; omniq̃ue genere virtutũ ornabimur:
adeò enim potens est fides, vt eos etiam, qui su-
per mari ambulabant, leues efficere potuerit.
Homo erat similiter Petrus, ex sanguine & carne
compo-

compositus, & ex similibus cibis nutritus, sed dicente Iesu, veni, credēs ambulauit super aquis, omni fundamento firmiorem super aquis habēs fidem, & grauitatē corporis, leuitate fidei attollebat. Sed quandiu quidem credebat, super aqua tutum habuit gressum: cū autem dubitauit, tum submergi cœpit. Vacillante enim aliqua ex parte fide, subsidebat simul & corpus: & cōsciū huius affectionis eius, ille qui affectus animæ corrigit Iesus, dixit: Modicæ fidei, vt quid dubitasti? Et rursus confortatus, ab eo qui manū eius apprehendebat, ex quo rursus credidit manu ductus à Domino, illum eundem super aquis gressum recepit. Huius enim nuper meminit Euāgelium, dicēs: Quòd ascendentibus ipsis in nauim. Non enim dixit, quòd posteaquàm trāsmisisset, Petrus ascendit nauim: sed per hoc innuit, quòd quantum spacium confecit ad Iesum eundo, tantundem reuertens, ascendit rursus in nauim.

Tantam autem habet virtutem fides, vt nō solum ille qui credit saluetur, verū etiam aliis credentibus, alij seruentur. Non erat fidelis paralyticus ille in Capernaum: sed qui ferebant illum, & per tectū funibus demittebant, illi credebant. Compatitur enim corpori ægroti & anima. Et ne putes me illum accusare, Euāgeliū ipsum dixit: Videns autem Iesus fidem, non illius, sed fidem illorum, dixit paralytico, surge. Illi qui ferebant, credebant, & paralyticus potitus est fanitate. Et vīs certiūs videre, quòd aliis credentibus alij seruētur: Mortuus est Lazarus, præterit

*Fides qua pro
alio creditur,
utilis est illi
ad salutem.*

*Credente alio
alium seruatur.*

vna, altera, & tertia dies, dissoluti sunt nerui illius: & putredo corpus illius occupauit. Quomodo potuit credere mortuus quatruiduanus, & pro seipso orare redemptorem? Sed quod defuit mortuo, hoc per germanas sorores completum est. Veniente enim Domino, procidit soror, & dicēti, vbi posuistis eum, respondit illa: Domine iam fœtet, quatruiduanus enim est. Dicit Dominus: Si credideris, videbis gloriam Dei. Quasi diceret: Quod tu debes huic mortuo reliquum fidei replere. Et tantum potuit illa sororū fides, vt mortuus à porta inferni reuocaretur. Si alij pro aliis credendo, potuerunt à mortuis suscitari, tu verò pro teipso sincere credens, nunquid non multò magis tibi commodabis? Quinetiam siue infidelis sis, siue fidelis, benignus est Dominus, clementer se offeret tibi pœnitenti. Tantum dic ipse quoque, Credo Domine, adiuua incredulitatem meam. Si autem fidelis esse videris, nondum tamen perfectionem fidei habes, opus est vt & tu cum Apostolis dicas: Domine adauge nobis fidem. Nam apud teipsum aliquid habes: ab illo verò permultum accipis. Nomen fidei vnū quidem est appellatione, dupliciter autem diuiditur. Est enim vnum genus fidei, quod habet dogmaticam de aliquo animæ ascensionem: & commodat animæ, sicut inquit Dominus: Qui verba mea audit, & credit ei, qui me misit, habet vitam æternam, & in iudicium nō veniet. Et, Qui credit, non iudicatur: sed translatus est à morte ad vitam. O magnam Dei clementiam! Iusti quidē

*Fides dogma-
tica.*

vix

vix per multos annos probati sunt : quod autem illi per longæ ætatis inuestigationem corrigentes affecuti sunt, hoc nunc Iesus vna hora nobis donat. Si enim credideris, quia Dominus est Iesus Christus, & quod Deus excitauit ipsum à mortuis, saluaberis, & transferreris in paradysum. Propterea & latronem eò introduxit, vt nō dubites, num id fieri possit. Qui enim latronem vna hora credentem in hoc sancto Gōlgatha tenuit, idem & te credentem seruabit.

Alterum autem genus fidei est, quod ex parte gratiæ à Domino donatur. Alij enim per spiritum datur sermo sapientiæ, alij sermo scientiæ, secundum eundem spiritum : alij verò fides in eodem spiritu, alij autem gratia curationum. Hæc igitur secundum gratiam donata fides ex spiritu, non modò est dogmatica, verum etiā super humanas vires effectiua. Qui enim habet hanc fidem, dicit monti huic, transi hinc illuc, & transiit. Quando namque per fidem dicit hoc aliquis credens quod fit, & non ambigit in corde suo, tunc accipit hanc gratiam. Et de hac fide dicitur : Si habueritis fidem sicut granum sinapis. Quod quidem minusculum est magnitudine, ardentius tamen vigore, & in exiguo loco seminatum, magnos continet ramos, tanquam quod & in alta augeri possit, & humilia cooperire. Sic & fides in anima, celerrimò actu, maxima perficit. De Deo enim speculatur, Deum intuetur : ita vt qui meretur fide illuminari, & mundi terminos circuit, & ante mūdi huius consummationē, iudiciū iam videt,

videt, & promissionum retributionem. Habens itaque fidem in illum, vt deinceps eam accipias ab illo, quę super humanas vires operatur. Fidem verò si didiceris, & promissionem possidebis: & obserua illam à sola Ecclesia tibi nunc traditam, & ex omni scriptura munitam. Cùm enim non omnes possint scripturas legere: & alios quidem inscitia, alios verò occupatio quãdam impedit à cognitione, ne ob inscitiam animam perdas, in paucis versibus vniuersam fidei doctrinam comprehendimus, quod in ipsa lectione meminisse vos volo, & apud vos ipsos studiosè recolere. Non in chartas inscribendo, sed in corde memoriam insculpando, & in meditatione custodiendo, necubi catechumenus ea, quę vobis tradita sunt, exaudiat: Habere autem hanc doctrinam tanquàm viaticum, omni tempore vitę, & præter hanc aliam non suscipere decet. Nec si nos ipsi mutati contrarium his, quę docemus nunc, astruamus: neque si angelus contrarius, in angelum lucis transmutatus, seducere te voluerit. Nam etiamsi angelus de cælis aliud euangelizauerit vobis, præter id, quod accepistis, anathema sit: Et vsque ad hanc quidem dictionem audiēs, memineris fidei. Excerpe autem tempore opportuno ex sacris scripturis, quę est insita illis, probationem. Non enim, vt videtur, ab hominibus compositę sunt res fidei, sed ex omni scriptura, quę sunt potissima, vnā replent fidei doctrinam. Et quemadmodum semen sinapis in paruo grano, multos cōtinet ramos: sic & fides in paucis

*Fides Ecclesie
sola seruanda.*

paucis verbis omnem tam veteris, quàm noui Testamenti pietatis cognitionem inuoluit.

Videte itaque fratres, vt seruetis traditiones, *Traditiones suas seruare iubet.* quas nunc accepistis; & in latitudine cordis eas describite, & cum pietate illas custodiatis. Ne quando vacillantes aliquos inimicus dissoluat, ne quis hæreticus ex his quæ tradita sunt aliquid euertat. Fides quidem est, proicere argentum super mensam: Deus autem à vobis reposcet depositos sermones. Contestor, vt inquit Paulus, in conspectu Dei viuificantis omnia, & Christi Iesu, qui professus est sub Pontio Pilato, bonam confessionem: vt hanc traditam vobis custodiatis fidem intemeratam, vsque ad aduentum Domini nostri Iesu Christi. Thesaurus vitæ nunc tibi traditus est: quem posteaquàm apparuerit Dominus, tanquàm depositum requiret, & temporibus opportunis illum ostendet beatus & solus potens, Rex regum, & Dominus dominantium, qui solus habet immortalitatem, lucem inhabitans inaccessibilem. Quem nemo hominum vnquam vidit, neque videre potest. Cui gloria, honor, & fortitudo cum Spiritu sancto, nunc & semper, & in secula seculorum, Amen.

CATECHESIS SEXTA IL-
LUMINATORVM HIEROSOLYMIS
*extemporanea, de monarchia Dei. In Credo in
Deum: & de haresibus. Et lectio ex Esaia: Re-
nouantur ad me insula Israël, & saluabit eas per
Dominum salute aeterna, &c.*

BENEDICTVS Deus, & Pater Do-
mini nostri Iesu Christi. Et benedi-
ctus eius vnigenitus filius, simul vt
enim intelligitur Deus, intelligitur
& pater: vt indiuisa Patris & Filij gloria perficia-
tur. Non enim aliam pater gloriam, & alia filius
habet: sed vnā & eandem. Quandoquidem pa-
tris est filius vnigenitus: & cū pater glorifica-
tur, simul & filius gloria fruitur. Gloria enim filij
ex honore patris ipsi⁹. Ac rursus glorificato filio;
& pater magnificē honoratur. Et mens quidem
celeriter intelligit: lingua verò verbis indiget, &
longa enarratione eorū, qui intercedunt, sermo-
num. Simul quidē & statim oculus astrorum or-
dinem comprehendit latissimū: sed cū de singu-
lis velit aliquis differere, quid sit lucifer, quid hef-
perus, quid vnumquodque sydus, multis indi-
get verbis. Sic & terrā & mare, & omnes totius
mundi oras, in momentō celerrimo mens cōpre-
hendit, sed quod statim fit in mente, hoc multis
verbis vix differitur. Magnum autem & verborū
est argumentū. Dicimus enim, non quaecunque
oportet, de Deo: soli enim illi hæc nota sunt: sed
quæ capere potest humana natura, & quanta no-
stra

Patris & filij
gloria indiuisa

Proprietates
Dei eloqui non
licet.

ſtra infirmitas poteſt ſufferre . Neque enim quid
 ſit Deus exponimus, ſed vt quod exactè de ipſo
 neſcimus, ingenuè profiteamur . Nam in his que
 de Deo dicuntur, hæc maxima eſt ſcientia, igno- *Scientia in di-*
 rantiam fateri . Magnificate Dominū mecum, & *uinis maxima,*
 exaltemus nomen eius in idipſum, idque cōiun- *ignorantiam*
 ctim omnes : vnus enim nequaquā poterit . Imò *fateri.*
 verò etiā ſi omnes cōgregemur, non tamen ita, vt
 æquum eſſet, fecerimus, non modò vos qui hīc
 adeſtis, verū etiam, ſi totius Eccleſiæ catholicæ
 & præſentis & futuræ, omnes gentes & oræ con
 ueniant, paſtorem ſuum ſecundū dignitatem
 celebrare non poterint . Magnus erat Abraham
 & honorandus; ſed magnus reſpectu hominum:
 cū autem ad Deum reſpexit, tunc inquit, inge-
 nuè confitens: Ego ſum terra & cinis . Non dixit
 terra, & tacuit: ne ſeipſum magnū elementū ter-
 ram appellare videretur, ſed addit, cinerē ſe eſſe:
 vt vilitatē, fragilitatē, & imbecillitatē ſuā oſten-
 deret . Eſt ne autē quidquam cinere leuius, aut
 exilius? Accipe, inquit, comparationē cineris ad
 domum, & domus ad ciuitatem, & ciuitatis ad
 prouinciā: prouinciæ ad Romanorū Imperiū;
 & Imperij Romanorum ad vniuerſam terram, &
 omnes terminos; rursus terræ totius ad circum-
 dans illam cælum . Cuius tanta eſt comparatio ad
 cælum, quantum eſt punctum circuli ad totam *Deus pro di-*
 circumferentiam . Tanta enim eſt cæli ad terram *gnitate nequit*
 comparatio . Et primum cælum hoc, quod appa- *laudari.*
 ret, minus eſſe intelligas ſecūdo, & ſecūdo ter-
 tio . Huc vſque enim eos nominauit ſcriptura .
 Non

Non quòd tot tantùm sint, sed quòd tot nobis cognoscere confert. Et cùm animo cælos omnes perspicias: neque tamen cæli celebrare Deum, ita ut est, poterunt, etiamsi tonitrua habeant sonantissima. Si ergo tanta cælorum magnitudo Deum pro dignitate laudare non potest, quomodò tandem cinis vilissimus & minimus, dignas laudes Deo poterit tribuere? Qui continet orbem terræ, & illius habitatores tãquàm locustas in ipsa. Si quis audet de Deo dicere, primùm enarret terminos terræ. Terram inhabitas, & finem terræ ignoras. Quomodò cõditorem eius commodè poteris cognoscere? Cernis stellas, factorem verò illarum non cernis. Numeram priùs ea, quæ vides, & tunc illũ, qui non apparet, enarra: eum qui numerat multitudinem stellarum, & omnibus illis nomina vocat. Stillæ pluuiarum nuper copiosius influentes, parum abest quin perdidissent nos. Numeram mihi huius tantùm ciuitatis guttas, non dico ciuitatis: sed numeram tantùm, si potes, quæ vnius horæ spacio super domũ tuam deciderunt. Sed cùm sit impossibile, agnosce tuã imbecillitatem, & vel ex eo cognosce Dei potentiam. Numerantur enim ab ipso guttæ pluuiæ per vniuersam terram, non modò quæ nunc cadunt, sed quæ vnquam ceciderunt. Creatura est Dei Sol, & magnus quidem, sed minimus tamen respectu totius cæli. Attentè priùs aspicias solem, & tunc dominum curiosè scrutare. Altiora te ne quæsieris, & fortiora te ne scrutatus fueris: vetatur tibi hæc cogitatio.

Sed

Sed dixerit aliquis : Si incomprehensibilis est diuina substantia, & cur tu de his disseris ? Nunquid igitur, quia totum fluuiū ebibere nequeo, id quod mihi commodum est, sub mensura non hauriam ? Nunquid cū solem oculis comprehendere nequeam, etiam lucis illius vsum quantum sufficit non aspiciam ? Et si in hortū magnū ingressus fuero, & omne genus fructuum comedere non potero : vis ne, vt omninò esuriens inde exeam ? Laudo & glorifico factorem nostrū. Mandatum enim Dei est, quod dicit : Omnis spiritus laudet Dominum. Et non dicit, vt enarret quid sit, aut quomodò sese habeat in sua essentia. Sed neque id nunc enarrandum aggredior, sciēs, quòd in laudando dignitati illius non satisfecero. Opus autem pietatis existimans, & si id ratione in vniuersum liceat, aggrediar. Admonet igitur nos infirmitatis nostræ Dominus, dicens : Deum nemo vidit vnquam. Quid igitur, dicat aliquis, nōne scriptum est, Quòd angeli paruulorum semper vident faciem patris*, qui in cælis est ? Vident sanè angeli, sed non ita vt est, sed secundum quod est, & ipsi capiunt. Ipse enim Iesus dicit : Quòd patrem nemo vidit, nisi qui est de cælo, hic vidit patrem. Vident angeli, ita vt capiunt, & Archangeli, ita vt possunt : Troni verò & dominationes, plus quidem quàm illi, sed minus tamen, quàm pro Dei benignitate. Solus autem Spiritus sanctus, ita vt oportet videt : ille enim scrutatur omnia, etiam profunda Dei. Et vnigenitus Dei filius, ita vt oportet etiā cognoscit.

*Dei substantia
incomprehensibilis.*

*Angeli secundum
quod vident Deum.*

*Filius et Spiritus
S. soli Deū
vt est, vident.*

ſcit. Neque enim patrem quiſquam cognoscit, niſi filius, & cui is reuelauerit. Videt quantum oportet, & enarrat per ſpiritum ſecundum quod vnusquiſque capit Deum. Quoniam deitatis paternæ eſt particeps filius tanquàm vnigenitus. Genitor videt filium, & genitus videt gignētem. Angelis igitur ignorantibus eum, ſecūdum propriam virtutem, vnicuique reuelat per Spiritum ſanctum vnigenitus; ita vt diximus. Nemo hominum erubeſcat ignorantiam confiteri. Loquor nunc ego, & omnes ſuis temporibus: quomodò autem loquamur, dicere nequimus. Eum autem, qui nobis dedit ſermonem, quomodò eloqui poterimus? Animam ego habeo, cuius cūm facultates enarrare non poſſim, quomodò datorē animæ enarrare potero?

Sufficiens nobis ad pietatem erit hoc ſolum ſcire: Quod Deum habemus, Deum vnum, Deū exiſtētem, & ſemper exiſtētem, ſibi perpetuò ſimilem: cui pater non eſt alius, quo nullus potentior, quē nullus ſucceſſor eiiciet è regno, qui multorum nominum eſt, & omnipotens, & ſubſtantiæ eiſdem ſpeciei. Neque enim eò quòd vocatur bonus, & iuſtus, & omnipotens, & Sabaoth, propterea differens eſt, vel aliàs alius exiſtens, ſed ipſe vnus exiſtens millenas emittit diuinitatis operationes. Non in parte abundans, & in parte deficiens, ſed in omnibus ſimilis eſt ſibi: non tantum in benignitate magnus, & paruus in ſapientia: ſed æqualem habens ſapientiæ clementiam. Non ex parte vidēs, ex parte autem
viſione

visione priuatus : sed totus oculus , totus audi-
 tus, & totus mēs. Non sicut nos, ex parte cogno- *Deus totus*
 scens, ex parte ignorans . Alioquin si secus dice- *mens, totus*
 ret, blasphemus esset sermo , & diuinæ substan- *oculus, totus*
 tiæ indignus. Prouisor est existentium , & san- *auditus.*
 ctus, & omnium optimus , & omniū maximus,
 & omniū sapientissimus. Cuius neque formam,
 neque speciem eloqui poterimus . Neque enim
 vocem ipsius vnquam audistis , neque speciem
 eius vidistis, dicit scriptura. Itaque ad Israëlitas,
 inquit Moyses : Et valde caute animis vestris, *Similitudo Dei*
 quod similitudinē non videris. Si enim omninō *perfecta ima-*
 similitudinem eius esset possibile imaginari, pro- *ginari, aut vi-*
 pinqua esset intelligentia illius substantiæ. Multi *deri nō potest.*
 multa imaginati sunt, & omnes malè opinaban-
 tur. Nam alij quidem ignem esse putarunt Deū,
 alij verò alatū tanquam hominem: eò quòd scri-
 ptum sit benè, sed intellectum malè: Sub vmbra
 alarum tuarum proteges me . Obliuiscabantur
 enim Domini nostri Iesu Christi vnigeniti Dei,
 qui etiam de seipso similiter dicebat ad Ierusalē:
 Quoties volui congregare filios tuos, quemad-
 modum gallina sub alas congregat pullos suos,
 & nolulistis. Præsiaria enim facultate illius, per
 alas significata, isti non intelligentes : sed huma-
 no more accipiebant id, quod est inenarrabile.
 Nonnulli quoque septem oculos illum habere, *Opiniones falso*
 ausi sunt dicere. Eò quòd scriptū sit: Septē oculi *se de Deo.*
 Domini, respiciētes super omnem terrā. Si enim
 solos septem oculos ex parte habet, particularis
 igitur est illius visus , & non vniuersalis . Quod
 nefas

nefas est dicere. Deum enim in omnibus perfectum esse, credere necesse est, ut ipse saluator dicebat. Pater vester cælestis perfectus est. Perfectus in videndo, perfectus in potentia, perfectus in magnitudine, perfectus in scientia, perfectus in bonitate, perfectus in iustitia, perfectus in benignitate. Non loco circumscriptus, sed in omnibus locis existens, à nullo tamen comprehensus. Sedes ipsi cælum: sed illud tamen excellit sedens, scabellū pedum eius terra, sed virtus illius ad subterraneos etiā permanat. Vnus est ubique præsens, omnia vicens, omnia intelligēs; omnia per Christum extruens. Fons omnis boni maximus, & indeficiens. Flumen beneficiorū: lumen assiduè coruscans: potestas insuperabilis, imbecillitatibus nostris collata. Cuius neque nomen audire sustinemus. Aut vestigiū Domini, inquit Iob inuenias, aut in extrema peruenias, quæ fecit omnipotentes. Si extrema factorum eius non capitis, quomodò ipsum capietis? Oculus non vidit, nec auris audiuit, nec in cor hominis ascendit, quæ præparauerit Deus diligentibus se. Si ea quæ præparauerit Deus, mente nostra comprehendere non possunt: nunquid ipsum qui præparat, animo comprehendere poterimus? O altitudo diuitiarum sapientiæ & scientiæ Dei, quàm incomprehensibilia sunt iudicia eius, & inuestigabiles viæ eius, inquit Apostolus. Si iudicia & viæ eius incomprehensibiles sunt, num ipse comprehendetur?

Cū itaque tantus sit Deus, imò lōgè maior,
nec

*Deus nusquā
& ubique.*

nec enim si me totum in linguam mutauero, factis dignè magnitudinem eius eloqui potero, imò verò si omnes angeli conuenerint, ita ut æquum est, id eloqui non possent: tantus igitur cùm sit Deus, homo tamen exsculpens lapidem, lapidi dixit: Deus meus es tu. O magnam cæcitatem, à tanta magnitudine, in tantam exilitatem delabi! Lignum quod Deus plantauit, & pluuia humectauit, & deinde combustum est, & in cinerem per ignem redactum, hoc Deus appellabitur? Abundauit autem adeò fornicatio idololatriæ, *Fornicatio idololatriæ.* ut feles & lupos, & canes pro Deo adorauerint. Et leo hominum vorator, pro Deo humanissimo adorabatur: serpens & draco, æmuli eius, qui nos ex paradiso eiecit, adorantur: & qui paradisum plantauit, contemnebatur. Pudet me dicere: & cæpe enim apud quosdam adorabatur. Vinum datum est, ut exhilaret cor hominis, & Bacchus pro Deo celebratur. *Vini usus hilaritas.* Frumentum Deus fecit cùm diceret: Producat terra herbas graminis, quod seminet semen secundum genus: ut panis, cor hominis confirmet, unde igitur est quod Ceres colitur? Ignis ex lapidum collisione etiam hodie elicitur, & unde Vulcanus ignis factor? Unde multitudo Deorum Græcos errare facit? Incorporeus est Deus, & unde adulteria arguuntur eorum, qui apud ipsos dii vocantur? Taceo Iouis in cygnum mutationes. Pudet dicere illius in bouem transformationes: non decent enim Deum mugitus. Mæchus apud Græcos Deus esse dicitur, & non veretur. Si enim adulter est Deus, non

dicatur id mortalibus, ne desciscant & aspernentur istos, quos dicitis Deos. Et mortes, defectionesque & tonitrua vocarunt Deos. Cernis ex quāta magnitudine quò deciderint. Quid igitur, num frustrā filius Dei descendit de cælis, vt tātum vulnus sanaret? Nunquid sine causā venit filius, vt pater agnosceretur? Cognoscis quid mouerit à dextra throni descendere vnigenitū? Pater spernebatur, erat ergo necesse, vt filius corrigeret errorem: oportebat, vt is, per quem omnia facta sunt, deduceret omnia ad emendationem. Quid enim hoc morbo fuerat perniciosus, quā si lapis pro Deo coleretur? Neque verò apud Ethnicos tātum inuexerat ista diabolus, sed iam etiā multi falsò dicti Christiani, faustissimoque Christi nomine infauitè abutentes, audebant impiè Deum à suis creaturis abalienare. Dico autē istos hæreticorū liberos atheos detestabiles: qui simulabant se esse Christi studiosos & amatores, cum essent illius acerrimi osiores. Qui enim patrem Christi infamat, hostis est Christi. Ausi sunt isti dicere, duas esse Deitates, vnā quidem bonā, alterā verò malā. O ingentem cæcitatem! Si est Deitas, omninò est bona: si verò non bona, cur vocatur Deitas, quandoquidem Dei est bonitas? Si Deo congruit benignitas, beneficentia, & omnipotentia, è duobus alterū sit. Si Deū nomine vocabant, & operatione vocent: si priuabitur operationibus, nec Deum vocēt sola appellatione.

Ausi sunt hæretici dicere, duos esse Deos, &
duos

Filius Dei cur descendit.

Deitas idem quod bonitas.

duos fontes, alterum boni, alterum mali, & eos ingenitos. Si ambo ingeniti, certum est omnino, quòd æquales habeant vtrique vires. Quomodo igitur tollunt tenebræ lumen? Sed quid tãdem, simul ne sunt, an separatim? Simul enim esse non possunt. Quæ enim cõmunicatio lucis cum tenebris? dicit Apostolus. Sin autẽ procul sunt ab inuicem, omninò & locos proprios habent. Omninò alicubi & vnum adorabimus. Sic enim cõparare oportet, vt ex eorũ stultitia, quòd vnũ adorare necesse est, inferamus. Quæramus autem ex illis, quid dicunt de bono Deo: potẽs est, an impotens? Si quidem potens, & quomodo ipso inuito factus est malus? quomodo ingressa est mala substãtia ipso nolẽte? Si enim sciẽs prohibere non potuit, arguũt illum impotentia: si autem cùm posset, non prohibuit, proditiõis eum accusant. Considera autem istorum stupiditatem: aliquando enim dicunt, malum nihil habere commune cum bono in mundi administratione & opificio: aliquando verò dicunt, illum quartam tantum partem habere. Et bonum sanẽ aiunt patrem esse Christi; Christũ autem, solem hunc vocant. Si itaque mundus, vt ipsi docent, à malo factus est, & sol est in mundo: quomodo filius boni in regno mali inuitus seruit? Polluimus ista dicentes: ne autem aliquis eorum, qui adsunt, ex ignorantia in sordes eiusmodi hæreticorum incidat, etiamsi & os meum, & auditorũ aures polluam, tamen id confert. Multò enim melius est, accusandis & reprehendendis aliis

Deos esse duos, impossibile.

Hæreses vt vitari possint noscende.

audire absurda, quàm ex inscitia in eadem incidere. Longè melius est, vt sordes cognoscas, & oderis, quàm ignorans in easdem incidas.

Est autem varia & multiplex hæreticorum doctrina: cum enim à via rectitudinis exciderint, tunc in multa præcipitia incidunt. Et omnis hæreseos author & inuentor est Simon Magus; Simon qui, vt est in actis Apostolorum, inæstimabilem spiritus gratiam argento se cõparare posse existimans, audiuit: Non sit tibi pars, neque hæreditas in sermone hoc, & quæ sequuntur. De quo scriptum est: Quod ex nobis prodierunt, sed non erant ex nobis: si enim essent ex nobis, permansissent nobiscum. Hic autem cum esset Romæ, posteaquàm ab Apostolis reiectus est, & Græcam Selinen quandam meretricem circumducens, ore nefando primus ausus est dicere, seipsum esse Deum, qui in monte Sina tanquàm pater apparuit: ac deinde apud Iudæos non in carne, sed in imagine tanquàm Christus Iesus visus est, atque postea tanquàm Spiritum sanctum à Christo mittendum, se esse promissum. Et ita seduxerat ciuitatem Romanâ, vt Claudius illi statuum erexerit, cum ea inscriptione, in lingua Romana: Simoni Deo sancto. Dilatato autè errore, per amicorũ bonorũ illam calamitatem cortexit, Petrus & Paulus cum essent præfides Ecclesiæ, & ostentantem se iustum Simonem, statim extinxit. Cum enim prædicaret Simon in cælos sese ascensurum, & vehiculo dæmonũ in aërem esset sublatũ: flexis genibus serui Dei, & concordiam ostenden-

*Simon Magus
author hæreseon.*

*Simon Magus
trinum se Deũ
vocat.*

*Simoni Mago
Claudius statuum
erexit.*

ostendentes, de qua dixit Iesus: Quod si duo ex vobis concordauerint, de quacunque re, quam petierint, fiet ipsis: Concordiæ hoc telum per orationem emittentes in Magum, deiecerunt illum in terram. Nec mirum est: Petrus enim erat, qui claves regni cælorum portabat. Non est mirandum: Paulus enim erat, qui in tertium cælum raptus fuerat, & in paradysum, & audiuerat arcana verba, quæ non licet homini loqui. Ex aëre in terram depresserunt eum, qui se appellabat Deum, deinceps ad inferos detrudendum. Hic primus istius improbitatis Draco. Vno autem precioso capite multorum rursus capitum reperitur lerna malorum. Cherintus enim vastauit Ecclesiam, & Menander, & Carpocrates, Ebion, & Marcion, os impurum. Qui enim diuersos esse Deos prædicat, alterum bonum, & alterum iustum, contradicit Christo dicenti: Pater iuste. Et rursus, qui alium patrem, & alium factorem mundi dicit, aduersatur filio dicenti: Aspice fœnulum agri, quod hodie est, & cras in clibanum mittetur: quod Deus sic vestit. Et qui solem suum facit oriri super bonos & malos, & pluit super iustos & iniustos. Sic rursus secundus Marcion alterius improbitatis author fuit: ab his enim, quæ posita sunt de veteri lege, in nouo Testamento, testimoniis redargutus. Primus ausus est excindere testimonia, & sine testimoniis relinquere eum, qui annuntiabatur, fidei sermonem. Relinquens Deum, & tanquam preconibus non existetibus, imbecillam volebat efficere Ecclesiæ fidem. Excipit id alius studiosè Basilides.

Petrus & Paulus Simonem oratione prostrauerunt.

Petrus Clauiger celi.

Cherintus.

Marcion.

Basilides.

filides execrandus, longè acerbissimè eū improbitatis modum annuncians. Accedebāt illi nequitia Valentinus, triginta Deorum prædicator. Græci paucos dicūt, & iste nomine potiùs, quàm re Christianus, in solos triginta extendit errorē. Et dicebat, quòd profunditas (decet enim ipsum qui erat profunditas malitiæ, à profunditate suā auspicari doctrinam) genuit silentiū, & ex silentio procreat sermonem: Ioue Græcorum hic deterior, qui cum sorore rem habebat. filia enim profunditatis dicebatur esse silentium. Cernis à qua specie Christianismi deciderit? Sed expectas paulinū, & plus oderis impietatē. Dicit enim octo secula in eo facta esse, & ex his decem, & rursus ex istis alia decem, duos masculos & feminas. Vnde autem istorum constitutio? Aspice nugæ & deliria commentorū. Vnde habes probationem horū triginta seculorū? Cū, inquit, scriptū sit, quòd Iesus baptizatus sit tanquā annorū triginta. Et qualis est hæc demonstratio, ex annis triginta, quòd baptizatus sit? Nūquid igitur; quia quinque panes diuisit in quinque milia, quinque sunt Dij? Quia duodecim habuit discipulos, duodecim debent esse Dij? Atque hoc quidē parū est, ad reliquā eius impietatem. Dicit enim: Vltima Deorū vtrumque sexum habēs (vt audet dicere) ipsa est sapiētia. O impietatē! Christus Dei virtus, & Dei sapiētia, vnigenitus filius, ille ne etiā est mulier? ille ne ex triginta elementaribus Diis? & vltimū commentū infert, comprehenditque ratione Dei sapientiam, & inquit,

quòd

Valentinus 30.
Deorū præco.

Valentini
nugæ.

quòd conata est sapiētia primùm Deum videre, & non ferens splēdōres, excidit è cælis, & deleta est ex trigesimo numero. Et ingemiscens genuit *Valentini blasphemie.* diabolū. Et quòd deplorans casū suū, mare constituit. Vides impietatem? Quomodò enim ex lachryma diabolus generaretur, & ex intellectu malitia, & ex lumine tenebræ. Dicit præterea, quòd diabolus genuisset alios, ex quibus nonnulli composuerunt mundū. Et quòd Christus venisset, vt auerteret homines à creatore mundi. Audi verò quem dicunt esse Christum, vt tantò magis oderis illos. Docent enim, quòd cū sapientia decidisset, ne numerus illorū triginta deficeret, viginti octo eones, vnusquisque minimum quid adferens, composuerunt Christum. Hunc quoque rursus vtrumque sexū habere dicunt. Nunquid his quicquam est magis impium? est ne his quicquam abiectius? Ego dissero tibi & enarro hunc errorem, vt authores eius tantò magis oderis. Fuge itaque eiusmodi impietatem, neque aue dixeris tali, ne communices operibus infructuosis tenebrarū: ne ue sis curiosus, nec in sermones illorū deuenire velis.

Ac omnes quidem oderis hæreticos: maximè *Hæretici odio habendi.* autem illum, qui à mania seu insania nomen habet: Manichæū dico, qui primùm tēpore Probi cæpit. Nam ante annos septuaginta hic error vixit, & non desunt, qui authorē illius suis oculis conspexerant. Non ideò tamen, quòd paulò antè fuerit, illum oderis, sed vt malitiæ fabricatorem, & totius fœditatis receptaculum, & omnes hærescos

hæreseos sordes suscipientem. Ambiens enim in malis excellere, omnia congerens pessima, vnam hæresim blasphemis, & sceleribus refertam conflauit. Vastat Ecclesiam, vel potiùs eos, qui erant in Ecclesia, tanquàm leo obambulans. Tu igitur non attendas illius suauiloquentiæ, neque simulata humilitati: Serpens enim est, & germen viperarum. Et Iudas dixerat, salue Rabbi, & tamen prodidit Magistrum. Non aduertas osculis, sed observa venenum. Ac ne falsa videamur opinari de illo, obiter considerabimus, quis fuerit iste Manes: quin etiam aliqua ex parte quid docuerit, attingemus: nam vniuersas illius sordes nec toto seculo satis explicauerimus. Memineris autem hæc apud teipsum, & teneas memoria in auxilium opportunum, quæ antea dicta sunt, & nunc quoque dicuntur, vt & ignorantes discant, & scientes recordentur. Non est ex Christianis Manes. Absit. Neque sicut Simon eiectus ex Ecclesia, nec ipse, nec illi priores eius erroris Magistri. Ille enim fur est alienorum malorum, vendicans sibi mala. Quomodò autem, & qua ratione, audite.

Manes ex gentilibus.

*Scythianus pri-
mus author
Manichæorum
erroris.*

Scythianus quidā in Ægypto, genere Saracenus, nihil cum Christianismo habēs commune. Hic Alexādriz habitans, & Aristotelicā vitā imitatus, quatuor libros cōposuit: Vnū, quod appellauit Euangeliū, non quòd actiones eius cōtineret, sed solā appellationem: Alterū vocauit Capitulum: Tertium Mysteriorū: Quartum verò, quem nunc circumferunt, Thesaurorum. Discipulus
autem

autem illius erat Therebintus . Cùm verò Scythianus ex proposito venisset in Iudæam, vt pestilenti contagione afficeret illam regionem, morbo extincto illo, Dominus sedauit pestilentiam. Sed Therebintus improbitatis illius discipulus, & auri, & librorum, & hæreseos factus hæres, cùm adesset in Palæstina, & in Iudæa notus esset, & exclusus, statuit in Persidem transire. Deinde, ne ex nomine etiam illic cognosceretur, Buddam *Buddas ex Therebintus.* seipsum vocauit. Verùm habuit illic aduersarios sacerdotes Solis . Et multis sermonibus, concertationibusque commotis, redarguebatur: ad extremum cùm esset comprehendendus, profugit ad quandam viduam. Deinde super domum ascendens, & aduocans aëreos Dæmones, quos Manichæi in abominandis suis sacris ad hunc vsque diem inuocare solent, diuinitus percussus, & de domo prostratus, extinctus est . Atque sic excisa est altera bestia, sed relicta sunt monumenta impietatis illius libri, quorum illa vidua hæres erat, simulque pecuniarum . Quæ cùm neque cognatum, neque amicum haberet vllum, constituit pro illis pecuniis seruum emere aliquem, Curbicum nomine, quem postea adoptauit, & Persicis disciplinis erudiendum curauit. Exacuit autem secundum humanitatis malum telum, Curbicus ille malus seruus, in semiphilosophū euasit, & mortua vidua, & pecuniæ & libri hæreditate illi cesserunt. Deinde, ne seruitutis nomen Curbici illi contumeliosum esset, pro Curbico, Manem seipsum appellauit: quod lingua *Curbicus seruus Manem se appellat.*

Manes paracletum se vocabat

Manes impostor & homicida.

Perfarum homeliam significat. Cùm enim dialecticus quibusdam esse videretur, Manem seipsum nominavit: tanquàm optimum aliquem disputatorem. At ille quidem bonam existimationem sibi in lingua Persica hoc nomine parabat: sed diuina administratione factum est, vt nolens ex eo seipsum argueret, vt in Perside existimans seipsum honorare, apud Græcos infaniæ nomine sese appellaret. Audebat autem dicere seipsum esse paracletum. Est verò scriptum, Qui blasphemauerit Spiritum sanctum, non remittetur ei. Hic autem cùm se Spiritum sanctum esse diceret, blasphemabat illum. Qui ergo cum illis communicat, videat cum quibus versatur. Commouit seruus vniuersam terram: quando quidem propter tria contremiscit terra, & quartum non potest ferre: si seruus regnet. Prodiens porrò in medium supra vires humanas sese iactabat: cùm enim agrotasset Regis Persarum filius, & medicorum turba illi adesset, Manes promittebat per orationem, tanquàm pius, sese illum curaturum. Recesserunt medici, recessit & vita à filio Regis, virique illius impietas redarguta est: & vinc-tus erat in custodia philosophus. Non quòd Regē veritate offēdisset, prostratus, neque quòd idola dissolueret, sed quòd seruare promiserit, & mentitus esset. Imò, vt veriùs dicam, propter homicidium. Qui enim per medicorum curam potuisset sanari: iste medicos remouens illum occidit, enecans negligentia. Cùm ergo plurima mihi de illo dicēda sunt mala, memineris priùs

prius illius blasphemiae, deinde seruitutis: non quod turpis sit seruitus, sed quod cum seruus esset, libertatem effinxerit malam. Tertium fallitatem promissionis. Quartum filij Regis cædem. Quintum turpitudinẽ carceris: tum verò ex carcere fugam. Qui enim dicebat se esse paracletũ, & veritatis propugnatorem, fugit: non erat successor, vel imitator Christi, qui alacriter veniebat in crucem, sed fugiendo cõtrarius illi fuerat. Deinde Rex Persarum necari iussit custodes carceris. Causa mortis regij pueri Manes, per suam superbiam fuerat: causa quoque mortis custodũ erat, per fugam. Qui ergo mortis est causa, istene adorari debet? Nonne oportuit Iesum imitari, qui dicebat, Si me quæritis, sinite hos abire? Nonne oportebat cum Iona dicere: Tollite me, & proiците in mare, propter me enim tẽpestas ista? Fugit Manes de carcere, & venit in Mesopotamiam. Sed occurrit illi scutum iustitię Archelaus Episcopus, Gręcũ auditorium constituens, etiam philosophis iudicibus eum redarguit: ne si Christiani iudicarent, ad gratiã aliquid iudicasse viderentur. Dixit ergo Archelaus ad Manem: Quod prædicas narra. Ille verò os habens tanquàm sepulchrum apertum à blasphemia, à Creatore primum incipit, dicẽs: Quod veteris testamenti Deus malorum sit inuentor, dicens de seipso: Ego ignis consumens. Sapiens autem Archelaus dissoluit blasphemiam, dicens: Si veteris testamenti Deus ignem seipsum dicit, cuius erit filius ille, qui dicit: Ignem volo mittere in terram?

*Archelaus
Episcopus primum redarguit
Manem.*

Si

Si oderis eum, qui dicit : Dominus mortificat, & viuificat, quare honoras Petrum, qui Tabitham quidem suscitauit, Saphiram autem mortificauit ? Si oderis eum, eò quòd etiam mortem parauerit, quare non oderis eum, qui dicit : Ite in ignem æternum ? Si odisti dicentē : Ego Deus, faciens pacem, & creans mala ; perquire quid dicat Iesus : Non veni mittere pacem super terram, sed gladium. Amborum sunt æqualia dicta : ergo è duobus alterum sit necesse est : Aut vterque bonus, per eandem locutionem ; aut sit irreprehensibilis Iesus hæc dicens : Quare vituperas eum, qui in lege veteri similia dicebat ? Postea Manes, Et qualis Deus qui obcæcat ? Paulus enim dicit : In quibus Deus seculi huius obcæcavit mentes infidelium, vt non splendeat illis nomen Euangelij. Archelaus verò optimè refellēs, Lege, inquit, quod præcedit paululùm . Si verò est obscurum Euangelium nostrum, in perditis est obscurum. Vides quòd in perditis obscuratur. Non sunt enim sancta danda canibus. Nunquid autem solus veteris testamenti Deus obcæcavit cogitationes infidelium ? Iesus autem ipse nōne dixit : Propterea in parabolis loquor, vt videntes non videant. Non quòd odisset illos, volebat ne viderent : sed propter indignitatem, quòd oculos suos ipsi obstruxissent. Vbi enim spontanea prauitas, ibi & impedimentum gratiæ. Habenti enim dabitur, & qui non habet, & hoc quod videtur habere, auferetur ab eo. Quin etiam, vt quidam interpretantur, & hoc dicere non

*Euangelium
perditus ob-
scurum.*

non fuerit ineptum. Quòd dicitur Deus excæ- *Excæcare quomodo Deus dicatur.*
 casse infidelium cogitationes, in malo excæcauit,
 vt sancta respicerent. Non enim dixit, obcæcauit
 ipsorum animam, sed cogitationes infidelium.
 Hoc autem est perinde, ac si diceret: Obcæca
 scortatoris libidinosas cogitationes, & seruabi-
 tur homo. Excæca furis rapacitatem, & saluabi-
 tur homo. Sed si non vis de hoc ita sentire, est &
 alia interpretatio. Obcæcat & Sol lippos, & ex
 oculis laborantes, malè affectos propter luminis
 vim. Non quòd Sol habeat vim excæcandi: sed
 quòd corrupta videntium natura videre per se
 non possit. Sic & infideles, ægrotantes in corde,
 non possunt videre diuinitatis radios. Et non
 dixit: Excæcauit cogitationes, vt non audirent
 Euangelium: sed vt non intuerentur splendorem
 Euangelij Domini nostri Iesu Christi. Audire
 enim Euangelium omnibus licet: gloria autem
 Euangelij solis Christi germanis definitur &
 aperitur. Loquebatur Christus his, qui audire
 non poterant, in parabolis: discipulis autē seor- *Mysteria Ethnicis non indicanda.*
 sim dissoluebat parabolas. Splendor gloriæ illu-
 minatis, excæcatio autem infidelibus. Hæc my-
 steria, quæ nunc Ecclesia enarrat tibi catechume-
 no, non est mos Ethnicis enarrare. Nec enim
 Ethnico mysteria de Patre & Filio & Spiritu san-
 cto declaramus: quin & catechumenis nō aded
 apertè dicimus mysteria: sed sæpè obscuriùs di-
 cimus, vt scientes fideles intelligant, & qui nes-
 ciunt non corrumpant. His & aliis eiusinodi
 pluribus prosternebatur draco: talibusque con-
 certa-

certationibus Archelaus superauit Manem: ita ut rursus inde fugeret, perinde atque antea ex carceribus. Vitans autem aduersarium, venit in vicum quendam vilissimum: quemadmodum serpens in paradiso relicto Adam, ad Euam accessit. Sed Archelaus pastor bonus, ouibus prospiciens, fuga illius audita, citò accurrit, & lupum perquisiuit. Manes verò videns apertè aduersarium, excessit & fugit. Dedit autem hanc postremam fugam. Regis enim Persarum satellites, vbique perquirentes, fugitiuum illum comprehenderunt. Et quam ab Archelao habere debebat sententiam, hanc regij ministri in illum tulerunt. Compre-

Manes captus.

*Manes exco-
riatus in Per-
siae.*

henditur Manes, quem adorant ipsius discipuli, & adducitur ad Regē. Cui Rex exprobrauit mendacium & fugam, irrisit seruitutem eius, accusauit filij cædem, damnavit propter eum factam custodum necem. Itaque excoriare Manem lege Persica mandauit, & corpus quidem reliquum bestiis deuorandum tradidit; cutem verò, quæ tanta illius improbitas continebatur, tanquam virem, ante portas suspendi curauit. Qui seipsum paracletum esse dicebat, & futura se scire ostentabat, fugam suam & comprehensionem nesciebat?

*Thomæ Evan-
gelium est Ma-
netis discipuli.*

Huius Manetis discipuli tres fuerunt: Thomas, Buddas, & Hermas. Nemo legat secundum Thomam Euangelium: non enim est vnus ex duodecim Apostolis, sed vnus ex his tribus Manetis discipulis. Nemo corrumpatur ab animarum corruptoribus Manichæis, qui tristibus aquis, mæsti-

mæsticiam ieiunij sibi inducunt: qui factorem quidem ciborū calumniantur, cibos tamen optimos quosque vorant: qui docent, quòd qui herbam euellit, in illam mutabitur. Agricola & holitorum pueri, in quot transformabuntur herbas & gramina? Tot annis holitor falce secabat herbas, vt sæpè videmus: in quam ergo ex illis mutabitur? Ridicula verè dogmata, & turpitudine vituperationeque plena. Idem quandoque homo, cū esset pastor ouium, & ouem sacrificauit, & lupum occidit: in vtrum igitur mutabitur? Multi homines pisces capiebant, & aues aucupabantur: in quid igitur mutabuntur antiquitatis nepotes Manichæi: qui non operantes, ea quæ sunt operantium deuorant? Qui eos, qui adferunt illis cibos, hilari facie recipientes, pro benedictionibus maledictis insectantur? Cū enim ignorans aliquis illis panem adfert: paululum, inquit, extrā subsiste, et benedicam tibi. Deinde in manus recipiēs panem (quemadmodum illi qui ex illis pœnitentiam egerunt, confessi sunt) Ego te (dicit Manichæus pani) non feci, & execrans, proiicit in altum, & maledicit ei, qui fecit illum, atque sic factum comedit. Si oderis cibos, cur hilari facie intueris illos adferentem? Si danti habes gratiam, cur factorem & opificem omniū blasphemās? Et rursus: Ego te, inquit, nō seminaui, seminetur seminans te: Ego te non messui falcibus, metatur metens te: Ego te igne nō coxi, coquatur qui coxit te. Pulchra sanè gratiarum actio. Magno quidē hæc mala: sed parua respectu

Manichæi panem comesturi, execrantur.

respectu aliorum. Lauacrum illorum coram viris & mulieribus enarrare non audeo. Vereor dicere, in quo hęc intingentes dant miseris, quod per Sifycum traditum manifestatum est. Viri enim in somniis hęc imaginarentur, & mulieres in puerperiis. Pollueremus certè os nostrum hęc dicentes: neque enim Græci his impuriore, neque Samaritæ magis athei, neque Iudæi magis impij, neque scortatores istis sunt impuriore. Scortator enim ad vnā horam per concupiscen-
tiam finit operationem. Condemnans autem se sceleris, tanquā pollutum, scit se lauacro eger-
re, & agnoscit fœditatem facinoris. Manichæus autem in medio altaris ponit ista, atque simul os & linguam polluit. Ab eiusmodi ore ô homo capies doctrinam? Hoc semper obuium osculo salutabis? Nunquid præter aliam impietate, hanc solam non fugies fœditatem? scelestisque potiores, omni-
que prostituta detestabiliore. Annuntiat hęc Ecclesia & docet, attingitque sordes istas vt tu non polluaris: dicit vulnera, vt tu non vulnereris. Sufficit autem hęc solū scire tibi: sed experientia illa discere caue. Tonat Deus, & nos omnes tremimus, illi autem blasphemant: fulgurat Deus, & omnes ad terram inclinamur, illi verò nefandas in cælum mouent linguas. Iesus dicit de patre: qui solem suum facit oriri super iustos & iniustos: & pluit super bonos & malos. At illi dicunt, quòd pluuiæ ex quadam amatoria infania fiunt. Et audent dicere, quòd sit quædam Virgo in cælo pulchra cum iuvene pulchro: &
more

Manichæi tonantem blasphemant.

more camelorū aut luporū, illos quoque turpis concupiscentiæ tempus habere, & cū fiunt tempestates, furendo illum instare virgini, ac illam quidē fugere, hunc autē insequi. Atque tum currendo sudare, & ex illius sudore pluuiā esse.

Hæc scripta sunt in Manicheorū libris, hæc nos legimus non credentes dicentibus, propter vestram enim securitatē, etiam perditionem curiose scrutabamur, sed Dominus liberabit nos ab eiusmodi errore. Vobis autem det tale odiū contra draconem, vt quemadmodum ille infidiatur calcaneo, sic vos caput illius conculcetis. Memineritis quæ dicta sunt vobis: Quæ consonantia vestrorū ad illa? Quid luci cū tenebris? Quæ Ecclesiæ grauitas ad Manichæorū fœditatem? Hic ordo, hîc scientia, hîc grauitas, hîc puritas, hîc & aspectus mulieris ad concupiscendū damnatur; hîc continentia patiētia, hîc virginitatis æqualis angelis dignitas, hîc ciborū sumptio cum gratiarum actione, hîc gratitudo erga vniuersi opificē, hîc pater Christi adoratur, hîc timor & tremor pluētis docetur, hîc tonantē & fulgurantē glorificamus. Pascaris simul cū ouibus, & fuge lupos, ab Ecclesiāque nō separeris. Oderis & illos, qui aliquādo in talium suspitionē inciderunt. Et nisi prius tempore experiaris illorū pœnitentiam, nō prius teipsum illis credas. Tradita est tibi monarchiæ Dei veritas, agnosce germina doctrinarū, sis probatus & expertus nummularius, bonum recipiens, ab omniq̃ specie mali abstinēs. Quod si & ipse talis aliquādo fuisti, agnito errore, ode-

*Hereticorum
libros legit
Cyrillus.*

*Virginitatis
dignitas æ-
quangelica.*

ris illū. Non deest, qui cōferat salutē, si euomueris venenum, si ex corde oderis, si defeceris ab illis, non labijs tantū, verū & mente. Si adoraueris patrem Christi, Deum legis & prophetarum, si cognoueris bonum & iustum, vnum & eundem esse, & verē Deum: qui omnes vos conseruet, custodiens à lapsu, & scandalo, firmatos in fide, in Christo Iesu Domino nostro, cui gloria in secula seculorum, Amen.

CATECHESIS SEPTIMA ILLV-

MINATORVM, SEV BAPTIZATORVM

Hierosolymis extemporanea, de patre. Et lectio ex epistola ad Ephesios: Huius rei gratia flecto genua mea ad patrem: ex quo paternitas omnis in celis, & in terra nominatur, & reliqua.

AC DE monarchia quidem Dei, sufficienter vobis hesternā die dictum est: sufficienter autem dico, nō pro dignitate, hoc enim pręstare mortalis natura omninō non potest: sed quantum est cōcessum infirmitati nostrę. Tum & atheorum hareticorum multifidos errores, & diuerticula persecuti sumus: quorum sordes, & animarum venenum excutiebamus, illorumque nugas commemorabamus: non vt iis inficeremur, sed vt multō magis aduersus illos deinceps insurgamus, & quę sunt salutifera verę fidei amplectamur. Nūc verō dignitati monarchię patrium nomen subnectentes, credamus in vnū Deum patrem. Non enim solum in vnum Deum oportet credere: verū
etiam

etiam patrem eundem esse vnigeniti filij, Domini nostri Iesu Christi. Hanc doctrinam piè recipiamus: hac enim excelsiora Iudæis sapimus, qui vnum quidē Deum esse dogmatibus suis comprehendūt, tametsi & istud per idololatriā sæpius negauerint. Patrem autem esse illum Domini nostri Iesu Christi, hoc non recipiunt, suis ipsorum prophetis contraria sentientes, qui loquuntur in sacris scripturis: Dominus dixit ad me, filius meus es tu, ego hodie genui te. Illi verò fremūt hætenus, & conueniunt aduersus Dominum, & aduersus Christum eius, existimantes patri se posse gratificari, sine cultu filij: ignorantes, quòd nemo venit ad patrem, nisi per filium, qui dicit: Ego sum ostium, & ego sum via. Qui ergo viam, quæ ducit ad patrem deuitat, & qui ostiū negat, quomodò ad patrem accessus illi patebit? Cōtradiciunt autem & iis, quæ in spiritu in psalmo scripta sunt: Ipse inuocabit me, pater meus es tu, Deus meus & susceptor salutis meæ: & ego primogenitum statuā illum, excelsum super omnes reges terræ. Si enim hæc in Dauidem, vel Solomonem, vel quempiam alium, qui deinceps dicti sunt, torserint: doceant, quomodò sedes eius, qui hæc prophetauit apud illos, sit tanquàm dies celi, & sicut luna firmata in sæculum. Cur non verentur id quod scriptū est: Ex vtero ante luciferum genui te? Et quòd esset tandiu vt sol duraturus, & ante lunam generationes generationum. Quæ quidem ad hominem referre, longè ineptissimū, & impietate plenum esset. Sed Iudæi quidem

*Deus pater
Domini nostri
Iesu Christi.*

Iudeorum errores conuincuntur.

more incredulitatis suæ, in his & aliis eiusmodi dictis, quoniam ita volunt, malè sint affecti. Nos verò, cùm iam pietatem fidei receperimus, vnum Deum patrem Domini adoremus. Nam qui omnibus vim gignendi impartitur, eum hac facultate priuare, impiũ sanè fuerit. Et credamus in vnum Deum patrem, vt antequàm de Christo doctrinam tradamus, fides vnigeniti firmetur in animis auditorum, & ab his qui in medium prolati sunt de patre sermonibus, nihil omninò separetur. Patris enim nomen, simul cum ipsius nominis appellatione, exhibet intelligendum & filium. Quemadmodum similiter filium quis nominans, statim & patrem intelligit. Si enim pater, omninò filij est pater: & si filius, omninò patris est filius. Vt igitur ex ista locutione, In vnum Deum patrem omnipotentem, factorem cæli & terre, visibiliumque omnium, & inuisibilium: & in vnum Iesum Christum, non arbitretur quis minus sanctè, cælo & terra posteriorem esse ordine vnigenitum: propterea ante illorum nominationem patrem Deum nominauimus, vt simul atque cognouerimus patrem, noscamus & filium: nam inter patrem & filium, nihil est medium, quod existat.

Est itaque Deus multorum quidem abusiue dictus pater, vnus verò & solius natura & veritate vnigeniti filij, Domini verò nostri Iesu Christi pater. Non in tempore pater esse incipiens: sed semper vnigeniti pater existens. Non enim sine prole antea, deinceps sententiã mutauit: sed ante omnem

*Deus pater
vim gignendi
omnibus dat.*

*Pater sine filio
esse non potest.*

*Pater ab æter-
nò filiũ genuit*

omnem substantiã, & ante omnem sensum, ante tempora, & ante omnia secula, patriam dignitatem habet pater. Hac magis, quàm aliis dignitatibus venerãdus, & non affectione pater factus, non ex coniunctione, non per ignorantiam, non deficiens, non diminutus, non alteratus. Omne enim donum perfectũ, de sursum est, descendens à patre luminum, apud quem nõ est mutationis vel conuersionis adumbratio. Pater perfectus, perfectum genuit filium : omnia tradidit genito : Omnia, inquit, tradita mihi sunt à patre meo. Et honoratur pater ab vnigenito : Ego enim, inquit filius, honoro patrem meum. Et rursus : Sicut ego mandata patris mei custodiui, & obedio illi in dilectione. Dicimus igitur & nos simul cum Apostolo : Benedictus Deus & pater Domini nostri Iesu Christi, pater misericordiarum, & Deus totius consolationis. Et flectimus genua ad patrem, à quo omnis paternitas, in cælo, & in terra nominatur, glorificantes ipsum per vnigenitum. Qui enim negat patrem, & filium negat. Et rursus : Qui confitetur filium, & patrem habet. Cognoscentes quòd Dominus Iesus Christus est in gloria Dei patris.

*Paternitas
omnis à Deo
patre.*

Adoremus igitur patrem Christi, factorem cæli & terræ, Deum Abraham, & Isaac, & Iacob, in cuius honorem prius ex opposito nobis hîc templum ædificatum est. Nõ enim patiemur hæreticos, qui vetus testamentum à nouo scindunt : sed Christo fidem habemus, dicenti de templo : Nescitis quòd in his, quæ patris mei sunt, oportet

me esse? Et rursus : Auferte ista hinc , & non faciatis domum patris mei domum negotiationis.

Quibus manifestissimè prius illud , quod erat Hierosolymis, templum , domum patris sui esse confitetur. Quod si quis ob incrudelitatem plures adhuc habere voluerit demonstrationes , de eo quòd pater Christi sit mundi effector, audiat rursus ipsum dicentem : Nónne duo passeresset assè vaneunt? & vnus ex his non cadet super terram sine voluntate patris mei , qui in cælis est . Et : Respicite volatilia cæli , quia non seminant , neque metunt , neque congregant in horrea , & pater meus. cælestis pascit illa . Et illud : Pater meus vsque modò operatur , & ego operor . Sed ne quis ex simplicitate, aut versuta improbitate , hominibus iustis æqualè esse Christum opinetur, ex eo quod dicat: Ascendo ad patrem meum, & ad patrem vestrum : bonum fuerit illi nominatim excipere , quòd patris quidem vnum est nomen, multiplex autem virtus operationis. Et hoc ille cognoscens, dicebat confidenter: Vado ad patrem meum, & ad patrem vestrum. Non dixit ad patrem nostrum, sed diuidens, primum dicit, quod erat proprium, ad patrē meum, qui eius pater est natura: deinde subdit, patrē vestrum, qui est per adoptionem . Quamuis enim in orationibus præsertim dicere permissi sumus, Pater noster qui est in cælis , sed hoc donū est ex benignitate : nèque enim eò quòd natura ex eo, qui est in cælis, progeniti essemus, patrem ipsum vocamus: sed quòd ex seruitute, paternæ gratiæ, in
ado-

Dei patris templum erat Hierosoly.

Vado ad patrem vestrum, explicatur.

adoptionem filiorum, per Iesum in sancto spiri- *Filij Dei ado-*
 tu, translati sumus, ineffabili humanitate hoc *ptiui sumus.*
 dicere, digni habiti sumus.

Quod si quis discere voluerit, quomodo nos
 Deum vocemus patrem, audiat optimum pæda-
 gogum Moysen, dicentem: Nónne hic ipse pa-
 ter creauit te, & fecit te? Et Esaïam prophetam:
 Et nunc Domine pater noster tu es, nos autem
 lutum, opus manuum tuarum omnes. Manife-
 stissimè sanè indicauit prophetica gratia, quòd
 non natura, sed gratia & adoptione patrem eum
 vocamus. Et vt exactiùs cognoscas, quòd nō vbi- *Patres aliqui*
 que in sacris scripturis, pater naturalis solū pater *ex doctrina*
 appellatur, audi Paulum dicentem: Si enim mul- *dicti.*
 tos pædagogos habeatis in Christo, sed non mul-
 tos patres: in Christo enim Iesu per Euangelium
 vos genui. Non sanè generatione carnis, sed do-
 ctрина, & regeneratione spiritus, Paulus erat Co-
 rinthiorum pater. Audi quoque & Iob dicentem:
 Ego vobis pater, quod est impossibile: patrem
 enim seipsum, non quòd genuisset omnes, sed
 quòd curam eorū gessisset, vocauit. Ipse autē vni-
 genitus filius Dei, passionis suæ tempore ligno
 affixus, videns Mariam, secundum carnem ma-
 trem suam, & Ioannem dilectissimū discipulum,
 ad illum quidem dicit, Ecce mater tua: ad Mari-
 am autem, Ecce filius tuus, studiū debitum erga
 parentes docens. Et quod apud Lucam dictū est,
 acutè dissoluens: Et erat pater eius & mater ad-
 mirantes. Quod torquent hæretici, quasi ex viro
 & muliere natus sit; cū tamen, sicut Maria

*Pater Christi
Ioseph per
curam.*

mater Ioannis propter dilectionem, & non propter generationem: ita Ioseph pater Iesu, propter curam, vel dilectionem vocatus est, & non propter generationem: non enim cognouerat ipsam, inquit, Euangelium, donec peperit filium suum primogenitū: sed propter curam, quam in alendo præstabat. Hoc itaque nunc obiter tanquam commonendo, dictum sit. Addamus autem & aliud testimonium, quo demonstratur, non propriè Deum ab hominibus patrè appellari. Cùm Esaias dicit ad Deum, Nonne tu es pater noster, quia Abraham non nouit nos, & Sara non parituriuit nos: nunquid amplius quærendum est? Quin & Psaltes inquit: Turbatus sum à facie tua, patris orphanorum, & iudicis viduarum. Nunquid non omnibus manifestum est, quòd qui recens patres suos amiserunt, orphanorum pater Deus vocetur? non quòd ex eo sint progeneriti, sed quòd illorum curam gerit, & illos protegit. Hominum itaque non propriè est pater, Christi verò solùm natura pater est Deus, nō per adoptionem: & hominum quidem in tempore, Christi verò ante tempora: quemadmodum ipse dicit: Et nunc tu me glorifica super gloriam, quam habui apud te ante mundi huius constitutionem.

*Angeli pro
mensura ordi-
ni, Deū videt.*

Credamus igitur in vnum Deum patrem imperscrutabilem, & incenarrabilem: quem nemo quidem hominum vidit, vnigenitus verò solus enarrauit. Qui enim est ex Deo, ipse vidit Deum. Cuius faciem angeli perpetuò vident in cælis.

Vident

Vident autem, vnusquisque secundum ordinis proprij mensuram: splendorem autem purū paternæ visionis, propriè tantum filio cum Spiritu sancto intueri licet. Hic interea dum fit sermo, etiam breuiter dictorum recordans, in quibus Deus, hominum pater prædicatur, vehementer ad hominum ingratitudinem obstupesco. Siquidem Deus ineffabili clementia, pater hominum vocari dignatus est: ille qui est in cælis, eorum qui super terram sunt: qui secula fecit, eorum qui in temporibus: qui terram pugillo continet, eorum qui sunt super terram tanquam locustæ. Homo tamen supercaelestem patrem relinquens, dixit ligno, Pater meus es tu: & lapidi, Tu me genuisti. Et vt mihi videtur, propterea ad humanitatē dicit Psaltes: Et obliuiscere populi tui, domus patris tui, quem elegisti patrem, quem traxisti ad perditionē. Non solum autem ligna & lapides: verum etiam nonnulli Satanam animicidam, suū eligebant patrem. Quos Dominus reprehendēs, inquit: Vos opera patris vestri facitis. Cum pater ille sit hominū non natura, sed deceptione. Nam quemadmodum per religiosam doctrinam Paulus Corinthiorum vocabatur pater, sic & diabolus eorum, qui spontē cum illo conueniunt, pater vocatur. Neque enim recipimus eos, qui dictum illud malè intelligunt: Ex eo recognoscimus filios Dei, & filios Diaboli: tanquam sint aliqui inter homines, qui natura aut seruentur, aut perdantur. Non enim ex necessitate, sed voluntate in eiusmodi sanctam adoptionem deue-

*Satan pater
malorum.*

*Adoptio diuina
non nisi volenti
datur.*

nimus. Neque proditor Iudas natura erat filius diaboli, & perditionis. Si enim fuisset, nequaquam ab initio in nomine Christi dæmonas eiecisset: Satanas enim Satanam non eiicit. Neque rursus Paulus ex persecutore prædicator Evangelij factus esset. Sed quòd volùtaria sit adoptio, etiam Ioannes dicit: Quicumque receperunt eum, dedit illis potestatem filios Dei fieri, his qui credunt in nomen eius. Non enim ante fidem, sed ex fide spontè filij Dei fieri, digni facti sunt.

Hoc itaque cognoscentes spiritualiter conuersemur, ut adoptione Dei digni efficiamur. Qui enim Spiritu Dei ducuntur, isti sunt filij Dei. Nihil enim proderit nobis, Christianorum possedisse appellationem, si opera illam non sequantur. Ne fortè & illud nobis dicatur: Si filij Abraham essetis, opera Abraham faceretis. Si enim eum patrem vocamus, qui opus cuiusque sine personæ acceptione iudicat, non sine timore, incolatus seu peregrinationis nostræ tempus transigeremus: non diligentes mundum, nec ea quæ in mundo sunt. Qui enim diligit mundum, non est dilectio patris in illo.

Itaque dilecti filij, patrem cælestem per opera glorificemus, ut videant opera nostra bona, & glorificet patrem nostrum, qui est in cælis: omnem sollicitudinem nostram in illum proiciamus. Scit enim pater noster, quibus opus habeamus. Honorantes autem patrem supercælestem, etiam corporis nostri parentes honoremus: quandoquidem in lege, & prophetis Dominus ipse decrevit:

creuit: Honora, inquit, patrem tuū, & matrem tuam, vt benè sit tibi, & sis longæuus super terram. Hanc admonitionem audiant hi præsertim, qui patres & matres habent, & hîc adsunt. Filij obedite parentibus vestris in omnibus: hoc beneplacitum est Domino. Non enim dixit Dominus: Qui amat patrem, aut matrem, non est me dignus: ne quod benè scriptum est, tu malè ex ignorãtia interpreteris. Verum id, quod à me additum est: Quando terreni parentes cælesti patri sentiunt contraria: tunc ea verba sequenda sunt. Quando autè nihil nos illi in pietate impediunt, sed nos iniquitate adducti, beneficiorum in nos collatorum oblitì, eos despiciamus: tunc locum habet illud eloquium, Qui maledixerit patri, aut matri, morte moriatur. Christianorum est placida prima pietas, honorare parentes, & labores educationis rependere, atque omni studio, quæcunque ad quietem illorum pertineant, curare. Quamuis enim eiusmodi plurima illis reddiderimus, sed rursus generare eosdem nequaquam poterimus. Vt ipsi per nos quiete fruantes, benedictiones in nos congerant, quales supplantator Iacob prudenter rapuerat, & bonam eiusmodi voluntatem nostram, pater cælestis suscipiens dignetur efficere, vt cum iustis, tanquàm sol, splendeamus in regno patris nostri. Cui gloria & potentia nunc & semper, & in secula seculorum, Amen.

CATECHESIS OCTAVA ILLV-

MINATORVM HIEROSOLYMIS EX
tempore dicta, de Omnipotente. Et lectio ex
Hieremia: Deus magnus & fortis, Dominus ma-
gnus voluntate, & potens operibus, omnipotens
& magni nominis, &c.

PER fidem, qua credimus in vnū Deū,
 omnem multorum Deorū excindi-
 mus errorem: his contra Græcos ar-
 mis vtentes, & contra omnem vim
 contrariam hæreticorum. Per illud autem quod
 additur, In vnum Deum patrem: eos qui sunt
 ex circumcisione oppugnamus: qui negant vni-
 genitum filium Dei. Nam, vt dictum est hēster-
 no die, etiam priusquā declarentur aliqua de
 Domino nostro Iesu Christo, dicendo quòd est
 pater, iam manifestum effecimus, quod filij est
 pater. Vt sicut intelligimus, quòd Deus est, &
 quòd filium habet, addamus & hoc, quòd est &
 omnipotens. Quod quidē tam propter Græcos,
 quā Iudæos, & hæreticos dicamus. Ex Græcis
 enim quidam fortunam esse Deum mundi dixe-
 runt. Alij verò potestatem Dei in cælū tantū,
 non autem in terram extendi putarunt. Alij er-
 rantes vnā cū illis, & dicto illo abutentes, quod
 dicit, Et veritas tua vsque ad nubes, ausi sunt Dei
 prouidentiam, nubibus & cælo circumscribere,
 & terram ab illa alienare, obliti psalmi, qui dicit:
 Si ascendero in cælum, tu illic es: si descēdero in
 infernum, ades. Si enim nihil sit cælo excelsius,
 nihil

*De potentia
 Dei errores.*

nihil inferno profundius, qui dominatur extremis, attingit & terram mediam. Hæreticorū autem filij, sicut & antea dictum est, nesciunt omnipotentem Deum. Omnipotens est, qui omnibus dominatur, & habet omnium potestatem. Qui autem dicunt alium esse animæ Dominum, alium verò quendam corporis, neutrum horum dicunt perfectum, cū alterum alteri tribuunt. Nam qui potestatem habet animæ, corporis autem non habet, quomodo omnipotens? Sed redarguit istos Dominus dicens: Timete potius eum, qui potest & animam & corpus mittere in gehennam. Si enim non haberet vtriusque potestatem, quomodo vtrunque subiicit pœnæ pater Domini nostri Iesu Christi? quomodo verò poterit alienum corpus accipiēs proiicere in gehennam, nisi prius ligauerit fortem, & arma illius diripuerit?

Vera est scriptura, & ea sunt veritatis dogmata, quòd vnus est Deus, qui omnibus cum potestate dominatur: sed multa tolerat voluntate. Nam dominatur & idololatriis, sed sustinet eos per multam patientiam. Habet potestatem & super aspernantes eum hæreticos, sed tolerat per longanimitatem. Tenet imperium & super Diabolum: neque enim tanquā non potens, aut victus illū sustinet. Principium enim creaturæ Dei factū vritur assidue, non ab ipso: indignus enim est: sed ab angelis, qui sub ipso facti sunt. Permissit autem illi viuere duabus de causis, vt ille quidem magis confundatur, homines autem coronentur.

Dei patientia.

nentur. O sapientissimā prouidentiam, quæ malum etiam propositū in salutis occasionem conuertit ! Quemadmodum enim illorum fratrum Ioseph eundem odio prosequentium, malam uoluntatem, accepit occasionem propriæ administrationis: & permittens ipsis ex odio vendere fratrem, occasionem accepit efficiendi, ut regnaret. Quos dilexit, cum his sic permittit diabolus luctari, ut vincentes coronentur : & facta victoria, maior quidem victus à minore confundatur: homines autem magnificè probentur, cum eum, qui aliquando fuerat archangelus, vincunt. Nihil itaque est extra Dei potestatem: de ipso enim dicit scriptura: Quod omnia seruiunt tibi. Omnia quidem serua sunt illi, vnus tamē & solus filius, & vnus Spiritus sanctus est extra hæc omnia. Ac omnia sanè serua per vnum filium in sancto Spiritu seruiunt Domino.

Christi imperium & tolerantia.

Imperium igitur super omnia tenet filius, & sustinet homicidas & latrones, & fornicatores, propter longanimitatem præfiniēs tempus retributionis, quo reddet unicuique, ut qui longo tempore acceperant dilationem, & impænitens cor habuerunt, grauius condemnentur. Reges sunt hominum, qui regnant in terra: sed non sine illa, quæ est desuper potestate. Et Nabuchodonosor aliquando didicit experientia, quod regnū illius, regnum æternum: & potestas ipsius, in generationem, & generationem. Non sunt diaboli diuitiæ, aurum, argentum, quemadmodū nonnulli existimant. Fidelis enim hominis, vniuersæ diuitiæ

Diuitiæ non sunt diaboli.

diuitiæ mundi: infidelis verò, ne nummus quidem. Diabolo verò nihil infidelius. Et manifestè per prophetam dicit Dominus: Meum est aurum, & meum est argentum: & non est malum argentum, tu modò vtaris benè, seminans illud pauperibus. Quando autem bono malè vteris, tunc nolens tuam ipsius administrationem odio persequi, in opificem impiè reicis odium. Poterit sanè aliquis etiã per pecunias iustificari. Esuriui, inquit, & dedistis mihi māducare, omninò id per pecunias. Et vis nosse, quòd bona, & opes possunt esse ostiũ regni cælorũ? Vède omnia quæ habes, inquit, & da pauperibus, & habebis thesaurum in cælis. Hęc sanè à nobis dicta sunt propter hæreticos, qui opes & bona, & corpora blasphemant. Neque enim seruum te bonorum esse velim, neque vt hostem te geras in his, quæ tibi à Deo in ministerium tradita sunt. Caue itaque, ne dicas vnquã, diaboli esse pecunias. Quamuis ille dixerit: Hęc omnia dabo tibi, quia mihi tradita sunt. Potest enim facile quiuis ipsius verbũ improbare. Mēdaci namque nemo credit. Fortè autem & coactus tuum à præsenti potestate, dixit verum. Non enim dixit: Hęc omnia dabo tibi, quia mea sunt, sed quia mihi tradita sunt. Non enim dominium sibi arripit: sed vsum tantum, & dispensationem confitetur. Quæres autem suo tempore à scripturæ interpretibus, vtrũ mētiatur, an verum dicat.

Vnus igitur est Pater omnipotens, quem ausi sunt hæretici diffamare: ausi sunt maledicere
Domi.

Pecuniis iustificari posse.

Dominum Sabaoth, sedentem super Cherubim. Ausi sunt maledicere Adonai Dominū: ausi sunt maledicere eum, qui in prophetis, omnipotentem Deum. Tu verò vnum adora omnipotētem Deū, patrē Domini nostri IESV CHRISTI, fugiasque omnem Deorum multitudinem, & omnem hæresim. Et cum Iacob dicas, Dominū verò omnipotentem inuocabo, faciētem magna & inperuestigabilia, gloriosa & potētia, quorum non est numerus, & quæ de his omnibus sequuntur. Cui gloria nunc, & in secula seculorum, Amen.

CATECHESIS NONA ILLUMINATORVM HIEROSOLYMIS EX-
temporanea, de factore Cali & Terra, visibilibus
que omnium, & inuisibilibus. Et lectio ex
Iob: *Quis est iste, qui me celat consiliū, & continet
verba in corde, me verò putat latere, &c.*

Deū in corpore
nemo vidit.



CARNEIS Deum videre oculis nemo sanè poterit: quod enim corporis expers est, corporeis oculis comprehendere non potest. Et testatus est hoc vnigenitus Dei, dicens, Deum nemo vidit vnquam. Quamuis enim ex eo, quod scriptum est apud Ezechielē, excipiat quis, quod viderit Ezechiel. Sed quid dicit scriptura? Vidit similitudinem gloriæ Domini: non ipsum Dominum, sed similitudinem gloriæ. Neque ipsam gloriā, vti reuera est, sed similitudinem tantum gloriæ vidit, & cecidit

cidit per terram, præ timore. Si ergo gloriæ similitudo conspecta, timore & extremo tremore afficit prophetas: ipsum Deum quis tandem cernere sustineat, & vita non priuetur? secundum illud quod dictum est: Nemo videbit faciem meam, & viuet. Propterea secundum maximam suam benignitatem Deus velum propriæ Deitatis cælum extendit, ne periremus. Non meus hic sermo, sed prophetæ, qui dixit: Si aperueris cælum, tremor à te capiet montes, & deficient. Et quid miraris si Ezechiel similitudinem gloriæ illius videns cecidit? Cùm Danieli Gabriel Domini minister apparuit, & illicò consternatus cecidit super faciem: & donec in similitudine filij hominis archangelus seipsum ostendere non contempsisset, non ausus est propheta quicquam respondere. Si ergo Gabriel apparens, tremorem incutit prophetis, Deus ipse si ita ut est appareat, non ne omnes perirent? Diuinam itaque naturam oculis corporis videre impossibile est. Ex operibus autem diuinis in inaginatione potestatis eius venire possibile, quemadmodum Solomon dicit: Ex magnitudine & pulchritudine creaturarum, secundum proportionem creator ipsarum perspicitur, sed addidit, quod secundum mensuram, non sine ratione. Tantò enim maior vnicuique apparet Deus, quantò maiori contemplatione exaltatur cor. Et vis nosse, quod natura Dei incomprehensibilis est? Dicunt tres pueri in camino ignis laudantes Deum: Benedictus es Deus, qui intueris abyssos, & sedes super Cherubim.

Cælum est Deitatis velum.

Contemplanti magis, Deus magis apparet.

Cherubim.

rubim . Dic mihi quæ sit natura Cherubim ? & tunc sedentem super illum perspicito . Et quamuis Ezechiel propheta enarrationem illorum fecit, quantum fieri potuit, dicens , quatuor facies vni, vnum quidem hominis, alterum leonis, tertium aquilæ, quartum vituli . Et quod sex alæ vni, & quod oculi ipsis vndique, & quod unicuique rota quadripartita subiecta . Tamen hac etiã declaratione per prophetam facta, nequaquam nos legentes comprehendere possumus . Quod si thronum enarratum comprehendere non possumus, sedentem super illum inuisibilem & inenarrabilem Deum quomodo intellectu capiemus ?

Naturam igitur Dei curiosè perscrutare impossibile , glorificare autem illum , ex hoc illius quod apparet opificio, possibile . Hæc vobis propter fidei ordinem dicuntur : & quia dicimus, Credimus in vnum Deum , patrem omnipotentem, factorem cæli & terræ, visibiliumque omnium & inuisibilem , vt memineremus etiam , quod ipse est pater Domini nostri Iesu Christi , & ipse qui fecit cælum & terram , & vt confirmemus nos ipsos, contra peruerfiones atheorum hæreticorum, qui ausi sunt malè prædicare de sapiētissimo omnium, totius mundi artifice , qui corporeis quidem oculis cernunt, mentis autem oculos habet obscuratos . Quid enim habent , quod accusent, in hoc maximo Dei opificio ? Qui stupere potius deberent, intuētes cælorum magnitudinem : qui adorare deberent constituentem tanquam fornicem

Cælū ex aquis.

cem cælum, & ex fluxa aquarum natura indeficientem cæli naturam fabricantem. Dixit enim Deus, Fiat firmamentum in medio aquarum. Semel dixit Deus, & permāsit, neque deinceps cecidit. Aqua est cælum, & igneus in illo sol, & luna, & sydera. Et quomodo ignea in aqua currunt? Quod si quis de hoc propter naturas contrarias dubitat, recordetur ignis illius, in Ægypto, tempore Moſis exurētis in grandine, & consideret ſapiētiffimum Dei opificium. Cū enim futurum erat, ut propter agriculturam opus eſſet aquis, conſtituit aquas ſupra cælos, ut cū terra pluviarum irrigatione indigeret, paratum ſit à natura ad hoc cælum. Quis autem non admiretur, aſpiciēs ſolis machinam? quā paruum vas illud apparet, & quā magnam continet virtutem. In oriente apparens, & uſque ad occidētem lumen emittit. Cuius matutinos ortus deſcribēs Pſaltes, dixit: Et ipſe tanquā ſponſus procedens de thalamo ſuo: Splendoris illius proportionem, pro ipſius modo apparentis in cælo deſcripſit. Meridianam enim illius rapiditatem perſæpè propter feruorem fugimūs. Simul ut oritur, calidus eſt omnibus, tanquā ſponſus conſpicuus. Aſpice autem & curſum ipſius, imò potiùs non ipſius, ſed illius, qui curſum illi per mandatum deſignauit. Quomodo altior quidem æſtate, dies efficit longiores, dans ad labores hominum opportunitatem. Hyeme verò contrahit curſum, ut frigoris tempus longius non videatur, ſed noctes quidem factæ maiores,

Aque ſuper cælos in uſum pluuiæ.

iuuent homines requie, iuuent & in fructificatione germinū terræ. Perspice autem, quomodò ordine pulchro sibi mutuò dies correspondent:

Noctu cōmoda. æstate aucti, & hyeme diminuti: Vere autem & Autumno, æqualitate interuallorum mutuò decorati. Et noctes quoque similiter perficiunt. De quibus Psaltes ait: Dies diei eructat verbum, & nox nocti indicat scientiam. Nam his qui non habent aures hæreticis, modò non clamāt per hunc optimum rerum ordinem, & dicunt: Nullū esse alium Deum, præter ipsum opificem, definitorē & gubernatorem vniuersorū. Neque verò quisquam suscipiat illos qui dicunt, alium esse luminis factorem, & alium tenebrarum. Meminerit autem Esaia dicentis: Ego Dominus faciens lumen, & creans tenebras. Cur de teipso angeris ô homo? cur fers grauiter tempus, quod tibi in requiem concessum est? Non accepisset seruus à Domino requiem, nisi tenebræ essent inductæ in hanc præscriptā necessitatē. Quomodò autem in die sæpè laborantes, nocti requiescimus? Et qui hesterno die fuit in laboribus, manè fit robustior propter noctis quietem. Quid autē est ad sapientiam nocte commodius? in hac enim persæpè de Deo cogitamus: in hac lectioni & contēplationi diuinarū scripturarū vacamus. Quando autē magis in psalmodiam & orationē mens nostra cōponitur? nūquid nō noctu? & peccata persæpè nostra noctu in memoriā reuocamus. Nō igitur malè opinemur, aliū esse tenebrarū factorem: bonas enim esse illas & vtilissimas, ipsa docet experiētia.

Opera-

Nox philosophiæ & orationi congruit.

Operæpretium autem fuerat illis , non modò
 solis & lunæ machinam admirari & stupere : ve-
 rùm etiam aſtrorū ordinatos progreſſus , & per-
 petuos curſus, & vniuſcuiuſque opportunos or-
 tus. Et quomodò alia quidem ſunt ſigna æſtatis,
 alia verò hyemis: & quomodò alia quidem tem-
 pus ſeminandi indicant , alia nauigandi initium
 ſignificant: ita vt homo in naui ſedens, & incertis
 fluctibus nauigans , in ſtellam aſpiciens dirigat
 nauem. De quibus etiam ſcriptura: Et erunt, in- *Aſtrorū uſus.*
 quit, in ſigna & tēpora , & annos: non in Astro-
 logiam & genethliacorū fabulationes . Vide au-
 tem, quomodò etiam in die pulchritudinem no-
 bis conferat, non ex improuiſo. Non enim ſtatim
 ſolem orientem intuemur : ſed progreditur pau-
 latim lumen, vt proſpiciens pupilla, poſſit dein-
 de maiores radios aſpicere . Quomodò verò no-
 ctis tenebras , lunari ſplendore conſolatus eſt ?
 Quis eſt pluuiæ pater? Quis eſt qui peperit gut-
 tas roris ? Quis eſt qui aërem cōdenſat in nubes,
 & imbrium aquas portare iubet ? Et aliquando
 quidem à Borea nubes ſplendidas adducit , ali-
 quando verò in caliginem tranſmutat eaſdem, &
 rursus in varios circulos tranſfert , & figuras.
 Quis poterit numerare nubium varietatem ? de
 quibus dicit Iob: Conſtituit autem diuerſitatem *Nubes imbri-*
 nubium, cælum verò declinauit in terrā. Et, Non *feræ.*
 rumpitur nubes ſub ipſa . Tot enim ſunt aquarū
 menſuræ ſuper nubibus, & non rumpuntur. Sed
 omni cum ordine in terram ſparguntur. Quis
 eſt , qui educit ventos de theſauris ſuis ? Quis
 eſt, vt

est, vt diximus, qui parit guttulas roris? De cuius vëtre egreditur crySTALLUM? aquea enim substantia, & vis illi est lapidea. Et quomodò aqua fit nix sicut lana? Quando verò & nebulam sicut cinerem spargit, quandoque in lapideam substantiam mutat? Cùm madefacit aliquid aqua, vna quidem illius est natura, sed diuersa operatio. Aqua in vineis, vinum facta, lætificat cor hominis, & alibi in diuersa fructuum genera mutatur. In his blasphemare ne opificem, an adorare oportet? Sed nondum dico, quæ hæcenus de illius sapientia non apparent, Circumspice mihi ver, & diuersi generis flores, in similitudine disparata. Rosam quidem rubram, lilium autem albū. Ex vna sanè pluuiâ hæc fiūt, & ex vna terra. Quis hæc discernit? quis operatur? Considera solertiā ex vna arboris substantia, hoc quidem in tegmen, illud autē in varios fructus crescit. Et vnus opifex vnius vineæ, aliud quidem in combustionē, aliud in germina, aliud in folia, aliud in pampinos, aliud in botros separat. Admirare calami densissimum nodorum ambitum, quem fecit ille artifex. Ex vna tertia reptilia prodeunt, & feræ & iumenta, & ligna, & cibi, & aurum, & argentum, & æs, & ferrū, & lapis. Vna est aquarū natura, & ex eadem est natantium & volatiliū substantia, vt sicut illa natant in aquis, sic & aues volent in aëre. Hoc mare magnū & spatiosum, illic reptilia, quorum non est numerus. Quis poterit enarrare pisciū in ipso pulchritudinem? quis eloquatur cetorum magnitudinem? aut amphiuio-

*Animantia ex
aquis.*

rum

rum animantium substantiam? quomodò & in terra rudi, & in aquis degunt? Quis poterit eloqui maris profunditatem & latitudinem, & immensum fluctuum impetum? Qui tamen intra *Maris limites à Deo constituti.* limites suos consistunt, propter eum qui dixit: Huc vsque progrediaris, & non transgrediaris: & in teipso confringantur fluctus tui. Quod sanè manifestat impositam sibi legem, quandoquidè excurrentes, fluctuum quandam lineam apertam efficit in littoribus: ostendens intuèntibus, quòd præfixos sibi non transgreditur terminos. Quis poterit perspicere aëreorū volatiliū naturam? quomodò hæc quidè linguam habent canoram; ista autem varia pennarum ornantur pictura, illa verò super alia omnia in medium aërem elata, stare & nihil moueri videntur: vt accipiter distentis alis stat immobilis, spectans ad austrum. Quis hominum poterit visu consequi aquilam exaltatam? Quòd si auem exaltatam non potes conspicerè: quomodò factorem omnium vis consyderare? Quis ex hominibus ferarum omnium saltem nomina nouit? vel quis cuiusque naturam poterit perspicere? Quòd si ferarū etiam nomina scire nequimus, quomodò factorem ipsarum comprehendemus? Vnum est Dei mandatum, quod dixit: Producat terra bestias, & iumenta, & reptilia secundum genus. Et diuersæ naturæ ex vna terra vno mandato productæ: ouis mansuetissima, leo carniuorius. Et diuersarum animantium irrationabiles motus, & imitationes, habètes diuersitatē voluntatū & institutorū humanorū:

*Humani mores
diuersi in bea-
stis expressi.*

vt vulpes quidem significet in hominibus dolū: serpens verò amicorum venena, equus hinniens iuuenū intemperantias. Formica laboriosissima, vt excitet pigrum & socordem. Cū enim quis otiiatur in iuuentute, tunc ab his animātibz docetur, redargutus à diuina scriptura dicēte: Vade ad formicam ô piger, & vidēs æmulare vias eius, & sis illa sapientior. Videns enim, inquit, illam in tempore sibi thesaurizantem cibos, imitare, & thesauriza tibi ipsi fructus bonorum operum in futura secula. Et rursus vade ad apem, & discē quā laboriosa sit: quomodò flores omnis generis oberrans, congerit tibi mel in vsum: vt & tu circuiens diuinas scripturas, tuam ipsius salutem apprehendas, & illis satiatu dicas, quā dulcia faucibus meis eloquia tua super mel & fauum ori meo.

Nunquid ergo non glorificatione potius opifex dignus? Quid enim, etiam si tu non omnium cognoscis substantiam, siue genera? Non enim omnium herbarum vim poteris cognoscere: & vsum qui ex vnoquoque animante procedit. Nam & ex viperarum venenis remedia, in salutem hominum conficiuntur. Sed dices mihi: perniciosus est serpens: timeas Dominum, & affidebit tibi sicut Danieli: Est autem quòd verè vim animantium admiremur: quomodò alia quidem in aculeis, vt scorpius, habent acumen: alia verò vim habent in dentibus, alia vnguibus pugnant. Basilisco verò in oculis est potentia. Ex tam diuersis ergo opificiis, agnosce opificis poten-

*Animantiū vis
& diuersitas.*

potentiam. Sed hæc tu fortè non nosti. Quid est tibi cum extraneis animantibus? Intra autem deinceps in teipsum, & ex tua substantia cognosce artificem. Quid improbādum in corpore tuo creatum est? Apprehendas teipsum, & nihil vile ex omnibus membris tuis reperies. Ab initio Adam in paradiso cum Eva nudus erat: sed non propter membra erat reiectus: non igitur membra causa sunt peccati, verùm malus membrorū vsus. Sapiens autem membrorum creator, quis construxit vasa matricis, ad puerperia? Quis inanimatum in ipsa animat? Quis nervis & ossibus carnem & cutem induit, & simul v̄t nascitur infans ex vberibus fontes lactis educit? Quomodò infans crescit in puerum, & is in iuuenem, deinde in virum, atque postremò in senem mutatur, etiamsi nulla per dies singulos expressa mutatio cuiquam appareat? Quomodò ex cibo aliud in sanguinem, aliud in carnem mutatur, aliud in excrementum secernitur? Quis est qui cor assiduè mouet? Quis oculorum molliciem, palpebrarum obtentu manifestè communiuit? Nam de varia & admiranda oculorum structura, copiosè medicorum libri differunt. Quis est hic, qui vnum afflatum in totum corpus spargit? Vides homo artificem, vides opificē? Hæc ita nunc declaranda tibi latiùs existimauimus: multa tamen millia prætermisimus, maximè verò incorporeorum, & inuisibiliū: vt oderis blasphemantes sapientem & bonum artificem. Ex his autem quæ dicta sunt, & lecta, & quæ ipse inuenire &

Fabrica humani corporis admiranda.

intelligere poteris: & ex magnitudine pulchritudineque creaturarum, secundum proportionem creatorem contemplare, pie flectens genua, factori omnium sensibilium dico & intelligibilium, visibilium omnium & invisibilium, atque grata benedicientique lingua, & non cessantibus labiis lauda Deum dicens: Quam admirabilia opera tua Domine, omnia in sapientia fecisti. Cui honor & gloria, & magnificentia, & potentia, ante omnia secula, & deinceps in infinita secula seculorum, Amen.

CATECHESIS DECIMA ILLV-

MINATORVM HIEROSOLYMIS, DI-

cta ex tempore in hoc: Et in vnum Dominum nostrum Iesum Christum. Et lectio ex prima ad Corinthios: Nam etsi sunt, qui dicantur dii, siue in celo, siue in terra: siquidem sunt, dii multi & domini multi, nobis tamen vnus est Deus pater, ex quo omnia & nos in illo, & vnus Dominus Iesus Christus, per quem omnia, & nos per ipsum, &c.



QVI credere in vnum Deum omnipotentem decreuerunt, & in filium vni-
genitum credere debet: qui enim negat filium, neque patrem habet. Ego sum ostium, inquit Iesus, nemo venit ad patrem nisi per me. Si negaueris ostium, praecludetur tibi & patris cognitio. Nemo enim cognoscit patrem nisi filius, & cui voluerit filius reuelare. Si negaueris reuelantem, manes in ignorantia. Sententia est in Euangeliiis, quæ dicit: Qui non credit in filium, non videbit vitam, sed ira Dei manet super illum.

*Pater impiè
colitur sine
filio.*

illum . Indignatur enim pater, cū filius eius vnigenitus nō agnoscitur . Graue est regi, si quis gregarium militem inhonorarit : quōd si quis eorū, qui interius sunt, satellitum, vel amicorū inhonoratur, tunc excitatur maior ira : sin autem aliquis ipsum filium vnicū Regis cōtumelia afficiat, quis consolabitur patrē pro filio vnigenito indignantem ? Si quis vult piē colere Deum, adoret & filium, alioquin eius cultus non recipietur . Pater cælitus pronunciauit, dicens, Hic est filius meus dilectus, in quo mihi complacuit . Complacuit patri in filio : quōd si tibi non placuerit, non habebis vitam . Non ergo depraueris à Iudæis improbè vafreque dicētibz, Vnus est tantū Deus . Sed posteaquam vnum esse Deum cognoueris, scias, quōd & filius Dei est vnigenitus . Non ego primus hoc dixi, sed Psaltes ex persona filij dicit : Dominus dixit ad me, filius meus es tu, ego hodie genui te . Ne itaque quod dicunt Iudæi attendas, sed quod dicunt prophetæ . Miraris si reiciunt verba prophetarum, qui prophetas lapidauerunt ? Tu credas in vnum Dominum Iesum Christum, filium Dei vnigenitum . Vnum dicimus, vt non cogites alium . Vnum dicimus, vt multorum nominum illius potentiam, in multos impiē non diffundas . Dicitur enim ostium : sed non putes

lineam esse appellationem : sed ostium viuum rationale, discernens ingredientēs . Via vocatur, non pedibus calcata, sed quæ ducit ad eum, qui est in cælis, Dominum . Ovis vocatur, non irrationalis, sed quæ per pretiosum sanguinem suum,

Filij Dei varia nomina.

Ostium.

Ovis.

suum, mundum à peccatis mundat, quæ ducitur coram tondente se, & scit quandiu tacere oporteat. Hæc ovis rursus vocatur pastor, cùm dicit: Ego sum pastor. Ovis propter incarnationem, pastor propter benignitatē Deitatis. Et vis nosse, quod & ovis est rationalis, dicit Apostolis: Ecce ego mitto vos sicut oves in medio luporum. Leo quoque vocatur, non hominum vorator: sed regium quiddam & solidum, atque confidentis personæ, per eam appellationem indicatur. Leoque vocatur ex aduerso illi leoni nostro aduersario rugienti, & aberrantes deuoranti. Venit enim Saluator, non mutans suæ naturæ mansuetudinem, sed tanquàm leo fortis de tribu Iuda, seruans quidem credentes, conculcans autem aduersarium. Lapis vocatur, non inanimatus, manibus hominum excisus, sed lapis angularis, & qui credit in eum, non confundetur.

- Christus.* Christus vocatur, non humanis manibus unctus, sed à patre perpetuo, in eam, quæ super homines, supremam sacerdotij dignitatē inunctus.
- Mortuus.* Mortuus vocatur, nō permanens inter mortuos, vt omnes qui sunt in inferis: sed solus ex mortuis liber.
- Filius hominis* Filius hominis vocatur, non vt quilibet nostrum, ex terra generationem habens: sed venturus in nubibus iudicare viuos, & mortuos.
- Dominus.* Dominus vocatur, non abusiue, sed tanquàm inter homines. Iesus vocatur vero nomine, à saluari medicina habens appellationem.
- Iesus.* Filius vocatur, non per adoptionem inductus, sed naturaliter genitus.

Et

Et multæ sanè sunt Saluatoris nostri appellationes : vt ergo propter multas appellationes, multos non putemus esse filios, & propter errores hæreticorum, qui dicunt, alium esse Christum, alium Iesum, aliud ostium : & sic de reliquis. Primò confirmeris fide, profitendo benè : Et in vnum Dominum Iesum Christum. Quamuis enim multæ sunt appellationes, sed vnum tamen subiectum : vnicuique autem varius fit Saluator ad vtilitatem. Qui enim indigent recreatione & lætitia, illis fit vinea : qui opus habent, vt ingrediantur, his constituitur ostium : & qui cuperent offerre orationes, illis fit mediator, summusque sacerdos. Rursus habentibus peccata, fit ouis, vt pro ipsis mactetur. Et omnibus fit omnia, ipse idem natura permanens, qui est. Manens enim idem & verè, immutabilem filij dignitatem habens, tanquàm optimus medicus & doctor compatiens, accomodat se ad infirmitates nostras. Dominus verè existens, nō successionē, vel prosperitate aliqua dominationem accipiens, sed natura dominationis habēs dignitatem. Non abusiue Dominus vocatus, sed verè Dominus existens : quoniam nutu patris dominatur suis opificiis. Nos quidem habemus dominium super homines honore nobis æquales, & affectionibus similes : sæpenuerò etiam nobis generosiores. Et iuuenis persapè Dominus fit, seruorum maximè senum. Dominium autem Domini nostri Iesu Christi non est eiusmodi : sed primùm factōr, deinde Dominus : primū fecit nutu patris omnia,

*Christus fit
omnia omni-
bus.*

*Christus erat
etiam ante in-
carnationem.*

omnia, deinde his quę fecit dominatur. Christus est Dominus, qui natus est in ciuitate Dauid. Et vis nosse, quodd cum patre etiam ante incarnationem est Christus Dominus: vt non solum fide percipias dictum, sed demonstrationem habeas ex veteri testamento. Veni ad primum Geneseos librum. Dicit Deus, Faciamus hominem: non inquit, ad imaginem meam, sed ad imaginem nostram. Et cum iam fecisset Adam, dicit: Et fecit Deus hominem, ad imaginē Dei fecit ipsum. Non enim attribuit tantum soli patri deitatis dignitatem, sed comprehendit in illa & filium, vt demonstret, quodd homo non solum Dei patris sit creatura, verum & Domini nostri Iesu Christi. Iste Dominus patri cooperans, cooperatus est & super Sodomis, secundum scripturam dicentem: Et Dominus pluit super Sodomam & Gomorrhā, sulphur & ignem, à Domino de cælo. Hic Dominus apparuit quoque Moyse, ita vt potuit videri. Benignus enim Dominus est, & cōpatiēis infirmitatibus nostris. Et vt scias hunc eundem esse, qui Moyse apparuit, accipe testimonium Pauli dicentis: Bibebant autem de spiritali consequente eos petra: Petra autem erat Christus. Et rursus fide Moyses reliquit Ægyptum. Et post pauca dicit: Maiores diuitias æstimans thesauro Ægyptiorū, improprium Christi. Hic Moyses dicit ad illum: Ostende mihi teipsum, cognoscens videbo te. Cernis quodd & prophetę tunc videbant Christum, sed ita vt capere poterant. Ostende mihi teipsum, cognoscēs videbo

*Christus Moyse
apparuit.*

videbo te . Quod verò dicit : Nemo videbit faciem meam & viuet. Propterea sanè, cùm deitatis personam nemo viuus potuit videre , humanitatis personam recepit , vt videntes viuamus. Et cùm voluit hanc personam cum exigua dignitate ostendere, quando facies illius resplenduit vt sol , discipuli cadunt præ timore . Si ergo faciei corporis splendor, non tantùm, quantum ille qui id operabatur potuit, sed quantũ capiebant discipuli, ita perterrefecit eos, vt ferre non potuerint: quomodò in deitatis dignitatem oculos aliquis poterit intendere? Magnum quiddam, dicit Dominus, desideras ô Moyſes : recipio tamen insatiabile tuum desiderium , & hoc verbum tibi faciam: sed ita vt tu capere potes. Ecce ponam te in foramine petreæ. Cùm enim exiguis sis, in paruo circumscriptus eris.

Cæterùm hîc deinceps confirma mihi propter Iudæos, quod dictum est . Hoc enim erat nobis propositum demonstrare, quod erat apud Deum patrem, Dominus Iesus . Dicit igitur primùm Moyſi: Ego præteribo prior te gloria mea, & vocabor in nomine Domini corā te, Dominus ipse existens, quẽ alium vocat Dominũ. Cernis quàm occultè docuit, piā hanc de patre & filio doctrinam? Et rursus in his quæ sequuntur, his verbis scriptum est: Et descendit Dominus in nube , & vocabat in nomine Domini, & præteriit Dominus ante faciem ipsius, & inuocauit : Dominator Domine Deus misericors & clemens , patiens & multæ miserationis , ac verax , qui custodis mise-

Moyſes quomodo Deũ viderit

misericordiam in millia, qui aufers iniquitatem & scelera atque peccata. Tum deinde procumbens Moyses & adorans coram Deo vocante patrem dicit: Gradiaris autem nobiscum. Habes primam hanc demonstrationem, sed recipe aliam manifestiorem. Dixit Dominus Domino meo, sede à dextris meis. Dominus Domino hæc dicit, non seruo, sed Domino omnium, filioque suo: cui omnia subiecit. Cùm autem dicat, omnia subiecta sunt ei, sine dubio præter eum qui subiecit omnia ei, ut sit Deus omnia in omnibus, Dominus est omnium vnigenitus filius, filius verò patris fidelis, non rapiens sibi dominium: sed à spontaneo volenteque accipiens. Neque filius rapuit, neque pater traditionem dominij illi inuisit. Ipse est qui dicit: Omnia mihi tradita sunt: & seruo benè, non defraudoque patrem dantem.

*Filius Dei
omnium Do-
minus.*

Dominus igitur est filius Dei: Dominus qui natus est in Bethlehem Iudæ, sicut angelus dixit pastoribus: Euangelizo vobis gaudiū magnum: quia natus est vobis hodie Christus Dominus, in ciuitate Dauid. De quo alibi dicit quidam ex Apostolis: Sermonem misit Euangelizans per Iesum Christum: Hic est omnium Dominus. Quando autem dicit, omnium, nullam dominij partem excipit: siue enim angeli, siue archangeli, siue principatus, siue quidpiam eiusmodi è rebus creatis, ab Apostolis nominatum: omnia sunt dominio filij subiecta. Angelorum est Do-

*Christus ange-
lorū Dominus.*

minus, sicut habes in Euangelis. Tunc recessit
ab

ab illo diabolus, & angeli accesserunt, & ministrabant ipsi: quod est officium seruitutis. Cum ex virgine nasci debebat: ministrabat tunc Gabriel, propriam dignitatem esse reputans ipsi ministrare. Cum in Ægyptum ire debebat, ut manufacta Ægypti dissolueret: rursus angelus in somnis apparuit Ioseph. Crucifixo illo & resurgente, Angelus annunciat, & dicit mulieribus (Quam bonus minister:) Item, inquit, & dicite discipulis eius, quod surrexit Dominus, & præcedet vos in Galilæam, ecce prædixi vobis. Quasi diceret: Nō sum transgressus illius mandatum. Testor illum dixisse vobis, ut si neglexeritis, non contra me fiat indignatio, sed aduersus negligentes.

Hic igitur est vnus Dominus Iesus Christus, per quem omnia, & nos per ipsum. Iesus Christus vocatur duplici nomine: Iesus propter saluationem; Christus propter sacerdotium, quo fungitur. Quod cognoscēs diuinus propheta Moyses, duobus viris omnium excellentissimis duas hæc contulit appellationes. Alterum quidē sui principatus successorem Naue, Iesum nominauit: alterum verò fratrem suum Aaron, Christū appellauit: ut per duos homines excellentes, & summi sacerdotij simul, & Regia dignitas, futuri vnus Iesu Christi, cōponeretur. Summus enim pontifex est Christus secundum Aaron: non ille seipsum censuit fieri summum sacerdotem: sed qui locutus est ad illum, Tu es sacerdos in æternum, secundum ordinem Melchisedech. Typum

Christus propter sacerdotium dictus.

Typus Christi in Iesu Naue.

K

enim

enim præesse populo, à Iordane cœpit: vnde & Christus baptizatus cœpit euangelizare. Duodecim diuifiores hæreditatum filius Naue constituit: duodecim quoque Apostolos præcones veritatis in omnem terram misit Iesus.

Credientem Raab meretricem ille typicus saluauit. Hic autem verus Iesus dicit: Ecce publicani & meretrices præcedent vos in regnū Dei. Sonitu solo typicus ille prostrauit muros Hiericho. Et propter dictum Iesu: Non relinquetur hic lapis super lapidem, cecidit hoc coram nobis Iudæorum templum. Non quòd illius dictū cadendi fuerit causa, sed quia peccata iniquorum illius casus causam esse videbat. Vnus est Dominus Iesus, cuius nomen admirabile, à prophetis obliquè prænunciatum. Dicit enim Esaias: Ecce Saluator tibi aderit, habens mercedē suam. Saluator verò apud Iudæos Iesus dicitur. Prophetica enim gratia dominicidas Iudæos præuidens, occultauit appellationem: ne si apertè præsciuisent, promptius illi insidiarentur. Iesus autem vocatus est non ab hominibus, sed ab angelo manifestè, non sua autoritate veniente, sed à Deo missò, qui dixit ad Ioseph: Ne timeas accipere Mariam cōiugem tuam. Quod enim in illa natum est, de Spiritu sancto est: Pariet autem filium, & vocabis nomen eius Iesum. Cuius nominis causam statim reddit: Ipse enim saluum faciet populum suum à peccatis eorū. Qui nondum genitus est, quomodò populum habere intelligetur, nisi antequā nasceretur fuisset? Et hoc est,

est, quod ex eius persona dicitur: De ventre matris meæ, vocavit nomen, quia prædixerat angelus, quod Iesus vocabitur. Et rursus, propter Herodis insidias. Et sub protectione, inquit, manuum suarum occultavit me.

Iesus itaque apud Hebræos significat Saluatorem, in lingua verò Græca, medicum sonat: quandoquidem & corporum medicus est, & animarum curator. Cæcorum sensilium sanator, & mentium illuminator: claudorum curator, & peccatorum dux ad pœnitentiam. Qui dixerat paralytico: Non pecces amplius, & tollens grabatum tuum ambula. Cùm enim propter animi morbum langueret corpus, prius animam curavit, ut corporis etiam induceret sanitatē. Cuius itaque anima peccatis affecta est, habet medicum. Et si quis est hîc modicæ fidei, dicat ad illum: Adiuua incredulitatem meam. Si quis etiam corporeis obnoxius est affectionibus, non diffidat, sed accedat, curabit ille etiam hæc, & cognosces, quia Iesus est Christus. Iudæi quidem concedunt illū esse Iesum, Christum verò esse negant. absit hoc. Ideò dicit Apostolus: Quis est mendax, nisi qui negat, quod Iesus sit Christus? Christus est summus sacerdos, immutabile habēs sacerdotiū, quod neque à tempore cepit, neque successorem alium habebit sacerdotij. Quemadmodum die Dominico audisti, nobis in Synaxi disserētibus, de eo quod dicitur: Secundum ordinem Melchisedech. Non ex corporea successione accipiens sacerdotiū: neque factitio oleo vnctus, sed ante

Iesus Græcè medicū sonat.

Christi æternū sacerdotium.

Synaxis.

secula à patre, idque tanto excellētius aliis: quoniam hic cum iureiurando factus est sacerdos. Alij enim sine iureiurādo sunt sacerdotes, alij autem cum iureiurando. Propterea quòd dicit: Iurauit Dominus, & non pœnitebit eum. Sufficiēs erat ad securitatem, tantummodò voluisse patrē: duplicatio autem securitatis est hic modus, cū voluntati iusiurandū accedit. Vt propter res duas incommutabiles, in quibus Deū impossibile est mentiri, fortiorem habeamus fidei consolationē, qui Christum Iesum filium Dei recepimus.

Christum prophete nouerūt.

Hunc Christum negabant Iudæi cognati, daemones autem confitebantur. Sed non ignorabat illum patriarcha Dauid dicens: Paraui lucernam Christo meo. Ac alij quidem lucernam prophetiæ claritatem interpretati sunt: alij verò, lucernā capiebant pro incarnatione ex virgine, secundum illud quod est apud Apostolum: Habemus thesaurum hunc in vasis fictilibus. Non ignorabat Christum propheta dicens: Et annuncians hominibus Christum eius. Nouerat illum & Moyses: nouerat Esaias, nouerat Hieremias. Nemo ex prophetis illum ignorabat. Agnouerant etiam illum daemones. Præcepit enim ipsis, inquit, quia sciebant ipsum esse Christum, principes autem sacerdotum ignorabant. Et mulier Samaritana prædicauit, dicens: Venite, videte hominem, qui dixit mihi omnia quæ feci; ne fortè hic est Christus? Hic Iesus Christus est: assistens pontifex futurorum bonorum, qui propter abundantiam Deitatis, omnibus nobis tradidit suam appellationem.

tionem. Reges quidem inter homines, non commune cum aliis hominibus regium nomen habent: Iesus autem Christus Dei filius, Christianos nos vocari dignatus est.

Sed dicet aliquis, nouum est nomen Christianorum, & antea non erat in usu, quæ autem nuper facta sunt, sapè his, propter nouitatem contradicuntur. Præmunierat hoc propheta dicens: Seruientibus mihi vocabitur nomen nouum, quod benedicetur super terram. Quæramus ex Iudæis: Seruitis Domino, an non? Ostendite igitur nomen vestrum nouum. Iudæi enim & Israëlita, à Moysè & aliis prophetis vocati estis. Et post reditum ex Babylone, & hucusque. Vbi ergo est nomen nouum? Nos verò posteaquàm seruimus Christo, habemus nomen noui, quod benedicetur super terram. Comprehendit vniuersam terram hoc nomen. Iudæi enim in vna quadam sunt regione: Christiani verò vsque ad fines terræ, vbi etiam vnigeniti filij Dei annunciatur nomen. Vis nosse quòd nomen Christi gaudebant prædicare Apostoli? imò potius Christum, in seipsis habebant. Paulus dicit ad auditores Iudæos: An experimentum quæritis eius, qui in me loquitur, Christi? Paulus annunciat Christum: quis autem est iste? Ille qui antea persequabatur, ipse nunc Christum annunciat. Quamobrem? Nunquid pecuniis corruptus? an quia vidit præsentem, & reueritus est, cum raptus erat in cælum? Exiuit vt persequeretur, & post triduum Damasci persecutor, fit illius præco. qua virtute? Alij quidem

*Christianorum
nouum est no-
men.*

*Testimonium
hominis de Chri-
sto.*

domesticos de rebus domesticis citant testes. Ego verò eum, qui antea fuerat hostis, testem statuo: Et adhuc dubitas? Magna quidem Petri & Ioannis testimonia. Sed suspiciosus aliquis dixerit, quòd erant domestici. De illius autem, qui hostis antea fuit, deinceps verò pro illo moritur, quis dubitet amplius illius esse verum testimonium? Miratus sum certè sancti Spiritus dispensationem: quòd aliorum quidem epistolas paruo numero circumscripsit, Pauli autem, antea sui persecutoris, quatuordecim esse concessit. Non enim eò, quòd minor esset Petrus aut Ioannes, præcidit gratiam. absit: sed quòd dubia non esset doctrina illius, qui antea esset inimicus, & persecutor, plura concessit illum scribere: ut omnes sic nobis faciliùs persuadeamus. Stupebāt enim omnes de Paulo dicentes: Nōne hic est, qui prius persequabatur? Nōne hic venit, ut nos ligatos ducat Hierosolymas? Non miremini, inquit, Paulus: Ego scio quod durum est mihi aduersus stimulum calcitrare: Scio quòd non sum dignus vocari Apostolus, quia persequabar Ecclesiam Dei, sed ignorās. Existimabam enim esse solutionem legis, Christi prædicationem: nesciui autem, quòd ipse venit adimplere legem, & non soluere: superabundauit autem gratia Dei in me.

*Pauli cur tot
Epistole.*

Testes Christi.

Multa sunt vera, dilecti, de Christo testimonia: testatur pater de cælo, de filio: testatur Spiritus sanctus descendens corporaliter, in specie columbæ. Testatur Gabriel archangelus Mariæ Euangelizans, testatur virgo deipara: testatur beatus præsepj

præsepj locus . Ægyptus testatur , quæ puerum adhuc Dominum receperat in corpore : testatur Simeon recipiens ipsum in vlnas, & dicens: Nūc dimitte seruum tuum Domine , secundum verbum tuum in pace: Quia viderunt oculi mei, salutare tuum , quod parasti ante faciem omnium populorum. Et Anna prophetissa, continens, religiosissima, & monialis, testatur de ipso: testatur & Ioannes Baptista, maximus quidem inter prophetas, archidux autem noui testamenti: & quodammodò conglutinans in seipso ambo testamenta , & nouum & vetus . Testatur Iordanus inter flumina. Testatur inter maria, mare Tyberiadis : testantur cæci , testantur claudi, testantur mortui excitati, dæmones testantur , dicentes: Quid nobis & tibi Iesu? scimus enim te esse filiū Dei : testantur venti quieti & tranquillī effecti. Quinque panes testantur , in quinque millia multiplicati. Lignum crucis testatur , ad hodiernum diem apud nos apparens , & apud eos qui secundum fidem ex illo capientes hinc vniuersum orbem ferè iam replerunt. Palma quæ est in Pharynge testatur, ramos exhibens his qui tunc benedicebant . Gethsemani testatur , modò non monstrans Iudam adhuc consyderantibus . Gulgatha hic mons sanctus & conspicuus eminenter , testatur sepulchrum sanctitatis, testatur & lapis ad hodiernam diem vsque positus. Sol nūc lucens testatur , qui tunc salutaris illius passionis tempore defecerat . Tenebræ testantur: quæ factæ fuerant à sexta hora vsque ad nonam :

Anna prophetissa continens, & monialis erat.

Crucis lignum per vniuersum Orbē sparsum.

Lumen testatur, quod à nona hora vsque ad vespas lucebat. Mons oliuarum hic sanctus testatur, ex quo ascendit ad patrem: & imbrigenę nubes testantur, quę Dominum susceperunt. Et cælestes portę testantur, de quibus dixerat Psalmus: Tollite portas Principes vestras &c. & introibit Rex glorię. Qui hostes aliquando erant testatur, è quibus beatus Paulus vnus est, ad modicum quidem gerens inimicitias, longo autem tempore illi seruiens. Apostoli duodecim testantur, non verbis tantum, verum etiam tormētis, & propria morte prædicantes veritatē: vmbra Petri testatur, sanans in nomine Christi ægrotos, sudaria & semicinctia Pauli testantur, similiter vt Christi virtute, per Paulum sanantia. Persę & Gothi, & omnes gentes testantur, morientes pro illo, quem corporeis oculis non viderunt. Qui per fideles vsque ad hodiernum diem expelluntur dæmones, testantur. Tot & tam excellentes plurimi que sunt testes. Nunquid non creditis? Christus ipse testatus est. Si quis igitur est, qui prius non credebat, credat nunc: si verò fuit fidelis, maius fidei adminiculum accipiat. Credens in Dominum nostrum Iesum Christum, agnoscat cuius habet appellationem: Christianus vocatus es, parce huic nomini: ne propter te blasphemetur Dominus noster Iesus Christus filius Dei. Sed luceāt bona opera tua potius coram hominibus: vt videntes homines glorificent in Christo Iesu Domino nostro patrem, qui est in cælis: cui gloria nunc, & semper, & in secula seculorū, Amen.

CATE-

CATECHESIS VNDECIMA IL-

LVMINATORVM HIEROSOLYMIS
extemporanea, de his rebus: In filium Dei vni-
genitum, ex patre genitum, Deum verum ante
omnia secula, per quem omnia facta sunt. Et
lectio ex epistola ad Hebraeos: Multifarie mul-
tis que modis olim Deus loquēs patribus in pro-
phetis, nouissimè autem locutus est nobis in fi-
lio, &c.

QUOD in IESVM Christum spera-
 mus, satis iam quantum potuimus,
 in his quæ à nobis heri tradita sunt,
 diximus: non vulgariter autē in Chri-
 stum credendum: neque tanquā in aliquem ex
 his, qui abusuē Christi vocati sunt, illi enim erāt
 typici Christi: hic autem Christus verus, non ex
 hominibus promotione aliqua in sacerdotium
 ascendit: sed semper sacerdotij habuit dignitatē.
 Et ideò præmuniens fides, ne vulgares Christos
 suspicaremur, Vnum; apponit confessioni fidei,
 quòd credimus, in vnum Dominum nostrū I E-
 S V M Christum filium Dei vnigenitum. Filium
 porrò cū audis, non existimes esse adoptiuum,
 sed naturalem filium, vnigenitum filium, qui fra-
 trem alium habet nullum. Propterea enim voca-
 tur vnigenitus, quòd in dignitate Deitatis, & ex
 patre generatione, fratrem non habet. Filium au-
 tem Dei vocamus ipsum, non ex nobis ipsis, sed
 quoniam pater ipsius filium eum vocauit. Vera
 autē est appellatio, quæ à patribus filiis datur. In-

*Christus ab
 æternō sacerdos*

Deus incarna-
tus.

K 5 stus,

stus, sed à multis ignorabatur. quod cùm docere vellet, congregatis discipulis, quærebat ex illis: Quem dicunt esse filiū hominis? non inanis gloriæ studio: sed vt veritatē illos doceret, hæc quæsiit, vt qui cum vnigenito Dei habitaret, tāquā simplicem aliquem hominem illum non cōtemnerent. Dicentibus autē illis: Quod alij quidem Heliam, alij verò Hieremiam, dicit ad illos: Illi quidem nescientes, excusabiles, Vos autem apostoli, qui in nomine meo leprosos mundatis, & dæmonia eiicitis, & mortuos excitatis, non debetis cum ignorare, per quem facitis miracula. Omnibus autem reticentibus, (supra vires enim humanas hæc erat doctrina) Petrus princeps Apostolorum, & supremus Ecclesiæ præco, non comminiscens sibi, neque ratione humana persuasus, sed à patre Deo, in mente illuminatus, dicit ad ipsum: Tu es Christus. Nō simpliciter, sed filius Dei viuentis. Et statim benedictio verbū id subsequitur: erat enim id verè suprā hominem. Et obsignans id quod ille dixerat, quod pater esset, qui hoc illi reuelaret, dicit saluator: Beatus es Simon Bariona: quia caro & sanguis non reuelauit tibi, sed pater meus qui in cælis est.

Qui itaque agnoscit Dominū I E S V M Christum cum Deo, fit particeps eius beatitudinis: qui verò negat filium Dei, infœlix & miser est. Porro cùm filium audis, non abusiue dici filium putes, sed verè filium naturalem: non ex seruitute in adoptionis prosperitatem ascendentem, sed inperscrutabili incōprehensibiliq̃ue generatione produ-

*Petrus princeps
Apostolorū
& Ecclesiæ.*

productū. Similiter cū audis primogenitum, non humano id more esse putes: hominū enim primogeniti alios quoque habent fratres, sicut alicubi scriptum est: Filius primogenitus meus Israël. Sed sicut Ruben fuit abiectus, ita Israël. Ille enim in patris cubile ascenderat. Israël autem filium patris eiiciens ex vinea, crucifixit. Et ad alios quoque dicit scriptura: Filij estis Domini Dei vestri. & alibi: Ego dixi dij estis, & filij excelsi omnes. Dixi: non genui. Illi verbo adoptionem, quam non habebant, acceperūt: hic autem non aliud erat, & aliud factus, sed filius ab initio genitus, filius patris, similis generanti, vita ex vita progenita, & lumen de lumine, & veritas de veritate, & sapientia de sapientia, & rex de rege, & Deus de Deo. Si igitur audieris Euangeliū cū dicit: Liber generationis I E S V Christi, filij Dauid, filij Abraham: secundū carnem id intellige: filius enim Dauid fact⁹ in consummatione seculorū. Et illud quidē accepit, quod nō habuit: hoc autē quod habuit, habuit perpetuò, vt sit genitus de patre. Duos patres habet, vnum Dauid secundū carnem, & alterū Deū patrem secundū Deitatem. Et illud quidem quod est secundū Dauid, & tempori subiicitur, & contrectatur, & profapia eius recensetur. Quod verò est secundū Deitatem, neque tempori subiicitur, neque loco, neque genus eius recensetur. Generationem eius quis enarrabit? Spiritus est Deus: qui verò spiritus est, spiritaliter generatur vt incorporeus, inperscrutabili, & incomprehensibili genera-

Filius primogenitus quomodo dō.

Christus habet duos patres.

generatione. Filius ipse dicit de patre, Dominus dixit ad me: Filius meus es tu, ego hodie genui te: hodie autem non recens, sed perpetuū hodie, & sine tempore, & ante omnia secula: Ex vtero ante luciferum genui te.

Crede itaque in I E S U M Christū filium Dei viuentis, filium autem vnigenitum, secundum euangelium, quod dicit: Sic Deus dilexit mundum, vt filium suum vnigenitū daret, vt omnis qui credit in eum, non pereat, sed habeat vitam aternam. Et rursus: Qui credit in filium non iudicatur, sed translatus est ex morte in vitam: qui non credit filio, non videbit vitam, sed ira Dei manet super illum: quia non credidit in filium Dei vnigenitum. De quo testimonium perhibēs Ioannes dixit: Et vidimus gloriam eius, gloriam quasi vnigeniti à patre, plenum gratia & veritate. Quem tremantes, dicebant daemones: Quid nobis, & tibi fili Dei viuentis?

*Filius quo modo
ex patre gene-
ratur.*

Filius ergo est D E I, non adoptione, sed natura genitus ex patre, qui diligit generantē, diligit & genitum ex eo: qui autem non recipit genitum, contumelia afficit genitorem. Quum autem generantem Deum audis, ne incidas in corpora, neque corruptibilem esse opineris generationem, ne impiè agas. Spiritus Deus, spiritualis eius generatio. Corpora enim generant corpora: & in eorum generatione tempus intercedat necesse est. Eius autem, quæ est ex patre, generationis tempus intermediū non est. Et quod hinc generatur, imperfectū est; filius autem Dei perfectus

fectus est genitus . Quod enim nunc est , hoc ab initio natus . Nos cū nascimur infantes , ex ignorantia in rationem progredimur . Imperfecta est , ô homo , tua generatio : per successionem enim fit illius accessio . Illic autem nihil eiusmodi existimes : neque infirmitatis genitum arguas . Si enim imperfectus quidem genitus est , successu verò temporis perfectionem adeptus est , infirmitatis illum arguis . Sin autem , quæ tu deinceps tempore illi accessisse putas , ab initio habuit , non ergo humanam esse existimes istam generationem , neque sicut Abraham genuit Isaac : qui nō quem voluit progenuit , sed quem alius illi contulit .

Deo patre generante neque ignorantia intercedit , neque deliberatio . Dicere enim , quòd natum ex se ignorat , maxima est impietas : um verò dicere , quòd in tempore considerans , deinceps pater est factus , eiusdem est impietatis . Nō enim prius erat Deus sine prole , successu verò temporis factus est pater . Sed semper habet filiū quem genuit : non sicut homines ab hominibus , sed sicut ipse nouit , qui genuit ipsum ante omnia secula Deum verum . Cū enim Deus verus esset pater , similem sibi genuit filium , Deum verum . Non quemadmodum magistri generant discipulos . Non vt Paulus quibusdam dicit : In Christo Ies v per euangelium ego vos genui . Hic enim secundū naturam filius non erat , per doctrinam filius est factus . Illic autem naturalis filius , & verus filius . Non sicut vos illuminati , nunc facti estis filij Dei . Efficimini enim &

Generatio diuina.

vos

vos filij, sed adoptione per gratiam, sicut scriptū est: Quicumque receperunt ipsum, dedit illis potestatem, filios Dei fieri, his qui credunt in nomine eius: qui non ex sanguinibus, neque ex voluntate carnis; sed ex Deo nati sunt. Et nos quidem nascimur ex aqua & spiritu. Non ita autem Christus Iesus ex patre natus est, tempore baptismatis clamante & dicente: Hic est filius meus. Non dixit, Hic nūc factus est filius meus: sed, Hic est filius meus, ut ostēdat quod ante baptismatis operationem filius erat. Genuit pater filium, non sicut in hominibus mens generat verbum. Mens enim subsistens in nobis est: verbū autem prolatum, in aëra sparsum, disperditur. Nos autem sciamus Christum esse natum verbū, non enuntiatiuum, sed verbum subsistens & viuens: non labijs prolatum, & dissolutum, sed ex patre perpetuo, ineffabili modo & in substantia natum. In principio enim erat verbum, in dextera sedens, verbum intelligens patris voluntatem, & illius nutu omnia gubernans. Verbum quod descendit & ascendit: nam illud quod enuncians profertur, non descēdit, neque ascendit. Verbum loquens & dicens: Quæ vidi à patre meo, hæc loquor. Verbum potens, & imperans omnibus: omnia enim filio tradidit pater.

Genuit igitur ipsum pater, non ita ut aliquis intellexerit, sed ut ipse solus nouit. Neque enim quomodò genuerit, dicere promittimus: sed quòd non ita genuerit, confirmamus.

Neque verò nos tantum hanc ex patre, filij
ignora-

*Christus ver-
bum subsistens
& viuens.*

ignoramus generationē: sed etiam vniuersa creata natura. Perquire terram si tibi dicet: etiamsi omnia perquisiueris, quæ sunt super terram, dicere non poterunt. Terra enim sui figuli, & creatoris substantiam dicere non poterit. Neque terra tātum id nescit, verū etiam sol: quarto enim die creatus est sol, & ea quæ tribus ante illū diebus facta sunt non nouit, quomodò ipsum factorem poterit eloqui? Cælum quoque hoc non enarrabit: nutu enim patris per Christum, cælum tanquā fūmus extensum est. Neque cæli cælorum enarrabunt: neque aquæ, quæ super cælos sunt, hoc enarrauerint. Quid igitur doles te nescire ô homo, quod & cæli ignorant: sed & vniuersa natura angelica? Si enim posset esse, vt aliquis in primum cælum ascendens, perspicientque angelorum statum, & accedens, interrogauerit, quomodò Deus filium suū genuerit, dicerent fortè, superiùs habemus maiores, quā nos, illos interroga: ascende in secundū cælum, & tertium si potes conscende, & ad dominationes, principatus & potestates. Etiamsi ad illos accesserit quispiam, quamuis id sit impossibile: & illi hanc enarrationem recusarent, neque enim eam norunt. Equidem admiratus sum audacem illorū curiositatem, qui per opinionē religionis incidunt in impietate. Cum enim thronos & dominationes, quæ sunt Christi opera; cū & principatus & potestates ignorāt, ipsum factorem curiose scrutari aggrediuntur. Dic mihi primū ô audacule, quid thronus differat à dominatione, & tunc

Creatoris generationem nulla nouit creatura.

Throni & dominationes sunt Christi opera.

& tunc sis curiosus circa Christū: dic mihi, quid sit principatus? quid potestas? quid virtus? quid angelus? & tunc factorē perquire curiosè. Omnia enim per ipsum facta sunt, sed ne velis interrogare thronos, aut dominationes: neque enim enarrare poterunt.

*De non scriptis
rebus esse cu-
riosum.*

Quis est alius, qui cognoscat profunda Dei, nisi Spiritus sanctus, cuius eloquia sunt diuinæ scripturæ: neque tamen vel ipse Spiritus sanctus de filij ex patre generatione, in scripturis locutus est. Cur igitur curiosè inquiris ea, quæ nec spiritus solus locutus est in scripturis? Qui ea quæ scripta sunt non nosti, in his quæ scripta non sunt, ne sis curiosus. Quæstiones multæ sunt in scripturis diuinis, & tamen quæ scripta etiam sunt non comprehendimus, quid de eo quod scriptū non est, curiosi sumus? Sufficit nobis scire, quod genuit Deus vnum solum. Non te pudeat ignorantiam confiteri: quādoquidem cum angelis id ignoras. Qui genuit, ille solus nouit, & qui ab illo genitus est, nouit genitorem. Qui genuit, nouit quem genuit. Et scripturæ testantur, quod Deus est genitus. Sicut enim pater vitam habet in seipso, ita & filio dedit vitam habere in seipso. Et ut omnes honorent filium, sicut honorant patrem. Et sicut pater quos vult viuificat, sic & filius quos vult viuificat. Neque generans aliquo priuatur, neque deest quicquā genito. Scio quod sæpè eadem vobis dixerim. Sed hæc sæpè dicuntur propter vestrā securitatē, & confirmationem. Neque genitor habet patrem, neque genitus fra-
trem.

trem. Neque generans in filiū mutatus est, neque natus, pater factus. Ex vno solo patre, vnus vnigenitus filius. Neque duo ingeniti, neque duo vnigeniti, sed vnus est pater ingenitus, qui patrē non habet, & vnus est filius æternus ex patre natus. Non in tempore factus, sed ante secula genitus. Non prosperitate aliqua auctus: sed idem semper qui & nunc.

Credamus igitur in filium Dei vnigenitum, qui ex patre natus est, Deū verum de Deo vero. Verus enim Deus non generat falsum, sicut dictum est. Neque deliberans deinceps genuit, sed perpetuò genuit, & verbis cogitationibusque nostris multò celerius genuit. Nos enim in tēpore loquentes, tempus consumimus. In diuina autē virtute, sine tempore est generatio. Et sicut sæpè dictum est, non produxit filium ex non esse ad esse, neque eum qui non erat, in adoptionem adduxit: sed æternus pater, æternum filium ineffabiliter genuit, vnum solum, fratrem non habentem. Neque duo sunt principia, sed caput Christi pater, vnum principium: pater enim filiū genuit. Genuit Deum verum, Emanuel appellatum, qui interpretatur, nobiscū Deus. Et vis nosse, quod Deus est ille, qui ex patre genitus, & deinde incarnatus est, audi prophetam dicentem: Iste Deus noster, non reputabitur alius ad illum. Inuenit omnem viam scientiæ, & dedit eam Iacob puero suo, & Israëlī dilecto suo: post hæc in terra apparebit, & cum hominibus conuersabitur. Cernis Deum post legislationem Moyſis incarnatum?

Generatio sine tempore.

Principium vnum pater.

L

Accipe

Accipe & aliud testimonium Christi Deitatis, quod modò lectum est: Thronus tuus Deus in seculum. Vt enim propter carnis hanc præsentiam hîc factam, non existimaretur deinceps, in hanc Deitatis dignitatem deuenissè dicit, manifestè: Proptereà vnxit te Deus, Deus tuus oleo lætitiæ præ consortibus tuis. Vides Christum à patre vnctum Deum? Vis habere & tertiu testimoniũ Christi Deitatis? Audi Esaiam dicentem: Laborauit Ægyptus & emporia Æthiopum. Et post pauca: Et tibi supplicabunt, quòd Deus est, & non est Deus præter te: Tu enim es Deus & nesciuimus, Deus Israël saluator. Cernis Deum habentem in seipso Deum patrem? modò non, hoc ipsum dicentem, quod est in euangelio dictum: Pater in me, & ego in patre. Non dixit: Pater sum ego, sed pater in me. Et rursus non dixit, Vnus sum: sed, Ego & pater vnum sumus: vt neque abalienemus, neque contractionem filio-patoriæ fabricemus. Vnum, propter Deitatis dignitatem: quoniam Deus genuit Deum. Vnum, propter regnũ: non enim aliis regnat pater, aliis filius: (sicut Absolon, qui aduersabatur patri) sed quib⁹ regnat pater, his & filius regnat. Vnũ proptereà, q̃ nulla sit differētia, aut distātia: nō enim aliæ volūtates patris, & aliæ filij. Vnũ proptereà, q̃ aliæ sunt gubernationes Christi, & alia patris. Vna enim est omniũ administratio: patre per filiũ omnia faciente. Quia ipse dixit, & facta sunt: ipse præcepit, & creata sunt, dicit Psaltes. Dicēs enim audienti dicit, & præcipiens, præsentī præcipit.

Deus

*Filio-patoria,
hoc est, patris
et filij confusio
non facienda.*

*Voluntas vna
patris & filij.*

Deus igitur verus est filius, habens in seipso patrem, non in patrem mutatus. Non pater incarnatus est, sed filius. Dicatur enim liberè veritas. Non pater passus est pro nobis: sed pater misit eum, qui pro nobis pateretur. Neque dicamus: Erat aliquando, quādo non erat filius: neque filio-patriam cōcipiamus, sed via regali procedamus. Non declinemus neque ad dexterā, neque ad sinistram. Neque ideo, quòd ita existimemus nos filiū honorare, patrem eum nūcupemus: neque propterea, quòd in hoc patrē nos honorare putemus, creatum quid esse filium suspicemur: sed vnus pater, per vnum filium adoretur, & non diuidatur adoratio. Vnus filius appelleretur ante secula, in dextra patris sedens, atque hanc sessionem non in tempore post passionem ex promotione accipiens, sed ab æterno possidēs. Qui videt filiū, videt & patrē: similis enim in omnibus filius genitori: vita ex vita genitus, lumen de lumine, virtus de virtute, & Deus de Deo. Et non differētes sunt Deitatis splendores in filio. Et qui dignus habitus est filij Deitatē videre, veniet etiā in fruitionem patris. Non meus hic sermo, sed vnigeniti. Tanto tempore vobiscum sum, & non nouisti me Philippe? Qui videt me, videt & patrem meū. Et vt cōpendiosius dicam, neque separemus, neque contractionē faciamus. Et ne alienum fortē filiū dicas à patre: non recipias eū qui dicat, patrem, aliquando quidem patrē, aliquādo verò filium esse. Aliena enim & impia sunt hæc, & non Ecclesię dogmata. Sed pater generās filiū,

Erat aliquādo quādo nō erat, non dicendum.

Dogmata ab Ecclesia aliena, sunt impia.

mansit pater, & non alteratur. Sapiētiam genuit, sed nō incipiens ipse factus: & virtutē generans, ipse non est infirmatus. Deum generans ipse non est aliquo priuatus, neque diminutus quicquam ipse perdidit, neque genitus aliquem defectum habet. Perfectus genitor, perfect⁹ genitus. Deus genitor, Deus & genitus. Deus quidem omniū. Deum verò sibi patrem ascribens, non puduit illum dicere: Ascendo ad patrem meum, & ad patrem vestrum: Deum meum, & Deum vestrum. Sed vt non existimes, eodem modo esse filij & creaturarū patrem, distinxit in sequentibus. Non enim dixit: Ascendo ad patrem nostrum, ne esset communio creaturarum cum vnigenito: sed ad patrem, inquit, meum, & ad patrem vestrū. Aliter meum, per naturam; aliter vestrum, per adoptionem. Et rursus: Ad Deum meū, & ad Deum vestrū. Aliter meū, tanquam propriij & vnigeniti filij; & aliter vestrum, tanquam creaturarum.

Deus igitur verus est filius Dei, ante omnia secula ineffabiliter genitus. Sæpè autē hoc idem vobis dico, vt menti hoc vestræ imprimatur. Et quòd Deus quidem filium habeat crede, quomòdò autem, ne sis curiosus. Quærēs enim non intueniēs. Non extollas, ne cades. Quæ tibi mandata sunt, hæc sola intellige. Dic mihi prius, quis sit genitor, & tunc genitum cognosces. Si autem naturam genitoris non potes cognoscere, qui modus geniti sit, ne sis curiosus. Sufficit tibi ad pietatem, quemadmodum diximus, scire, quòd vnum solum filium Deus habet: vnum natura genitum.

*Curiositas in
diuina vitanda.*

genitum. Qui non tum esse cœpit; cùm in Bethlehem natus est, sed ante omnia secula. Audi Micheam prophetam dicentem: Et tu Bethlehem domus Ephrata, nequaquam minima es in milibus Iuda: ex te enim exibat dux, qui regat populum meum Israël, & exitus ipsius ab initio à diebus æternitatis. Non ergo aduertas tantum, quod natum est in Bethlehem, sed etiam adora eum, qui ab æterno genitus est ex patre. Non temporaneum principium filij recipe, aliquo id dicente, sed principium sine tempore, patrem esse agnosce. Principium enim filij sine tempore, & incōprehensibile. Sine principio pater, fons fluminis iusticię. Vnigeniti pater, qui genuit ipsum, solus ipse nouit. Et vis nosse, quod æternus est rex & Dominus noster I E S V S Christus, audi rursus ipsum dicentem: Abraham desiderabat, ut videret diem meum, & vidit, & gauisus est: Deinde cùm id durè Iudæi acciperent, durius isto dicit: Priusquàm Abrahā esset, ego sum. Et rursus ad patrem dicit: Et nunc glorifica me tu pater apud teipsum, gloria quam habui ante huius mundi constitutionem apud te. Manifestè sanè dixit: Quòd priusquàm mūdus fieret, ego habui apud te gloriam. Et rursus: Quòd dilexisti me ante constitutionem mūdi: dicit manifestè, quòd æternam apud te habeo gloriam.

*Principiū filij
pater.*

*Abraham Christi
filium vidit.*

Credamus igitur in vnum Dominum nostrū I E S V M Christum, filium Dei vnigenitum, qui ex patre natus est, Deum verum ante omnia secula, per quem omnia facta sunt. Siue enim

*Christi potestas
super omnia.*

throni, siue dominationes, siue principatus, siue potestates, omnia per ipsum facta sunt, & nihil est creatum extra potestatem illius. Obtumescat omnis hæresis, quæ diuersos factores & mundi constitutores inducit. Obmutescat, quæ Christum filiū Dei blasphemat. Obmutescant, qui dicunt, solem esse Christum: solis enim ille opifex est, non est autem sol hic apparens. Obmutescant, qui dicunt hunc mundum, angelorum esse opificium, qui vnigeniti dignitatem abripere volunt. Siue enim visibilia, siue inuisibilia: siue throni, siue dominationes: siue quocunque nomine vocentur, omnia per Christum facta sunt.

Regnat filius super ea, quæ ab illo facta sunt, non alienam rapinam sibi vsurpans, sed suis opificiis dominans: sicut Ioannes Euangelista dixit, Omnia per ipsum facta sunt, & sine ipso factum est nihil. Omnia per ipsum facta sunt, patre per filium operante. Ac vellem etiam adferre exemplum aliquod dictorum, sed esse scio imbecillum. Quod enim ex his visibilibus aptum diuinæ virtutis capietur exemplum? sed dicam tamen, tanquam infirmum, ab infirmo ad infirmos. Quemadmodum enim, si quis rex, regem habens filium, volens constituere ciuitatem, poneret exemplarem filio secum regnanti structuram ciuitatis, ille autem exemplum capiens ad finem perducatur, quod animo concepit: Ita patre volente omnia extruere, patris nutu filius omnia creauit, ut nutus quidem custodiat patri authenticam potestatem: filius verò habeat nihilominus potesta-

*Patris nutu
filius omnia
fecit.*

potestatem rerum à se factarum . Et neque pater à dominio creaturarum abalienatur , neque filius* his quæ ab alio facta essent dominatur , sed his quæ ab illo. Non enim angeli , sicut dictum est , mundum hunc fabricarunt : sed filius vnigenitus ante omnia secula genitus , sicut dictum est , per quem omnia facta sunt , nulla re ab illius opificio excepta.

Et hæc quidem huc vsque per Dei gratiam dicta sufficiant. Recurrentes verò in fidei cōfessionem , nunc concludemus sermōnem. Omnia fecit Christus , siue angelos , siue dominationes dicās , siue archangelos , siue thronos . Non quòd pater destituatur in creaturarum gubernatione , sed quòd regnare voluit filium , in his , quæ ab illo facta sunt , ipse exhibēs illi rerum creaturarum administrationem. Honorat enim , inquit , vnigenitus patrem suum . Non potest filius quicquam facere à semetipso , nisi viderit patrem facientem. Quæ enim ille facit , hæc & filius similiter facit . Et rursus : Pater meus vsque modò operatur , & ego operor . Neque tamen vlla est in rebus operatis contrarietas . Mea enim tua sunt , & tua mea , inquit , in euāgeliis Dominus . Quod quidē apertè cognoscere licet , tam ex veteri , quàm ex nouo Testamēto . Qui enim dicit : Faciamus hominē ad imaginē nostrā , & ad similitudinē , omninò ad aliquem præsentiē dicit . Manifestissimè autem omniū Psaltes dixit : Ipse enim dixit , & facta sunt , ipse mandauit & creata sunt . Itaque patre mandante & dicente , filius nutu

Christus entia omnia fecit.

Patre mandante filius omnia fecit.

illius omnia fecit. Quod etiam Iob mysticè dixit: Qui extendet cælum solus, & ambulat super mari, tanquàm super solo. Palàm est considerantibus, quod qui cum hîc præsens esset, ambulavit super mari, is erat qui ante hos cælos factus est. Et rursus: Dominus, inquit, accipiens pugilum terræ, creavit animal, & cætera. Aperientur autem tibi portæ mortis. Manifestum, quòd qui propter suam benignitatem in infernum descendat, hic ab initio ex luto fecit hominem.

Est igitur Christus filius Dei vnigenitus, & mundi factor. In mundo erat, & mundus per eū factus est. Et in propria venit: sicut nos docet Euangelium. Non solùm autem visibiliū, sed etiam inuisibiliū, nutu patris creator est Christus. In ipso enim creata sunt omnia secundum Apostolum: & ea quæ sunt in cælis, & quæ super terram, & visibilia & inuisibilia, siue throni, siue dominationes, siue principatus, siue potestates, omnia per ipsum, & in ipso creata sunt, & ipse est ante omnia, & omnia in ipso constituta sunt, etiam ipsa secula: horum omnium voluntate patris I E S U S est Dominus. Nouissimis enim his diebus locutus est nobis in filio, quem posuit hæ redem omnium, per quem & secula fecit. Cui gloria, honor & potentia, in sancto Spiritu, vbique nunc, & semper in omnia secula seculorum, Amen.

CATECHESIS DVODECIMA

ILLVMINATORVM HIEROSOLY-
 mis, ex tempore dictata: De incarnato, & inhu-
 manato Christo. Et lectio ex Esaia: Et adiecit
 Dominus loqui ad Achab dicens: Pete tibi si-
 gnum à Domino Deo tuo, &c. Ecce virgo concipiet,
 & pariet filium, & vocabitur nomen eius
 Emanuel.



ASTITATIS alumni, & discipuli
 temperatiæ, natum ex virgine Deum
 castitatis, plenis labiis celebremus, &
 spiritalis ouis corpus sumere digni
 effecti, caput simul cum pedibus sumamus. Ca-
 put autem Deitatem intelligentes, & pedes, hu-
 manitatem accipientes, sanctorum Euangeliorum
 auditores, Ioanni Theologo credamus. Qui enim
 dixit: In principio erat verbum, & verbum erat
 apud Deum, & Deus erat verbum, idem subie-
 cit, dicens: Et verbum caro factum est: Neque
 enim simplicem hominem adorare sanctum est,
 neque Deum tantum esse illum dicere, pium. Si
 enim Deus Christus, quemadmodum est, non
 assumpsit autem humanitatem, alieni sumus à
 salute. Adoretur itaque ut Deus: credatur autem
 quod humanitatem assumpsit. Neque enim ho-
 minem dicere absque Deitate, utile est, neque Dei-
 tatem confiteri absque humanitate salutare. Con-
 fiteamur regis & medici presentiam. Rex enim
 Iesus homines curaturus, linteo humanitatis
 præcinctus, curauit morbum. Perfectus infan-
 tium magister. Paruulus factus est paruulis, ut

Ioannes Euange-
 lista Theologus
 8^{us} vocabatur

*Iudei falsum
Christum re-
cepturi.*

erudiret imprudentes. Cælestis panis venit super terram, ut aliat esurientes. Iudæorum autem liberi venientem reiecerunt: malè autem venturum expectant. Verum Christum negauerunt: falsum autem ipsi errantes recipient. Qua de re etiam Saluator verè dixit: Ego veni in nomine patris mei, & non recipitis me: si autem alius venerit in proprio nomine, illum recipietis.

Bonum autem est, quæstionem Iudæis proponere: verusne est Esaias propheta, qui dicit, quòd de virgine nascetur Emanuel, an falsus? Si enim illum falsi arguunt, nihil mirum: mos enim est illis non modò falsi arguere, verum etiam lapidare prophetas. Si verò verus est propheta, monstrate Emanuele: & utrùm is qui à vobis expectatur venturus, de virgine nascetur an non? Si enim de virgine non nascetur, prophetam arguitis falsi: sin autem id in futuro expectatis, cur id quod iam factum est, reprehenditis? Ac Iudæi quidem errant, si quidem ita volunt: Ecclesia autem Dei vera glorificetur. Et nos recipiamus verbum incarnatum verè, non ex voluntate viri & mulieris, ut heretici dicunt: sed ex virgine & Spiritu sancto, secundum Euangelium incarnatum, non in apparentia, sed in veritate.

*Hereticorum
error varius de
incarnatione
Christi.*

Et quòd ex virgine verè humanitatem assumpsit, secundum Euangelium, nō in phantasmate, sed verè de virgine homo factus. Expecta tempus doctrinæ, & habebis probationem: sinuosus enim est hereticorum error, atque hi quidem nequaquam ipsum de virgine natum dixerunt.

Alij

Alij verò natum non ex virgine, sed ex muliere cum viro habitante. Alij autē dicunt, non Deum (vt ita dicam) inhumanatum, sed hominē quendam deificatum. Ausi sunt enim dicere: quòd non verbum illud ab initio præexistens incarnatum esset, sed homo quidam proficiens, hic est coronatus. Tu verò memineris eorum, quæ nuper de Deitate dicta sunt. Crede quod ille ipse vnigenitus Dei filius, est de virgine tantū natus. Ioanni Apostolo crede dicenti: Et verbum caro factum est, & habitauit in nobis. Verbum enim æternum ante omnia secula genitum: corpus autem recens propter nos assumpsit.

Sed contradicunt multi, atque inquirunt: Quæ tanta fuit causa, vt Deus in humanitatem sese dmitteret? Et, Quomodò Dei naturæ possibile est, cum hominibus versari? & Si possibile est virginem parere sine viro? Cùm autem multæ sint eiusmodi contradictiones, & diuersimodi pugnæ, agè per Dei gratiam, & per orationes præsentium singula dissoluemus. Ac primum quidem quærat: Qua de causa descenderit Iesus. In quo non meis commentis attende: posses enim fortè decipi, sed nisi prophetarum de singulis acceperis testimonia, ne credas assertionibus. Nisi & de virgine, & de loco, & de tempore, & de modo didiceris ex scripturis diuinis, non recipias ab homine testimonium. Qui enim nunc adest, & docet, suspectus vel dubius esse potest: qui autē ante mille & amplius annos prophetauit, quis mētis compos suspectū illum habuerit?

Si

*Mundus propter
hominē factus*

*Imago Dei
honoranda.*

*Eua virgo
decepta.
Primi.

Si igitur Christi aduentus causam queris, recurre ad primum scripturarum librum. Sex diebus Deus creauit mundum, sed mundus propter hominem. Sol quidem splendidus, radiisque relucens: sed & hic propterea vt homo videat, factus est: Et omnia animantia, vt nobis seruiant, constituta sunt: herbæ & arbores in vsum nostrum creatæ. Omnia quidem bona opificia, sed nulum imago Dei: solus tantum homo. Sol mandato tantum, homo verò manibus diuinis formatus est. Faciamus hominem ad imaginem nostram, & ad similitudinem. Imago lignea terreni Regis honoratur: quantò magis rationalis imago Dei? Sed hanc maximam creaturarum in paradiso habitantem, inuidia diaboli inde eiecit. Insultabat inimicus cadenti quem oderat: nunquid vellet inimicum manere gaudentem? Hic non audens propter robur virile accedere ad virum, tanquam ad firmiorem, accessit ad mulierem, adhuc virginem: nam post casum in paradiso, tunc primum cognouit Eua mulierem suam. *Secundi successores humani generis Cain & Abel. Cain primus homicida erat. Diluuium postea effusum est propter multam hominum prauitatem. Ignis de cælo descendit, propter Sodomitarum iniquitatem. Electus est post nonnulla tempora à Deo Israël: sed ex hoc genus electum dispersum, & vulneratum est. Moyse enim cum in monte Deo assisteret, vitulum populus pro Deo adorabat. Cum legislator Moyse legem tulisset, Non inuachaberis: vir in lupanar ingres-

ingressus, laſciuire auſus eſt. Mittebantur prophetæ poſt Moyſen curare Iſraëlem: ſed curando medici debilitati ſunt, non ferētes morbos, ſicut quidam ex illis dicit: Hei mihi, quia periit pius de terra, & rectè faciens non eſt inter homines. Et rursus: Omnes declinauerunt, ſimul inutiles facti ſunt, non eſt qui faciat bonum, nō eſt uſque ad vnum. Et rursus: Vt quid periurium, furtum, fraus, adulterium, & homicidium effuſa ſunt ſuper terra? Filios ſuos, & filias ſacrificauerunt dæmoniis: auguriis, veneficiis, vaticiniis ſtudebāt. Et rursus: Veſtimenta ligantes, velum faciebant prope altare. Maximum erat vulnus humanitatis à pedibus uſque ad caput, non erat in illo integritas, neque fomentum apponebatur, neque oleum, neque vinculum.

Deinde deplorantes & dolentes prophetæ dicebant: Quis dabit ex Sion ſalutare Iſraël? Et rursus: Fiat manus tua ſuper vitum dexteræ tuæ, & ſuper filium hominis, quem confirmasti tibi: & non deficiamus à te. Et alius propheta orat dicens: Domine, inclina cælos, & deſcende, ſubueni noſtræ medicinæ, & humanitatis vulneribus: Prophetas tuos occiderunt, altaria tua diſſipauerunt, inſanabile noſtrum malum, te indiget curatore. Exaudiuit hanc prophetarum orationem Dominus, non deſpexit humanum genus perditum, miſit de cælis Dominum & medicum, filium ſuum, vt dicit quidam propheta: Dominus quem vos quaritis veniet: & repente veniet aliquando in templum ſuum Dominus, vbi eum
lapi-

*Predictiones
venturi Sal-
uatoris.*

lapidastis. Deinde audiens id alius propheta, dicit ad ipsum: Dei salutem loquens, quietè loqueris: Dei salutem Euangelizans, in occulto loqueris? Super montem excelsum ascende, qui Euangelizas Sion: Dicens ciuitatibus Iuda, quid dicam: Ecce Deus noster, ecce Dominus in fortitudine veniet. Ipse rursus dicit: Ecce ego veniam, & requiescam in te, dicit Dominus, & confugient gentes multæ ad Dominum. Israëlita salutem, quæ facta est per me, reiecerunt: veniam omnes gentes congregare, & relinquam super illos signum. Ex meo enim certamine, quod habui in cruce, sigillum regale cuilibet meorum militum dabo, ut ferat in fronte. Et alius propheta dixit: Et inclinabit cælos, & descendit, & caligo sub pedibus eius. Ignorabatur descensus de cælo. Deinde Solomon audiens patrem suum Dauid hæc dicentem, admirandam domum ædificauit, & prospiciens venturum in eam, admirans dicit: Si verè habitabit Dominus cum hominibus in terra? Certè, inquit Dauid in psalmo de Solomone inscripto, in quo est: Sicut pluuia in vellus descendet: pluuia quidem dicitur, propter supercælestem: super vellus autè, propter humanitatem. Pluuia enim super vellus descendens, sine strepitu descendit, ita ut ignorato mysterio generationis secundum Magos diceret: Vbi est qui natus est Rex Iudæorum? Et secundum Herodem perturbatum quaereret de nato, atque diceret: Vbi Christus nascetur? Quis est hic descendens (inquit deinde) & habitat cum sole, & ante lunam generatio eius?

Et

Et rursus alius ex prophetis dicit : Gaude multū filia Sion: prædica filia Hierusalē. Ecce Rex tuus venit tibi iustus, & saluans . Multi sunt reges, de quo igitur hic dicit propheta? Da nobis signum, quod alij reges non habeant. Si enim dixeris purpuratum regem, præoccupata est huiusmodi dignitas : si dixeris à militibus stipatū, in curribus auratis sedentem, hoc etiam ab aliis est præoccupatum. Da nobis signum proprium regis, cuius regnum annuncias? Propheta autem respondit, & dicit : Ecce Rex tuus venit tibi iustus, & Saluator ipse pauper, & ascendens super asinam, & pullum filium asinæ, non in curribus . Et dispergam quadrigas eius: habes singulare signum adfuturi regis. Solus regum Iesus, super pullo asini sedit, & solenniter cum benedictionibus, tanquam Rex in Hierusalem ingressus est. Quid autem facit Rex iste veniens? Tu quoque in sanguine testamenti tui emisisti vinctos tuos de lacu, ubi non est aqua. Ac fieri quidem potest, super asini pullo sedere aliquem . Da autem nobis signum potius, ubi consistet ingrediens hic Rex: hoc signum non procul des à ciuitate, ne ignoremus : sed propè da nobis signum, quod possimus hisce oculis conspiceret: vt etiam cum sumus in ciuitate, possimus hoc signum videre . Propheta autem rursus respondet, dicens: Et stabunt pedes illius in die illa, super montem oliuarum, qui est contra Hierusalem ad orientem . Nunquid aliquis etiam stans intus in ciuitate non considerat locum?

*Messie propriū
signum.*

Habe-

Habemus duo signa, sed tertium cupimus discere. Dic quid faciat adueniens Dominus? Dicit alius propheta: Ecce Deus noster, & deinceps. Ipse veniet & saluabit nos: tunc aperientur oculi cæcorum, & aures surdorum patebunt: tunc saliet claudus, sicut ceruus, & balbus planè libereque loquetur. Dicatur autem & aliud testimonium. Dominum venturum dicis, ô propheta, signa, qualia nunquam fuerunt, facientem. Quale signum aliud manifestum dicis? Ipse Dominus in iudicium veniet cum senioribus populi, & cum principibus eius. Signum excellens: Dominus à seruis senioribus iudicandus & passurus. Hæc legentes Iudæi, non audiunt: Obturauerunt aures cordis, vt non audiant. Sed nos credamus in Iesum Christum incarnatum, & inhumanatum: quandoquidem secus non capimus eum. Cum enim nos ita vt ille erat perspicere, aut frui illo non potuimus, factus est ille sicut & nos, vt sic illo perfrui possemus. Si enim solem, qui die quarto factus est, perfectè intueri nequimus: quomodò illius factorem videre poterimus? In igne descendit Dominus supra montem Sina, & ferre non potuit populus, sed dixit ad Moysen: Loquere tu nobis, & audiemus: & non loquatur ad nos Deus, ne fortè moriamur. Et rursus: Quid est omnis caro, vel, quis audiuit vocè Dei viuentis, loquentis de medio ignis; & viuet? Si audire vocem Dei viuentis, mortis est causa; visio autem illius quomodò non erit mortis causa? Quid miraris? Moyses ipse dixit: Exterritus sum &

*Incarnatus est
Deus, vt eo
perfrui possemus.*

& tremebundus. Quid igitur velles venientem ad salutem, exhibitorum fieri perditionis, propterea, quod illum homines non possent ferre? an potius ut commensuraretur eius gratia & gloria? Daniel non ferebat visionem angeli, & tu angelorum Domini visionem sustinebis? Gabriel apparuit, & cecidit Daniel: & qualis erat ille, qui apparebat, aut quæ illius forma? Facies, inquit, illius erat sicut fulgur: non sicut sol: & oculi ipsius sicut lampades ignis: & non sicut igneus fornax. Et vox sermonum eius, sicut vox multitudinis: non tanquam duodecim legionum angelorum. Et tamen cecidit propheta, & accessit angelus: Ne timeas, inquit, Daniel, & surge. Bono sis animo, exaudita sunt verba tua. Et dicit Daniel: Surrexi tremens. Et neque sic respondit, donec tetigit ipsum similitudo manus hominis: & quando mutatus est in similitudinem hominis ille, qui apparuerat, tunc dixit Daniel: Et quid, inquit, Domine in visione tua: dissolutæ sunt compages meæ, & nihil in me remansit virium, sed & halitus meus intercluditur. Si Angelus apparens abstulit vocem prophetæ & vires: Deum ne videndo retineres spiritum? Et donec, dicit, scriptura tetigit me tanquam manus hominis, non potuit recreari Daniel. Experientia igitur nostræ infirmitatis ostensa, recepit hoc Dominus, quod homo requirit. Cum enim in simili persona vult se alloqui homo, assumpsit illi simile Saluator, ut facilius erudirentur homines.

*Angeli visio
homini intol-
rabilis.*

Accipe autem & aliam causam: Venit Christus

M

ut

*Mors & vita
per virginem.*

vt baptizaretur, & sanctificaret baptisma: venit vt miracula operaretur, ambulans super aquas maris: quoniam ante carnis assumptionem mare vidit illum, & fugit: Iordanus est conuersus retrorsum. Assumpsit corpus Dominus, vt mare videns sustineret, & Iordanus sine timore illum susciperet: atque hac quidem vna causa. Est autem & altera. Per virginē Euam venit mors, operepretium erat de virgine apparere vitam: vt sicut illam serpens decepit, ita hāc Gabriel annūciaret. Relinquentes homines Deū, fabricauerūt idola. Deo itaque in humana figura falsò adorato, Deus verè homo factus est, vt solueretur falsum. Carnis instrumento contra nos diabolus vsus est. Et hoc cognoscens Paulus dicebat: Video aliam legem in membris meis, repugnantem legi mentis meae, &c. Quibus armis diabolus nos oppugnabat, per eadē saluati sumus. Assumpsit simile nobis corpus, vt deficienti maiorē conferret gratiā, vt peccatrix humanitas Dei fieret particeps. Vbi enim abundauit peccatum, ibi superabundauit gratia. Oportuit pati pro nobis Dominum, sed non auderet accedere diabolus, si hoc sciret. Si enim sciuissent, nequaquam Dominum gloriæ crucifixissent. Esca igitur mortis, factum est corpus, vt cum speraret se deuoraturum draco, euomeret etiam illos, quos iam deuorauerat: deuorabat enim mors præualens. Et rursus: Abstulit Deus omnem lachrymam ab omni facie. Nunquid frustra Christus incarnatus est? nūquid hæc commenta sunt, & sophismata humana? Nūquid diuinæ

*Corpus esca
mortis.*

diuinæ scripturæ nobis non sunt salus? nunquid non prophetarum proloquia? Custodi igitur depositum hoc stabile, & nemo te commoueat. Crede Deum hominem factum.

Ac demonstratum quidem est, quòd illum incarnari erat possibile, si tamen nihilominus non credunt Iudæi: quæramus ex illis, quid in his noui, & inusitati annunciamus. Quid extraneum annunciamus, cùm Deum incarnatum dicimus? cùm vos dicatis, quòd Abraham Deum exceperat hospitio. Quid inusitatum prædicamus? cùm Iacob dicat: Vidi Deum facie ad faciem, & salua facta est anima mea. Qui apud Abraham manducabat Dominus, idem & apud nos comedebat. Quid igitur inusitati prædicamus? Sed duos testes exhibeamus eos, qui in monte Sina Domino assistebant. Moses erat in foramine petræ, & Helias in ostio speluncæ. olim illi transfigurato præsentés facti in monte Thabor, dicebant discipulis excessum eius, quem completurus erat in Hierusalem. Sed quod quidem possibile erat incarnari demonstratum est, sicut prædixi: relinquuntur autem quæ restant demonstrationes ad colligendum studiosis.

Cæterùm proposueramus dicere & tempus aduentus Saluatoris, & locum: ne itaque falsi nos argui patiamur, imò potiùs, vt eos qui recens in Ecclesiam venêre, firmiores remittamus: inquiramus tempus, quo Christus aduenerat: quandoquidem recens est illius præsentia, cui contradicitur: quamuis Christus Iesus sit &

*Dominus qui
apud Abrahã,
idem apud nos
manducabat:*

*Christi aduentus
et tempus.*

heri & hodie, sit etiam in secula seculorū . Moyses igitur propheta dicit: Prophetam vobis suscitabit Dominus Deus ex fratribus vestris, sicut me . Referuetur interea id, quod dicit, Sicut me: quod est in aliis locis declarandum . Sed quando propheta hic veniet tamdiu expectatus? Recurre, inquit, ad ea quæ à me scripta sunt . Perquire diligenter Iacob prophetiam, Iudæ dictam: Iuda te laudabūt fratres tui &c. ne omnia recitemus . Nō deficiet princeps ex Iuda, neque dux de femoribus eius, donec veniat, qui mittendus est: & ipse erit expectatio, non Iudæorum, sed gentium . Signum igitur dedit Christi aduentus, cū definiret principatus Iudæorum, qui si nunc sub Romanis non sunt, nondum venit Christus . Si habent principē ex genere Iuda, & David, nondum venit ille expectatus . Vereor enim obiicere illis recentia, de his quæ nunc apud illos vocantur patriarcharum instituta: Et quod illorum genus, & quæ mater . Relinquo autē ista scientibus . Sed ipse veniens erit expectatio gentium, qualis nūquid etiam aliud signum habebit? Dicit deinceps: Ligans ad vineam pullum suum . Cernis pullum illum ab Zacharia manifestē promissum? Sed rursus quæris & aliud temporis testimonium: Dominus dixit ad me . Filius meus es tu, ego hodiē genni te . Reges eos in virga ferrea . Dic autem mihi: utrū non apertē vocatur virga ferrea, Romanorū Imperium . De quo reliquum ex Daniele commemoremus . Enarrans enim, & declarans Nabuchodonosori imaginem illius
statuæ,

*Romanum Imperium
virga
ferrea.*

statuæ, & reliqua omnia, quæ sunt circa illam visionem: Lapidem sine manibus de monte excisum, & non humana opera consistentem, dominaturum vniuerso orbi. Et hæc apertissimè dicit. Et in diebus regnorum illorum, excitabit Deus cæli regnum, quod in æternum non dissipabitur, & regnum illius populo alteri non tradetur. Sed clariùs adhuc quæramus aduentus illius temporis demonstrationem. Infidelis enim homo, nisi & annos ad calculum enumeratos accipiat, dictis non credit,

Quod igitur tempus, & quod seculum est, quando deficientibus ex Iuda regibus, deinceps alienigena erat rex Herodes. Dicit igitur ad Danielem loquens angelus: Tu ergo nota sermonè, & scito, & animaduerte ab exitu sermonis, vt iterum ædificetur Hierusalem vsque ad Christum ducem, hebdomadæ septè, & hebdomadæ sexaginta duæ. Sexaginta igitur, & nouem hebdomadæ annorù, constituunt quadringentos octoginta tres annos. Dixit igitur, quòd post ædificationem Hierusalem, quadringentis octoginta tribus annis peractis: tunc veniet quidam alienigena rex, cuius tempore nascetur Christus. Darius igitur Medus ædificauit Ierusalem octauo regni suo anno, primo autem anno, secundùm Græcos, sexagesimæ sextæ olympiadis. Olympias autem apud Græcos vocatur, quòd singulo quadriennio peracto fieri solet certamen, propter quatuor annorum cursum Solis, in quibus singulis annis tres horas adiiciens, diem quarto

*Temporis aduentus Christi
supputatio.*

anno addit. Herodes autem regnabat centesima octogesima sexta olympiade, quarto eiusdem anno. A sexagesima ergo, & sexta, usque ad centesimam octogesimam sextam intercesserunt centum viginti olympiades, & paulò ampliùs. Congregantur igitur centum viginti olympiadù anni, quadringenti octoginta, præter annos tres qui defunt, fortassis ex eo, quod inter tertiù & quartum assumitur. Et habes iam hunc demonstrationem secundùm scripturam, quæ dicit: Ab exitu sermonis, cùm edictum erit, ut iterum ædificetur Hierusalem, usque ad Christum ducem hebdomades septem, & hebdomades sexaginta duo. Temporum itaque hucusque habes demonstrationem, quamvis non desint alię diuersę, de prædictis Danielis hebdomadis annorum interpretationes. Promittit autē & ipse hoc: Et tu Bethlehem domus Ephratha, nequaquam minimus es in millibus Iuda: ex te enim mihi exhibit dux, qui sit dominator in Israël, & exitus illius ab initio, à diebus seculi. De locis autem, Hierosolymitanus cùm sis, & ea occupas, nosti: & in centesimo trigésimo primo psalmo scriptũ est: Ecce audiuius eam in Ephrata, inuenimus eam in campis syluę: Ante paucos enim annos, syluestris erat locus. Audisti rursus Habacuc dicentem ad Dominũ: Cùm appropinquabunt gentes, agnoscetur. Et quod signum est o propheta venturi Domini? Ille autem dicit deinde: In medio duorum animalium cognoscetur, hoc ad Dominum dicens manifestè: quia veniens in carne viues, & morieris,

*Locus aduentus
Christi.*

morieris, & resurgens à mortuis viues rursus. Et ex qua parte Hierosolymæ veniet? ex oriente vel occidente, à septentrione vel meridie? dic mihi accuratè. Ille autem apertissimè respondet, & inquit: Deus à Theman veniet. Theman autem interpretatur auster. Et sanctus de monte Pharan, ab umbra opaca. Cui consonum dixit psalmus: Inueniemus ipsam in campis syluæ.

Deinde quæramus ex quo veniet, & quomodo veniet. Hoc autem nobis dicit Esaias: Ecce virgo concipiet & pariet filiû, & vocabitur nomen eius Emanuel. Et contradicunt his Iudæi: mos enim est illis antiquus, veritati malè refragari. Et dicunt: Non est scriptû, virgo, sed iuuenacula. Ego dicenti hoc etiam concedens, nihilominus reperiam veritatē. Quæram enim ex illis: Virgo cum violatur, quando clamare solet, post corruptionem, vel ante corruptionē, vocans auxiliares? Si igitur alibi dicit scriptura: Clamauit iuuenacula, & non erat qui auxiliaretur ei, nunquid hic non de virgine dicit? Vt autē manifestiùs discas, quòd virgo in diuina scriptura, iuuenacula vocatur, audi librum Regum de Abisag Sunamitide dicentē: Et iuuenacula pulchra valde. Quod autem virginem illam elegerint, vt ad Dauid adducerent, in confesso est. Sed dicunt rursus Iudæi: De Ezechia hoc dictum est ad Ahas. Igitur legamus scripturam: Pete tibi signû à Domino Deo tuo, in profundum aut in altum. Atqui signum maximè paradoxum esse debet. Signum enim erat, aqua de petra, disruptio maris, solis retrocessio,

Virgo & iuuenacula idem in scripturis.

Signû paradoxum esse debet

& alia eiusmodi. Quæ autem dicenda sunt, manifestiorem habent aduersus Iudeos redargutionem. Scio multa me dicente defatigatos esse auditores, sed perferte copiam sermonis : quandoquidem nō de rebus fortuitis, sed propter Christum hæc mouentur. Regnante itaque Achab, Isaïas dicit: Cū sedecim annis Ahas regnaret solū, & his annis ista prophetia ad illum dicta redarguit Iudæorū contradictionem. Succedens enim rex Ezechias filius Ahas, cū regnaret, erat annorum viginti quinque. Prophetia namque in sex, & decem annis comprehensa : nouem annis ante hanc prophetiam natus erat Ezechias. Quid igitur de eo, qui iam natus fuerat, dicere prophetiam fuit necesse? Non enim dixit quod concepit, sed quod virgo concipiet, præuidendo futurum dixit. Ac quod quidem de virgine manifestè dictum est. Ex quo autē genere erat virgo, ostendendum est: Iurauit Dominus Dauid veritatem, & non frustrabitur eam, de fructu ventris tui ponam super sedem tuā. Et rursus: Et ponam in seculum seculi semen eius, & sedem eius sicut dies celi. Et deinde semel iurauit in Christo meo, si Dauid mentiar, semen eius in seculum manet, & sedes eius sicut sol coram me, & sicut luna in seculum fundata. Vides quod de Christo, & non de Solomone sermo hic est. Neque enim sedes eius sicut sol permāsit. Quod si quis cōtradicat, eò quod Christus super lignea Dauidis sede non sederit, proferamus illi aliam similem phrasim. Super cathedra Moyse sederunt Scribæ, &

*Coll. dicit
Moyse, no. Chri-
ste potest.*

& Pharifæi . Non hîc ligneam cathedram , fed doctrinæ fignificat poteflatem : fic & fedem Dauid ne quæras, non modò illam ligneam , fed ne regnum ipfum . Cuius rei testes accipe etiam pueros clamâtes: Ofanna domui Dauid, benedictus rex. Et cæci dicunt : Filij Dauid miferere nobis. Et Gabriel apertè testatur, ad Mariam dicēs : Et dabit illi Dominus Deus fedem Dauid patris eius. Et Paulus dicit: Memineris I E S V M Chriftum excitatum à mortuis de femine Dauid , fecundùm Euangelium meum. Et in principio epiftolæ ad Romanos dicit : Qui factus eft de femine Dauid, fecundùm carnem. Recipe ergo eum, qui ex Dauid natus eft, credēs prophetiæ dicēti: Erit in die illa radix Ieffe , & confurgens reget gentes: in ipfo gentes fperabunt. Sed Iudei propter hæc vehementer contendunt , & ad ignem etiam prouocant . Præuidit & hoc Ifaias dicens: Quia puer natus eft nobis, non enim illis : Et filius datus eft nobis . Per quod etiam indicatur, quòd priùs filius Dei erat , deinde datus eft nobis. Et poft pauca dicit: Et pacis eius nō erit terminus . Fines Perfæarum, & Medorum funt. Filij autem huius nō eft finis. Deinde fequitur, Super fedem Dauid , & fuper regnum eius . Ex Dauid proceffit virgo fancta.

Filius datus eft nobis.

Decebat fanè puriffimum puritatis doctorem, ex puris prodire thalamis. Si enim qui apud I E S V M benè fungitur facerdotio, abftinet à muliere: ipfe I E S V S quomodò ex viro & muliere pro-

Sacerdotio Chrifti benè fungens, abftinet à muliere.

M s me de

me de ventre: significans illum sine viro, de virginis utero & carne extractū, & natum esse. Eorum enim, qui lege nuptiali nascuntur, alius est modus. Non reueretur autem ex membris eiusmodi assumere carnem, qui est ipse membrorum creator. Sed quis tandem nobis hoc dicit? Ad Hieremiam loquitur Dominus: Priusquam formarem te in utero, noui te: & antequam exires ex utero, sanctificaui te. Qui igitur in creādis hominibus attingit membra, & non reueretur, nunc quid in creanda sancta carne, & velamento illo Deitatis, propter seipsum reueretur? Deus est, qui in ventre etiam nunc fabricat infantes, sicut Iob scripsit: Nonne sicut lac mulsisti me, & coagulasti me sicut caseū? cuti & carnibus me induisti, & ossibus, neruisque me cōpegisti. Nihil est abominabile in humana cōstitutione, si non adulteriis & lasciuiis polluitur. Qui creauit Adam, creauit & Euam diuinis manibus: masculus & fœmina creati sunt. Nullum ex his quæ sunt in corpore membris, turpe ab initio creatum est. Obmutescant hæretici omnes, qui accusant corpora, imò potius ipsum creatorem. Nos autem commemoremus dictum Pauli: Nescitis quòd corpora uestra tēpla sunt Spiritus sancti? Et rursum quod propheta prædixit ex persona Iesv: Caro mea ex ipsis. Et alibi scriptum est: Propter hoc dabit ipsis usque ad tempus parturientis. Et quod signum, deinceps, dicit, pariet, & reliqui fratrum eius conuertentur. Et quæ sunt desponsiones virginis sanctæ sponsæ? Et desponsabo te mihi

Membrum corporis nullum turpe.

Matth. 24.

mihi ipsi in fide : Et Elizabet loquens ad illam, similiter dicit: Beata es quæ credidisti : quia perficientur ea, quæ locutus est Dominus.

Sed conuincere nos student tam Græci, quàm Iudæi, & dicunt, quòd erat impossibile, Christū de virgine nasci. Græcis igitur primū ex ipsorummet fabulis os obstruamus. Qui enim dicitis proiectos lapides in homines mutari, quomodo virginem parere posse negatis? Qui ex Iouis cerebro natam filiam fabulamini, quomodo ex utero virginali nasci aliquem, impossibile dicitis esse? Qui de femore vestri Iouis prognatū falsò esse dicitis Bacchum, cur nostram veritatem reiicitis? Scio me indigna præsentis auscultatione dicere: sed ut opportunè tu Græcos redarguas, hæc attulimus, ex ipsorum fabulis ad eos dicentes. Illis verò, qui sunt de circumcisione sic occurrēs, perquire: Vtrum est difficilius, senem & sterilē, muliebribus iam deficientibus parere: aut virginem iuuenem generare? Sterilis erat Sara, & deficientibus iam muliebribus, præter naturam peperit. Igitur cū & sterilem, & virginē parere, sit præter naturā: aut utrūque nega, aut vtrunque cōcede. Idem enim Deus vtrunque operatus est: neque enim audebis dicere, quòd illic quidē possibile, hīc autē impossibile est Deo. Et rursus quæ natura manū hominis vna hora in diuersas species mutare potest, & rursus restituere. Quomodo igitur Moyſis manus sicut nix alba apparuit, & rursus statim albedine illa destituta est? Sed dicēs, quia Deus voluit, mutata est. Illic Deus volēs potest:

Virginem parere non est impossibile.

potest: hîc autem, nunquid non potest? Ac illud quidem signum ad Ægyptios tantum, hoc autem datum erat signū vniuerso orbi. O Iudæi, vtrum autem difficilius est, virginem parere, aut virgam in animal mutari? Confitemini quòd tempore Moysis rectissima virga, serpentina specie facta est, & horrenda fuit, etiam proiicienti illam. Et qui antea tenebat virgam, paulò post fugiebat illam, tanquàm draconem. Reuerà enim draco erat: fugiebat autem, non metuens id quod tenuit, sed timens mutatum. Dentes habuit virga, & draconis oculos. De virga itaque oculi pullularunt, & de vtero virginis puer nō nasceretur Deo volente? Taceo hîc quod & virga Aaron, quod reliquæ arbores per annos plures faciūt, hoc per vnā noctem fecit. Quis enim nescit, quòd virga cortice destituta, etiamsi in mediis fluminibus plantetur, nūquàm florebit. Sed cū Deus non naturam arborum sequatur, verū naturæ est factor: etiam infructuosa, siccaque virga, & sine cortice effloruit, & nucum fructum protulit. Qui igitur virgæ, propter typicum summum sacerdotem, præter naturam fructum tulit: nunquid virgini, vt verum sacerdotem summum pareret, hoc non conferret? Bonæ sunt eiusmodi sermonum commemorationes: sed nihilominus contradicunt Iudæi, neque his quæ de virga protulimus persuaderi sibi patiuntur: nisi similibus, & paradoxis, ac præter naturam persuadeantur partibus. Quæro igitur sic ab illis: Eua ab initio de quo nata est? quæ mater conceperat illā, quæ

matrem

matrem non habuit. Dicit enim scriptura, quòd de latere facta est Adami. Nunquid igitur Eva *Eua sine matre.* quidem de latere viri, sine matre nascitur: de virginali autem vtero sine viro, nihil nascetur? Mutuata est à viris fœmineo generi gratia. Eva enim ex viro nata est, & non ex matre concepta, sed ex solo viro tanquàm partu edita. Reddidit igitur *Christus sine patre carnis.* Maria gratiæ huius mutuum officium, & non ex viro, sed ex ipsa sola impollutè, ex Spiritu sancto, virtuteque Dei peperit.

Accipiamus porrò aliud longè maius. Ex corporibus enim corpora gigni quamvis sit aliquando paradoxon, sed possibile tamen. Sed pulverem terræ hominem fieri, hoc multò mirabilius: lutum confusum, oculorum tunicas, & splendores accipere, hoc longè mirabilius. Ex vnius formæ pulvere, & ossium robur, & pulmonis leuitatem, & reliquorum diuersitatem membrorum fieri, hoc admirabile. Lutum animatum circuire terram, & seipsum moueri, & ædificare, hoc admirandum? Lutum docere, & loqui, & parere, & regnare, hoc admirandū? Itaque ô indoctissimi Iudæi, vnde Adam factus est? Nōne Deus accepit pulverem de terra, & creauit creaturam hanc admirandam? Quid igitur lutum quidem in oculū mutatur, & virgo non generabit? Quod apud homines maximè est impossibile, nunquid Deus præstare non poterit? Horum meminerimus fratres, instrumentis istis auxiliatoriis vten-tes. Non feramus hæreticos, qui per imaginationem tantum, Christi aduentum esse docent.

Despiciat

*Maria vxor
Ioseph sola
desponsatione.*

*Virgo quando-
que mulier voca-
tur.*

Despiciamus & eos, qui ex viro & muliere generationem eius esse asserunt, audentque dicere, ex Ioseph & Maria Christum esse: eò quòd scriptum est, Et accipe mulierem tuam. Meminimus enim & Iacob, qui priusquàm Rachel acceperat, dicebat ad Laban: Da mihi vxorem meam. Sicut enim illic ante nuptiarum constitutionem, cùm tantùm promissio intercessisset, vxor Iacob nominabatur: sic & Maria propter solam desponsationē, vxor Ioseph vocabatur. Vide autem Euangelij accuratam diligentiam, dicentis: Mense sexto missus est angelus Gabriel à Deo in ciuitatem Galileæ, cui nomen Nazareth, ad virginem desponsatam viro, cui nomen Ioseph, &c. Et rursus: Cùm erat orbis descriptio, & ascendebat Ioseph, vt describeretur, quid ait scriptura? Ascendit autem & Ioseph, vt profiteretur cum Maria desponsata sibi vxore prægante: prægns enim erat. Non dixit autē vxore sua, sed desponsata ipsi. Misit enim Deus filium suum, dicit Paulus, non factum ex viro & muliere: sed factum ex muliere tantùm: hoc est, ex virgine. Mulierem enim etiam virginem appellari, prius demonstrauimus. De virgine enim natus est, virgines efficiens animas. Sed miraris quod dictum est: mirabatur & ipsa quæ peperit. Dicit enim ad Gabrielem: Quomodò fiet hoc, quoniam virum non cognosco. Ille autem respondit: Spiritus sanctus superueniet in te, & virtus Altissimi obumbrabit tibi. Propterea & quod nascetur ex te sanctum, vocabitur filius Dei: Impolluta, & pura

est

est generatio. Vbi enim Spiritus sanctus, illic auferitur omnis pollutio.

Purissima igitur corporea generatio vnigeniti de virgine : etiam si contradicant hæretici veritati. Redarguit eos Spiritus sanctus . Indignè fert virtus Altissimi adumbrans. Aduersus illos consistet Gabriel contrario vultu in die iudicij. Confundet eos locus præsepj, qui susceperat Dominum. Pastores testabuntur, qui tunc euangelizabant : & exercitus angelorum laudantium, & canentium, atque dicentiũ: Gloria in excelsis Deo, & in terra pax hominibus bonæ voluntatis. Templum, in quod erat illatus quadragesimo die. Parturiturum, quod pro illo oblatum est: & Simeon in vlnis illum ferens, & præsens Anna prophetissa. Deo igitur testante, & sancto Spiritu contestate atque Christo ipso dicente: Quid me queritis occidere, hominem veritatem vobis loquentem? Obmutescant hæretici, qui negant illius humanitatem . Contradicunt enim dicenti : Contraectate me, & videte: quia spiritus carnem, & ossa nō habet, sicut me videtis habere . Adoretur qui de virgine natus Christus, & agnoscant virgines sui status vel dignitatis coronam. Agnoscat eorum ordo & institutum, qui vitam solitariam agunt, castitatis gloriā: neque enim priuamur castitatis dignitate. In vêtre enim virginis fuit, nouem mensiũ tēpore Saluator . Vir factus Dominus triginta trium annorum. Itaque si veneratur virgo propter nouem mensium tempus, multò magis nos, propter multorũ annorum tempus.

Omnes

Virginum corona.

Castitatis monachorum gloria.

Castitas veneranda.

Castitatis angelica corona.

Virgines cum Maria partem habebunt.

Omnes autem castitatis cursum, Dei gratia curramus iuvenes & virgines, senes cum iunioribus: non intemperantias exercentes, sed laudantes nomen Domini. Non ignoremus castitatis gloriam: angelica enim est corona, & supra hominem hæc perfectio: parcamus corporibus, quæ lucere debent sicut sol. Ne propter parvam voluptatem, tantum ac tale corpus polluamus. Paruum enim est ad horam peccatum, longæva autem est ex eo, & æterna verecundia. Angeli obambulantes in terra, sunt castitatis operatores. Virgines cum Maria virgine habebunt partem: Exterminetur omnis nimius ornatus, & omnis lascivus aspectus, & omnis circa te obambulans feminea vestis, & stola, & suffimentem voluptatis inescatium. Suffimentum sit tuum intus in omnibus, oratio boni ordinis, & bonorum operum, & corporum sanctificatio. Ut ille qui de virgine natus est, dicat etiam de nobis tam viris, quam mulieribus castè viuentibus, & coronatis: Et habitabo in ipsis, & perambulabo, & ero ipsorum Deus, & ipsi erunt mihi populus. Cui gloria in secula seculorum, Amen.

CATE-

CATECHESIS DECIMATERTIA

ILLUMINATORVM HIEROSOLYMIS
*extemporanea, de crucifixo & sepulto. Et lectio
 ex Esaia: Domine quis credidit auditui nostro:
 & brachium Domini cui reuelatū est, & cetera:
 Sicut onis ad occisionem ductus est.*



GLORIATIO sanè ecclesię Catholicę *Cruce maxima*
 est omnis Christi actio; gloriatio ve- *gloriatio no-*
 rò gloriationum est crux: quod sciēs *stra.*
 Paulus, Mihi, inquit, absit gloriari, nisi
 in cruce Domini nostri IESV Christi. Admi-
 randum quidem erat, & cæcum natum in Siloë
 ad visum restituere: sed quid hoc ad cecos totius
 orbis? Magnum erat, & supra naturam, Lazarū
 quatridianum resurgere: sed hæc tamen in illo fi-
 nita erat gratia: quid autē ad eos, qui in vniuerso
 orbe peccatis erant mortificati? Mirabile, quòd
 ex quinque panibus redūdauit cibis in quinque
 millia: sed quid ad eos, qui ignorantie fame pre-
 mebātur per totum orbem? Admirabile, soluere
 eam quę decem & octo annis ligata fuit à diabo-
 lo: sed quid hoc respectu omnium nostrū, qui
 fuimus catenis peccatorum nostrorū vincti? Cru-
 cis autem corona, & cæcos in ignorantia illumi-
 nauit, & vinctos à peccatis soluit, & vniuersum
 genus humanum in mūdo redemit. Neque mi-
 reris, totum esse per illum mundū liberatū: non
 enim simplex homo fuerat, sed filius Dei vnige-
 nitus pro illo moriens: quandoquidem vnus
 etiam viri Adam peccatum potuit mortem ad-
 N ferre

*Mors per unū:
sic & vita.*

ferre mundo. Si ergo transgressionē vnus mors regnauit in mundo: cur non multò magis iustitia vnus, vita regnet? Et si tunc per cibum illius ligni, eiekti sunt ex paradiso: nunquid per lignū I E S V nunc non multò facilius credentes in paradisum inducetur? Si protoplastus de terra vniuersalem mortem attulit: qui creauit illum de terra, nunquid vitam non adferet æternā, cū ipse sit vita? Si Phinees zelo ductus, & tollens de medio turpitudinis factorē, pacauit iram Dei, I E S V S non alium tollens, sed seipsum tradēs in precium, nunquid iram Dei cōtra homines non dissoluet? Non pudeat itaque nos crucis saluatoris, sed in eo potiùs gloriemur. Sermo enim crucis Iudaïs quidem offēdiculum, Græcis est stultitia, & his, qui pereunt, stultitia quoque est: his autem qui saluantur, virtus Dei est. Non enim, sicut dictum est, simplex homo pro nobis mortuus est, sed filius Dei, humanam assumens naturam. Tum verò agnus ille Moysis instituto mactatus, procul arcebat vastatorem: agnus autem Dei, qui tollit peccatum mundi, nonne multò magis liberat à peccatis? Ac sanguis quidem irrationalis agni, salutem exhibebat: Sanguis verò vnigeniti, non multò magis seruabit? Si quis non credit virtuti crucifixi, percunctetur demones: si non quis credit verbis, credat factis apparentibus. Multi per orbem crucifixi sunt, sed nulum exhorrebant demones: quoniam illi quidē propter sua peccata mortui sunt, hic autem pro alienis. Peccatum enim ipse non fecit, nec inuen-

*Crucifixum
unicum me-
tuūt demones.*

rus est dolus in ore eius. Non Petrus erat, qui hoc dicebat: ne quis suspicetur adulari illum magistro: sed Esaias id dixit, qui corpore quidē non aderat, spiritu tamen aduentū eius in carne præuidebat. Et quid est, quòd testem adducam solum prophetam, accipe & illum testem, qui eum condemnauit, dicentem: Nihil inuenio causæ in hoc homine. Et cū morti illum addiceret, lauatīs manibus, Innocens, inquit, ego sum à sanguine iusti huius. Est & alius testis innocentiae Iesus vñ vnus latronum, qui cum illo erant crucifixi, reprehendens alterum, atque dicens: Nos digna factis ferimus: hic autem nihil mali fecit: aderamus enim ego & tu in iudicio.

Passus est igitur Iesus vñ pro hominibus verè: *Christus verè passus.* non enim apparentia est crux, neque opinio redemptionis: non imaginaria mors, & fabulatoria salus. Si enim imaginaria esset mors, veri essent illi qui dicebāt: Recordati sumus, quòd seductor ille dicebat adhuc viuens. Passio itaque vera: verè enim crucifixus est, & non confundimur, neque negamus: sed potiùs in eo gloriamur. Si enim nunc negarem, arguet me hic Golgotas, cui nūc omnes proximè assistimus: arguet me lignū crucis, quod per particulas ex hoc loco per vniuersum orbem sparsum est. *Lignum crucis per orbem sparsum.* Cōfiteor crucem, cū sciam resurrectionem. Si enim crucifixus non surrexisset, sed sic permansisset, fortè non confiterer eam cruci affixionem, verū occultarem fortè vnā cum meo magistro. Cū autem resurrectio crucem sit cōsecuta, nō pudet me de illa differere

omnibus. Itaque similiter vt nos in carne existens, crucifixus est: sed non propter similia peccata. Non enim propter auaritiam perductus est ad mortem: nihil enim possidendi erat magister. Non propter concupiscentiam cōdemnatus. ipse enim apertè dicit: Quicumque aspexerit mulierem ad concupiscēdum, iam mœchatus est. Non propter temeritatem percussus & verberatus: præbebat enim & alteram maxillam percutienti. Non propter legis contemptum: legis enim impletor erat. Non quòd prophetam affecit contumelia: ipse enim erat à prophetis prædictus. Non interuertens pretium: ipse enim sine pretio, & gratis curabat. Non verbis peccans, non factis, non conuersationibus. Peccatum enim non fecit, nec inuentus est dolus in ore eius: qui conuitiis affectus, non retulit conuitium: patiens, non minabatur: qui non inuitus, sed sponte sua venit ad passionem. Et etiamsi quis dissuadens, illi dicat etiam nunc: Misereare tui ipsius Domine. Dicet rursus: Vade post me Satana. Ac si vis amplius tibi persuaderi, quòd spontè ad passionem venit: nam alij quidem aut inuiti, aut nescientes moriuntur. Hic autem prædixerat suam passionem: Ecce tradetur filius hominis ad crucifigendum. Scis ne, quamobrem mortem non fugit benignus Dominus? Vt ne totus peccatis perderetur mundus. Ecce ascendimus Hierosolymam, & tradetur filius Dei, & crucifigetur. Et rursus: Firmauit faciem suam, vt iret Hierosolymam. Et vis nosse apertiùs, quòd gloria Christi est

*Paupertatis
magister Christi.*

Voluntaria passio Christi.

est crux eius? audi non me, sed illum dicentem: Prodidit Iudas improbus patrem familiâs, nuperque exiens à mensâ, & poculum benedictionis bibens, & pro potu salutari sanguinem iusti effundere volens. Qui panes eius comedebat, magnificavit super illum supplantationem. Paulò antè manus benedictionem recipiebât, & rursus argento proditoris mortem conciliavit. Et redargutus, audiuit: Tu dixisti. Rursusque exiit. Deinde dixit I E S U S, Venit hora, ut glorificetur filius hominis. Vides quomodo gloriam propriâ sciebat esse crucem? Deinde Esaias quidem serra dissectus, non cōfundeatur. Christus verò pro mundo moriens confundetur? Nunc glorificabitur, inquit, filius hominis, non quod prius non haberet gloriâ: glorificatus enim erat gloria ante mundi constitutionem: sed glorificabatur tanquàm Deus semper: nunc verò glorificatus est, patientiæ ferens coronam. Non coactè reliquit vitam, non violenter mactatus est, sed voluntate sua. Verùm audi quid dicat: Potestatem habeo ponere animam meam, & potestatem rursus habeo sumere eam. Volens capior ab inimicis: si enim nollem, nihil efficerent.

*Glorificatio
Christi duplex*

Venit igitur voluntariè ad crucem, gaudens in rectè factò, gaudens de corona: lætatus de hominum salute, non reueritus crucem. Saluavit enim orbem: quoniam non erat simplex homo, qui passus est, sed Deus incarnatus, & obediētiæ certans certamen. Sed contradicunt Iudæi, qui ubique in contradictionem prompti sunt, & tardi

ad fidem: ita ut nunc lectus dicat propheta: Domine, quis credidit auditui nostro? Persæ credunt, & Hebræi non credunt. Iesvs ipse annunciat de seipso: Videbunt quibus non dicetur de illo, & qui non audient, intelligent, & qui legunt, reiciunt ea, quæ legunt, & meditantur. Contradicunt nobis, & inquiunt: Nunquid Christus patitur? Præualebunt ne manus humanæ dominationi? Legite Threnos: qui enim vos in Threnis deplorabat, digna flens scripsit Hieremias vidēs vestram perditionem, perspiciebat defectiōnem. Deploravit tunc illam Hierusalem, hæc enim, quæ restat, non deflebitur, illa enim cruci affixit: hæc autem nunc adorat Christū Dominū. Deplorās igitur dicit: Spiritus faciei nostrę Christus Dominus, captus est in peccatis nostris. Nū ergo ego nugar? ecce testatur Christum Dominum ab hominibus captum. Dic mihi o propheeta, quid deinceps euenit? Ille autem: In vmbra, inquit, ipsius viuemus in gentibus: Non enim in Israël ampliūs, sed in gentibus cōuersaturam indicat vitæ gratiam. Ac multæ cū sint, quæ fiūt ab illis, contradictiones, agē vestris precationibus adiutus, quātum temporis breuitas patitur, per Dei gratiam de passione nonnulla producemus testimonia. Omnia enim de Christo scripta sunt, & nihil est ambiguum, nihil non testatum. Omnia in columinis propheticiis inscripta sunt: non in tabulis lapideis, sed ex Spiritu sancto manifestè descripta.

Cū itaque audis Euangelium, quod de Iuda di-

Deploratio vera Hierusalē.

da dicit, nunquid nō debes recipere testimoniū? audisti, quòd crepuit latus, nōne debes videre, si & hoc scriptum est? audisti, quòd in horto crucifixus est, nec debes videre, si id quoque scriptū est? audisti, quòd triginta argenteis venditus est, non debes videre, si & hoc scriptum est? audisti, quòd potatus est aceto, discē quoque ubi sit hoc scriptum. audisti quòd cum latronibus sit crucifixus, nec scire debes, nū & hoc est scriptū? audisti quòd in petra repositum est corpus, & lapide contactum: non debes ex propheta, & de hoc capere testimonium? audisti, quòd sepultus est, non debes videre, si certò de sepultura scriptū est? audisti, quòd resurrexit: non debes videre, si non ludimus te hæc docentes? Sermo enim no-

*Predicatio
Christiana.*

ster, & prædicatio nostra, non in persuasibilibus humanæ sapientiæ verbis: neque sophistici apparatus nūc mouētur, vt deinceps soluantur: nō verba verbis vincuntur, quæ resolui possint. Sed prædicam⁹ Christū crucifixū, à prophetis iā pridem eundē prædictū. Tu ergo accipiēs de his testimonia, obliqua hæc in corde tuo. Quæ cū multæ sint, & tēp⁹ horæ perbreue, paucas capiā & præcipuas.

Audi ergo nunc, & ex his sumens occasionē, sis studiosus reliquorum perquisitor: neque ad accipiendum tantum prompta sit manus tua, verum etiam ad operandum, & Christus in omnibus gratificabitur. Si cui enim vestrū deest sapientia, postulet ab eo, qui dat, Deo: & accipiet, qui etiā hoc vestris tribuat orationibus, vt & nos dicētes, possimus facere, & vos audiētes credere:

*Testimonia
Christi pas-
sionis.*

Quæramus igitur, quæ sunt de passione testimo-
nia: conuenimus enim nunc non scripturarum
theoricam enarrationem facturi, sed persuasuri
potius ea, quæ iam credidimus. Et antea quidem
de aduentu Iesu accepimus testimonia, & quod
super mari ambulabat: In mari via tua, vt scri-
ptum est: Ambulans super mari sicut in sicco.
Et testimonium de diuersis curationibus, alibi
accepisti, nunc verò tandem incipiam vnde pas-
sio cœpit. Iudas erat proditor, & veniens ex ad-
uerso & itans pacifica loquebatur, hostilia autem
moliebatur, dicit igitur de hoc psalter: Amici
mei & proximi mei aduersum me appropinqua-
uerunt, & steterunt. Et rursus: Moliti sunt ser-
mones eorum super oleum, & ipsi sunt iacula.
Salue magister, & tradidit magistrum in mortem:
& non sensit dicentis admonitione: Iuda, osculo
filiū hominis tradis? Firmè enim hoc ad ipsum
dixit, admonens eum per ipsius appellationem.
(Iudas enim vocatur confessio.) Intellige, acce-
pisti argentum, confitere citò: O Deus laudem
meam ne taceris, quia os peccatoris, & os do-
losi in me apertum est. Locuti sunt contra me
lingua dolosa, & sermonibus odiosis circunde-
derunt me. Quod autem quidam ex principibus
sacerdotum aderant, & ante portas ciuitatis liga-
tus erat, antea audisti. Quod si meministi admo-
nitione psalmi, tēpus, & locū dicētis: Quomodo
cōuersi sunt ad vespērā, & p̄suriuerunt sicut canes,
& circundederūt ciuitatem: audi igitur & de tri-
ginta argēteis, ex alio propheta: Et dicā ad ipsos,
si est

si est bonum in oculis vestris, date pretium meum, si dixeritis, &c. Alius apud vos usuram habet curationum cæcorum, & claudorum: & aliud ego accipiam, pro adoratione contumeliā. Vides quomodo præuidit scriptura negotia. Et statuerunt pretium meum triginta argenteos: O propheticam certitudinē, o maximam intelligentiam, & infallibilitatem Spiritus sancti! Nō enim decem aut viginti dixit, sed triginta præcisē. Et quod tot erant, & quod processit hæc æstimatio o propheta. Nunquid ille qui accepit retinuit, aut reddidit? & posteaquā reddidit, quod progressum est? Dicit igitur propheta: Et acceptis triginta argenteis, & proiecit eos in domum Domini, in conflatorium. Confer Euangelium cum prophetia. Pœnitentia, inquit, ductus Iudas, & proiciens argenteos in templo, recessit. Sed hīc nonnihil est, ut existimatur dubij, cum exactē disquiritur. Nā qui reprehendunt prophetas, dicunt, quod propheta quidem dicit: quod proiecit eos in domum Domini, in conflatorium: Euangelium autem, Et dederunt ipsos in agrum figuli: quomodo hī duo vera dicunt, audi. Iudæi, si diis placet, religiosi, qui tum erant principes sacerdotum, vidētes Iudam pœnitentem, & dicentē, Peccavi tradens sanguinem iustum, dicunt: Quid ad nos, tu videris. Nunquid nihil ad vos, qui crucifigitis? Sed hic quidē qui pretium necis accepit, & prodidit, videat: vos autē qui necatis, non videbitis? Deinde dicunt ad seipsos, Non licet eos nummos proiicere in carbonem: quoniā pretium sanguinis est.

*Prophetica
certitudo ex
Elissima.*

*Conflatorium,
id est, ager
figuli.*

Ex ore vestro est vobis condemnatio . Si pollutū pretium, polluta & actio. Quòd si iustè agis crucifigens Christum, quare non recipis pretiū? Sed quod quæritur, hoc est . Quomodò , non dissonant : Euangelium quidem dicens agrum figuli, Propheta autem conflatorium . Non soli ærifabri habent conflatorium, sed & lutifiguli habent luticonflatoria. Luti enim vilitatem & pinguedinem à pretiosiori terra in ærificinis conficientes perfundunt aqua lutum, vt sine impedimēto operentur, quæ præparauerant. Quid igitur miraris? Quòd Euangeliū apertè agrum figuli : propheta autem sub ænigmate protulit prophetiam: quandoquidem sub ænigmate sæpè solēt esse prophetiæ. Ligauerunt Iesum, & adduxerunt in domum principis sacerdotum. Vis scire, quòd & hoc scriptum est? Dicit Esaias: Væ animæ ipsorum: quia consultauit consilium prauum , ad seipsos dicentes: Ligemus iustum: quia molestus est nobis. Et verè væ animæ ipsorū. Et videmus, quòd Esaias quidem ferra dissectus est, & populus tamen postea sanatus est. Hieremias in fœtidum lacum proiectus: sed & hoc Iudæorum vulnus sanatum est : minimum enim erat, quoniam in hominem peccatum est. Posteaquàm verò nō in hominem, sed in Deum inhumanatum peccauerunt Iudæi, væ animæ ipsorum . Ligemus iustum : Nunquid non potuit soluere seipsum, dicat quis, qui soluit quatrIduanū à vinculis mortis Lazarum : & Petrum à ferreis carceris vinculis soluit? Parati astabant angeli dicētes: Disrumpamus vincula eorū: sed

sed sustinebāt, quia sic perferre & pati voluit hoc Dominus. Rursus ventum est ad seniores in iudicium. Habes iam testimonium. Ipse Dominus venit cum senioribus populi. Sed interrogans princeps sacerdotum, & audiens veritatem, indignatur: & malus minister dedit alapam: at ille faciem sole illustriorem, manibus iniquis percuti sustinuit: & alij venientes inspuebant in faciem eius, qui per lutum cæcum natum curauit. Hæcine Domino redditis, popule stulte & non sapiens? Et propheta admirans dicit: Domine, quis credidit auditui nostro? Incredibilis res est, vnus Dei filius, & brachiū Domini hæc suffert. Sed ne diffidāt saluandi, prædicit hoc Spiritus sanctus ex persona Christi, dicentis: Ipse enim, qui tunc ista loquebatur, deinceps aderat: Dorsum meū dederunt in flagella. Pilatus enim illum flagellatū dedit ad crucifigendum: maxillas autem meas in percussiones, faciem autem meam non auerti à turpitudine sputorum. Modò non dicit, præuidens, quòd eum verberaturi sunt: neque auerti maxillam meam. Quomodò enim corroboraret discipulos ad perferendam mortem pro veritate, si ipse non protulisset ista? Ego dixi: Qui amat animam suam, perdet eam: si vitam amauit, quomodò id docuit, neque fecit, quod docuit?

Primum igitur cū Deus esset, ab hominibus hæc patiens sustinebat: vt homines ab hominibus postea ista patientes, pro ipso cuiusmodi perferre nos non puderet. Animaduerte, quòd & hæc apertè prædixerunt prophætæ. Multa autem scriptu-

*Christus ad
passiones nos
imitat.*

scripturarum testimonia, propter tēporis angustiam prætermittimus, sicut prædixi. Si enim exactè quis omnia perquisiuerit, nullum Christi factum sine testimonio relinqueretur. Ligatus venit à Caipha ad Pilatum: Nunquid & hoc scriptū est? Et ligātes adferebāt Regi munera Iarim. Sed obiiciat aliquis ex his, qui acutè audiunt: Pilatus non erat Rex, vt interim alias relinquamus multas quæstiones, quomodò igitur ligantes ipsum attulerant Regi munera Iarim? Sed lege Euangelium: Audiens Pilatus esse illum ex Galilæa, remisit ad Herodem: Herodes autē tum Rex erat, & aderat Hierosolymis. Et considera prophetæ diligentem certitudinē: Munerum loco, inquit, ipsum miserunt. Facti sunt enim mutuò amici Pilatus & Herodes, eadem die: antea enim erant inimici. Decebat enim eum, qui mundum erat pacificaturus, vt priùs etiā ipsos iudices suos pacificaret. Et erat ipse Dominus, componēs corda Principum terræ. Habes prophetarum certitudinem, & verum testimoniū. Admirare iudicatum Dominum: à militibus ducebatur & ferebatur. Pilatus sedet iudicaturus, & qui ad dexterā Dei sedet, tunc stans patiebatur. Populus ex Ægypto ab illo liberatus, & ex aliis multis periculis, contra illum clamat: Tolle, tolle, crucifige eum. Quade causa Iudei? quòd cecos vestros curabat, quòd claudos vt ambularēt sanabat, quòd reliqua eius modi beneficia vobis præstitit? Sicut & propheta de hoc dicit: Super quē aperuistis os vestrum, & contra quem produxistis linguam vestram. Et ipse

ipse quoque Dominus per prophetā dicit: Facta est hāreditas mea sicut leo in sylua, dedit contra me vocem suam: propterea odiui illam: non ego spreui, sed ipsi spreuerunt me. Ideò consequenter dico: Dereliquerunt domū meam. Iudicatus, tacui. Tanquā compateretur ei Pilatus, dixit: Nō audis, quòd isti te accusant? Nō quòd attenderet iudicatum: sed quia metuebat suā vxoris somnium, quod ad illum miserat. Et Dominus tacuit. Dicit psalmus: Et factus sum sicut homo non audiens, & non habens in ore suo redargutiones. Et rursus: Ego autem sicut surdus non audiebam, & sicut mutus, nō aperiens os suum. Audiuisti de hoc si meministi, & antea.

Sed milites circundantes eum, illudebant ei. Et factus est ludibriū illis Dominus, & illuditur Dominus: Viderunt me, & mouerunt capita sua: figura tamen fit regni. Illudebant quidem, genu flectebant tamen, induentes purpura: & postea crucifigunt. Milites coronam imposuerūt capiti eius. Quid enim refert, etiamsi spineam. Omnis Rex à militibus appellatur: oportebat & Iesum à militibus typicè crucifigi. Sicut ideò scriptura in canticis dicit: Exite, & videte filiæ Hierusalem in corona, qua coronauit ipsum mater eius. Mysteriorum erat coronā: solutio enim erat peccatorum, dissolutio autē maledictionis. Accepit sententiā Adam: maledicta terra in operibus tuis, spinas & tribulos adferet tibi. Propterea Iesus accepit spinas, vt soluat hāc maledictionē: & ideò sepultus est in terra, vt maledicta terra pro maledictione recipiat

Christus à militibus typicè coronatus.

Corona mysteriorum erat.

recipiat benedictionem. Tempore peccati primi, foliis ficus circumdabantur: Ideò & Iesus finem signorum dedit ficum. Iturus enim ad passionem maledicit ficum: non omnem ficum, sed illam solam propter figuram, dicens: nequaquam amplius quisquam de te comedet. Dissoluta est damnatio. Et cum tantum folia ficus circumfusa erant, venit in tempore, in quo cibus non inueniebatur. Quis ignorat, quòd tempore hyemis ficus non fert fructum, sed solis foliis circumdatur? Quod omnes sciebant, nunquid hoc Iesus ignorabat? Sed venit sciens, quæsit non ignorans, quod non esset inuenturus: sed figuram maledictionis vsque ad folia tantum faciēs. Et cum res paradisi attigimus, miratus sum certè figurarum veritatem: In paradiso casus, & in horto salus: de ligno peccatum, & per lignum saluatio. Post meridiem Domino perambulante, occultati sunt: & post meridiem à Domino latro in paradysum introducit. Sed dicet aliquis: Commisisceris ista? Ostende à propheta lignum crucis prædictum, nisi prophetiam à propheta præbueris, non persuadebor.

Audi igitur Hieremiam, & sis fidelis; Ego sicut agnus innocens ductus ad sacrificiū: nesciēs? sic enim per interrogationem legitur. Quasi diceret: Qui dicit, quòd post duos dies pascha fiet, & filius hominis tradetur ad crucifigendū, nunquid nesciuit? Ego sicut agnus mansuetus, qui portatur ad victimam, & non cognoui? Qualis agnus? Ioannes baptista interpretatur dicens:
Ecce

Ecce agnus Dei. Et propheta dicit: Super me cogitauerunt cogitationem. Qui cogitationes nouit, nunquid euentum nesciet? Et quid dicebāt? Venite & iniiciamus lignum in panem ipsius. Et si te Dominus dignatus fuerit, in posterum cognosces, quòd corpus ipsius secundum Euangelium typum ferebat panis. Venite igitur lignum iniiciamus in panem ipsius, & cōteramus ipsum de terra uiuentium. Vita non conteritur, quid frustrā laboratis? Et nomen eius non recordabitur ampliùs. Vanum est vestrum consilium: ante solem enim nomen eius in Ecclesia permanet. Quòd autem vita erat supra lignum suspensa, Moyses deplorans dicit: Et erit vita tua suspensa coram oculis tuis. Et metuis dies & noctes, & non credis vitæ tuæ. Et quod paulò antè lectum est: Et quis credidit auditui nostro?

Huius typum perfecit Moyses, crucifigens serpentem, ut qui erat læsus à uiuo serpente, aspiiceret æneum serpentem, & credens seruarietur. Siccine æreus quidē serpens cruci affixus seruat, filius autem Dei incarnatus & crucifixus nō saluabit? Vbiq̃ue per lignum salus. Noë tempore per ligneam arcam vitæ fuit conseruatio. Mare tempore Moysis videns virgā, erubuit eam, qua percussum est. Virga igitur Moysis potuit, & Christi crux non poterit? Omitto plures typos breuitatis causa. Lignum Moysis tempore dulcem effecit aquam: Et de Christi latere aqua effusa fluxit in ligno. Initium signorū tēpore Moysis sanguis & aqua. Et vltimū Iesus signorū hoc idē.

*Corpus Christi
typum ferebat
panis.*

*Sanguis &
aqua cur fluxit
de latere.*

Primum

Primùm Moyſes mutauit flumen in ſanguinem, & Ieſus poſtremò aquam emiſit de latere, vnà cū ſanguine fortaiſſis propter duas cædes, alteram iudicantis, alteram verò clamantium: aut propter credentes, & non credentes. Pilatus enim dixit: Innocens ſum, & aqua lauit manus. Clamantes autem dicebant: Sanguis eius ſuper nos. Erant igitur hæc duo de latere, fortaiſſis iudicanti aqua: clamantibus verò ſanguis. Ac ruruſus aliter intelligendum. Iudæis quidem ſanguis: Chriſtianis verò aqua: Illis quidem tanquàm inſidiatoribus, ex ſanguine cōdemnatio: tibi verò nunc credenti per aquam ſalus. Nihil enim temerè factum eſt. Aſſignarunt enarratores patres noſtri, & aliam quoquē eius rei cauſam. Cū enim duplex ſit baptiſmi ſalutaris virtus, vt eſt in Euāgeliis: Vna quidem, quæ baptizatis donatur per aquā, altera verò ſanctorum martyrum in perſecutionibus, per proprium ſanguinē: Exiuit de latere ſalutari ſanguis & aqua, propter eam, quæ eſſet futura, Chriſti confeſſionem, & in baptiſmo: & in temporibus martyrij, confirmandam gratiam. Eſt & alia lateris huius cauſa. Mulier fuerat prima ductrix peccati, quæ de latere creata eſt. Sed Ieſus, qui venit, vt viris ſimul ac mulieribus conferret reconciliationem: aperuit latus pro mulieribus, vt ſolueret peccatū. Et ſi latiùs enarrari voles, reperiſſes & alias cauſas: ſed hæc dicta ſufficiāt, propter temporis anguſtiā, & ne ſit auditoribus faſtidiū audire. Quāuis laborioſum eſſe non deberet, audire de coronato Domino: & maximè in ſancto
hoc

*Baptiſmus
duplex.*

hoc Golgotha. Alij enim audiūt tantū, nos autem & videmus, & attingimus: nemo itaque lassetur.

Accipe arma contra aduersarios huius crucis. Trophæum statuas fidem crucis, aduersus cōtradicientes. Cū enim de Domino cruceque contra infideles quæstio tibi erit, prius statue manu tua signum: & obmutescet contradicens. Nō pudeat crucem Christi confiteri: angeli enim gloriantur, dicentes: Iesum crucifixū quæritis. Non potuisti dicere ô Angele: Scio quem quæritis, meum Dominum, sed confidenter dicit: Scio quod crucifixum. Corona enim est crux, & non ignominia. Cæterum redeamus nos rursus ad propositam prophetarum demonstrationē. Crucifixus est Dominus, accepisti testimonia. Vides locū hunc in Golgotha, simul, & voce confiteris, & mente quieta. Caue autem in tempore persecutionis neges. Non tantum tempore pacis congaudeas crucifixo: verum etiam tempore persecutionis eandem retine fidem. Ne sis tantum pacis tempore Iesu amicus, & tempore belli inimicus. Accipis nunc in remissione peccatorum & spiritali dono Regis pecunias: quādo venerit bellum, pugna strenuē pro Rege tuo Iesu. Pro te crucifixus est, qui nihil peccauerat, & tu pro crucifixo non crucifigēris? Non tu prius gratiam illi hanc exhibes, prior enim accepisti, sed gratiā illi reddis. Redde vsurā illi, qui propter te in hoc sacro Golgotha crucifixus est. Golgothas verò interpretatur Caluariae locus. Aliqui ergo propheticē locū hunc Golgothā appellarūt, in quo verū

*Crucis signum
manu premit-
tendum.*

*Caluaria
unde.*

O

caput

caput Christus crucem sustinuit: sicut Apostolus dicit, Qui est imago Dei inuisibilis. Et post pauca: Et ipse caput Ecclesiæ. Et rursus: Omnis viri caput est Christus. Et rursus: Qui est caput omnis principatus. Caput hoc in loco caluariæ passus est. O magnā prophetiā appellationē! Mōdò enim nō & nomē hoc admonet te docēdo: nō vt simplici homini attendas crucifixo: caput est omnis potestatis crucifixum: caput autē habens patrē. Caput viri Christus, caput Christi Deus.

Christus igitur pro nobis crucifixus est, iudicatus noctu cū frigus esset, & focus carbonum ideò fuit appositus. Crucifixus hora tertia. Ab hora autem sexta tenebræ factæ sunt vsque ad horam nonam. Et rursus ab hora nona lux. Nunquid & hæc scripta sunt, quæramus.

Dicit igitur Zacharias: Et erit in die illa, non erit lumen, & erit frigus vna die. Frigus cū esset Petrus calefaciebat se. Et dies illa nota Dño. Dicit dies illa. Quid enim, num & alias nō nouit? Multæ sunt dies, sed illa dies passionis Domini, quam fecit Dominus: & illa dies nota Domino. Et neque dies, neque nox. Quale est hoc enigma, quòd dicit propheta, Dies illa, neque dies est, neque nox? Quomodò igitur eā vocabimus? Interpretatur Euangeliū, quod negotiū hoc enarrat. Non erat dies: quia nō perpetuò, ab oriēte vsque ad occasum sol lucebat, sed à sexta vsque ad nonā tenebræ factæ sunt in medio die, interpositæ sunt tenebræ? Nominauit autē Deus tenebras noctē. Propterea, neque dies neque nox: nō enim tota

lux

*Neque dies,
neque nox.*

lux erat, vt vocaretur dies, neque tota tenebræ, vt vocaretur nox: sed post nonā illuxit sol. Prædixit & hoc propheta: dicens enim, Neque dies neque nox, addidit, & ad vesperā erit lumē. Cernis prophetarū exactam certitudinē: cernis veritatē scriptorū. Sed quæris apertè, qua hora sol defecerit, si octaua vel decima? Dic Iudeis veritatem ô propheta: Quando deficiet sol? Dicit igitur Amos propheta: Et erit in die illa, dicit Dominus, occidet sol in meridie: ab hora enim sexta tenebræ factæ sunt, & obtenebrata est lux super terrā in die. Quale hoc tempus ô propheta, & qualis dies? Et conuertā solennitates vestras in luctū. In azymis enim hoc agebatur. Deinde dicit: Et ponā ipsum sicut luctū dilecti, & eos qui cū ipso, sicut diē doloris. In diē enim azymorū, & solenni, mulieres ipsorū plangebant & flebāt, Apostoli verò occultati dolebant: admirāda ergo hæc prophetia. Sed da mihi & aliā, dicat quis, quod signū est certius de eo quod factum est. Crucifixus Iesus, is, qui vnam tantū tunicā habebat, & vna veste utebatur: Milites vestem quidem in quatuor partes sciderunt, tunica autem scissa nō est, nullus enim deinceps illius esset vsus: sed fors de illa intēr milites proiecta est, ac illam quidē diuiserūt, de hac autem sortē miserunt. Nunquid & hoc scriptum est? Sciunt hoc studiosi Ecclesiæ psalmistæ: qui angelicos imitantes exercitus, semper Deum laudibus celebrant: qui digni habiti sunt psallere in hoc sancto Golgotha, & dicere: Diuiserunt sibi vestimēta mea, & super vestē meā miserūt sortē.

Sol occidet in meridie.

Psalmista erit Hierosolymis

Sors autem erat quam milites proiecerunt.

Rursus : Apud Pilatum cū iudicaretur , rubeam vestem ferebat : illic enim posuerunt super illum chlamidem coccineam . Nunquid & hoc scriptū est? Dicit Esaias: Quis est hic progrediens ex Edom? rubrum vestimentum eius ex Bosor: Quis alius, quā ille, qui per contumeliam tulit vestē purpureā. Bosor enim apud Hebræos quiddam eiusmodi sonat. Quare sunt rubra vestimēta tua, & indumenta tua, sicut calcantium in torculari. Ille autem respondet, & dicit: Tota die expandi manus meas ad populum incredulum & contradicentem. Expandit in cruce manus, vt cōprehenderet fines terræ: Medium enim terræ est hic Golgothas. Nō meus hic est sermo, propheta dicit: Operatus est salutem in medio terræ. Expandit humanas manus, qui spiritalibus suis manibus firmavit cælum. Et affixerunt eas clavis, vt humanitate ligno affixa, quæ tulit hominū peccata, & moriente humanitate, commoreretur & peccatum, nos verò resurgeremus in iustitia. Cū enim per vnum hominem sit mors, etiam per vnum vita: per vnum autem hominem Saluatorem, qui sponte sua mortuus est. Recorderis dictorum: Potestatem habeo ponere animā meam, & potestatem habeo rursus accipere eam. Ac ille quidem hæc sustinuit, pro salute omnium veniens: Populus verò malam illi mercedem reddidit. Dixit Iesus: Sitio. Qui educebat ipsis ex rupe aquas: en petit à vinea, quam plantauit, fructus. Sed quid vinea? quæ secundū naturam quidem
erat

erat ex sanctis patribus, secundum voluntatem autem ex Sodomis. Vineam enim illorum ex Sodomis, & sarmentum illorum ex Goinortha, sitiienti Domino spongia madefacta, & imposita arundini porrigit acetum. Et dederunt in cibum meum fel: & in siti mea potauerunt me aceto. Cernis claritatem predictionis propheticae? Cuiusmodi autem fel dederunt ori eius? Dederunt, inquit, illi vinum myrrha permixtum: myrrha autem felis instar amara est. Hanc Domino reddidistis? Hanc adfert vinea Domino? Iuste igitur deplorat vos Esaias dicens: Vineam factam est dilecto meo, in cornu, in loco pingui. Et ut ne omnia repetamus. Expectavi, inquit, ut faceret vnam: sitiui, ut daret vinum: ipsam autem fecit spinas. Cernis hanc coronam, qua circumdatus sum? Quid ergo statuam deinceps? Nubibus precipiam, ne super illam pluant. Ablatae enim sunt ab illis nubes, prophetae. Prophetae enim deinceps sunt in Ecclesiis, sicut dicit Paulus: Prophetae autem duo aut tres loquantur: alij autem diiudicent. Et rursus: Deus dedit in Ecclesia alios quidem prophetas. Propheta erat Agabus, qui ligans sibi manus & pedes prophetauit.

*Prophetae sunt
in Ecclesia.*

De latronibus autem, qui cum illo crucifixi sunt, dictum est: Et cum iniquis reputatus est. Ac duo quidem antea erant iniqui. Vnus autem non usque ad finem iniquus permansit: alter autem ad finem iniquus, obstinatus ad salutem. Manibus quidem affixus erat: sed lingua blasphemam verberabat. Sicut & Iudaei accedentes mouebant capita sua illudentes crucifixum: implentes quod scriptum erat,

Videbant me, mouebant capita sua. Et alter quoque latro cum illis infamat: alter autē reprehendit infamantem. Eratque ipsi finis vitæ, principium rectè facti, traditio animæ, & acceptio salutis. Et post hanc illus reprehensionem dicit: Memento mei Domine, ad te enim mihi sermo est: relinque hunc, obcæcati enim sunt mentis illius oculi: mei autem memineris. Non dico, vt operum meorum memineris: hæc enim metuo. Omnis enim homo afficitur ad comitem suum: simul tecum eo ad mortē, memineris comitis tui. Sed non dico aliter vt mei memineris, quàm cum veneris in regnum tuum. Quæ virtus te illuminauit ô latro? Quis te docuit adorare contemptum, & simul cruci affixum? O lumen perpetuum illuminans obscuratos! Ideò & iustè audit: Cōfide. Nō quòd opera tua digna sint confidentia: sed quia Rex adest, qui gratiā confert. Longa erat petitio: sed celerrima gratia. Amen dico tibi, hodie eris mecū in paradiso. Cū enim hodie vocē meam audisti, & nō obturasti cor tuum: celeriter cōtra Adam tuli sententiā, celeriter tibi grauficor. Illi quidē dictum est: Quacunque die comederitis, morte moriemini. Tu verò hodie obedisti fidei, hodie quoque tibi salus. Ille propter lignū excidit: & tu de ligno introduceris in paradysum. Ne timeas serpentē: cecidit enim de cælo, non eiiciet te. Et nō dico tibi, hodie recedes: sed hodie mecū eris, nō reiicieris: Cōfide, neque timeas flāmeum gladium, reueretur enim Dominum. O ingētem & inenarrabilem gratiam! Nondum Abraham

fidelis

Latro illuminatus à Deo.

fidelis ingressus est, & latro ingreditur: nondum Moyses & prophetæ, & iam latro iniquus ingreditur. Admiratus est te etiam Paulus, dicens: Vbi abundauit peccatū, superabundauit gratia. Qui tulerunt æstū, nondū ingressi sunt: & qui vndecima hora venit, ingressus est. Nemo murmuret cōtra patrem familiās, cū ille dicat: Amice nō facio tibi iniuriā: Nōne potestātē habeo in meis facere vt volo? Vellet iustē agere latro: sed venit mors. Nō tantum opus moror: sed fidem recipio. Venit qui pascit inter lilia, venit pascere in horto: ouē inuenit perditā, eā in vlnas suas accepit. Credit enim, cū & ipse dicat: Erravi sicut ouis quæ periit. Memento mei Domine, quādo veneris in regnū tuum. Præcantauit in Canticis de hoc horto ad meā sponfam, hæc dicens ad illam: Ingressus sum in hortū meum: soror mea sponsa. Erat autē vbi crucifixus est, hortus. Et quid accipis illic? Messui myrrham meā, vinum myrrhatū bibens & acerū. Quo gustato dixit: Cōsummatum est. Impletum enim est mysteriū. Impletæ enim sunt scripturæ: dissoluta peccata. Christus enim assistēs sacerdos futurorum bonorū, per amplius & perfectius tabernaculum, nō manufactum, sed per proprium sanguinem introiit semel in sancta. Si enim sanguis taurorum & hircorum, & cinis vitulæ aspersus, inquinatos sanctificat ad emundationē carnis, quantò magis sanguis Christi. Et rursus: Renouauit nobis viā recentē & viuentē, per velum: hoc est, per carnē ipsius. Et posteaquā caro ipsius velamentum, ignominia affectum, propterea

*Velum templi
eius scissum.*

velum tēpli scissum est in duas partes, à summo vsque deorsum. Neque enim modicum illius relictum est: cū Dominus dixerit, Ecce relinquetur domus vestra deserta. Domus hæc planè disrupta est. Sustinuit autem hæc Saluator, pacificās per sanguinem crucis, & quæ in cælis, & quæ in terris. Inimici enim eramus propter peccatum: Et decreuit Deus, vt qui peccat, moreretur. Quid igitur ex his duobus fieri oportebat? vtrum, vt verax sit Deus omnes tollere, aut, vt sit benignus dissoluere decretū? Sed vide Dei summā sapiētiā. Custodiuit enim & decreti veritatē, & benignitatis virtutē. Assumpsit Christus peccata in corpore; in lignū: vt per mortem ipsius nos peccatis mortui, & iustitiæ viuereamus. Non paruus erat, qui mortuus est pro nobis. Non erat ouis sensilis. Non erat simplex homo: nō erat angelus tantū, sed Deus incarnatus. Non tantū erat peccantiū peccatum, quanta pro illis morientis iustitia: nō tantū nos peccauimus, quātum ille iustē egit, qui animam pro nobis posuit, qui posuit quando voluit, & rursus accepit, quando voluit. Et vis nosse, quòd non violenter posuit animam, neque inuitus tradidit spiritum? Alloquebatur patrem, dicens: Pater in manus tuas commendo spiritū meum: commendo, vt rursus accipiam. Et hoc dicens, emisit spiritum, sed non in longum tempus: celeriter enim rursus resurrexit.

Defecit sol propter iustitiæ solem. Petræ scissæ sunt, propter spiritalem petram. Sepulchra aperta sunt, & mortui surrexerunt propter eum,
qui

qui est inter mortuos liber : emisit ipsos vinctos de lacu non habente aquam . Non igitur pudeat te crucifixi, sed confidēter dic: Et ipse peccata nostra tulit, & liuore eius sanati sumus . Ne ingrati simus erga benefactorem. Et rursus: Ab iniquis populi mei ductus sum in mortem: Et dabo malos pro sepultura ipsius. Propterea manifestē dicit Paulus: Quod Christus mortuus est pro peccatis nostris, secundum scripturas, & quod sepultus, & tertia die resurrexit.

Volumus autem apertē scire, vbi sepultus est? Nūquid manufactus est locus? nūquid sicut Regum sepulchra eleuatus est super terrā? Ex lapidibus facta est sectio composita. Et huic quid superponitur? dicite nobis, ô prophetae, & sepulchri certitudinē, vbi ponetur, & vbi ipsum quaeramus. Illi autē dicunt: Respicite in solidā petrā, quam excidistis: respicite, & sentietis. Habes autē & in Euangeliiis: In monumēto exciso, quod erat excisum ex petra. Et quid sit: Quod est ostiū monumēti? Rursus propheta ali⁹ dicit: Mortificarūt in lacu vitam meā, & imposuerūt lapidem super me. Lapis angularis, electus & gloriosus, in interiori lapide positus est ad modicū tempus. Lapis offendiculi Iudæis, & lapis salutaris credētibus.

*Prophetia de
sepulchro
Christi.*

Institutum igitur est lignū vitæ in terra, vt maledicta terra deinceps frui posset benedictione, & vt liberentur, viuificenturque mortui . Non pudeat igitur nos crucifixū confiteri, sed in fronte confidenter signaculū crucis digitis imprimatur, & in aliis omnibus crux fiat : In panibus com-

*Crucis signum
in fronte, &
in omnibus faciendum.*

dendis, & in poculis bibendis, & in egressu & ingressu, ante somnum, recumbendo, & surgendo, eundo, & quiescendo. Magna hæc est custodia, quæ propter pauperes gratis datur: sine labore propter infirmos, cum à Deo sit hæc gratia, signum fidei, & timor demonum: Triumphauit enim de illis in hoc signo. Ostēta illud audacter. Quando enim viderint crucem, recordantur crucifixi. Metuunt eum, qui cōtriiuit capita draconis. Neque propterea, quod est gratuitum, cōtemnas hoc signaculum: sed ideò magis venerare benefactorē. Et si in inquisitionē fortē incideris, & sermones demonstrationis tibi defuerint, firma apud te remaneat fides. Quod si eruditus fueris, obstrue os Iudæis ex prophetis, & Græcis ex ipsorum fabulis. Qui & fulmina adorant, fulmen autem de cælo veniens non temerè venit. Si illi ea quæ Deus odit, adorare non verentur, tu Deo dilectum, filium Dei pro te crucifixum adorare vereberis? Pudet me dicere de his, quos illi Deos appellant, & prætermitto ista propter exeuntem horam: qui autem sciunt, dicant. Obstruatur verò os hæreticis omnibus. Si quis dicat, quod crux sit tantum phantasma, auersere, & oderis dicētes, quod per phantasiam tantum crucifixus sit. De cruce enim salus. Si phantasia crux, phantasia erit & ascensio, phantasia & secundus aduentus, & nihil erit certi.

• Accipe primum immobile fundamentum crucem, & in eo reliqua fidei edifica. Non neges crucifixum: si enim negaueris, habebis multos, qui te redarguant. Iudas te primus proditor redarguet.

*Crucem me-
tuunt demones.*

*Crux funda-
mentum fidei.*

guet. Ipse enim qui prodiderat, scit quòd à Principibus sacerdotū, & senioribus damnatus esset ad mortem. Testantur triginta argentei : testatur Getsemane, vbi facta est proditio. Nondū dico montē oliuarū, in quo præsentes noctu orabāt. Testatur luna in nocte : testatur dies, & sol deficiens: non enim ferre potuit improborū illorum nequitiam. Arguet te ignis, cui assistens calefaciebat se Petrus. Si negaueris crucem, manet te ignis æternus. Dura hæc dico, vt non hæc dura discas experientia. Recordare gladiorum, qui in Getsemane promebantur contra illū, vt gladium non experiaris æternū. Arguit te domus Caiphæ, per eam, quæ nunc est, interpretationem, demonstrans tunc illius iudicis potestatem. Consistet aduersus te in die iudicij & ipse Caiphas. Consistet & minister, qui alapas dabat Iesu, qui ligabant, qui adducebant. Resistet tibi & Herodes & Pilatus, modò non dicentes. Quid negas eū, qui nostro tempore à Iudeis est calumniatus, quem sciebamur nos nihil peccasse. Ego enim Pilatus laui tunc manus. Aduersabuntur tibi & falsi testes, & milites, qui tūc purpurea illū veste induerūt. Et in Golgotha crucifigētes, & de veste sortem mittentes. Arguet te Simon Cyreneus, crucem post Iesum ferēs. Arguet te ex astris, sol deficiens: ex rebus terrenis, vinum myrrhatum: ex fruticibus, arundo: ex herbis, hyssopus: ex marinis, sponsia: ex arboribus, lignū crucis. Milites, vt antè dixi, vinciētes, & sortem mittētes de vestibus. Miles, qui lancea latus aperuit. Mulieres, quæ tunc aderant.

*Testes passionis
Christi.*

aderant. Velum templi scissum . Pilati prætoriū, quod virtute crucifixi, nunc desolatū est. Golgothas hic sanctus, qui sic elatus est, & ad hodiernā diem apparet, & hæcenus monstrat vbi propter Christū petræ scissæ sunt . Sepulchrum hoc proximū, vbi positus erat, & lapis ostio monumenti superpositus, qui ad hodiernū vsque diem, ante monumentū situs est. Angeli tunc præsentes. Mulieres quæ adorauerunt illū post resurrectionem. Petrus & Ioannes, qui ad monumentū cucurrerunt. Thomas, qui in latus eius manū immisit, & digitos in locum clauorum: propter nos enim ille accuratè tangebatur, & propter te, qui tū non adfueris, & esses quæsiturus, hoc ille tunc præsens quæsiuit, per diuinam dispositionem.

Habes duodecim Apostolos crucis testes, & orbem terræ, & mundū vniuersum eorū, qui in crucifixum credūt, hominum. Hoc ipsum, quod tu nunc hîc ades, persuadeat crucifixi virtutem. Quis enim te nūc congregauit? qui milites? quibus vinculis coactus? quæ condemnatio te huc impulit? Trophæū Iesu salutare, crux omnes congregauit. Hoc Persas seruire fecit: hoc Scytas circumcavit: hoc Ægyptios à cattis & canibus, & variis erroribus ad Dei cognitionē adduxit: hoc ad hodiernū vsque diem curat morbos, dæmones fugat, & veneficiorū, incantationumque auertit imposturas: hoc cum Iesu apparebit in cælo: præcedet enim Regis trophæum, vt videntes quem pupugerunt, & à cruce agnoscentes, quem contempserunt. Qui non egerunt pœnitentiā Iudei, flebunt

*Cruce & mor-
bis & demon-
nes, & incan-
tationes repel-
lit.*

flebunt tum, & flebit tribus super tribum: tunc enim pœnitentiã agent, quando non erit ipsis salutis tempus. Nos autem gloriantes gloriemur in cruce, missum Dominum, & pro nobis crucifixum: adorantes & eum qui misit patrem Deũ. Cui gloria in secula seculorum, Amen.

CATECHESIS QVARTA, ET DE-

CIMA ILLVMINATORVM HIEROSOLYMIS extemporanea: *De resurgente à mortuis tertia die, & ascendente in calos, & sedente in dextera patris. Et lectio ex prima ad Corinthios: Notum autem vobis facio, fratres, Euangelium, quod prædicaui vobis, & cetera: Quòd resurrexit tertia die secundum scripturas, &c.*

IETARE Hierusalem, & celebrate festum omnes, qui diligitis Iesum: resurrexit enim. Gaudete omnes, qui antea lugebatis, Iudæorum temeritates, & iniquitates audientes. Qui enim cõtumelia ab illis fuerat affectus, hic nunc rursus excitatus est. Et sicut de cruce auscultatio, tristis nōnulis erat: sic & Euangeliũ, hoc est, annuntiatio bona de resurrectione, lætificet præsentes. Cōuertatur luctus in gaudiũ, & dolor in lætitiã, & impleatur gaudio, & exultatione os vestrũ, propter eum qui post resurrectionẽ dixit, Gaudete: vidi enim amatorũ Christi diebus præteritis dolorẽ: cùm dicendo, in mortem desineremus, resurrectionem autem non euangelizaremus: suspensus erat animus ad audiendũ id, quod desiderabatur.

Resurre-

Tristitia diebus passionis olim vsitata.

Resurrexit igitur ille mortuus, qui est inter mortuos liber, & mortuorum liberator. Qui per ignominiam propter patientiam corona spinosa insignitus erat, hic resurgens, diademate victoris mortis induit.

Sed quemadmodum testimonia de cruce attulimus, sic agere nunc quoque de resurrectione demonstrationibus in fide confirmabimur. Cum Apostolus dicat: Sepultus est, & resurrexit tertia die secundum scripturas. Apostolo igitur ad scripturarum testimonia nos remittente, pulchrum est ut agnoscamus spem nostrae salutis. Ac primum quidem discendum est, si diuinæ scripturae indicant tempus resurrectionis ipsius: utrum in æstate, vel autumno fiet, an post hyemem? & quibus ex locis saluator resurget? & quod nomen resurrectionis ab admirandis dicitur prophetis? Et si mulieres quaesierunt eum, & primo non inuenientes, deinde inuenientes gaudebant. Ut cum Evangelia leguntur, non fabulae, neque commenta esse putetur, sanctorum Euangeliorum enarrationes. Et quod quidem sepultus sit Saluator, aperte audistis in superiori sermone, Esaias dicente: Erit in pace sepultura eius. Pacificus enim caelum & terram, peccatores adducit Deo. Et quod a facie iniquitatis auferetur iustus. Et dabo malos pro sepultura ipsius, & prophetia Iacob, dicens in scripturis: Requiescens accubuisti ut Leo, & ut leona, quis suscitabit eum? Et proximum huic in Numeris: Accubas dormiuit ut leo, & quasi leona. Et psalmo saepe dicente: In puluerem mortis deduxisti me. Et locum annotauimus in hoc dicto: Respice
in pe-

in petram, quàm exsculpſistis. Deinceps verò de hac illius resurrectione ſequantur teſtimonia.

*Resurrectionis
Christi testi-
monia.*

Dicit igitur primùm in vndecimo pſalmo: Propter miſeriã inopum & gemitũ pauperũ, nũc exurgam, dicit Dominus. Sed manet adhuc dubiũ apud quosdã: ſæpè enim & in irã exurgit, ad vindictã de inimicis ſumendã. Veni ergo & in quindecimũ pſalmũ apertè dicentẽ: Conſerva me Domine, quia in te ſperaui. Et poſt hæc: Non congregabo conuenticula eorũ de ſanguinibus, nec memor ero nominum eorũ per labia mea. Quia me reiecerũt Regẽ, & optarunt ſibi Caſarem. Et deinde: Prævidebã Dominum in cõſpectu meo ſemper, quia à dextris eſt mihi, ne cõmouear. Et poſt pauca: Inſuper & ad noctẽ increpuerunt me renes mei. Et poſtea manifetiſſimè dicit: Quia nõ derelinques animã meã in infernò, neque dabis Sanctũ tuum videre corruptionẽ. Non dixit, Non dabis Sanctũ videre mortẽ: alioquin non eſſet mortuus: ſed corruptionẽ, inquit, non videbo: in morteque non permanebo. Notas mihi feciſti vias vitæ. Vide quòd apertè poſt mortẽ vita prædicatur. Veni & in vigeliſimum nonũ pſalmũ: Exaltabo te Domine, quoniã ſuſcepisti me, nec delectaſti inimicos meos ſuper me. Quod factũ eſt, ab inimicis liberatus es, aut cùm eſſes verberãdus, diſceſſiſti. Ipſe dicit apertiſſimè: Dõmine eduxiſti ex inferno animã meam. Illic dicit: Non derelinquas animam meam, prophetico ſpiritu. Hic autem dicit, id quod futurum erat, tanquàm factum iam fuiſſet: Quòd eduxiſti, ſaluavi me à deſcen-

descendentibus in lacum. Quo tēpore id esse debet? Ad vesperum demorabitur fletus, & ad matutinū exultatio. Vespere enim erat discipulorū luctus, & manē in die resurrectionis lætitia. Vis & de hoc locū scripturę nosse? Dicit enim in Canticis: In hortum meū descēdi. Hortus enim erat vbi crucifixus est: quamvis enim nunc regalibus donis ornatus sit hic locus: hortus tamen antea fuit. Et huius symbola manent, & reliquię: Hortus conclusus, fons signatus à Iudæis dicētibz: Recordati sumus, quod seductor ille dixit, cū adhuc viueret: quod post tres dies resurgā. Iube igitur custodiri sepulchrū: ac deinde obsignantes lapidem, custodiā adhibuerunt. Ad quos intendens, dixit aliquis: & in requie iudicabis ipsos. Quis verò est fons signatus, aut quis interpretatur puteus aquarū viuentiū? Ipse est Saluator, de quo scriptū est: Quia apud te fons vitę. Sed quid dicit discipulus Sophonias ex persona Christi? Prępara te, manē surge, corrumpetur enim omne germen ipsorū, Iudæorū videlicet: apud quos non relinquetur racemulus salutis, sed neque bo trunculus: concidetur enim vinea ipsorum. Vide quomodò dicat ad discipulos: Prępara te, manē surge: manē expecta resurrectionē. Et deinde secundū eandē scripturę seriem dicit: Propterea expecta me, dicit Dominus, in diem resurrectionis meę, in Martyrion. Vides quod & locū resurrectionis pręuidit propheta, Martyrion vocandū? Qua ratione enim nō secundū reliquas Ecclesias Golgothę, etiam hic resurrectionis locus,

Ecclesia

*Hortus erat lo-
cus crucifixi.*

*Martyrion lo-
cus resurre-
ctionis.*

Ecclesia vocatur: sed & Martyrion? Verum id forte propter prophetam dicentem: In diem resurrectionis meae, in Martyrion. Et quis est ergo hic, aut quod signum resurgētis? Apertè in sequentibus eiusdem contextus prophetae, inquit: Quia tunc cōuertam super populos linguā. Cum post resurrectionem missō Spiritu sancto, data est gratia linguarum, ut seruiāt Domino sub iugo vno. Et quod aliud Symbolū in eodem propheta additur, seruiendi Domino sub iugo vno. Et ex finibus fluuiorum Æthiopiæ adferent sacrificia mihi. Scis quod scriptum est in Actis: Quod venit Eunuch⁹ Æthiops à finibus fluuiorū Æthiopiæ. Cum igitur & tēpus, & loci proprietatem, cum & post resurrectionē signa recitant scripturæ, persuadeas deinceps certò tibi resurrectionē: & nemo te cōmoueat, ut non cōfitearis Christū, à mortuis excitatum. Accipe quoque testimoniū ex octogesimo septimo psalmo, Christo loquēte per prophetas: ipse enim qui tū loquebatur, deinceps aduenit. Domine Deus salutis meae, in die clamaui, & nocte coram te. Et post pauca: Et factus sum sicut homo sine adiutorio inter mortuos liber. Non dixit, sine adiutorio: sed, sicut sine adiutorio. Etenim crucifixus est, non ex infirmitate, quasi id euadere non posset, sed voluntariè: non ex infirmitate, sed volūtaria fuit mors. Æstimatus sum cum descendētibus in lacum. Et quod huius signum: Longè fecisti notos meos à me: Fugerunt enim discipuli. Nunquid mortuis facies mirabilia? Deinde post pauca: Et ego te

Domine, clamaui, & manè oratio mea præueniet te. Cernis quomodò manifestant & tempus, & horam passionis, & resurrectionis.

Et vnde resurget Saluator? Dicit in Canticis canticorù: Surge propera amica mea, & in sequentibus: In foraminibus petre, foramē petre dicit id, quod tunc ante ostiū Saluatoris monumēti erat foramē, ex eadē petra, sicut hīc solet esse ante monumēta excisum. Nunc enim non apparet: quoniam crasum est vestibulum, propter præsentem ornatum. Nam ante regalem hunc ornatū & apparatus sepulchri, vestibulum erat ante petram. Sed vbi est petra, quæ habuit vestibulum? Nunquid in his, quæ sunt circa ciuitatem posita, aut circum muros, & circa monumēta? Et utrū in antiquis muris est, aut in his, qui posteriùs facti sunt, antemuralibus? Dicit igitur in Canticis: In cauerna maceriae habentis petras.

*Resurrectionis
tēpus prædictū.*

Quo tempore exurget Saluator: nunquid æstatis tēpore, vel alio? In eisdem Canticis, ante illa quæ dicta sunt, statim dixit: Hyems transiit, imber abiit, & recessit. Flores apparuerunt in terra, tempus putationis aduenit. Nunquid non plena nunc est terra floribus, & putātur vineæ? Cernis quomodò apertè & hyemem dixit præteriisse? Aprili enim mense instante, iam ver est reliquū. Quod tempus est hīc mensis apud Hebræos primus, in quo festum Paschæ prioris erat typicæ, nunc verò est veræ, hoc tēpus est creationis mundi. Tunc enim dixit Deus: Producat terra herbā virentem, & facientē sēmen iuxta genus. Et nunc cernis,

*Vox temporis
creationis.*

cernis, quòd deinceps omnis herba seminat. Et sicut tunc Dominus faciens solem & lunā, æquinoctiales cursus illis cōtulit: sic ante paucos dies æquinoctij fuit tempus: Tunc dixit Deus, Faciamus hominem ad imaginem nostram, & similitudinem. Et quod quidem erat ad imaginem, retinuit, quod autem ad similitudinem, propter inobedientiam obscuravit. Quo tempore itaque euersio fuit, eodem rursus facta reparatio. Quando creatus homo, non obsequēs eiectus est è paradiso: tunc ille qui credidit, obediens introductus est. Tunc igitur facta est salus, quando & lapsus. Quando flores apparuerunt, & putatio aduenit. Hortus erat locus sepulchri, & vinea plantata. Ego sum vinea, inquit. Insitus est igitur in terra, vt eradicetur illa, quæ per Adam facta est, maledictio. Spinæ & tribulos vt ferret terra, decretum erat. Orta est de terra vinea, vt imple-retur quod scriptū est: Veritas de terra orta est, & iusticia de cælo prospexit. Et quid dicturus est, qui sepultus est in horto: Messui myrrham meam cum aromatibus meis. Et rursus: Myrrha aloë omnibus primis vnguētis. Hæc autem sepulture sunt symbola. Et in Euangelis dictum est. Venerunt ad monumentū, ferentes, quæ præparaue-rant aromata. Et Nicodemus ferens mixturam myrrhæ & aloës, deinde scriptum est: Comedi panem meum cum melle meo. Amarū ante passionem, & dulce post resurrectionem.

Postea resurgens, ingressus est per ostiū clau-sum, sed diffidebāt: existimebant enim spiritum

se videre. Ille autem, Tangite, inquit, & videte digitis locum clauorū, quod perquirebat Thomas. Et adhuc non credētibz ipsis præ gaudio, & admirantibus, dixit ipsis: Habetis hic aliquid quod manducetur? Illi autem dederunt illi de fauo mellis. Cernis quomodò impletū est: Comedi panē meū cum melle meo? Sed antequām ingrederetur ipse per portas clausas, quæsitus est ab optimis illis & fortibus mulieribus ille sponsus, & medicus animarū. Venerunt illæ beatę ad sepulchrum, & quærebant eum, qui iam resurrexerat. Et eruperunt illis lachrymæ de oculis: Gaudere porius & latari conuenit de resurgente. Venit Maria quærens, vt est in Euangelio, & non inuenit. Et postea audiuit ab angelis vbi esset: atque vidit deinceps Dominum. Nunquid & hæc scripta sunt? Dicit in Canticis canticorum: In lectulo meo per noctes quæsiui, quem diligit anima mea. Maria, inquit, venit cum adhuc tenebræ essent. In loco meo quæsiui, per noctes quæsiui illū, & non inueni. Et in Euāgeliis dicit Maria: Tulerunt Dominum meū, & nescio vbi posuerunt eum, Sed angeli præsentēs vbique curāt ignorantias. Dixerunt enim: Quid quæritis uiuentem cum mortuis? Non solū enim surrexit: sed & mortuos habēs surrexit. Ignorans autē illa dixit, tanquām in persona illius Canticū canticorum: Num quē diligit anima vidistis? Paululum cū transissem eos (hoc est, illos duos angelos) inueni illū, quem diligit anima mea. Tenui eū, nec dimittam. Post visionē enim angelorū, ipse se

annun-

*Angeli præsen-
tes vbique.*

annuntians Iesus venit, ut inquit Euangelium: Et ecce Iesus occurrit illis, dicens, Saluete. Illę autę accedentes tenuerunt pedes eius. Tenuerunt illum, ut impleretur: Tenui eum, nec dimittam. Infirmitatem quidę muliebri corpus, virilis autem prudentia. Aqua multa non extinxit dilectionem, neque flumina demerserunt. Mortuus erat qui querebatur: sed non est extincta spes resurrectionis. Et angelus ad ipsas dixit, Ne timeatis vos: non dico militibus, ne timeatis, sed vobis. Illi timeant, ut experientia discerent, testetur & dicant, Verę Dei filius erat. Vos autem non est necesse timere: Perfecta enim charitas foras mittit timorem. Ite & dicite discipulis eius, quia surrexit, &c. Et exierunt illę cum gaudio, non sine timore. Nunquid & hoc scriptum est? Dicit psalmus secundus, qui passionem Christi annuntiat. Seruite Domino in timore, & exultate ipsi cum tremore. Exultate quidę propter resurgentem Christum: cum tremore autę, propter terrę motum, & angelum sicut fulgur apparentem.

Obsignauerant igitur Principes sacerdotum & Pharisei per Pilatum sepulchrum: mulieres autem viderunt resurgentem. Et hoc cognoscens Esaias, Principum quidem sacerdotum vilitatem: mulierum autem robur fidei, dicit: Mulieres venientes a visione, venite: populus enim est non habens intellectum: summi sacerdotes non intelligunt, & ipsę mulieres conspiciunt. Nam cum venerant milites ad illos, & annuntiaret omnia quę facta erant: dicunt ipsis Principes sacerdotum: Dicite, quod discipuli eius, nocte venientes, furati sunt illum

Mat. 27. 11

nobis quiescentibus. Benè igitur sicut de ipsis prædixit Esaïas. Sed dicite nobis, & annuntiate alium errorem. Excitatus est resurgens, & dederunt argentū. Corruerunt milites, sed non corruerunt eos qui nūc sunt Reges, Nam illi quidem milites propter argētum prodiderunt veritatem: isti autem qui nūc sunt Reges pietatis ergo, argento induentes & auro, sanctam hanc Ecclesiam resurrectionis Saluatoris, in qua nūc sumus, extruxerunt, & argenteis monimētis splendidam effecerunt. Et si hoc auditum fuerit à præfide, nos suadebimus ei. Illis quidem militibus persuasistis: orbi autem terrarū non persuasistis. Quare sicut Petro de custodia exeunte, condemnati sunt custodes, sic etiam qui Iesum custodiebant, non sunt condemnati? Sed illi quidem ab Herode mulctati sunt, & ignorantia facti nullam defensionem reperiiebant: isti autem scientes veritatem, & ipsam occultantes propter argentum, à Principibus sacerdotum seruati sunt,

Ac pauci quidem tunc ex Iudæis crediderunt, mundus autem obediuit. Qui occultabant veritatem, absconditi sunt. Et qui receperunt ipsam, illustrati sunt virtute Saluatoris: qui non modò ipse à mortuis resurrexit: sed & mortuos secum excitauit. Ex quorū persona Oseas propheta inquit Sanctificabit nos post duos dies, in die tertia resurgemus, & viuemus in conspectu eius. Cū itaque persuaдеant scripturę nolētibus audire Iudæis, cumque obliuiscētes omniū quę scripta sunt, contradicunt resurrectioni Christi, bonum

*Pietatis causa
Reges edificabant Ecclesias.*

bonū esset ad eos sic dicere: Qua ratione Eliseū & Eliā mortuos excitasse asserētes, resurrectioni nostri Saluatoris contradicitis? Sed dicēt: Quòd nunc viuētes ex illis, qui tunc erant testes dictorum, non habetis. Itaque constituite & vos eorum, quæ tunc facta sunt, testes. Quòd si illud scriptum est, etiam hoc scriptum est. Quare hoc quidem recipitis, illud autem reiicitis? Hebræi scripserunt illa, & Apostoli omnes erant Hebræi: Cur igitur non creditis? Matthæus scribens euangelium, Lingua Hebraica illud scripsit: Et Paulus prædicator gentium Hebræus ex Hebræis. Deinde & hîc Episcopi Hierosolymitani, ex Hebræis per successionem cōstituebantur. Qua ratione igitur recipitis propria, & nostra reprobatis? etiamsi ipsa quoque sint ab Hebræis scripta.

Matthæi Euangelium Hebraicè.

Sed impossibile, dicet aliquis, mortuos resurgere: attamen Eliseus mortuum bis excitauit, & viuens, & mortuus. Si credimus, quod Eliseū, cum esset mortuus, attigit mortuus, & resurrexit: Christus autē à mortuis nō excitatus est? Sed ille quidē Eliseū illic mortuus attingens resurrexit: ipse tamen excitans mansit nihilominus mortuus. Hic autem & mortuus noster ipse resurrexit, & multi neque attingentes eū, mortui resurrexerunt. Multa enim corpora sanctorū, qui obdormierāt, resurrexerūt. Et exeūtes de monumentis, post resurrectionē ipsius ingressi sunt in sanctam ciuitatē. Manifestū autē, quòd in hanc, in qua nūc sumus: & apparuerūt multis. Excitauit igitur Eliseus mortuū, sed non subegit terrā: sicut crucifixerit.

Sancta ciuitas Hierusalem, etiamsi Christus crucifixerit.

qui submersi fuerant in morte, sicut scriptum est: De manu inferni liberabo illos, & de morte redimam illos. Cum in hac oratione sumus, consideremus, quid est durius, hominem sepultum de terra resurgere: aut hominem in ventre ceti, in tantam animalis caliditatem deuenientem, non marcescere. Quis nescit, ventres tantum habere intus calorem, ut ossa etiam deuorata digerant? Quomodo igitur Ionas in ventre ceti tribus diebus existens, non emarcuit? Quomodo autem, cum ea sit hominum natura omnium, ut sine hac aëris respiratione non possint viuere: ille per tres dies hunc aërem non spirans, vixit? Sed respondent Iudei, & dicunt: Subuenit Ionæ virtus Dei. Quid ergo, seruo quidem suo submittens virtutem, ut viueret effecit Dominus, ipse autem hoc sibi ipsi exhibere non poterit? Si credibile illud, & hoc credibile: si hoc incredibile, & illud incredibile. Mihi quidem vtraque simul sunt fide digna. Credo enim quod Ionas, sicut Lazarus, custoditus est: omnia enim sunt possibilia apud Deum. Credo quod Christus à mortuis excitatus est. Multa enim & de hoc habeo testimonia, & ex diuinis scripturis, & ex hac in hodiernum vsque diem illius resurgentis operatione.

Solus hic quidem descendit ad inferos, cum multis autem inde ascendit. Descendit in mortem solus, & multa corpora quiescentium sanctorum excitauit. Exterrita est mors, videns novum quendam descendentem in infernum, vinculis, quæ illic sunt, non ligatum. Qua de causa, ô

*Mortis terror
Christus.*

portæ inferi, hunc videntes exhorruistis? quis infuctus vos cepit timor? Fugit mors, & fuga timiditatem arguebat. Accurrerunt sancti prophetæ, Moyses legislator, Abraham, Isaac & Iacob, Dauid & Samuel, & Esaias, & Ioannes baptista, dicens & testificans: Tu es, qui venturus es, an aliū expectamus? Redempti sunt omnes sancti, quos deuorauerat mors. Decebat enim prædicatum Regem bonorum præconum suorum esse redemptorem. Tum verò quilibet iustorum dicebat: Vbi mors victoria tua? liberauit nos victor. Huius Saluatoris nostri typū gessit Ionas propheta, de ventre ceti Deo supplicās, & dicens: Clamaui in tribulatione mea, ad Dominum Deū meum. Et postea: De ventre inferni. Quamuis enim in ceto erat, illic tamen existens, in inferno seipsum esse dicit. Typus enim erat Christi, in infernum descēsurus. Et post pauca dicit ex persona Christi, iucundissima prophetans: Subiit caput meum in scissuras montium. Atqui in ventre ceti fuit, quales ergo te montes continebant? Sed scio, dicit, quòd figuram gero eius qui in sepulchro exciso in petra ponendus est. Et in mari existens Ionas & dicens, Descendi in terram: quandoquidem figuram Christi descendantis in cor terræ gerebat. Et præuidens de Iudæis corrumpentibus milites, vt mentirentur, & dicentibus: Dicite, quòd furati sunt illum; inquit. Custodientes vana & falsa, misericordiam suā derelinquunt. Venit enim qui misertus est, & crucifixus est, & resurrexit: Dedit sanguinē suum pretium pro gentibus

*Ionas typum
Christi.*

tibus & Iudæis . Illi tamen dicunt, Dicite quòd furati sunt eum : custodientes vana & falsa.

De resurrectione ipsius Eſaias dicit: Qui educit de terra pastorem ouium magnū : adiecit magnum, vt ne præcedētibus aliis pastoribus æqualis eſſe putaretur . Cū igitur nos habeamus prophetas, fides quoque apud nos maneat . Cadant cadentes ex infidelitate, quoniam ita volunt. Tu verò ſtetisti ſupra petram fidei, quæ eſt de resurrectione : ne quando tibi hæreticus perſuadeat diffamare resurrectionem. Nam Manichæi ad hodiernam vſque diem, phantaſticam dicunt, & nō veram fuiſſe Saluatoris resurrectionē, non audientes Paulum ſcribentem: Qui factus eſt de ſemine Dauid ſecundū carnē . Et rurfus dicentem: Ex resurrectione mortuorū Ieſu Chriſti Domini noſtri. Et iterum longiūſ producit ad eos ſermōnē: Ne dicas in corde tuo, &c. aut, Quis deſcēdit ad abyſſum, hoc eſt, Chriſtum ex mortuis reducere. Et ſimiliter confirmans alibi, rurfus ſcripſit: Memineris Ieſum Chriſtum excitatū à mortuis. Et iterum : Si autē Chriſtus nō reſurrexit, inanis eſt certē prædicatio noſtra, vana & fides noſtra. Inueniremur autē & falſi teſtes Chriſti : quoniā testimoniū diximus aduerſus Deū, quòd ſuſcitauerit Chriſtum, quē non excitauit. Sed poſtea dicit : Nunc verò Chriſtus reſurrexit à mortuis, primitiæ morientium, & apparuit Cephæ, poſtea duodecim. Si enim vni teſti nō credis, habes duo decim teſtes. Deinde apparuit plus q̃ quingentis fratribus ſimul . Si illis duodecim non credunt, quin-

Manichæi negant Chriſti resurrectionē.

*Iacobus pri-
mus Hieros-
solytorum
Episcopus.*

quingentos testes recipiant. Postea visus est à Iacobo fratre suo, primo huius parochiæ Episcopo. Talis igitur Episcopi, qui ipse coram vidit resurrexisse Iesum, tu cum sis discipulus, ne diffidas. Sed dices, quod Iacobus frater, ad gratiam testatus est. Visus est postea & Paulo inimico. Quale autem sit hostis testimonium scitis: & adhuc de hoc præconio dubitatis? Qui prius persecutor eram, nunc vobis annuncio resurrectionem.

Multi sunt testes Saluatoris resurrectionis. Nox & plenilunij lumen: sextadecima enim nox erat. Petra monumenti, quæ eum suscepit: Et lapis hic statuetur contrarius Iudæis, ipse enim vidit Dominum. Et lapis, qui tunc erat reuolutus, ipse testatur resurrectionem, usque ad hodiernum diem relictus. Angeli Dei præsentés, testati sunt de resurrectione vnigeniti. Petrus, & Ioannes, & Thomas, & reliqui omnes Apostoli: alij quidem ad sepulchrum curretés, & lintamina sepulturæ, quibus inuolutus erat, prius istic posita post resurrectionem videntes: alij verò manus & pedes eius attingentes, & stigmata clauorum perspicientes. Simul autem omnes salutari insufflatione perfruentes: & potestatem remittendi peccata in virtute Spiritus sancti accipientes. Mulierés, quæ apprehenderat pedes, tremoris terræ magnitudinem, & angeli præsentis splendorem cernebant, & ea quibus erat circumdatus: Lintamina quæ reliquit resurgens: Milites, et argentum illis donatú: Et locus adhuc apparens: Et sanctæ huius Ecclesiæ hæc domus. Quæ voluntate Christi studiosa à
beate

beatæ memoriæ Constantino Imperatore ædificata, & vt cernis, ornata est. Testatur resurrectionē Christi & mare, sicut antea audiuiſti: testatur piscium captura, & carbones positi, superpositus piscis: Testatur Petrus, qui antea quidem negauerat, postea verò ter confessus est: & pascere oues spirituales iussus. Stat ad hodiernam vsque diem mons oliuarum, qui ascendentem in nube, oculis fidelium modò non monstrat, & portam, qua in cælum ascendit, indicat. De cælo enim in Bethlehem descendit: de monte autem oliuarum in cælos ascendit. Illic maximum certamen incepit: hîc autem post certamina coronatus est.

*Constantinus
Ecclesiā Hierosolymis ædificat.*

Oves spirituales

Multa itaque habes testimonia. Habes resurrectionis locum: habes eum, qui nobis ad orientem est, ascensionis locum: habes testes, qui illic testabantur, angelos & nubē, in qua ascendit, & discipulos inde descendentes. Ac doctrinæ quidem fidei consequentia, vt de ascensione dicemus, monebat: sed diuina dispensatione factū est, vt plurima secundum exiguitatē nostrā, hesternodie Dominico per Dei gratiā audiueris, in synaxi lectionum, quæ ex ordine sequuntur, & ea quæ sunt de ascensione in cælū Saluatoris nostri, continent. Dicta sunt illa maximè propter omnes, & simul propter multitudinem fidelium, præcipuè verò propter te. Quæritur autem, num attendas dictis. Scio enim quòd progressus fidei docet te credere in resurgentē tertia die, & ascendentē in cælos, & sedentem in dextera patris. Quamuis autē meminisse te puto illius fidei seriem, nihilo minus

*Synaxes die
Dominico fieri
solite.*

*Ascensionis
testimonia.*

minus tanquàm in transcurso mentionē facio dī-
ctorum. Recordare, quòd scriptum est apertè in
psalmo: Ascēdit Deus in iubilo. Recordare, quòd
& diuinę virtutes ad inuicem dicunt: Tollite por-
tas principes vestras, &c: Memineris psalmi di-
centis: Ascendens in altum, captiuam duxit cap-
tuitatem. Memineris dicentis prophetę: Ædifi-
cans in cælum ascensionem suam, &c: quę dicta
sunt heri, propter Iudæorum contradictiones.
Quando enim tanquàm impossibili ascensionem
Saluatoris contradicunt, reduc in memoriã, quę
de translatione Habacuc dicta sunt. Si enim Ha-
bacuc translatus est, coma capitis portatus: quā-
tò magis prophetarū et angelorum Dominus, de
monte oliuarum per nubē ascendens, propria vi-
tute ascendere in cælum potētior erat? Ac simili-
quidem memineris eiusmodi rerum admiranda-
rum, excellentiam autem tribue soli mirabilium
effectori Domino. Illi enim ferebantur: hic autē
omnia fert. Memineris quòd Enoch translatus
est: sed Iesus ascendit. Memineris quę heri de
Helia dicta sunt: Quòd Helias quidem curru
igneo assumptus. Christi autē currus variè mul-
tiplicatus, myriadibus benedicientium: Currus
Dei decem millia millium latantium. Et quòd
Helias quidem ad orientē Iordani, Christus au-
tem ad orientem torrentis arborum ascendit. Et
quòd ille quidē dixit, dabūtur duplicia in spiritu
proprio discipulo. Christus autem tantam exhi-
buit discipulis gratię Spiritus sancti abundantiam
vt non modò ipsum Spiritum sanctum in seipsis
habe-

haberent : sed per manuum impositionem ipsorum, participationē ipsius credentibus traderēt.

Et cū sic contra Iudęos pugnabis, cū ex similitudinibus illos conuiceris : tunc veni ad excellentiā glorię Saluatoris, quōd illi quidē serui, hic autē filius Dei : atque illius excellentię memineris, intelligens quōd Paulus Christi seruus in tertium cælum raptus est. Si enim Elias quidem ad primum vsque peruenerat cælū, Paulus vsque ad tertium, excellentiorē sanē assēcutus est dignitatem. Nō pudeat te Apostolorū, non sunt Moyse deteriores, neque prophetis inferiores, sed boni cum bonis, & bonis meliores. Elias enim assumptus est in cælum : sed Petrus habet clauēs regni cælorum, cū audiret : Et quęcunque solueris super terram, erūt soluta & in cælo. Helias in cælum tantūm : Paulus autē & in paradysum raptus erat. Decebat enim Christi discipulos, ampliorē gratiam capere. Audiuit sanē ineffabilia verba, quę non licet hominibus loqui. Descendit autē Paulus rursus : non quōd dignus nō esset conuersatione tertij cæli : sed vt gustatis supercælestibus, & honoratus descendens, Christū prædicaret, & pro ipso moriens, corona martyrij potiretur.

*Petrus habet
clauēs regni
cælorum.*

Prætereo autē reliqua huius negotij, quę heri in Synaxi dominica dicta sunt : apud intelligentes enim auditores sufficit vel admonitio tantūm ad doctrinam. Meminero autem sapē dictorum à nobis, propter ordinem fidei dicentem : Et cum qui ascendit in cælos, & sedet ad dexteram patris. Throni quidem illius proprietatem non

Thronus Christi incomprehensibilis.

curiosè

curiosè inquirimus, incōprehensibilis enim est. Neque patiamur eos qui dicunt malè, quòd posuerunt crucem, & resurrectionem, & in cælos ascensionem, tunc primum cœpit ad dexteram patris sedere Christus. Non enim per successionem habuit hanc sedem, sed ex quo est: est autem semper per genitus, & assidet patri. Et hunc thronum ante Saluatoris aduentum in carne videns Esaias propheta, dicit: Vidi Dominum sedentem super thronum excelsum eleuatum, & cætera. Patrem quidem nemo vidit vnquam: qui autē prophetam tunc apparuit, filius erat: Et Psaltes dicit, Para sedes tua ex tunc, & à seculo tu es. Cū autem multa sint ea de re testimonia, propter horæ breuitatem his erimus contenti.

*Filius & non
Pater prophetis
apparebat.*

Porro nunc vobis paucis reducendum est in memoriam, quod inter multa dictum est, de seditione filij ad dexteram patris. Centesimus enim psalmus dicit apertè: Dixit Dominus Domino meo, sede ad dexteram meam: donec ponam inimicos tuos scabellum pedū tuorum. Confitemens autem quod dictum est Saluator in Euangelis, dicit non à seipso hæc Dauidem, sed inspiratione Spiritus sancti locutum esse: Quomodo Dauid in spiritu eum Dominum suum vocat, ceteris: Dixit Dominus Domino meo, sede à dextris meis: donec ponam inimicos tuos scabellum pedum tuorū? Et in Actis Apostolorū, in die Pentecostes: Stans Petrus cum vndecim, & disserens cū Israëlitis, testimonij huius ex centesimo nono psalmo meminit. Reducenda autē in memoria

& a

& alia pauca testimonia, quæ similiter ad dexteram patris sedere filium testantur. In Euangelio enim secundum Matthæum scriptum est: Amplius dico vobis, amodò videbitis filium hominis sedentem à dextris virtutis, &c. Qualia congruè Petrus Apostolus scribès, dicit: Per resurrectionem Iesu Christi, qui est in dextera Dei, profectus in cælum. Paulus verò Apostolus amplius ad Roma. scribès, dicit: Christus mortuus, magis autem resurgens, qui est ad dexteram Dei. Ephesius autem scribens, dixit: Secundum operationem potètiæ virtutis eius, quam operatus est in Christo, suscitans eum à mortuis, & statuès ad dexteram suam, &c. Colossenses autem sic docuit: Si igitur consurrexistis cum Christo, quæ sursum sunt quærite, ubi Christus est, in dextera Dei sedens. In Epistola autem ad Hebræos dicit: Purgationem peccatorum nostrorum faciens, sedet ad dexteram magnificentiæ, in excelsis. Et rursus: Ad quem angelorum vnquam dixit, Sede ad dexteram meam, donec ponam inimicos tuos scabellum pedum tuorum. Et rursus: Hic autem vnā pro peccatis offerens hostiam, in sempiternum sedet in dextera Dei, de cætero expectans, donec ponantur inimici eius scabellum pedum eius. Et rursus: Aspicientes in fidei ducem, & consummatorem Iesum, qui proposito sibi gaudio, sustinuit crucem confusione contempta, in dextera throni Dei sedit. Et cū alia quoque eiusmodi non desint testimonia, de sessione vni-
 geniti ad dexteram patris, sufficiant nobis ad præ-

*Christum ad
dexteram Dei
sedere testi-
monia.*

Q

sens

sens hæc, quorum hîc fecimus commemorati-
nem, & confitemur, quòd non post aduentum
carne, hanc Christus habet dignitatem, sed an-
omnia secula, vnigenitus filius Dei, Domin-
noster Iesus Christus, qui descendit & ascendit
patri à dextris semper assidebat. Qui custodit
animas vestras, & stabilem vestram, immutabi-
lemque spem in eum, qui resurrexit, conseruat.
Simulque excitet vos à peccatis, ad cæleste suum
donum: & dignetur efficere, vt rapiamini à nu-
bus in occursum Domini, in aërem, in tempo-
opportuno: & donec tēpus illud veniat, glori-
alterius illius aduentus. Scribantur nomina vo-
stra omnia in libro viuentiū, & scripta nunquam
delegantur. Multorum enim delebuntur, qui
nesciunt. Præbeat autem omnibus vobis cred-
in resurgentem, suscipere ascendentem, & rur-
venturum: venturum autem non de terra. Cui
tus sis homo, propter multos seductores, qui
vêturi sunt. Qui sursum scdet, & hîc nobis ad-
qui vniuscuiusque videt ordinem, & robur fidei.
Non enim quia nunc non adest in carne, ex-
putes, quòd spiritu medio hîc non adsit, audire
quæ de illo dicuntur, & videns quæ tu cogitas
& scrutans corda & renes: Qui & nunc para-
est, accedentes ad baptismum omnes vos in spiritu
sancto offerre patri, & dicere: Ecce ego & populus
mei, quos dedisti mihi Deus. Cui gloria & for-
tudo in sempiterna secula, Amen.

*Christi presen-
tia per spiritum.*

CATECHESIS QUINTA ET

DECIMA, EX TEMPORE DICTA HIS
*qui baptizabantur Hierosolymis, de eo, Qui
 venturus est iudicare vivos & mortuos, cuius
 regni non erit finis: & de Antichristo. Et lectio
 ex Daniele: Quousque throni positi sunt, &
 antiquus dierum sedet, &c.*



CHRISTI aduentum annunciamus,
 non vnum tantum, verum etiam alte-
 rum, priori multo pulchriorem. Ille
 enim speciem habuit patientiæ: hic
 autem diuini regni feret coronam. Nam vt plu-
 rimum duplicia sunt omnia, apud Dominum no-
 strum Iesum Christum: duplex generatio, vna
 de Deo ante secula, & altera de virgine: duplex
 aduentus, vnus occultus, qui est sicut pluuia in-
 vellus: & alter illustris, qui est futurus. In pri-
 mo aduentu fasciis inuolutus est in præsepio: in
 altero, circumdabitur lumine sicut vestimento.
 In priore sustinuit pudoris crucem, contemptus:
 in altero veniet cum exercitu angelorum, glo-
 riosus. Non subsistamus ergo in primo tantum
 aduentu: sed & futurum expectemus. Et in
 priori quidem dicebamus: Benedictus qui ve-
 nit in nomine Domini: in posteriori verò, di-
 cemus rursus idem, & cum angelis occurrentes
 Domino, adorantesque clamabimus: Benedi-
 ctus qui venit in nomine Domini. Veniet Sal-
 uator, non vt rursus iudicetur: sed vt iudicet iu-
 dicantes. Qui prius in iudicio tacebat, cōmemo-
 rans deinceps dicit iniquis: Hæc fecisti, & tacui.

*Aduētus Chri-
 sti duplex:*

Per dispensationem Dei tunc veniet. Nunc per
 suadet tantum docens homines: tunc autem ve
 lint nolint, regno illius subiecti esse cogentur. I
 de his duobus aduentibus dicit Malachias pro
 pheta: Et subito veniet in templum suum Dom
 nus, quem vos quæritis: ecce vnus aduentus.
 rursus de altero dicit: Et angelus testamenti, qui
 vos vultis, ecce veniet Dominus omnipotens,
 quis sustinebit diem ingressus eius, aut quis su
 sistet in visione eius? Quapropter ipse proced
 sicut ignis conflatorij, & sicut fullonum herb
 & sedebit conflans, & emundans. Et deinde Sa
 uator ipse ait: Accedam ad vos in iudicio, & e
 testis velox super veneficos, & adulteros, & sup
 iurantes nomini meo de mēdatio, &c. Propter
 certiores nos faciens Paulus, Si quis, inquit, t
 perædificat super hoc fundamentū, aurum, arg
 tum, lapides pretiosos, ligna, fēnū, stipulā: vni
 cuiusque opus manifestum erit: dies enim re
 labit, quæ in igne apparebit. Vidit aduētus ho
 duos, & Paulus ad Titum scribēs: Apparuit en
 gratia Dei Saluatoris omnibus hominibus, e
 diens nos vt abnegantes impietatem, & mun
 na desideria, sobriè, & iustè viuamus in præse
 seculo: expectantes beatam spem, & aduentu
 gloriæ magni Dei, & Saluatoris nostri Iesu Ch
 sti. Cernis quomodò dixit: Primum quidē, c
 iam beneficio Dei habemus, & pro quo grat
 agimus: alterum verò, quē expectamus. Qua
 obrem & fide à nobis annuntiata, nunc ita tra
 tur: Credere in ascendentē in exlos, & sedentē

*Aduentus se
 cundus cum
 igne.*

ad dexteram patris, & venturum in gloria iudicare viuos & mortuos, cuius regni non erit finis.

Veniet igitur Dominus noster Iesus Christus de cælis: veniet autem in consummatione mundi huius: & creatus hic mundus rursus renouabitur: quoniam corruptio, & furtum, & adulteriū, & omne genus peccatorum effusum est in terrā, & sanguis cum sanguinibus commixtus in mundo: vt non maneat admiranda hæc domus plena iniquitate. Pertransibit hic mundus, vt pulchrior restituatur. Et vis accipere ex dictis sacris huius rei demōstrationē? Audi Esaiā dicentem prophetam: Et cōplicabitur sicut liber cælum, & omnia astra cadent sicut folia de vinea, & sicut cadunt folia de ficu. Et Euangelium, inquit: Sol obscurabitur, & luna nō dabit splendorem suum, & astra cadent de cælo. Non tristemur tanquā soli morientes: cū & astra moriantur, fortasse que rursus excitabuntur. Complicabit autē cælos Dominus, nō vt perdat eos, sed vt rursus meliores illos excitet. Audi prophetā Dauid dicentē: Ab initio tu Domine terrā fundasti, & opera manū tuarū sunt cæli: ipsi peribunt, tu autē permanes. Sed dicet quis: Ecce dicit apertē, peribunt. Audi quomodo peribunt, statim declarat dicēs: Et omnes sicut vestimentū veterascent, & sicut opertorium cōplicabis eos, & mutabuntur. Sicut enim perditio hominis dicitur, ita dictū est: Vide sicut iustus periit, & nemo id accipit in cor. Et hoc ita, vt resurrectio nostra expectetur: sic & cælorū resurrectionē expectamus. Sol cōuertetur in tenebras

*Mundus de
modo renoua-
bitur.*

*Sydera extin-
ctā rursus ex-
citabuntur.*

& luna in sanguinē. Discāt illi, qui ex Manicha
cōuerſi sunt, & luminaria nō faciant Deos, nec
eū, q̄ obscuratur, solē, Christū esse impiē pute
Et rursus audi Dñm dicentē: Cēlū & terra tra
sibūt, verba autē mea non transibunt: non eni
æquali honore sunt creaturæ, & verba Domi

Transibunt igitur visibilia, & veniēt expect
his meliora, sed tempus nemo curiosē inqui
Non est enim nostrum scire tempora, & mon
ta, quæ Deus posuit in potestate sua. Neque
deas determinare, quādo hæc fient, neque rurs
supinus iaceas. Vigilate, inquit: quia hora
non putatis, filius hominis veniet. Cū ita
operæpretium est nos signa consummatio
nosse, quando Christum expectamus, vt ne
cepti moriamur, & à falso antichristo sedu
mur: propria voluntate moti Apostoli, diu
tamen ordinatione, accesserunt ad verum m
strum: Dic nobis, quādo hæc erūt, & quod si
aduentus tuī, & cōsummationis seculi? Expe
mus te rursus venturū: sed Satan̄as trāsform
in angelū lucis: certifica ergo nos, ne aliū p
adoremus. Ille autē diuinum beatūque os
aperiens, dicit: Videte, ne quis vos seducat: &
auditores nunc mētis oculis tanquā illu
tuentes, hæc eadem vobis dicentē audite: Ca
ne quis vos seducat: qui sermo nos admone
dicendis attēdamus. Nō enim historia est re
præteritarū, sed prophetia futurarum, & om
venturarū. Nō quòd nos prophetemus: inc
enim sumus: sed quòd quæ scripta sunt, in m
pr

*Signa aduentu
eius Christi.*

proferimus, & signa ostēdimus. Cōsidera itaque & quæ iam facta, & quæ restant, atque te ipsum cōfirma. Videte ne quis vos seducat: multi enim venient in nomine meo, dicentes: Ego sum Christus, & multos seducent. Hæc facta iam sunt ex parte: iam enim hoc dixit Simon Magus, & Menander, & alij quidam impij heresiarchæ. Dicunt autem de nobis, aut etiam cū nobis alij. Signum secūdum: Audituri estis bella, & rumores bellorum. Erit enim fortè nunc Persarū contra Romanos de Mesopotamia bellum, aut nō erit. Cōsurget gens cōtra gentem, & regnū contra regnum. Et erunt fames & pestilentia, & terræmotus per loca. Hæc iam facta sunt. & rursus: Terrores de celo, & magnæ tempestates. Vigilate igitur, inquit: quia nescitis, qua hora Dominus veniet.

Sed quærimus aduentus tui signum, nostrum Ecclesiasticum nos Ecclesiastici. Saluator autem dicit: Et tūc scandalizabūtur multi, & mutuò sese tradent, et odio sese mutuò prosequētur. Si audis quòd Episcopi cōtra Episcopos, & clerici contra clericos, & populi contra populos, vsque ad sanguinē certant, ne perturberis: prædictū enim est. Nō attendas his, quæ nūc fiunt, sed quæ prædicta sunt. Ne si ego qui te doceo peream, tu non per eas simul. Sed licet & discipulos meliores esse magistris, & qui postremus venit, esse primum. Quandoquidem & eos, qui hora vndecima ve-
niunt recipiat Dominus. In Apostolis inuēta est proditio, & miraris si & in Episcopis fraternum odium reperiatur? Sed non modò de principibus

*Discipulos licet
esse meliores
magistris.*

Simulatio.

hoc signum, verum etiā de populis. Dicit enim propter multiplicationem iniquitatis refrigescet charitas multorum. Gloriatur quis ex his qui ad sunt, non simulatā se erga proximum tenere amicitiam: nōne persapē labiis amatur, & vultu aridetur, & oculi apparent hilares, cor autē nequidolum, & machinatur mala, loquens pacifice. Habes & hoc signum: Et prædicabitur hoc Evangelium regni in vniuerso orbe, in testimoniū omnibus gentibus: & tunc erit finis. Et ferē vt videmus, totus mūdus doctrina Christi repletus est. Et quid postea fiet? Dicit deinde: Quādo itaque videritis abominationē desolationis, quæ prædicta est à Daniele propheta, stantē in loco sancto. Qui legit intelligat. Et rursus, si quis vobis dixerit: Ecce hīc est Christus, ecce illic, non credamini. Vos fratres. Fraternū odium deinceps locū dabit Antichristo. Præparat diabolus schismata populorum, vt tantō facilius hostis recipiatur. Abiit autem, vt quisquam ex his, qui hīc adsunt, & aliis, vbi cūque sunt, seruis Christi, ad hostē illum accurrat. De hoc scribens Apostolus, manifestum dedit signum, dicens: Quod nisi prius venerit defectio, & reuelatus fuerit homo peccati & filius perditionis, qui aduersatur & extollitur supra omne, quod dicitur, Deus, aut colitur ita, ut ipse sedeat in tēplo Dei, & ostēdat seipsum, tam sit Deus. Nō retinetis memoria, quod cū adhuc essem apud vos, hęc dicebam vobis, & nunc quod detineat scitis, vt reueletur in suo tēpore. Nā mysteriū iā operatur iniquitatis, tantū, vt qui tenentur

nu

nunc teneat, donec de medio fiat. Et tunc reuelabitur ille iniquus, quem Dominus destruet spiritu oris sui, & destruet illustratione aduentus sui, eum, cuius est aduentus secundum operationem satanę, in omni virtute & signis & prodigiis mendacibus, & in omni seductione iniquitatis, his quę pereunt. Hęc quidem Paulus.

Nunc verò defectio est: defecerunt enim homines à recta fide, ita vt alij quidem *ὑποτάσσων, qualis.* hoc est, patris in filiū mutationem prædicant, alij verò Christum ex non existentibus ad esse deductum dicere audēt. Et antea quidem erant aperti hæretici: nunc autem occultis hæreticis Ecclesia *Αποστασία à bonis operibus.* repletur. Defecerunt homines à veritate, & pruriunt auribus: sermo persuasibilis, & omnes iucundè audiunt: sermo conuersionis, & omnes auertuntur. Defecerunt plurimi à bonis operibus: & videri potius quàm esse boni malūt. Hęc est igitur defectio, & expectandus est ille inimicus: & iam aliqua ex parte cœpit præmittere suos præcursores, vt paratus deinde veniat ad venerationem. Caue, itaque tibi ô homo, & confirma animam tuam. Testatur tibi Ecclesia in cōspectu Dei viuentis, prædicit tibi de Antichristo quę futura sunt, priusquàm veniat. Nec scimus si tuo tempore id fiet, sed bonū est tamen, vt hęc scientes, nos præmuniamus. Christus autē verus Dei vnigenitus filius, non ampliùs de terra veniet. Si quis veniat, in deserto visiones obseruans, non ex eas. Si dixerint, ecce hīc Christus, ecce illic, ne credas, neque deinceps infrà, & in terrā respice.

Q 5

De

De cælo enim veniet Dominus : non solus, sicut
anteà, sed cum plurimis ab angelorum myriadibus
comitatus: neque occultatus, sicut pluuia in
per vellus: sed sicut fulgur manifestè relucēs. Ipse
enim dixit: Sicut fulgur exhibit ab oriente, & appa-
parebit vsque ad vespērā: sic erit & aduentus filii
hominis. Et rursus: Videbunt filiū hominis venien-
tē in nubibus celi, cū potestate & gloria magna:
& mittet angelos suos cū tuba magna, & congrega-
bunt eos in sinum suum. Sed sicut cū anteà ipse incarnari deberet, & nasci
de virgine, expectatus Deus, decipiebat diabolus,
malus artifex in idololatria, proferens Deos
falsos, generantes & genitos de mulieribus, &
præmissa falsitate, nō credatur postea veritati: Ita
cū verus Christus secundò venturus sit, prætextum
capiens simplicium expectationem, illorum aduer-
sarius, & maximè eorū, qui sunt ex circuncisione,
inducet quendā magnū hominē, venientē
in ciuitatibus & incantationibus, & malis artibus instru-
ctissimū: vsurpantem sibi potestatem Romani Imperij,
falsò autē Christū seipsum vocantē: ac per hanc
Christi appellationē Iudeos, qui venturū Christum
expectant, decipientē: Gentes verò per magicas
imposturas seducentē. Veniet autē hic prædictus
Antichristus, cū impleta fuerint tempora Imperij
Romani, & mundi consummatio appropinquabit.
Decem simul Reges Romanorū exci-
buntur, in diuersis quidem locis, eodem tamen
tempore regnantes. Post istos autem vndecim
Antichristus, per magicum maleficiū Romanorū
potestatem rapiēs. Tres quidem ante se Reges dicitur
primus

*Diaboli artes
decipiendi.*

*Antichristus
Romanū impe-
riū vsurpabit.*

*Antichristus
10. Reges Ro-
manorū oppri-*

prime

primet, reliquos autem septem sibi subiiciet. Ac *met, & reliquis ipse imperabit.*
 primum quidem, tanquam prudens aliquis, &
 intelligēs, temperantiā & humanitatem simula-
 bit, signisque & portētis, magica impostura de-
 cipiet Iudæos, tanquam is esset Christus ab illis
 expectatus. Deceptos verò, deinceps omnis ge-
 neris inhumanitatis, & iniquitatis malis, omnes
 circumscribet: ita ut omnes, qui ante illum im-
 probi & impij fuerant, excellat malitia. Men-
 temque habebit homicidiariam, præfractam, im-
 misericordem, & variam, cum contra alios om-
 nes, tum verò maximè contra nos Christianos.
 Tribus autem annis & sex mensibus talia audēs, *Antichristus*
 à secundo de cælis glorioso aduētū vnigeniti filij *tribus tantum*
 Dei, & Domino saluatoreque nostro Iesu Chri- *annis et 6. men-*
 sto deprimetur. Qui tollens Antichristum spiri- *sibus durabit.*
 tu oris sui, igni gehennæ illum tradet.

Hæc autem docemus, non comminiscētes,
 sed è scripturis diuinis colligētes, & ex ea maxi-
 mē, quæ nuper lecta est, ex Daniele propheta
 edocti: sicut Gabriel archangelus interpretatus
 est, dicens sic: Quarta bestia, quartum est regnū *Interpretū E-*
 in terra, quod maius erit aliis omnibus regnis: *clesiæ vetus*
 hoc autem esse Romanorum, Ecclesiastici inter- *authoritas.*
 pretes tradiderunt. Primum enim erat regnū Af-
 syriorum: alterum Medorum simul & Persarū:
 tertium postea Macedonum: quartum est nunc
 regnū Romanorū. Deinceps verò Gabriel inter-
 pretās dicit: Decem cornua ipsius, decem regna
 consurgent: post ista alter consurget, qui omnes
 ante se malis vincet: neque solum illos decem
 Reges,

Reges, sed omnes qui ante se fuerunt. Et tres Reges deprimet. Manifestum autem est, quod ex istis decem tres opprimet, prorsus ut ipsemet octauus regnet: & verba faciet contra Altissimum, vir blasphemus & iniquus: non à patribus accipiens regnum, sed arte magica principatum usurpabit.

Quis autem hic est, & de qua operatione, interpretare nobis Paule: Cuius est, inquit, aduentus, per operationem Sathanæ: in omni potestate, & signis & portentis falsis. Hoc innuens, quod Sathanas illo ipso utetur organo, sua persona per illum operans. Sciens Sathan, quod non futura sit illi cōdonatio in iudicio: non iam amplius per suos ministros, ut consueuerat: sed per seipsum deinceps manifestius pugnabit, in omnibus signis & portentis falsis. Pater enim cum ipse sit mendacij, non nisi opera mendacij effinget, ut magnificè videatur mortuos excitare, & claudos sanare, & cæcos illuminare: cum tamen reuerà non fiat sanatio. Et rursus, inquit: Qui aduersatur, & extollitur supra omnē Deū, aut quod colitur. Idola scilicet odio habiturus est Antichristus, ut ipse in templo Dei sedeat. Quale autē templū dicit? In templo quod reliquū est Iudæorum. Absit enim, ut in hoc id fiat, in quo sumus. Propterea dicimus, ut non videamur gratificari illis. Si enim tanquā Christus ad Iudæos veniet, à Iudæis sanè adorari volet, ut illos maximè decipiat. Studiosissimū se esse ostendet illius templi, ut ipse de progenie Dauid esse videatur, qui templū à Solomone olim extructū, ipse sit reedificaturus

*Antichristus
Sathane organum.*

*Antichristus in
templo Solomoni-
nis, et non Pe-
tri sedebit.*

turus. Veniet autem Antichristus in templū Iudæorū, quādo lapis super lapidem non manebit, secundū Saluatoris prædictionem. Cū enim vel ruina vetustatis, vel prætextu ædificationis, vel quacunque alia de causa, eiusmodi reliquiarū tēpli sequetur dissolutio, ita vt omnes lapides tollantur, nō dico de exterioris ambitus lapidibus, sed de tēpli interioris, in quo erant Cherubim. Tunc veniet ille in omnibns signis & portentis falsis elatus videntibus omnibus. A principio enim simulabit humanitatē, deinceps verò inhumanitatē ostendet, & maximè erga sanctos Dei.

Dicit enim Daniel: Videbā cornu illud, quod faceret bellū cum sanctis Dei. Et rursus alibi: Et erit tēpus tribulationis: tribulatio qualis nō fuit, ex quo facti sunt homines in terra, vsque ad tempus illud. Grauis est hæc bestia, & draco magn⁹, pugnans cōtra homines, paratus ad deuorandū. De quo etsi plura sint, quæ possemus dicere, his contenti simus temporis causa. Propterea sciens hanc aduersarij magnitudinem, cōsultuit Dominus piis, dicens: Tunc qui sunt in Iudæa, fugiant in montes. Quòd si quis viriū suarū sibi conscius est, quòd possit Sathanæ repugnare, persistat. Neque enim despero de robore Ecclesiæ, & dico: Quis nos separabit ab amore Christi, & cætera. Attamen timidi sibi caueant, audaces verò persistent. Erit enim tunc tribulatio, qualis non erat ab initio creaturæ, vsque ad præsens, neque deinceps erit. Sed Deo sit gratia, qui magnitudinem tribulationis, exiguitate temporis circumscripsit.

scripsit. Dicit enim, quòd propter electos abbreviabuntur dies illi.

Regni Antichristi tempus.

Regnabit autem Antichristus tribus annis & dimidio tantum. Quòd non ex libris Apocryphis dicimus, sed ex Daniele propheta. Dicit enim: Et tradentur in manu eius, usque ad tempus & tempora, & dimidiū tēporis. Tempus enim est vnus annus, in quo augebitur ipsius potentia: tēpora autem, duo reliqui anni illius iniquitatis. Tribus verò his annis annumeratur dimidiū temporis, quod est semestre. Et rursus, alibi idem dicit Daniel: Et iurauit per viuētē in secula, quòd in tēpus & tēpora, & dimidiū temporis. Fortassis autem quidam & hoc exemerunt, & quæ sequuntur: Dies mille ducenti nonaginta. Et hoc: Beatus qui viderit dies trecentos, mille & triginta quinque, propterea oportet cursim inspectare & fugere. Fortassis enim non cōsummabimus ciuitates Israël, donec veniat filius hominis. Nūquid autē non beatus martyr erit, qui tūc pro Christo martyriū pertulerit? Ego verò illū super omnes martyres esse dixerim. Nam qui antea præcesserunt, cum hominibus illis tantum certamen erit: qui verò tempore Antichristi patiētur, personalliter cum Satana pugnabunt. Tum verò superiores illos martyres, Reges solūm occidebant: mortuos autē nō excitabāt, neque signis & prodigiis phantasiā cuiusque perturbabant, hic autē & timore, & necessitatis mala subuersione: vt seducātur, si fieri potest, & electi. Ne quādo in cor ascendat, quæ Christus plura his fecerit.

Qua

vell
dice
Min
exce
cre
sibi
tet a
non
per
ath
uite
lor
salu
est
lib
ra
isti
na
&
fec
mo
tan
nib
ho
che
tan
ster
Ter
fra
vt

Qua autem virtute faciet hæc? certè nisi Deus vellet non permetteret. Certificat te Apostolus dicens: Propterea Deus mittet ipsis vim erroris. Mittet autem dicit, pro permittet fieri. Non vt excusentur: sed vt condemnentur. Quare qui non credunt veritati, hoc est, vero Christo, cõplaceant sibi in iniusticia, hoc est, in Antichristo. Permittet autem hæc Deus temporibus persecutionum, non quòd tunc prohibere non posset, sed quòd per patientiam, vt consueuit, coronare vult suos athletas, sicut & prophetas & Apostolos: vt breuiter laborantes, in æternum hæreditent regnum celorum. Sicut Daniel, inquit: Et in tempore illo, saluabitur vniuersus populus tuus, qui scriptus est in libro. (Manifestum autè est, quod dicit de libro vitæ) Et multi qui dormiunt in puluere terræ excitabuntur, hi quidem in vitam æternam, isti autem in opprobrium, & verecundiam æternam. Et docti fulgebunt sicut stellæ firmamenti, & qui ad iustitiam erudiunt multos, sicut astra in secula, & ampliùs. Confirma ergo te ipsum, ô homo: indicati sunt tibi dies Antichristi: ergo non tantum memineris illorum: sed absque inuida omnibus trade. Si filium habes secundum carnem, hoc iam insinua. Quòd si quem etiam per Catechesim genuisti, & hunc præmunias, ne falsum tanquam verum recipiat. Iam enim operatur mysterium iniquitatis. Terrent me bella gentium. Terrent me schismata Ecclesiarum: terret me odiù fratrum. Et hæc quidem dicantur. Absit autem, vt nostro tempore impleantur. Attamen nos præmu-

*Antichrist. no
permisso Dei
regnabit.*

*Catechesis facit
filius cate-
chizanti.*

præmuniamus. Atque hæc quidē de Antichristo.

Suscipiamus autem & expectemus Dominū, de cælis venturū in nubibus. Tubæ angelicæ tūc sonabunt, & mortui in Christo primū excitabuntur qui piē vixerunt, rapienturque in nubibus, præmiū laborū accepturi, ita vt supra hominem honorentur: quoniam supra vires humanas decertabant. Quemadmodum Paulus ipse Apostolus scribit: Quod ipse Dominus, in iussu, & in voce archangeli, & in tuba Dei, descendet de cælo: & mortui primū resurgent: deinde nos reliqui qui viuimus, simul cum ipsis rapiemur in nubibus, obuiam Domino in aërem, atque ita semper cum Domino erimus. Vidit hūc Domini aduentū Ecclesiastes, & mundi consummationē dicens: Latere iuuenis in iuuentute tua, &c. & repelle iram à corde tuo, & arceas prauitatem à carne tua, & memento creatoris tui, priusquàm venerint dies vmbrae, priusquàm obscuretur sol, & lumen & luna, & stellæ, & obtenebrētur cernentes. Visibilem potentiam per hoc innuens. Antequàm rumpatur funiculus argēteus: astorum complicationē indicans. Argentei enim est coloris visus: & recurrit vita aurea. Instar auri solem innuēs. Anthemis enim nota est herba, multa instar radiorū habens germina foliorū. Et resurget ad vocem passeris, & de excelsō videbunt. Tunc videbunt filiū hominis veniētem in nubibus, & concutientur tribus cōtra tribus. Et quid fiet veniēte Domino? Florebit amygdalus, & impinguabitur locusta, & dissipabitur capparitis.

Quemad-

Quemadmodum verò interpretes dicunt, amygdalum florens hyemis transitum significat: sic & corpora nostra, post huius seculi hyemem floreant flore supercælesti. Et dilatabitur locusta: hoc est, anima volucris, quæ nunc corpore est circumdata: & dissipabitur Capparis, hoc est, iniqui, spinosi, dispergentur. Vides quomodo prædicunt aduentum Domini. Vocem autem passeris, qualem esse vocem putamus? Ipse Dominus in iussione, in voce archangeli, & in tuba Dei descendet de cælo. Archangelus proclamabit, & dicet omnibus: Surgite in occursum Domino.

Quòd autè terribilis sit futurus aduentus Domini, dicit Dauid: Deus manifestè veniet, Deus noster, & non filebit. Ignis in conspectu eius ardebit, & in circuitu eius tempestas valida, &c. Veniet enim Saluator in nubibus cæli, secundum scripturam nunc lectam, flumine ignis illum sequente, probaturo homines. Si quis aurea habet opera, lucidior erit: si quis stramineas habet actiones, non consistet, ab igne corripietur. Et pater sedebit habēs album, sicut nix, vestimentū: & capillum capitis, sicut lana munda. Humano more hæc dicta sunt. Sed quamobrem? Quoniā Rex est illorum, qui in peccatis non sunt polluti. Dealbabo enim, inquit, peccata vestra, sicut niuem, & sicut lanam. Quod est cōdonationis peccatorum, vel quòd deinceps peccaturi non sunt, signum. Veniet autem Dominus de cælis in nubibus, qui in nubibus ascendit. Ipse enim dixit:

*Flumen ignis
sequetur indi-
cem opera pro-
baturum.*

R

Et vi-

Et videbunt filium hominis venientem in nubi-
bus cæli, cum potentia & gloria multa.

*Crux signum
adventus
Christi.*

Sed quod tandem aduentus illius signum est,
quod non audeat virtus contraria imitari? Et
tunc, inquit, apparebit signum filij hominis in
cælo. Signum autem verum & proprium Chri-
sti, est crux. Lucidum crucis signum præcedens Re-
gem, atque demonstrans eum, qui prius fuerat
crucifixus: ut videntes qui antea illum pupuge-
runt, & illi insidiati sunt Iudæi: certent tribus
cum tribubus, dicentes: Hic est alapis percussus:
hic est, in cuius faciem spuebant illi: hic est, quem
ligarunt: hic est, quem antea crucifixum spreue-
runt, quod fugimus à facie iræ illius, dicet, cum
angelicis exercitiis circumdabuntur: nusquam
sanè fugere poterunt. Tremor est inimicis, signum
crucis, & gaudium amicis in illum credentibus,
vel qui prædicarunt, vel qui passi pro illo. Bea-
tus certe, qui tunc amicus Christi reperietur.
Non enim contemnet suos famulos Rex tantus
& gloriosus, ab angelis comitatus, qui assidet pa-
tri. Nam ut non commisceantur hostes cum ele-
ctis, mittet angelos suos cum tuba magna, & con-
gregabunt electos eius, à quatuor ventis terræ.
Unum Loth in Sodomis non contempsit: quo-
modò multos iustos contemnet? Venite omnes
benedicti patris mei: dicet illis, qui tunc curri-
bus nubium vehentur, ab angelisque congrega-
buntur.

*Crux est terror
hostium.*

Sed dicet aliquis, ex his qui adsunt: Pauper
sum, & fortassis tunc infirmus in lecto reperiar.

Si mu-

Si n
neg
acce
iudi
fert
Etia
pute
agri
per,
seru
cuen
vno
Etia
mul
seru
forti
in R
bula
Tan
pron
scrip
pta e
ieiun
culto
Deu
scrip
tia lu
Se
sic au
omn
ritia

Si mulier in mola non relinquetur : nūquid nos negligemur ? Confide homo , iudex hic non est *Iudicio Christi omnes sistetur.* acceptor personarū , non secundum opinionem iudicat, neque ex sermone redarguit: non præfert prudētes idiotis, neque diuites pauperibus. Etiam si in agro fueris , reperient te angeli . Non putes, quòd magnates quidem accipient, te verò agricolam relinquent, siue seruus fueris, siue pauper, ne metuas : qui formam serui in se recepit, seruum non contemnet. Etiam si eger in lecto iacueris . Scriptum est enim : Erunt duo in lecto vno , & vnus assumetur , & alter relinquetur. Etiam si ex necessitate tradatur pistrino vir aut mulier, etiam si liberos habeas, etiam si pistrino seruias : non despiciet te , qui educit vinctos in fortitudine. Qui Ioseph ex seruitute , & carcere in Regem ferè prouexit, & te liberabit ab his tribulationibus, adducetque in regnum calorum. Tantummodò confide, tantum operare, tantum promptè decerta: nihil enim eorū perdetur . Inscripta est omnis tua oratio, & psalmodia: descripta est tua omnis eleemosyna: inscriptū est omne ieiunium: inscriptum est omne coniugium rectè custoditum : inscripta est continentia , propter Deum instituta. Præcipuam enim coronam in scripturis habet virginitas & castitas, cuius gratia lucebis sicut angelus. *Virginitas & castitas præcipua corona.*

Sed quēadmodum iucundè audiuiſti pulchra: sic audi rursus patienter contraria . Inscripta est omnis tua prauitas & error: inscripta est tua auaritia : inscriptum est periurium , & blasphemia,

& veneficium & furtum, & homicidium . Omnia hæc deinceps inscribentur, si ea nunc post baptismum patraueris. Priora enim deleta sunt.

Quando autem veniet, inquit, filius hominis in gloria ipsius, & omnes angeli eius cum eo. Animaduerte homo, in quantum iudiciū ingrederis: omne tunc genus hominum aderit. Cogita ergo primū, quantum sit Romanorū genus: cogita quot gentes barbarorum, nunc viuentes, & quot ante centum annos mortui: cogita quod ante mille annos sepulti sunt. Cogita eos, qui fuerunt ab Adam vsque ad hodiernum diem. Magna quidē hæc multitudo: sed hæc tamen parua est. Plures enim angeli. Nonaginta nouem oues sunt illæ, tu verò centesima: quoniam vnum est tantū humanum genus. Nam pro locorū magnitudine cogitandum est: si hæc nostra terra est tanquā centrum in medio cæli, & tantam habet multitudinem: quantam habebit multitudinem cælum, quod terram ambit? Et cæli cælorum, immensam certè habent multitudinem. Scriptum est enim: Mille millia ministrabant ipsi, & decem millia myriadū assisteabant ei. Non quòd tanta solū esset multitudo: sed maiorem hac propheta dicere non poterat. Aderit quoque tunc in iudicio Deus omniū pater, assidente Christo, & præsentē Spiritu sancto. Tuba angelica aduocabit nos omnes, ea quæ gessimus ferentes. Nunquid non debemus hīc iam decertāre? Non paruam damnationē, neque sine pœna esse putes, ô homo, à tam multis condemnari.

Nōne

*Trinitas aderit
in iudicio ex-
tremo.*

Nō
con
I
net,
eger
form
vaca
scien
accu
iud
da
etiā
seu
enir
qui
sed
psur
que
alij
dici
non
tes.
gent
genu
greg
oues
de li
ex re
cat o
quid
habu

Nōne mallems sapē mori, quā ab amicis condemnari?

Pugnemus igitur fratres, ne Deus nos damnet, qui inquisitione, aut redargutionibus non eget ad condemnationem. Ne dicas, nocte sum fornicatus, vel incātationibus, aliisq̃ue eiꝯsmodi vacabam, & nemo istic hominū aderat, ex conscientia tua iudicaberis: in medio cogitationum accusantium, aut defendentium, in die quando iudicabit Deus occulta hominū. Iudicis tremenda facies, veritatem te fateri coget. Imò verò etiāsi reticueris, redarguet te. Circūdatus enim, seu indutus, tuis ipsius operib⁹ excitaberis. Hoc enim indicauit ipse iudex, dicens: Christus est qui iudicat, non enim pater iudicat quenquam, sed omne iudicium dedit filio: non priuans seipsum potestate, sed per filium iudicās. Nutu itaque patris iudicat filius: non enim alij patris, & alij sunt filij nutus, sed vnus & idem. Quid igitur dicit iudex, ferenda ne tibi erunt opera tua, vel non? Et congregabantur coram illo omnes gentes. Necesse est enim coram illo cōsistere omnes gentes: & oportet vt coram illo flectatur omne genu cælestium, terrestrium & inferorum: & segregabit illos ab inuicem, sicut pastor segregat oues ab hædis. Quomodò autē exquiret? nūquid de libro quæret, quæ sit ouis, & qui hædus, aut ex rebus visibilibus discernet? Nōne lana indicat ouem, pilosa autem durities, hædum. Ita si quidē à peccatis mundaberis, ac deinceps operā habueris sicut lana munda: manebit impoluta

stola tua: atque dices vbique: Exui vestem meā, quomodò rursus induar illa? Ex amictu cognoscitur ouis: Sin autem pilosis inueniaris sicut Esau, asper in pilis, & vilis in mēte: qui propter escas amisit primogenita, & vendidit dignitatē: eris inter eos, qui statuentur à sinistris. Absit autem vt quisquam ex his, qui hīc adsunt, excidat à gratia, aut propter prauas actiones in sinistro peccatorum ordine reperiatur.

Tremendum est iudicium, ita vt per ea etiam quæ de illo nuntiamus, timor incutiat. Nam regnum cælorum proponetur: & ignis æternus preparabitur. Quomodò igitur, dixerit aliquis, ignem effugiemus? & quomodò regnum cælorū ingrediemur? Esuriui, inquit, & dedistis mihi māducare. Discite viam: neque enim hīc opus est allegoria: sed perficiamus sequentia. Esuriui, inquam, & dedistis mihi manducare. Sitiui, & potastis me: hospēs eram, & recepistis me: nudus eram & operuistis me. Ægrotabam, & curastis me: in carcere fueram, & visitastis me. Hęc si nunc feceris, regnabis: si non feceris, condemnaberis. Iam igitur incipe hęc operari, & perseueres in fide: ne sicut stultę virginēs empturus oleū excludaris. Non in hoc cōfidas, quod solam lampadem habes, sed custodi illam ardentem. Non in hoc solūm cōfidas, quod credis, sed fidem ardentem conserua, vt luceat lux tua coram hominibus per bona opera, ne blasphemetur propter te Christus. Feras quoque indumentum corruptionis, in operibus bonis, quod te deceat, & quod

*Iudiciū futurū
de operibus.*

*Sola fides non
iustificat.*

que
cun
etri
anim
hoc
tion
tur,
ram
in s
viu
In h
& n
C
quod
dra
que
dice
bit
exi
huc
aud
cul
gnal
non
min
Et C
per
Gab
Qui
cum
bat,

quod accipis à Deo vtiliter gerēs negotium: pecuniæ tibi creditæ sunt, dispensa benè. Verba doctrinæ habes concredita, dispensa hæc benè in animos audientiū. Præesse, vel tueri potes, fac & hoc studiosè. Multa sunt ostia bonæ administrationis: ne quis tantùm ex vobis reprobatis eiiciatur, sed vt confidēter æterno Regi Christo occurrā⁹, qui regnat in secula. Regnat enim Christus in seculā, qui iudicat viuos & mortuos, qui pro viuis & mortuis mortuus est, sicut Paulus dicit: In hoc enim Christus mortuus est & renixit, vt & mortuis, & viuis dominaretur.

Quod si fortè aliquēm audiueris dicentem, quod finem habet Christi regnum: oderis hanc draconis hæresim. Est autem & aliud eius caput, quod nuper in Galatia succreuit. Ausus est quidā dicere, quod post finem mūdi huius non regnabit Christus: Et ausus est dicere, quod verbum exiens, ipse rursus in patrē resoluetur. Est nē adhuc, qui ausit talia blasphemare de illo? nō enim audiuit Dominum dicentem: Filius meus in seculum. Non audiuit Gabrielem dicentem: Et regnabit in domo Iacob in æternum, & regni eius non erit finis. Considera igitur, quod dicitur. Homines hæretici nunc ista contra Christū docent. Et Gabriel Archangelus, de perpetua Saluatoris perseverantia docuit. Cui potiùs credis? Nōne Gabrieli? Accipe testimonium aliud Danielis. Qui dicit: Videbam in visione noctis, & ecce cum nubibus cæli, sicut filius hominis veniebat, & vsque ad antiquum dictum coram illo: Et

*Christus etiam
post iudicium
regnabit.*

datum est ipsi honor, & principatus, & regnum, & omnes tribus & linguæ seruiunt ipsi: potestas eius, potestas æterna, quæ non pertransibit, & regnū eius non corrumpetur. Hæc arripe, atque his potius crede, quàm hæresibus, quas à te reiicere debes. Manifestissima enim audisti, de infinito Christi regno. Habes & aliud huic proximum, de lapide exciso de monte sine manibus, qui est Christus secundum carnem, & regnū eius alteri non relinquetur. Et David alicubi dicit: Sedes tua Deus in seculum seculi. Alicubi verò: Initio tu Domine terrā fundasti, &c. Tu autē idem ipse es & anni tui non deficient. Quæ Paulus de filio interpretatus est.

Vis ne cognoscere, unde in hanc deuenerunt insaniam, qui talia docent? Legebant malè id, quod ab Apostolo benè scriptū est: Oportet ipsum regnare, donec ponat omnes inimicos eius sub pedes ipsius. Et dicunt: Quādo subiicietur iniqui pedibus eius, non amplius regnabit: malè insipienterque hoc dicētes. Qui enim antè quàm hostes prostrauisset, regnabat, quomodò nō magis superatis hostibus regnabit? Ausi sunt & hoc dicere, quod scriptū est. Quod cum subiecerit ipsi omnia, tunc & ipse filius subiicietur ei, qui subiicit omnia: hoc, inquiūt, significat, quod filius resoluetur in patrē. Tum verò, ô stultissimi omnium hominum, qui talia dicere audetis. Vos quidem, cū sitis Christi opificia, manebitis: Christ⁹ verò, per quē & vos, & omnia facta sunt, peribit? Blasphema est vox ista. Quomodò autē subiicietur ipsi

*Filius quomodo
subiicietur
patri.*

ip
qui
sub
qu
ip
Ne
nea
vt
ex
C
qu
tur
cer
des
re
his
Ad
me
qu
am
ho
eti
(q
q
&
ho
pr
ph
leg
fir
ve

ipsi omnia, perdita, aut manentia? Deinde, alia quidem Deo subiecta manent: filius autem patri subiectus non manet? Subiicietur autem, non quòd tunc incipiat obedire patri: semper enim ipsi placentia facit: sed quòd etiam tunc obediet. Neque verò coactâ habet obedientiâ, sed spontaneam obsequēdi voluntatē: non enim seruus est, vt cogatur subesse, sed filius est, vt voluntariè, & ex amore obsequatur.

Queramus autem ex illis, quousque & donec, quotuplex est. Ego enim hac dictione, vt accipitur, euertere tentabo errorem. Cùm ausi sint dicere, quòd istud, Donec ponam inimicos sub pedes eius, significat finē. Et ausi sunt circumscribere æternū Christi regnū. Agè itaque adducamus his similia ex Apostolo: Sed regnavit mors ad Adam vsque ad Moysen. Nunquid vsque tunc moriebantur, & post Moysen non amplius quisquam mortuus est? vel, An post legem non erat amplius mors hominū? Sed vides quòd verbum hoc, vsque, nō est temporis circūscriptiuū, quod etiam Paulus ipse magis aperuit. Hæc Moysen (quamvis iustus & admirandus vir esset) tamen quæ contra Adam lata erat sentētia, corruptit eū, & super illum, aliosque sequentes extensa est. Et hoc etiam si similiter vt Adam nō peccauerint, in præuaricatione ligni. Accipe autē & aliam similē phrasim: nam vsque ad hodiernā diem, quando legitur Moyses, velamen in cordibus illorum positum est. Nunquid igitur illud vsque ad Paulū, vel vsque ad hodiernū diem, & vsque ad cōsum-

Donec & vsque, non circumscribunt tempus.

Donec, consequentiā notat.

mationem intelligendum? Si dicit Paulus Corinthiis: Donec enim & vobis cōtendimus in Euāgelio Christi: spē habentes crescentis fidei, in his quæ de illa vobis prædicata sunt. Cernis apertè, quod istud, donec, finē non habet, sed habet quiddam cōsequēs. Sic etiā memineris oportet illius: Donec ponat inimicos. Sicut alibi dicit ipse Paulus. Et adhortātes eos singulis diebus, donec dies est. Manifestū est, quod semper, quēadmodū principiū dierum Christi dicere nō oportet, sic finem regni eius, dicente fortè aliquo nō attendas: Regnum enim illius, regnum æternum esse, scriptum est.

Ac plura quoque alia ex sacris scripturis testimonia, de æterno & nunquā finiēdo Christi regno habeo: sed propter temporis angustiam, hæc vobis sufficiant. Tu autem auditor, illum Regem adora solum: fugiens omnē hæreticorū errorem. Quod si Dei gratia concesserit, reliquū fidei suo tēpore vobis explicabimus. Deus autē omniū & Dominus, omnes vos custodiat, recordātes signa consummationis, & inexpugnabiles ab Antichristo maneatis. Accepisti signa venturi seductoris: accipe quoque demōstrationes veri Christi, qui manifestè descēsurus est de cælis. Illū quidē fuge tanquā falsum, hunc autē expecta, uti verū. Didicisti viā quomodò es iudicādus, in dextera inueniaris. Custodi hoc de Christo depositū in operibus bonis decenter, ut cōfidenter assistas iudici, regnumque cælorum hæredites in Christo Iesu Domino nostro, per quē & cum quo gloria Patri cum sancto Spiritu, in secula seculorū, Amen.

CATE-

CATECHESIS SEXTA ET DECIMA ILLUMINATORVM HIEROSOLYMIS extemporanea, de hoc: Et in Spiritum sanctum paracletum, qui locutus est per prophetas. Et lectio ex prima ad Corinthios: De spiritualibus fratres nolo vos ignorare, &c.

SPIRITALI verè opus est gratia, vt de Spiritu sancto disseram⁹, nō quòd pro dignitate id facere possimus, impossibile enim: sed vt ea quæ sunt è scripturis diuinis, dicentes, sine periculo prosequamur. Valde enim terribile quiddā scriptum est in Euāgelio, vbi dicitur: Si quis dixerit verbū cōtra Spiritum sanctū, nō remittetur ipsi, neque in hoc seculo, neque in futuro. Et est persæpè vèrendū, ne quis vel ex ignorātia, vel ex opinione religionis dicat, quæ nō conueniat de ipso, & tradatur damnationi. Index viuorū & mortuorum Iesus Christus decreuit, quòd nō habebit remissionem: si quis ceciderit, qualē habet spem? Ipsius igitur gratiæ Christi opus est, concedere, vt & nos diligenter loquamur, & vos prudenter audiat. Opus enim est intellectu, non modò dicentibus, verū etiam audientibus: ne alia audientes aliud mente concipiant. Dicemus itaque nos de Spiritu sancto ea tantū, quæ scripta sunt: si quid autem scriptū non est, non scrutabimur curiosè. Ipse Spiritus sanctus elocutus est scripturas: ipse etiam de seipso dixit quantū voluit, aut quatenus fuimus capaces. Dicātur ergo quæcunque dixit: nā quæ ille nō dixit, nos nō audeamus.

*De Spiritu
sancto nō nisi
quæ scripta
loquendum.*

Vnus

Vnus est tantum Spiritus sanctus, ille paracletus. Et sicut vnus est Deus Pater, neque est secundus pater: & sicut vnus est vnigenitus filius, & verbum Dei, fratremque non habet: sic vnus est tantum sanctus Spiritus, & alius non est spiritus æqualis cum illo dignitatis. Est autem Spiritus sanctus maxima potentia, diuinum quiddam, & inuestigabile: viuit enim, & rationalis est, sanctificans per Christum omnes, qui sunt à Deo cōscripti. Hic illuminat animas iustorum, hic & in prophetis, hic & in Apostolis noui testamenti fuerat. Odio habeantur, qui audēt separare Spiritus sancti operationem: Vnus Deus pater, veteris & noui testamenti Dominus: & vnus Dominus Iesus Christus, in veteri per prophetas prædictus, & in nouo veniens. Et vnus Spiritus sanctus, qui per prophetas de Christo prædicabat: adueniente autem Christo, descendit & monstrauit ipsum. Nemo itaque separet vetus à nouo testamento: nemo dicat, quòd alius illic spiritus, & alius hinc: alioquin resistet Spiritui sancto, cū patre & filio honorando, & baptismatis tempore in sancta trinitate comprehenso. Filius enim Dei vnigenitus apertè dixit Apostolis: Euntes igitur docete omnes gentes, baptizantes eos in nomine patris, & filij & Spiritus sancti. Spes nostra est in patre, & filio & spiritu sancto. Non tres Deos annuntiamus: obmutescant enim Marcionistæ: sed cum Spiritu sancto, per vnum filium, vnum Deum prædicamus. Indiuisa est fides, inseparabilis pietas. Neque separamus sanctam Trinitatem, sicut quidam:

*Spiritus sanctus
Et quid sit.*

quid
agno
nobi
à patr
Spiri
& in
in spe
in su
apud
desce
dece
etian
sanct
Qu
etia
illic
enim
cto
ena
diu
ran
ris,
alic
mu
mu
Na
Spi
dic
pre
alij

quidam: neque contrahimus, sicut Sabellius: sed agnoscimus eam religiosè: vnū patrem, qui misit nobis Saluatorem filium, promittentem mittere à patre Spiritum sanctum paracletum. Scimus Spiritum sanctū, qui locutus est per prophetas, & in die Pentecostes descendit super Apostolos, in specie ignearum linguarum, hīc Hierosolymis in superiori Apostolorum Ecclesia. Omniū enim apud nos sunt insignia. Hīc Christus de cælo descendit, illic Spiritus sanctus. Ac maximè sanè decebat, sicut quæ Christus egit in Golgotha, etiam in eodem Golgotha prædicamus: sic & de sancto Spiritu in superiori illa dicere Ecclesia. Quoniam autem ille qui illic descendit, fruitur etiam hīc gloria crucifixi, itaque & de eo qui illic descenderat, hīc prædicamus. Indiuisibilis enim est pietas.

*Apostolorum
templum Hiero-
solymsæ erat.*

Volumus ergo deinceps aliqua dicere de sancto Spiritu, non quod exactè substantiam eius enarremus. Impossibile enim. Sed dicemus de diuersis ab illo progressibus, ne quando per ignorantiam in eis aberremus. Prædicamus vias erroris, vt vna regali via incedamus. Quòd si dictum aliquod ab hæreticis, cautionis ergo explicabimus, hoc in caput illorum redundet: nos verò sumus immunes, qui dicimus, & vos qui auditis. Nam impiissimi omnium hæretici, etiam contra Spiritum sanctum acuerūt linguam, & ausi sunt dicere nefanda. Quemadmodum Irenæus interpres in institutionibus contra hereses, scripsit. Alij quidem seipsos esse spiritum, ausi sunt dicere:

*Irenæi institu-
tiones contra
hereses.*

quorum

*Gnostici.**Manes.**Marcion tres
Deos esse di-
cebat.**Montani pro-
phetae.*

quorum primus est Simon magus, de quo in Actis Apostolorum: Reprobis enim factus, talia docere ausus est. Alij autē, qui vocabantur Gnostici, homines impij, alia quēdam absurda de Spiritu sancto affirmabant. Contrā, alia improbi Valentiniani. Manes autem sceleratissimus, seipsum esse à Christo missum paracletū ausus est dicere. Rursus alij asserēbāt, alium in prophetis esse, aliū in nouo testamento. Adeò diuersus est illorum error, vel potius blasphemia. Oderis igitur tales, & fuge, qui blasphemant contra Spiritum sanctum, & nullam habent peccatorum condonationem. Quæ enim tibi iam in Spiritu sancto baptizato cum desperatis communio? Si pœnæ est obnoxius, qui adhæret furi, & versatur cum illo, quam spem habebit, qui Spiritu sancto aduersatur? Odio prosequantur Marcionistæ, qui sublata volunt verba veteris testamenti. Primus enim impiissimus Marcion, primus inquam, qui tres esse Deos asserēbat, & cū de Christo multa prophetarum testimonia nouo testamento citari videret, abstulit illa ex lege veteri testimonia, ut Rex Christus absque testimonio esset. Pudeant & prædicti iam Gnostici quidem, seu scientes nomine, pleni autem ignorantia, qui hæc de Spiritu sancto dicere audent, quæ ego nec nominare ausim. Odiosi sint Cataphriges & Montanus, malorum dux, atque scilicet binæ illius prophetissæ, Maximina & Priscilla. Montanus enim iste mente captus, & verè insanus, (neque enim si sanus esset, ista doceret) seipsum esse Spiritū sanctum,

ctum, homo abiectissimus, & omni inmunditia, fœditateque refertus, ausus est asserere: Sufficit enim hoc per signacula quædam indicare, propter mulierum præsentium reuerentiam, & paruulorum in Domino decorem.

Midram in Phrigia accipiens, falsò illam Hierosolymam appellauit, quæ nequissima omnium mulierum, paruulos pueros iugulabat, & concidebat in escam nefariam, prætextu eorum, quæ apud illos vocantur mysteria. Propterea hætenus in persecutionibus hoc ipsum nos facere gentes suspicabantur, eò quòd & Montanistæ, quamuis falsò, eodem tamen Christianorum nomine vocabantur. Ausus est seipsum appellare Spiritum sanctum, homo impietate omni & inhumanitate plenus: ergo inexcusabili traditus est damnationi.

Contendebat idem, vt prædictum est, & Manes sceleratissimus, qui mala hæreseò summam comprehendēs, in summum perditionis botrum euasit: atque omnia colligens, simul absurdissimum peperit, & docuit hæreticorum errorem: aususque est dicere, seipsum esse paracletum, quem Christus mittere promisit. Atqui Saluator promittēs dicebat Apostolis: Vos manete Hierosolymis, donec induamini virtute ex alto. Quid igitur? nunquid Apostoli ab ducentis annis defuncti, expectabāt Manem, donec illius virtutem induerent? Audebit ne quisquam dicere, quòd nō erant tunc pleni Spiritu sancto? Atqui scriptū est: Tunc imponebant manus, & accipiebant Spiritum

Spiritum sanctum . Nunquid nobis non multis ante Manem annis hoc factum est: cum in die Pentecostes descendisset Spiritus sanctus? Quare damnatus est Simon Magus? Num non ideo, quod accedens ad Apostolos dixit: Date mihi hanc potestatem, ut cuiusque manus imposuero, Spiritum sanctum accipiat? Non enim dixit: Date mihi Spiritus sancti communionem, sed potestatem: ut aliis venderet, quod non erat venale, quod ipse non possederat. Et adferebat pecuniam nihil possidere volentibus: etiam si videret illos, qui rerum venditarum pretia adferebant, & ante pedes Apostolorum proiiciebant: neque tamen id reputabat, quod illi, qui pedibus diuitias ad pauperum alimentum oblatas conculcabant, Spiritus sancti potestatem pro mercede aliqua non essent tradituri. Illi autem, inquiunt, dicunt Simoni: Argentum tuum sit tibi in perditionem: quia donum Christi pecuniis te consequi posse putasti. Alter tu Iudas, argento gratiam te Spiritus sancti empturum existimasti. Si igitur Simo pretio volens consequi Spiritus sancti virtutem, abiit in perditionem. Manes qui seipsum dixit esse Spiritum sanctum, quanta est praeclusus impietate? Oderimus qui digni sunt odio: auersemur eos, quos auersatur Deus. Dicamus & ipsi confidenter ad Deum vniuersorum de omnibus haereticis: Nonne odio te habentes oderam Domine? Sunt enim & inimicitiae quaedam bonae, quemadmodum scriptum est: Et ponam inimicitias inter te, & inter seminem tuum. Amicitia enim, quae est cum serpente, inimicitiam Dei & mortem efficit. Hec igitur

Apostoli nobilem quicquam possidere.

Inimicitiae quaedam sunt bonae.

igitur de perditis illis dicta sunt. Deinceps autem scripturas diuinas aggrediamur, & recognoscamus aquas in vasis nostris, & de puteis nostris fontes. Bibamus de aqua viua saliente in vitam æternam. Hoc enim dixerat Saluator de Spiritu sancto, quem accepturi erant credentes in ipsum. Vide quid dicat: *Qui credit in me, non simpliciter, sed vt dicit scriptura (remittens te ad vetus testamentum) flumina de ventre eius fluent aquæ viuentis. Non flumina sensilia, terram spiniferam, & ligniferam irrigantia: sed animam illuminantia. Et alibi dicit: Sed aqua, quam ego dabo ipsi, erit fons in ipso aquæ viuentis, salientis in vitam æternam. Nouum aquæ genus, quæ viuit & salit: salit autem tantum in dignos. Quid ita? nunquid spiritalem gratiam aquam nominauit? Quandoquidem per aquam omnium est consistētia: quandoquidē herbæ, & animantia fiunt ex aqua: quod aqua est causa auri, quod de cælis descendit imbrius aqua: quoniam cum ipsa quidem vna in specie descendit, multas autē species efficit. Nam & paradysum totum fons vnus irrigat, & vna pluuia in vniuersum descendit mundum, quæ alba quidē fit in spinis, rubra autē in rosis, purpurea verò in hyacinthis, ac in diuersis speciebus diuersa, & in omnibus fit omnia: cum ipsa nihilominus eadē, eiusdemque sit speciei. Neque enim seipsam transformans pluuia, alia & alia descendit, sed cuiusque naturæ sese adiunxerit, illi fit incrementum. Sic & Spiritus sanctus, cum sit vnus & idem, & non*

Aqua in omnibus crescit in omnia

Spiritus vnus variis donis.

S

Et

Et quemadmodum aridum lignū aqua participans, flores emittit: sic & anima peccatrix per pœnitentiam Spiritu sancto digna reddita, iusticię racemos progenerat. Et cū ipsa sit vniformis, multas nutu Dei, & in nomine Christi virtutes operatur. Nam alterius quidē linguę sese accommodat ad sapiētiā: alterius autē animam illuminat in prophetia. Alij datur potestas eiiciēdi dæmones, alij verò datur facultas interpretandi scripturas diuinas: alius temperantiā corroborat: alium instituit ad eleemosynā: alium docet ieiunare, & exerceri ad pietatē, & res corporeas contemnere: alium pręparat ad martyrium, atque sic alia in alijs operatur, ipse non alius fit à seipso, sicut scriptum est. Vnicuique autem manifestatio spiritus datur ad vtilitatē: alij enim per spiritum datur sermo sciētię, secundū eundē spiritum, alij fides in eodem spiritu, alij gratię curationum in vno spiritu: alij operationes virtutum, alij prophetia, alij discretio spirituum, alij genera linguarum. Omnia autem hæc operatur vnus & idem spiritus, diuidens vnicuique prout vult.

Sed cū de spiritu simpliciter multa & diuersa scripta sint in diuinis scripturis, ac metuendum sit, ne quis ex ignorantia in aliquē de Spiritu sancto errorem deueniat, ignorans de quali spiritu id scriptum sit: bonum est nunc eum pręmunire, qualem esse dicat scriptura Spiritum sanctum. Quemadmodum enim & Aaron vocatur Christus, & David & Saul, & alij Christi vocantur, vnus tamen est verus Christus: sic & appellatio spiri-

*Spiritus de
multis prædi-
cat.*

spi-
est
M
spi-
fla-
spi-
An
mi
no
&
di-
lis
spi-
au
TI
tu
pr
ne
ri
lin
di
tur
tio
ci
di
ra
Ez
Di
xit
gr
aff

spiritus, cum de rebus diuersis dicatur: pulchrū est videre, quid sit peculiariter Spiritus sanctus. Multa enim spiritus vocatur. Et angelus vocatur spiritus. Anima nostra vocatur spiritus. Vetus hic flans vocatur spiritus: & virtus magna, vocatur spiritus; & spiritus immundus, vocatur spiritus. Animaduerte igitur hæc audiens, ne propter nominis similitudinē, alterū pro altero cogites. De nostra anima dicit scriptura: Exibit spiritus eius, & reuertetur in terrā suam. Ac rursus de eadem dicit: Qui creat spiritū hominis in ipso. De angelis verò dicit in psalmis: Qui facit angelos suos spiritus, & ministrōs suos flammā ignis. De vëto autem: Spiritu, inquit, vehemēti conteres naues Tharsis: Et, Quemadmodū lignū in sylua à spiritu agitur: Et ignis, grando, nix, glacies, spiritus procellarū. De bona autem doctrina, ipse Dominus dicit: Verba quæ ego locutus sum vobis, spiritus & vita sunt. Spiritus sanctus qui loquitur linguis, & viuens est, eloquentiā præbens, & ipse differit. Et vis nosse, quòd cum hominibus versetur, & colloquatur? Philippus ex angeli reuelatione descendit in viam, quæ ab Hierosolymis ducit Gazam, quando Eunuchus ille aduētabat. Et dixit spiritus Philippo: Accede, & adiunge te curru huic. Cernis loquentē spiritum audienti? Et Ezechiel sic dicit: Et factus est super me Spiritus Dñi, & dixit ad me: Hęc dicit Dñs. Et rursus: Dixit spiritus his, qui erāt Antiochiæ Apostolis. Segregate mihi Barnabā & Saulū in opus, ad quod assumpsi eos. Vides Spiritū viuētē, segregātem,

Spiritus sanctus loquitur, & loqui facit.

vocantem, & cum potestate mittentem. Et Paulus: Nisi, inquit, quod Spiritus sanctus testatur mihi dicens: quòd vincula & tribulationes me manent. Bonus enim est ille sanctificator Ecclesiæ, & auxiliator & magister, paracletus. De quo Saluator: Ille, inquit, vos docebit omnia, & suggeret vobis omnia. Nō dixit, docebit tantum, sed etiam suggeret omnia, quæcunque dixerō vobis. Neque enim alia Christi doctrina, et alia Spiritus sancti, sed planè eadem. Prædixerat Paulo quæ euentura erant, vt ea præuidendo, pròptior esset. Hæc autem dicuntur nobis propter illud, quòd modò recitatum est: Verba quæ ego locutus sum vobis, spiritus sunt. Ne hanc labiorum elocutionem esse putes: sed rectam doctrinam.

Vocatur autem & peccatum spiritus, sicut dixeramus, sed aliter, & modo cōtrario, cūm dicit: Spiritu fornicationis aberrauerunt. Vocatur spiritus, etiam immundus spiritus dæmon, sed cum hac adiectione, immūds. Et vnicuique additur cognomē, vt indicet proprietatē. Si enim de anima hominis dicitur spiritus, cum hac adiectione dicitur, spiritus hominis. Si ventura notat, spiritū procellarū dicit. Si peccatū innuit, spirit⁹, inquit, fornicationis dicit. Si dæmonē significat, spiritus dicit fornicationis, & immundus: vt cognoscamus de quo spiritu sit sermo. Neque putes de Spiritu sancto hoc dici. Absit. Spiritus enim nomen medium quoddam est: nam omne quod est absque corporis mole, in vniuersum spiritus vocatur. Cūm autē & dæmones corpora nō habeāt,

spiri-

*Spiritus nomen
medium.*

spiritus vocantur. Sed magna est quædam inter hos spiritus differentia. Immundus enim demon si quam hominis animā aggressus fuerit, (liberet autem ab hoc Dominus omnes animas tã præsentium hîc,quàm absentiũ) tanquã lupus sanguivorus, paratus ad deuorandũ super ouem veniret. Sæuissimus illius aduentus, grauissimus sensus, tenebrosa mens efficitur, & insultus iniquus, & rapina possessionis alienæ. Corpore enim alieno tanquàm proprio vitur violenter, in membris alienis stantẽ iactitat, & alieno instrumento astantes acclamat. Minister enim est illius, qui cecidit de cælo. Deprauat linguam, torquet labia: spumam pro verbis fundit, obtenebratur homo, apertus est oculus, & non videt per eum anima. Gemit homo tremens, ante mortẽ miserrimus. Verẽ hostes sunt hominũ dæmones, turpiter illis abutentes, & absque misericordia. Absit hæc opinio, nõ est eiusmodi Spiritus sanctus: sed cõtraria ratione, omnia ad bonũ & ad salutẽ dirigit. Primum enim mäsuetus illius aduētus, fragrans progressus, onus leuissimũ, ante suũ accessum radios lucis præmittens, & cognitionis. Germani protectoris viscera habens aduenit. Venit enim seruare & sanare, docere, adhortari, confortare, admonere, & illuminare mentẽ primum quidem eius, qui recipit illum, deinde per ipsum & ceteros. Et quemadmodum in tenebris si quis antea fuisset, solem deinceps extemplò videns, aspectus corporis eius illuminatur, item vt quæ antea nõ videbat, tunc videat: Sic etiam cui Spiritus sanctus

*Spiritus sancti
aduētus qualis.*

donatus est, anima illius illustratur, & plusquam homo cernit. In terra erit corpus, & anima celos contemplabitur. Videt, vt Esaias cernebat Dominum super throno excelsso & eleuato: Videt, vt Ezechiel eum, qui sedebat super Cherubim. Videt, vt Daniel myriades myriadum, & millia millium. Exiguus homo cernit principium & finem mundi, & medium temporum, & Regum successiones: sic que non didicerat. adest enim verus ductor lucis. Intus consistens homo, & virtus scientie procul a Deo illi immittitur, ita vt ea que fiunt ab aliis ipse cognoscat. Non adfuerat Petrus Ananie & Saphiræ cum sua bona vendebant, sed per spiritum aderat. Quare, inquit, tentauit Satanas cor tuum, vt metiare Spiritui sancto? Nullus erat accusator, nullus testis. Vnde igitur hoc euenit, vt nosset. Nonne, inquit, manens manebat tibi, & id quod vendidisti in potestate erat tua? Quare statuisti in corde tuo hanc rem? Qui erat absque literis, per gratiam Spiritus illa didicit, que ne Grecorum quidem sapientes nouerant. Habes simile huic de Eliseo. Qui cum gratis sanasset lepram Neemam, Giezi precium eius accepit, alieni officij premium intercipientes, recepitque a Neeman pecunias, et in obscuro illa occultauit, sed neque in tenebris quicquam occultatur sanctis. Nam venientem illum interrogat Eliseus, similiter atque Petrus, dicens: Dic mihi, si tanti ager vanundatus est? Sic ille interrogat, quamuis non ignorasset unde Giezi. Sed luctuosum erat illud unde. A tenebris prodiisti, & in tenebras ibis. Vendidisti curationem leprosi, & hereditabis

*Spiritu sancto
omnia perspi-
ciuntur.*

*Sanctis non
quicquam in
tenebris oc-
cultum.*

ditabis ipsius lepram. Impleui, inquit, ego perfectionē illius, qui dicit mihi: Gratis accepistis; gratis date. Tu autē vendidisti hanc gratiā, suscipe ergo & præmium istius venditionis. Sed quid ait ad illum Eliseus? Nōne cor meū ibat tecum? Hic ego fueram corpore conclusus: sed spiritus à Deo mihi datus, ea quæ procul aberant, cernebat, & quæ alibi dicebantur manifestè ostendit mihi. Cernis quomodò illuminat animas Spiritus sanctus, tollit ignorantiam, & scientiam reponit. Esaias ferè ante mille annos, cernens tantquam tabernaculū Sion. Ciuitas erat iam cōdita & sistens; & mercibus exornata, & ornatu vario circumdata. Ille tamen dicit: Sion tantquam ager dissipabitur, prædicens id, quod nostra ætate cōpletum est. Certitudinem autem prophetiæ demonstrans, Relinquetur inquit, filia Sion, sicut rētoriū in vinea, & sicut tuguriū cucumerariorū. Etiam nunc cucumeris ille locus repletus est.

Spiritus sanctus illuminat & erudit animas.

Cernis quemadmodū iustos Spiritus sanctus illuminat? Nō igitur propter cognationē nominis, aliò circumferaris, sed id quod certissimū est custodias. Quod si fortè sedenti tibi de castitate, aut virginitate subeat cōgitatio, illius est ea doctrina. Nōne persæpè puella, iam ad sponsi thalamum constituta, effugit, Spiritu sancto de virginitate eam docente? Nōne sæpè spēdidus aliquis homo aulicus cōtempnit diuitias, probè instructus à Spiritu sancto? Nōne iuuenis sæpè videns pulchritudinem, compressit oculos, & ne amplius videret aufugit, pollutionēque vitauit?

Virginitatis et castitatis cōgitatio fit à Spiritu sancto.

Quæris vnde id contingat; Spiritus sanctus cer-
 sic erudiuit animā adolescentis. Tot sunt avari
 cupiditates in mundo, & tamen nil possidere e-
 gunt Christiani. Qua de causa? Propter Spiritu
 sancti annunciationem. Preciosum sanè donu
 est Spiritus sanctus ille bonus. Meritò baptiz-
 mur in nomine Patris & Filij, & Spiritus sancti.
 Homo corpus adhuc circumferens, multis cu-
 dæmonibus ferissimis luctatur. Et persepè dæ-
 niacus, qui ferreis vinculis à multis retineri n-
 potest, ab vno solis verborū precationibus cō-
 netur, per eam quæ in illo est Spiritus sancti v-
 tutem, & simplex exorcisantis afflatus, effici
 ignitus his, qui videri nō possunt. Magnū igit
 commilitonem & auxiliatorem apud Deum
 habemus: magnū Ecclesiæ doctore: magnū pro-
 ctorem nostrū: non metuamus ergo dæmones,
 nec diabolū. Maior enim est qui certat pro
 nobis, modò illi ostia aperiāmus. Obambulat eni
 ille, qui digni sint quærēs, & quib⁹ dona cōfer-

*Exorcisantis
 afflatus vrit
 demones.*

*Doctōr Eccle-
 siæ spiritus.*

*Paracletus
 spiritus.*

Vocatur quoque Paracletus, p̄pter conso-
 tionem, & auxiliū infirmitatis nostræ. Nos er-
 quid, & quatenus orare debeamus, nescim⁹.
 Sed ipse spiritus postulat pro nobis gemitib⁹
 ineffabilibus. Manifestum autē est, quòd ap-
 Deum. Sæpè propter Christum afficitur con-
 melia & ignominia quispiam: Martyrium im-
 net, tormenta vndique & ignis, & gladius, &
 stia, & gurgites. Verū interea Spiritus sanctus
 alloquitur, Sustine Dominū: parua sunt ista cō-
 fiunt: breui tantū tēpore labora, & in sempiternū

eris cum angelis. Non sunt cōdignę passionēs huius temporis ad futuram gloriā, quę reuelabitur in nobis. Describit hominī regnum cēlorū, demonstrat deliciarum paradisum. Ac Martyres quidem vultu corporeo sisti cogebantur coram iudicibus, potentia autem animi erant in paradiso, contemnebantque præsentes difficultates. Vis autē ex scripturis nosse, virtute Spiritus sancti martyres Christo testimonia exhibere, Saluator ipse dicit ad discipulos: Cū adduxerint vos in Synagogas, & ad principatus, & potestates, ne sitis solliciti, quid respondeatis, aut quid dicatis. Spiritus enim sanctus docebit vos in illa hora, quid vobis dicendum sit. Fieri enim non potest, ut quis de Christo prębeat testimonium, nisi per Spiritum sanctū testetur. Si enim nemo dicere potest Dominū Iesum, nisi in Spiritu sancto, vitam pro illo, & sanguinem quis profundet, nisi in Spiritu sancto?

Martyres in Spiritu sancto fiunt.

Magnum quiddam est, & omnipotens inter charismata, & admirandū, Spiritus sanctus. Cogita quot nunc estis, qui hic assidetis, quot nostrū animæ adsunt: in vnoquoque tamen congruē operatur, & medius existēs videt cuiusque modum, cernit & cogitationem, & conscientiā, & quid loquamur, & quid mentē retineamus. Magnum quid est, quod dixi: sed restat maius. Considera tu qui iam mētem ab illo habes illustratā: quot sunt Christiani huius paræciæ, quot in palæstina? Extende rursus mētem ab hac provincia in totum Imperium Romanum, ac ex eo

Omnipotens inter charismata Spiritus.

Paræcia Palæstine.

deinde considera vniuersum mundum, Persarum
& Indorum gentes ac nationes. Gothos & Sau-
romatas multos, Hispanos & Mauros; Afros &
Æthiopas, & reliquos, quorum nomina ignota
sunt nobis. Multarum enim gentium ne nomina
quidem in notitiam nostram venerunt. Perspicue
cuiuslibet nationis Episcopos, sacerdotes, diaconos,

*Parochus gratiarum spiritus
virginitatem
& castitatem
suggerit.*

nos, monachos, virgines, & reliquos laicos: & respice magnum hunc præfulem, & gratiarum parochum (id est, exhibitorem) quomodo in vniuerso mundo, alij quidem castitatem, alij virgin-
ginitatem, alij studiū paupertatis, alij vim repellendi aduersarios spiritus tribuit. Et quemadmodum lumen vno radij progressu illuminat omnia, ita Spiritus sanctus eos, qui habent oculos, illustrat. Quod si quispiam non respiciens, illius gratia non potitur: non Spiritum sanctum, sed suam ipsius arguat perfidiam. Vidisti illius vim in vniuerso mundo: non hinc subsistas, sed ad superiorem quoque ascende. Ac principio quidem in primis cælum mentem eleua: Considera eas quæ istic sunt innumerabiles myriades, cogita & altiora si possis.

Angelos Spiritus sanctus omnes sanctificat.

Vide virtutes, vide principatus, vide potestates, vide thronos, vide dominationes. Eorum omnium præses apud Deum, & magister, & sanctificator est hic paracletus. Eo indiget Elias ac Esaias inter homines: eo opus habet Gabriel & Michael inter archangelos: nihil ex rebus progenitis cognitati illius adæquatur. Nam & in vniuersum genus angelorum, & omnes exercitus simul congregati, nequaquam Spiritus sancti proportionem suam nueri

nuerint. Cooperit hæc omnia virtus perquam maxima paracleti, ita vt angeli quidem sint, qui in ministeriū mittantur: ipse autē spiritus est, qui profunda Dei scrutatur, vt inquit Apostol⁹: Qui omnia scrutatur, etiā profunda Dei. Quis enim nouit ea, quæ sunt hominis, nisi spiritus hominis, qui in ipso est: Sic & ea quæ apud Deū nemo cognoscit, nisi Spiritus Dei. Et illi scilicet angeli sanè, ex eo quod nō erat, sunt creati. Hic autē semper à Deo procedens. Et illi nempe Angeli natura sunt mutabiles tanquam creatura. (Tametsi iam ex gratia non mutētur, neque conuertantur.) Hic autem immutabilis, inconuertibilis, vnū existens cum Patre, & Filio. Hic Spiritus de Christo prædicauit per prophetas. Hic operatus est in Apostolis. Hic ad hodiernā vsque diem obsignat animas in baptismo. Et pater quidem dedit filio, filius autem tradidit Spiritui sancto. Ipse enim Iesus est qui dixit, non ego: Omnia mihi tradita sunt à patre meo. Ac de Spiritu sancto dicit: Quando venerit ille Spiritus veritatis, & reliqua, ille me glorificabit: quia de meo accipiet, & annūtiabit vobis. Pater per filiū cum Spiritu sancto omnia largitur. Nō alia patris, alia filij, nec alia Spiritus sancti: sed vna est salus, vna fides. Vnus Deus Pater, vnus Domin⁹ vnigenit⁹ eius filius, vnus Spiritus sanctus paracletus. Atque hæc quidē scire sufficit. Naturam autem vel substantiā spiritus ne curiosè scruteris: si enim ea descripta esset, diceremus: quod autē scriptum non est, dicere non audeamus. Satis est nobis ad salutem

*Spiritus sanctus
Et us sigillat
animas.*

*Spiritus sanctus,
de his
que sunt filij
accipit.*

salutem scire, quòd est Pater, & Filius, & Spiritus sanctus, qui descēderat in septuaginta seniores tempore Moyfi. (Sed prolixitas sermonum dilecti, ne tædiosa vobis efficiatur, præbeat illud de quo nobis sermo est, eam virtutē unicuique & mihi dicenti & vobis audientibus: & ea nunc exhibeat, quæ nouit omnia donare.) Non erant in illos septuaginta viros spiritus ipse diffusus, sed gratia tantum pro eorū, qui recipiebant facultate. Sexaginta tantum, & octo aderant. Eldad autem & Modad aberant. Vt igitur ostenderet non Moysen esse largitorem, sed spiritū operantem, Eldad & Modad vocati quidē, sed non occurrentes, prophetabāt. Stupefactus est Iesus ille typicus, Naue vocatus, successor Moyfis, conueniens eum, dicit: Audisti quòd Eldad & Modad prophetant: Vocati erant, sed non aduenerant, Domine mi Moyses prohibe eos. Non possum, inquit, ille cohibere: cælestis enim est ista gratia. Ac tantum abest, vt eos cohibere queam, vt etiam fateri cogar me ex gratia Domini id habere, sed non puto te ex odio ista dicere: caue enim vt æmuleris pro me, vel inuideas quòd illi quidem prophetant, tu autem nequaquam ex gratia cælestis tempus. Quis dabit vniuersum populū eius Domini prophetas, quando det Dominus spiritum suū super eos? Prophetice dicit, quòd, quando det, tunc enim nondum dederat. Tu quoque nondum habes. Nunquid Abraham & Isaac, Iacob & Ioseph, antea non habebant? Nunquid non habebant id quod dicit, quando det Dominus

Spiritus in ab-
sentes à Mose
seniores effusus

nus? Manifestū est hīc significare illum abundan-
tiam doni spiritus super eos omnes. Quasi dice-
ret: Nunc ista gratia particularis, sed tunc erit co-
piofum donum. Quod completum est apud nos
in die Pentecostes. Atque idem sanè spiritus, qui
apud nos descendit, descēdebat prius & apud il-
los in multos. Scriptum est enim deinceps: Et Je-
sus Naue, repletus est spiritu sapientiæ. Moyses
enim manus suas super eū imposuit. Cernis ubi-
que typum, & in veteti & in nouo Testamento
eundem. Tēpore Moysis per manus impositio-
nem dabatur spiritus: in te quoque baptizatum
peruentura est gratia illius. Quomodò autem, id
nondum dico: neque enim eius rei nunc tēpus
est. Idem descēdit in omnes iustos ac prophetas,
Enoch & Enos. Noë ac reliquos, Abrahā, Isaac,
Iacob. Nam de eo, quòd Ioseph habuerit Spiritū
Dei, etiā Pharaon expertus est. De Moysē enim,
& rebus admirandis ab illo virtute Spiritus san-
cti factis, persæpè audisti. Eundem spiritum &
fortissimus Iacob habuit, & omnes sancti: quā-
uis omnium nomina non prosequamur. Idem &
in structuram illam tabernaculi missus, repleuit
sapientia eos, qui circa Beseleel erant sapiētes. In
virtute huius spiritus, quemadmodum in libro
Iudicum habemus, Othoniel quidem iudicabat,
Gedeon verò inualescebat. Iephtha vincebat. Sam-
pson vindicans, suprā vires humanas certabat.
Nam de Samuele & Dauide ex libris Regū ma-
nifestius est, quòd & ipsi in Spiritu sancto pro-
phetabant, & principes erant prophetarum. Ac

*Spiritus per
manuum im-
positionem in Le-
ge dabatur.*

*Artificio sam-
mentem donat
spiritus.*

Samuel

Samuel quidem videns appellabatur. Dauid autem clarè dicit: Spiritus Domini locutus est mihi. Et in Psalmis: Spiritum sanctum tuum ne auferas à me. Et rursus: Spiritus tuus bonus deduc me in terram rectam. Et ut est in Paralipomenis: Azarias particeps factus Spiritus sancti, tempore Asa Regis, & Oziel, tempore Iosaphat. Ac rursus alii Azarias, qui est lapidatus. Esdras verò dicit: Spiritum tuum bonum dedisti, ad erudiendum illos. In Helia assumpto & Eliseo spiritusferis & mirificis hominibus, clarum est, etiamsi non dicamus, quod pleni erant Spiritu sancto. Quod si quis omnium duodecim prophetarum libros prosequatur, quae plurima de Spiritu sancto inueniet testimonia. Micheas dicit in persona Dei: Nisi ego repleti fuero fortitudine Spiritus Domini. Ioel clamatur. Et erit postea dicit Dominus: Effundam de spiritu meo super omnem carnem. Et quae sequuntur. Et Aggeus loquitur: Quapropter ego vocum sum, dicit Dominus omnipotens, & spiritus meus consistit super vos. Zacharias similiter: sermonibus meis accipite, quaecumque & ego precipio in spiritu seruis meis prophetis, & alia. Ioel as dicit: Et requiescet super eum Spiritus Domini. Spiritus sapientiae & intellectus, spiritus consilii, fortitudinis, spiritus scientiae & pietatis, & rebit illum spiritus timoris Dei. Certum est, unum quidem esse hunc spiritum indiuisibilem, diuersas autem illius operationes. Rursus: Iacob ope ex quo dedi spiritum meum super illum. Et iterum. Poniam spiritum meum super semen tuum.

*Septiformis
spiritus
vnus.*

nunc Dominus misit me, & spiritus eius. Ac iterum: Hoc illis à me sit testamentum dicit Dominus, spiritus meus qui est super te. Et iterum: Spiritus Domini super me, propterea vixit me. Et iterum de Iudeis: Ipsi autem ad iracundiam provocauerunt, & contristarunt Spiritum sanctum eius. Et ubi est, qui posuit in ipsis Spiritum Sanctum fui? Habes similia & in Ezechiele, si deinceps audiens non defatigeris. Et cecidit super me spiritus, & dixit ad me: Hec dicit Dominus. Quod ait, cecidit super me, rectè sanè benignitatem illius designat. Quemadmodum Iacob reperto Ioseph, cecidit super collum eius, & sicut in Euangelis, benignus ille pater filium ex peregrinatione redeuntem cernens, misericordia commotus est, & currens, cecidit super illius collum. Ac iterum in Ezechiele: Et duxit me in terram Chaldaeorum, in captivitatem in visione, in Spiritu Dei. Reliqua enim eiusmodi, in his quæ de baptismo dixeramus iam, audisti. Et aspergam vos aqua munda. Et, Dabo vobis. Et, Facta est super me manus Domini, & eduxit me in Spiritu Domini. Hic spiritus sapientem effecit animam Danielis, ut iuue-

*Spiritus ex
pueris sapientes
facit.*

spiritum

spiritum pueri iuuēculi. Et vt summam ea comprehendamus per decretum Danielis, temperantia illa & innocens seruatur. Testimonij enim causa, non enarrationis, ea adduximus. Agnouit & Nabuchodonosor, quod in Daniele esset Spiritus sanctus. Dicit enim ad eū; Baltazar principum ariolorum (inquit) hoc ego scio, quod Spiritus Dei sanctus est in te. Alterum quidem verum est, alterum falsum. Quod enim haberet Spiritum sanctum, verum erat, falsum autem, quod esset princeps incantatorum: neque enim magus erat, sed ex Spiritu sancto sapiens. Nam antea indicauit visionem imaginis. Ipse viderat eam, nesciebat. Dic inquit, mihi visionem, quam ego vidi, & quæ sit, nescio. Cernis vim Spiritus sancti, videntes nesciunt, non videntes agnoscunt & interpretantur. Et essent reuera multa, quæ veteri lege recitarem, & latius explicarem de Spiritu sancto: sed cum breue sit tempus, oportet sese accommodare mediocritati auscultationis. Itaque satis sit ad præsens, quæ ex veteri Testamento produximus, deinceps si Deus volet, ea quæ sunt in nouo, proxima Catechesi venimus. Deus autem pacis per Dominum nostrum Iesum Christum, & spiritum dilectionis, omni nos spiritualibus, & cælestibus ornet donis. Cui gloria, potentia in secula seculorum, Amen.

CAT

CATECHESIS DECIMASEPTI-

MA ILLUMINATORVM HIEROSOLY-
 tymis extemporanea, de Spiritu sancto. Et lectio
 ex Epistola prima ad Corinthios: Huic quidem
 per spiritum datur sermo sapientia, & reliqua.



N præcedenti Catechesi de Spiritu
 sancto paruiam quandam testimonio-
 rum partem, quantum licuit, auribus
 vestrae dilectionis proposuimus. Tunc
 enim, ne modum excederemus, promptitudinem
 dicendi cohibuimus. Inexhaustus enim de Spi-
 ritu sancto sermo est, nunc autem reliquorum pars
 quædam rursus parua dicetur. Nollam enim in-
 firmitatem vestram obrui multitudine scripturarum.
 Ingenuè nunc quoque fatemur, nos non huma-
 nis rationationibus vsuros: verum ea tantum
 quæ sunt in sacris scripturis commemoraturos: hoc
 enim est tutissimum, quemadmodum beatus Pau-
 lus inquit: Non in persuasibilibus humane sapien-
 tiæ verbis: sed in persuasionibus spiritus, spirita-
 libus spiritalia conferentes, & conformia viatori-
 bus, & nauigantibus facientes: qui cum vnū ha-
 beant scopum longi itineris, animi quidem prom-
 ptitudine accelerant, propter corporis verò imbe-
 cillitatem, diuersis appellunt ciuitatibus. Ac dis-
 putationes quidem, seu dissertationes de Spiritu
 sancto diuiduntur, ipse autem nequaquam diui-
 ditur. Vnum tamen atque idem omnes comple-
 ctuntur. Sicut etiam illi quos habuimus de patre
 sermones: alius quidem erat, de illius nos docēs

*Scripturis, non
 rationibus
 agendum.*

T

monar-

monarchia: alius de eo, quomodo pater vocatur omnipotens, alius, quomodo creator vniuersorum. Neque tamen diuisio ista Catechesicon habuit fidei diuisionem. Vnus enim erat, & est pietatis scopus. Ac veluti in his etiam, quæ de vni-genito Dei filio, aliàs quidem de illius diuinitate, aliàs verò de humanitate disseruimus. In multisque illis sermonibus, quos de Domino nostro Iesu Christo habuimus, multa diuidentes, indiuisam tamen in illum fidem annuntiavimus. Ad eundem modum de Spiritu sancto, diuisis Catechesibus, indiuisam in illum fidem asserimus. Vnus enim est atque idem spiritus, diuidens quidē charismata propria vnicuique prout vult, ipse autem indiuisus. Neque alius paracletus, alius Spiritus sanctus, sed vnus atque idem, diuersis cognominibus appellatus. Vniuersus & subsistens, loquens & operans, ac eorum quæ à Deo facta sunt omnipotentia ratione prædicatorum hominum, & angelorum sanctificator.

*Spiritus sancti
estis varie ap-
pellationes.*

Ne itaque ob diuersas Spiritus sancti appellationes, ignari plerique diuersos esse spiritus existimēt, & non vnum atque eundem, cum vnus tantum sit, ideo Ecclesia catholica præmunitum te cupiens reddere, istud in fidei professione tradidit: Credere in vnum Spiritum sanctum paracletum, qui locutus est per prophetas, vt videre possis, multas quidem esse illius appellationes, vnum autem atque eundem Spiritum sanctum. De quibus illius appellationibus pauca nunc ex multis vobis commemorabimus. Vocatur enim à

multis

multis

multis spiritus sapientiæ, ut modò lectū est: Alij quidem per spiritum datur sermo sapientiæ. Vocatur spiritus veritatis, ut dicit Saluator: Quando venerit ille spiritus veritatis, Vocatur & paracletus, ut ille dixit: Si ego non abiero, paracletus non veniet ad vos. Quòd autem vnus idem sit, diuersis nominibus appellatus, ex his manifestè demonstratur, quæ sequuntur. Nam de eo, quòd Spiritus sanctus & paracletus idem sint, dictum est: Paracletus Spiritus sanctus. De eo verò, quod paracletus & spiritus veritatis idē sint, dicitur: Et alium paracletum dabo vobis, ut maneat vobiscum, spiritum veritatis. Et iterum: Cū venerit autem paracletus, quem ego mittam vobis à Patre, spiritum veritatis. Vocatur spiritus Dei, sicut scriptum est: Et vidi spiritum Dei descenderem. Et rursus: Qui spiritu Dei ducuntur, hi sunt filij Dei. Vocatur & spiritus patris, sicut dicit Saluator: Non enim vos estis, qui loquimini, sed spiritus patris vestri loquitur in vobis. Et iterum Paulus: Huius gratia flecto genua mea ad patrem, &c. ut conforter per spiritum ipsius. Vocatur & spiritus Domini, ut inquit Petrus: Quid utique cōuenit vobis tentare spiritum Domini? Vocatur spiritus Dei & Christi, ut scribit Paulus: Vos autē non estis in carne, sed in spiritu: siquidē Spiritus Dei habitat in vobis. Si verò quis spiritum Christi nō habet, hic nō est eius. Vocatur spiritus filij Dei, sicut est dictū: Quod estis filij, misit Deus spiritum filij sui. Vocatur spiritus Christi, sicut scriptum est: In quod &

*Spiritus patris.**Spiritus filij.*

Spiritus Christi.

quale tempus, manifestatus est in ipsis Spiritus Christi. Et rursus: Per vestram deprecationem & subministrationem Spiritus Iesu Christi. Præter has autem & alias quoque Spiritus sancti appellationes reperies. Vocatur enim Spiritus sanctificationis, ut scriptum est: Secundum Spiritum sanctificationis. Vocatur spiritus adoptionis filiorum, ut inquit Paulus: Non enim accepistis spiritum servitutis in timorem, sed accepistis spiritum adoptionis filiorum, in quo clamamus: Abba pater. Vocatur spiritus revelationis, ut scriptum est: Det vobis spiritum revelationis & sapientie, Vocatur spiritus promissionis, ut ipse dicit: In quem credentes signati estis spiritu promissionis sancto. Et aliis eiusmodi nominibus compluribus cognominatur: Audisti aperte & in proxima superiori institutione, quod in Psalmis quidem aliquando bonus spiritus, aliquando principalis nominatur. In Esaia vero spiritus sapientie ac intellectus, consilij & fortitudinis, scientie & pietatis, ac timoris Domini appellatur. Per quæ omnia, & quæ antea, & quæ nunc dicta sunt, concluditur, diuersas quidem esse illius appellationes, sed ipse vnus tantum est, atque idem Spiritus sanctus, viuens & subsistens, qui vbique patri & filio adest, non qui ab ore, & labijs patris & filij loquendo formetur, vel effletur, aut in aërem diffundatur, sed substantialis, loquens ipse & operans, administrans & sanctificans: sed per stabilem tamen & consonam vnus existentis salutaris administrationis in nos, quæ fit à patre per filium cum Spiritu sancto,

Spiritus sanctus quomodo à Patre et Filio procedat, docet.

Sit enuntiatum vel efflatus, aut in aërem diffusus.

Mundi quomodo gubernatio totius fiat.

san
vos
scir
ver
que
Tel
H
gin
nal
Sp
qu
re.
cas
tion
Nu
nor
ign
nu
est
vir
qu
Hic
eni
tici
era
uit
Vn
me
tus
bor
per

sancto, sicut & antea dixeram⁹. Meminisse enim vos eorū, quæ modò dicta sunt, volo, & apertè scire, quòd non alius in Lege & Prophetis, alius verò in Euangelis & Apostolis, sed vnus est atque idem spiritus, tam in veteri, quàm in nouo Testamento, diuina dictans eloquia.

Hic est Spiritus sanctus, qui descendit in virginem Mariam. Cùm enim Christus vnigenitus nasci deberet, virtus Altissimi obumbravit ipsi, & Spiritus sanctus in illam veniēs, sanctificauit eā: quòd posset eum, per quem sunt omnia, suscipere. Nec opus est de eo multa facere verba, vt dicas, impollutam & mundam fuisse illam generationem. Docuit enim id Gabriel, dicens ad eam: Nuntius ego sum eorum, quæ fieri debent, sed non cooperator, quamuis archàngelus. Et, vt non ignores, quid mei sit muneris, gaudium ego annuntio tibi, quomodò autem parias, non à mea est gratia; Spiritus sanctus superueniet in te, & virtus Altissimi obumbrabit tibi. Propterea & quòd nascetur ex te Sanctū, vocabitur filius Dei. Hic Spiritus sanct⁹ egit & in Elizabetha. Neque enim virgo tantum, sed etiā coniugata illius notitiam habet. Siquidem secundum Legem tantum erat coniugiū. Et repleta Spiritu sancto, prophetauit Elisabeth, dicitque bona serua de Domino: Vade mihi hoc, vt veniat mater Domini mei ad me? Benedixit illam Elisabeth. Isto spiritu repletus Zacharias, pater Ioannis, prophetauit: quòd bonorū exhibitor esset ille vnigenitus, & quòd per baptismum Ioannes esset præcursor illius. Ab

eodem Spiritu sancto vnctus Simeon iustus, non
 visurum se mortem cognouit, antequam Christum
 Domini videret: quem in vlnas accipiens in tem
 plo, aperte de illo testificatus est. Et Ioannes re
 platus Spiritu sancto in vtero matris, deinceps
 eum qui spiritum illi dedit, annuntians, Ego, in
 quit, vos baptizo in aqua ad poenitentiam, qui au
 tem post me venturus est, &c. ipse vos baptiza
 bit in Spiritu sancto & igne. Cur autem dicit, &
 igne? Quonia in linguis igneis aduentus Spiritus
 sancti apparuit. De quo dicit gaudens Dominus:
 Ignem veni mittere in terram, & quid volo, nisi vt
 excandescat? Hic Spiritus sanctus descendit cu Do
 minus baptizaretur: ne baptizati dignitas lateret,
 vt Ioannes inquit: Sed qui misit me baptizare in
 aqua, ille mihi dixit, in quemcunque videris spi
 ritum descendente, & manentem super eum, ipse
 est qui baptizat in Spiritu sancto. Sed considera
 quid dicat Euangelium: Aperi sunt caeli: aperti
 sunt propter dignitatem descendens verbi. Ecce
 enim, inquit, aperi sunt caeli: & vidit spiritum
 Dei descendente sicut columbam, & venien
 tem super eum. Indicat quod suae potestatis
 motu descenderet. Oportebat enim, vt interpre
 tati sunt aliqui, primitias & praecipua sancti Spi
 ritus baptizatae humanitati Christi Saluatoris
 exhiberi, qui talem allis dat gratiam. Descen
 dit autem forte in specie columbae munda, vt
 aliqui dicunt, tanquam simplicis, propter pu
 ros & innocentes, & pueros paruulos, qui nasc
 untur ex Spiritu sancto, & propter remissionem
 peccato

*Primitiae Spiritus
 in Christo.*

peccatorum, orationibus consequendam. Sicut in enigmate prædictum est de eo, quod super Christum visibiliter apparebit. In Canticis enim de sponso præcinit, & dicit: Oculi tui sicut columbæ, super plenitudines aquarum. Huius aliqua ex parte ferebat typum secundum quosdam, columba illa Noë. Nam sicut per illius lignum & aquam facta est ipsis quidem salus, nobis autem initium novæ generationis: & columba reuersa est ad eum sub vesperum, habens virgam oleæ. Sic, inquit, & Spiritus sanctus descendit super verum Noë, alterius generationis factorem, vniuersorumque gentium voluntates in vnum congregantem. Quotum typum habebant diuersæ in arca animalium species. Nonne hoc tempore spirituales lupi cum agnis simul pascuntur? Nonne habet Ecclesia vitulum & taurum cum leone simul pascentes? Sicut ad hodiernam vsque diem cernimus mundanos principes regni, & instructi ab Ecclesiasticis. Descendit igitur, vt interpretantur aliqui, intelligibilis seu spiritualis columba tempore baptismatis, vt ostenderet hunc esse, qui per lignum crucis saluat credentes, qui sub vesperum per mortem suam effecturus sit salutem. Ac de his & alijs, vt patet, posset esse enarratio. Cæterum Saluatorem ipsum amplius audire debemus, de sancto Spiritu verba facientem. Dicit enim: Nisi quis renatus fuerit ex aqua & spiritu, non poterit ingredi in regnum Dei. Et quod a patre sit gratia, dicit: Quanto magis pater celestis

Principes mundi subius Ecclesiasticis.

dabit Spiritum sanctum credentibus ipsi. Et quod
 Deus in spiritu sit adorandus: Sed veniet, inqu
 hora, & nunc est, quando veri adoratores ad
 rabunt patrem in spiritu & veritate. Tales eni
 pater querit, qui adorēt eum. Spiritus est Deus
 & qui adoratur eum, oportet ut in spiritu & ve
 ritate adoret eum. Et rursus: Si ego in spiritu d
 elicio demonia. Et statim: Propterea dico vob
 Omne peccatū & blasphemia dimittetur homin
 nibus, Spiritus autē blasphemia nō dimittetur
 Et: Si quis dixerit verbum contra filium homin
 nis, dimittetur illi: si quis autem dixerit verbum
 contra Spiritum sanctū, non dimittetur illi, ne
 que in presenti, neque in futuro seculo. Et iteru
 rum: Et ego rogabo patrem, & alium paraclē
 dabit vobis, Spiritū veritatis, quem mundus co
 pere non potest, quia apud vos manebit, & in v
 bis erit. Et iterum: Hec locutus sum vobis, ap
 vos manens. Paraclētus autem Spiritus sanctus
 quem mittet pater in nomine meo, ille docebit
 vos omnia, & reducet in memoriam omnia qu
 cunque dixi vobis. Et: Cū autem venerit para
 clētus, quem ego mittam vobis à patre: Spiritu
 veritatis, qui à patre procedit, ille testimoniu
 perhibebit de me. Et: Si ego non abiero, para
 clētus non veniet ad vos: & cū venerit ille, argu
 mundū de peccato, & de iustitia, & de iudicio.
 Et: Adhuc multa habeo dicere vobis, sed non
 testis portare modò: quando autem venerit i
 spiritus veritatis, edisseret vobis omnem veri
 tatem: Non enim loquetur à semetipso. Et: Si

*Blasphemia in
 Spiritum non
 dimittetur.*

*venit in nomine
 meo, & c.*

quæcunque audiet loquetur, & quæ vêtura sunt, annuntiabit vobis. Ille me glorificabit: quia de meo accipiet, & annuntiabit vobis. Ipsius nunc vnigéniti eloquia légo tibi, ne verbis humanis aûrem adhibeas. Huius Spiritus sancti participationem largitus est Apostolis, vt scriptum est: Hoc cùm dixisset, insufflauit, & dicit eis: Accipite Spiritum sanctum. Quorum remiseritis peccata, remittentur eis, quorû retinueritis, retenta erunt. Altera hæc est sufflatio: quâdoquidẽ illa prima obscurata est per volutaria peccata, vt impleatur quod scriptum est: Ascendet sufflans in faciẽ tuã, liberãs de tribulatione. Vnde autẽ ascendet, vtrû ex inferno? Sic enim partabat Euangelium, quod post resurrectionem, tunc demum insufflauit in eos. Sed dat quidem nunc gratiam, addit autem auctarium amplius, & ait ad eos: Paratus quidẽ ego sum dare, sed nondum id capere potestis. Interea accipite gratiã qui potestis, deinceps autem suscipietis abundantiorẽ, vos sedete in ciuitate Hierusalẽ, donec induamini virtute ex alto. Nũc accipite ex parte, tunc accipietis perfectẽ. Nã ille qui suscipit, persẽpẽ habet id ex parte: qui autem veste induitur, vndique illi circumdatur. Non metuitis, inquit, arma diaboli & iacula, habetis enim virtutẽ Spiritus sancti. Memineritis autẽ eorum quæ modò dicta sunt, quod spiritus nõ diuiditur, sed gratia quæ fit per illum. Ascendit igitur in cælũ, & promissionẽ impleuit: Dixit enim ad ipsos: Et ego rogabo patrẽ, & alium paracletũ dabit vobis: Sedebant expectantes aduentũ Spiritus,

Nona Dei sufflatio.

ritus, & cū essent cōpleti dies pentecostes, hic in ciuitate ista Hierusalē (nostra enim est ista gloriatio, & loquimur non de his beneficiis, quæ apud alios facta bonis: sed de his quæ apud nos exhibita sunt) Pentecostes igitur cū esset, residebant, & aduenit paracletus de cælis custos, & sanctificator Ecclesiæ, animarum gubernator, & fluctuantium feruator. Remunerator certantium, & vincientium coronator. Descendit autē ut & virtute induat, & ut baptizet Apostolos: Dicit enim Dominus: Vos autē baptizabimini in Spiritu sancto: Nō ita multo post: Nō est ista gratia ex parte, sed perfecta virtus. Ut enim is qui mergitur in aquas & baptizatur, vndique ab aquis circumdatur: sic & illi à Spiritu baptizati sunt perfecte. Sed aqua quidē exteriùs circumdat, spiritus autem interiorem animā abluit incomprehensibiliter. Et quid miraris? accipe exemplum corporeū, paruū quidem & facile, vtile autem simplicioribus. Si ignis perferri spissitudinē interius transiens, totū efficit ignem, & frigidū fit feruēs, & nigrum fit lucidū. Si ignis cū sit corpus in corpus ferri ingrediēs, sic absque vllō impedimento ut vides operatur, quid miraris, si Spiritus sanctus in animæ interiora ingrediatur? Ne autē tantæ gratiæ descendētis lateret magnitudo, tanquā tuba cælestis intōnuit. Factus est, inquit, repentē sonus de cælo tanquā aduenientis spiritus vehemētis, significando præsentiam illius, qui id concedit hominibus, ut vi rapiant regnum cælorum: ut & oculi viderent igneas linguas & aures audirēt sonum

Apostoli spiritu sancto baptizati sunt.

Immersio in baptismo.

Spiritus quomodo penetret animam.

Et repleuit domum vbi erant sedentes . Facta est
 réceptaculū spiritalis aquæ illa domus: Discipuli
 intus sedebāt, & domus vniuersa repleta est. Ba-
 ptizati igitur sunt sine vllo defectu, secundū pro-
 missionem. Induti sunt in animo & corpore diui-
 no indumento, & salutari: & appaſuerūt illis dis-
 peritæ linguę tanquā ignis: seditque supra sin-
 gulos ipsorum, & repleti sunt omnes Spiritu san-
 cto. Ignem non vrentē accipiebant, sed salutarem
 ignē, comburentem delentemque spinas pecca-
 torum, animam autē illuminantē. Hic etiam nūc
 in vos vĕturus est, & spinosā quidē peccata vestra
 sublaturus & dissoluturus; pretiosam autē animę
 vestræ possessionē illustraturus & grātiā vobis
 largiturus. Quę etiā Apostolis donata est. In spe-
 cie autē linguarū ignearū sedit super illos, vt no-
 uę corone spiritalēs, per linguas igneas imponan-
 tur capiti illorū . Gladio igneo antea prohibebat
 ingressum paradisi. Ignea autē lingua salutarē prę-
 stitit grātiā . Et cęperunt loqui variis linguis,
 prout spiritus dabat eloqui illis. Galilaus Petrus
 & Andreas, vel Petſea, vel Meda lingua loque-
 bantur. Ioannes & reliquī Apostoli, omni lingua
 loquebantur eis, quī ex gentibus erant. Nō enim
 nunc incępit hūc extēnarū gentium multitudo
 vndique congregari, sed iam olim . Quis tantus
 inueniatur dōctor, qui statim docuit quæ nō di-
 cēerant? Tot annis per Grammaticā, & per
 alias artes discunt tantū Gręcē benē loqui, neque
 tamen omnes similiter loquuntur; sed Rhetor
 pulchrē, grammaticus aliquando non pulchrē:

Et

*Linguarū &
voluntatū con-
fusio in Baby-
lone.*

Et qui grammaticā nouit, philosophica ignorat. Spiritus autem sanctus docuit multas linguas quas toto illi tempore superiori ignorabant. Hoc est reuerā multa sapientia, hæc veritas & potētia. Qualis comparatio, ignorantia illius, quæ fuit multo tempore, ad repentinam externarum, diuersarumque linguarū cognitionē. Facta est confusio multitudinis audientium. Alia sanē confusio ab illa mala, quæ fuit in Babylone. Nam illa confusione linguarū, facta est diuisio voluntatū: quoniam sapere illud fuit cōtra Deū. Hic autem restitutio, & unio sententiarū: quoniam piūm erat hoc studium. Et sicut per illos casus & defectio à Deo, sic per hos reductio ad Deū. Per quæ fuit defectio, per eadē reductio. Vnde mirabantur dicentes: Quomodō nos audiuius loquentes illos? Nihil admirandum, si vos ignoratis, cum & Nicodemus ignorabat spiritus aduentum. Ad illū enim dictū erat: Spiritus ubi vult spirat, & vocē eius audis, sed nescis vnde veniat, aut quò vadat. Et cum audiendo vocem illius, nescimus tamen vnde veniat, aut quò vadat, substantiā eius quomodō enarrauerimus? Alij autem irridentes dicebant: quia multo pleni sunt isti. Vera quidem dicentes, sed irridendo. Nouum enim verē erat illud vinū noui testamēti gratia. Sed nouum hoc vinum est à spiritali vinea, quæ iam antea per seipē in prophetis fructū ferebat, & in nouo testamēto re floruit. Vt enim sensibilis vinea semper manet eadem, succēssu autem temporum nouos adfert fructus: sic & Spiritus sanctus idem semper ma-

Vinū spiritus.

nens sicuti est, qui sapè in prophetis operabatur, nunc nouum quiddā & admirandū declarauit. Extensa fuit & in patres gratia, sed hīc per excellentiam. Illic enim participes tantū erant Spiritus sancti, hīc autē perfectē ab illo baptizati, seu immerſi sunt. Sed Petrus habēs Spiritum sanctū, & sciens quid haberet, dicit: Viri Israëlītæ, qui Ioēlem quidem profitemini, nescitis autem quæ scripta sunt ab eo. Nō ita, sicut vos existimātis, isti ebrij sunt, sed sicut scriptū est: Inebriabuntur pinguedine domus tuæ, & torrēte voluptatis tuæ potabis eos. Inebriati sunt sobria ebrietate, quæ peccatum mortificat, & cor viuificat. Ebrietate omnino cōtraria illi corporeæ ebrietati. Illa enim & eōgnitorum inducit obliuionem: hæc autē etiam ignoratorum notitiā donat. Inebriati sunt bibentes vinū spiritualis vitis, illius quæ dicit: Ego sum vitis, vos autē palmites. Si autem non confiditis mihi, ex ipso tempore intelligetis verū esse, quod dicitur: est enim hora tertia diei. Hora enim tertia crucifixus est, vt Marcus dicit: Tertia hora misit gratiam. Nō enim alia gratia illius, & alia huius, sed qui tunc crucifixus est, & promisit, impleuit quod promisit. Quod si testimoniū quoque habere vultis, audite quod etiam dictum est per Ioēlem prophetā: Et erit postea dicit Dominus: Effundam de spiritu meo super omnem carnem. Quod autē dicit, effundam, abundantē designat spiritus donationē: nā hīc nō ad mensurā Deus dat spiritū. Deus Pater enim amat filiū, & omnia dedit in manū eius. Dedit illi potestatem, etiam

*Ebriet. u. sobria
que su.*

*Tertia hora
crucifixus, &
spiritū misit.*

donare

dionare gratiā Spiritus sancti, cui Iesus voluerit. Effundam de spiritu meo super omnem carnem, & prophetabunt filij vestri & filia. Et deinde: Et super seruos meos, & super seruas meas, in diebus illis effundā de spiritu meo, & prophetabūt. Spiritus sanctus nō est acceptor personarū. Non enim quærit status amplitudinē, sed animæ probitatem: neque diuites efferantur, neque pauperes animum deiiciāt, tantum modò vnusquisque sese paret ad cælestis gratiæ susceptionem.

Multa quidem vobis hodiè dixi, quibus fortè iam aures fatigatę sunt, sed lōgè plura prætermisi, ac opus esset reuerā de doctrina Spiritus sancti & tertia & pluribus catechesibus. Ignoscatur autem nobis id vtrunque. Nā cū & festū paschatis iam instet, et sermo nobis hodiè prolixus erat. Itaque tot testimonia, quot essent necessaria, de nouo testamento in mediū producere non licet. Desunt enim nobis multa ex Actis Apostolorū. In quibus Spiritus sancti gratia in Petro & omnibus simul Apostolis operabatur. Desunt multa & ex catholicis, & Pauli quatuordecim epistolis, ex quibus pauca nūc, tanquā ex magno prato, flores colligere conabimur. In virtute enim Spiritus sancti, voluntate patris & filij, stans Petrus cum vndecim, & eleuans vocē suam, (secundū illud: Exalta cū sonitu vocē tuam, qui euangelizas Ierusalem) reti verborum animas circiter triūm milliū cepit. Talis & in aliis simul Apostolis gratia abundabat, vt etiam ex Iudæis ipsis qui Christū crucifixerāt tot crediderint, et in nomine Christi

Christi baptizati sunt, & perseverarunt in doctrina Apostolorum & orarēt. In eadē quoque virtute Petrus & Ioannes, ingrediētes templi circa horam nonā orationis, & eum qui fuit in porta speciosa claudū ab utero matris, ab annis quadraginta sic existentē, in nomine Christi curarunt, ut impleretur quod dictū est: Tunc saltabit claudus: uti certus. Spiritualis enim doctrinæ sagena quinque millia credentium simul ceperunt. Principes autē populi, & sacerdotum errantes redarguerunt: non per propriā sapientiā: sine literis enim & idiotæ erāt, sed per spiritus efficaciam. Scriptum est enim: Tūc Petrus plenus Spiritu sancto dixit ad ipsos: Ac tantoperē per duodecim Apostolos sancti Spiritus in credentibus virtus operabatur, ut unū esse illis cor, & anima una videretur. Communia erant illis omnia, & possessores pretia possessionum venditarum, libenter illis adferebāt, ita ut egenus inter illos esset nemo. Ananias verò & Saphira volentes mētiri Spiritui sancto, dignā perpeSSI sunt vindictā. Per manus Apostolorum fiebant signa & prodigia multa in populo, ac tanta circumfusa erat Apostolis spiritalis gratia, ut quāvis māsueti essent, metuendi tamen viderentur. Denique nemo ausus est illos prohibere, sed populus etiam magnificabat illos, & nationes illis accedebāt. Et fidelium tam virorum, quā mulierum numerus augebatur, & ægrotorum cum lectis, & grabatis plateæ plenæ erant, ut prætereunte Petro, vel umbra aliquem ex illis attingeret. Congregabatur & ex vicinis civitatibus multitudo in sanctam hanc

Sagena doctrinæ.

hanc ciuitatem Ierusalē, adferētes agrotos & infirmos, & à spiritibus immūdis obsessos, qui omnes curabātur in hac Spiritus sancti virtute. Tum verò duodecim Apostoli, propter Christi prædicationem, à Principibus sacerdotum coniecti in custodiā, ab angelo noctu præter opinionē ab ea sunt educti, & rursus ex templo ad tribunal corā illis adducti, intrepidè redarguebant illos in his quæ cōtra Christū dicebant: atque hoc addebant quod Spiritum sanctū dedit Deus credentibus ipsi: & propterā vapulati ibant gaudentes: neque cessabant docere & euāgelizare Christū Iesum.

Neque verò in duodecim tantum Apostolis erat eiusmodi gratia: verum etiam in primogenitis filiis huius aliquando sterilis ecclesiæ, in illis inquam, septem diaconis. Et ipsi enim redarguebant, vt scriptū est, pleni Spiritu sancto, & sapientia. Ex quibus præcipuus Stephanus, martyrum summus, vir plenus fide, & Spiritu sancto, faciebat signa & prodigiā magna in populo, certabatque cum aduersariis, neque poterant resistere sapientiæ & spiritui, qui per eum loquebatur. Calumniis autē oppressus, & ad iudiciū adductus, resplenduit vt angelus: vt etiam hi qui sedebant in concilio, viderēt faciem eius tanquam faciem angeli. Quia verò sapienter responderet, & duræ ceruicis, incircūcisique cordis & aurium Iudæos redargueret, qui semper Spiritui sancto reluctantur, cum lapidaretur, vidit celos apertos. Vidit & filium hominis stantē ad dexteram patris. Vidit non sua virtute, sed vt inquit scriptura, diuina.

Cum

*Diaconi septē
Hierosolym.*

Cùm autem esset plenus Spiritu sancto, suspiciēs in cælum vidit gloriam Dei, & Iesum stantem ad dexteram Dei. In eadem virtute Spiritus sancti, & Philippus in nomine Christi, in ciuitate Samariæ, eiciebat spiritus immundos, magna voce clamātes: Paralyticos & claudos curauit, multāque credentium in Christū adiunxit multitudinem. Aduenientes deinde Petrus & Ioannes per orationem & manuum impositionem, Spiritus sancti communicationem tradebant, à qua solus Simon magus iustè exclusus est. Aliàs quoque idem Philippus ab angelo Domini vocatus in itinere, propter illum pientissimum Eunuchum Æthiopem & ab ipso etiam spiritu admonitus; accessit, & adiunxit se currui illius, docuitque Æthiopem, & baptizauit, atque in Æthiopiā vsque Christi præconem misit, sicut scriptum est: Æthiopia præueniet manus eius Deo. Et: Raptus à spiritu, reliquis ciuitatibus prædicabat.

Eodem Spiritu sancto repletus erat Paulus, posteaquàm vocatus est à Domino: Et testis nobis occurrit horum verborum Ananias ille pius, in Damasco dicens ad illum: Dominus Iesus, qui in viā, qua veniebas, apparuit tibi, ipse misit me, vt visum recipias, & replearis Spiritu sancto. Quod etiam statim effecit, ac oculorum quidem Pauli cæcitatem cōuertit in visum: animæ autem

sigillum spiritus.

figillum spiritus impressit, vasque illud electum effecit, quod apertè illius Domini, qui apparuit ei, nomē ferret, & persecutorem in prædicatorem, seruumque bonū mutauit, qui ab Hierosolymis

vsque ad Illyricum disseminauit Euāgelium: qui Regiam quoque Roinam instituebat, & in Hispaniam vsque promptitudinem prædicationis extendit. Milleque interea sustinuit labores & incommoda: signaque & portenta peregit, de quo hæc sufficiant.

Petrus Princeps Apostolorum, & clarior celi.

In eadem Spiritus sancti virtute & Principes Apostolorum, & regni cælorum clauiger Petrus, Lyddæ, quæ nunc Diapolis vocatur, in Christi nomine paraliticum Æneam curauit. Ioppæ verò Tabitham à mortuis excitauit, vbi etiam in domo cum esset, in extasi vidit cælum apertum, & inde linteum veluti vas demitti, plenum animantibus diuersorum generum & specierum: audiuitque vocem dicentem, nihil esse homini immundum, ita vt neminem deinceps communem, aut immundum diceret hominem, etiamsi ex Græcis esset, id manifestè didicit. Et à Cornelio requisitus, ab eodem rursus spiritu apertè audiuit: Ecce viri quærunt te: sed consurgens vade cum illis, nihil discernens, quia ego misi illos: vnde palam est, quòd etiam hi qui sunt ex gentibus credentes, gratiæ Spiritus sancti fiunt participes. Cùm autem Petrus venisset Cæsareã, & de Christo prædicaret, scriptura dicit de Cornelio, & iis qui cum illo erant: Adhuc loquente Petro verba hæc, cecidit Spiritus sanctus super omnes audiētes illū sermonē. Ita vt hi, qui ex circumcisione cum Petro venerant, mirarētur, & stupefacti dicerent, quòd etiā in gentes donū Spiritus sancti effusum est. Antiochiæ verò Sirie ciuitate clarissima prædicationis

tionis Christi cooperator bonorū Barnabas hinc missus, vir bonus & plen⁹ fide & Spiritu sancto, magnā credentiū in Christū messēm facit. Atque Paulum Tharso Antiochiā, cooperatorē induxit. Quoniā autē turbē iā multē in illa Ecclesia erant ab illis conuersæ, factū est, vt Antiochiæ primū discipuli vocarentur Christiani, vti olim à Domino prædictū est: credētibz nomen nouū ex Spiritu sancto imponēdo. Diffusa postea à Domino Antiochiæ maiori gratia spiritali. Prophetæ etiā erant illic & doctores, inter quos & Agabus. Sacrificātibz autē illis Domino, & ieiunantibus, dixit Spiritus sanctus: Segregate mihi Paulum & Barnabam in opus, ad quod elegi eos: & impositis manibus missi sūt à Spiritu sancto. Certum est autem spiritum loquentem & mittentem viuere, subsistere & agere, vt antea diximus.

Christiani Antiochiæ primū vocati.

Idem Spiritus sanctus in vnitāte patris & filij, nouū testamētū in Ecclesia catholica constituens, liberauit nos à graui iugo Legis, de cōmunibus & immūdis cibis dico, sabbatisque, & nouiluniis, atque circuncisione, de aspersiōibz, & sacrificiis, quæ ad tempus quidem data, vmbra habebant futurorum bonorum. Adueniente autem veritate, cohibita sūt meritō. Nam propter eam, quæ fuit Antiochiæ, quæstionem, qui dicebant, necessarium esse circuncidi, & legem Moyſis seruare, Paulo & Barnaba misso Hierosolymam; Apostoli qui hūc erant Hierosolymis, omnibus legalibus, & typicis rebus per scriptam epistolam vniuersum orbem liberarunt.

Apostolico decreto à Lege sumus liberati.

Num data illis erat tantæ rei authoritas? Sed fagentur scripto missio: Visum est Spiritui sancto & nobis, nihil amplius oneris nobis imponere præter hæc quæ necessaria sunt, vt abstineatis ab Idolothytis, à sanguine suffocato & fornicatione. Per quod scriptum hoc apertè declararunt. Quod tametsi ab hominibus Apostolis hoc erat scriptum, sed ex Spiritu sancto Oecumenica est constitutio. Quod ij accipientes qui erant cum Barnaba & Paulo, in vniuersum orbem deuexerunt. Cum iam eò perducta est oratio, dari mihi veniam peto à vobis dilecti: imò magis ab ipso spiritu in Paulo habitante: si nō omnia eiusmodi persequi potero, cum propter imbecillitatem meam, tum verò lassitudinem vestram. Quando enim dignè possem enarrare, quæ virtute Spiritus sancti, in Christi nomine, miracula facta sunt? quæ in Cypro facta sunt contra Elimam magum, claudorū & agrotorum curationes: in Cylícia, Phrygia, Galatia, Misia, & Macedonia. Tū Philippis prædicando, & Phytonis in Christi nomine expulsionem, & nocte post terræ motum custodis, & totius domus per baptismum salutē. Tum Thessalonice & mediis Athenis in Areopago concionē, aut Corinthi, & in tota Achaia doctrinas. Quomodo autē pro dignitate discram, quæ à Spiritu sancto per Paulū factæ sunt Ephesi operationes? Quomodo ignorantes quidē istic prius à Paulo edocti cognouerūt, & cū manus illis imponeret, veniebat in eos Spiritus sanctus, & loquebantur linguis, & prophetabāt. Tanta autem erat in illo gratia

Humana constitutio obligat omnes.

Opera spiritus

gratia spiritalis, vt nō modò quos attigisset sanaret: verum etiam de corpore eius sudaria & semicinctia morbos curarēt, & expellebant dēmonia. Quid eos commemorem, qui curiosa fuerant sectati, & congestos libros coram omnibus cōbuserunt? Prætereo Eutichum, Troade somno correptum, & à tertio cœnaculo lapsum, sublatūque mortuū, à Paulo verò seruātū. Prætereo quid, ad seniores Ephesi Miletū vocatos apertè locutus est, quòd Spiritus sanctus, per omnes ciuitates testimonium perhibebit mihi dicēs: Propter hoc enim dictum, quòd per omnes ciuitates manifestabat Paulus: quòd ea, quæ in vnaquaque ciuitate ab illo fiebant miracula, Spiritus sancti energia essent, & nutu Dei, & in Christi nomine, qui per eum loquebatur. Virtute huius Spiritus sancti festinauit in hanc sanctam Hierusalē idem Paulus. Et quæ Agabus euentura illi in spiritu prædixerat, pertulit de Christo differens: Casareā verò adductus, & in mediis iudiciorū subselliis, nunc coram Felice, nunc corā Festo præside & Agrippa rege, tātā ex Spiritu sancto victricem sapientiæ gratiam habebat, vt ipse iam rex Iudæorū Agrippa diceret: Parum abest, quin me feceris Christianum. Idem Spiritus sanctus eam vim Paulo præbuit, vt cū in Melita iētus esset à lacerta, nihil ei noceret, diuersasque rationes sanandi ægrōtos distribuit. Idem Spiritus sanctus, eum qui fuit persecutor, præconem Christi factum ad Regiam vsque Romam perduxit, qui multis illic Iudæis, vt in Christum crederent, persuasit. Cōtra-

dicentibus autem apertè dicebat: Rectè locutus est Spiritus sanctus per Esaiam prophetā dicentē ad patres, &c. Et quòd Spiritu sancto plenus erat Paulus, & eius socij omnes Apostoli: & qui per eos in patrem, filium, & Spiritum sanctum consubstantialē crediderūt. Audi, quā apertè dicat in Epistolis suis scribens: Et sermo meus, & prædicatio mea, non in persuasibilibus humanæ sapientiæ verbis, sed in ostensione spiritus & virtutis. Et iterum: Qui nos signavit Deus, dans nobis in hoc ipsum arrabonem spiritus. Et iterum: Qui excitavit Christum à mortuis, vivificabit & mortalia corpora vestra, per inhabitantem ipsius spiritum in vobis. Et rursus ad Timotheum scribit: Bonum depositū custodi per Spiritum sanctum, qui datus est nobis.

Quòd autem spiritus vinat, & subsistat, & loquatur, & prædicat, sæpè iam vobis in superioribus dictū est. Scribit enim apertè ad Timotheū Paulus: Spiritus autē apertè dicit, quòd in novissimis temporibus discedent quidam à fide. Quæ quidem schismata non solum in superioribus, verum etiam nostris temporibus videmus, vario & multifido hæreticorum errore existēte. Et iterum: Quæ aliis generationibus non indicavit, ea nunc filiis hominum revelavit sanctis Apostolis suis & prophetis in spiritu, & reliqua. Et iterum: Testimoniū autem perhibet nobis Spiritus sanctus. Et rursus iustitiæ milites adhortans, dicit: Galeam salutis accipite, & gladiū spiritus, quod est verbū Dei, cū omni oratione & deprecatione.

Et: Non inebriemini vino, in quo est luxuria, sed impleamini spiritu, loquentes mutuò, in psalmis & hymnis, & canticis spiritualibus. Et: Gratia Domini nostri Iesu Christi, & dilectio Dei, & communicatio Spiritus sancti sit cū omnibus vobis. Per quæ quidem omnia, & quæ prætermissa sunt longè plura, intelligentibus patet, substantialis, sanctificans, & operans virtus Spiritus sancti. Tempus enim me deficeret, si, quæ reliqua sunt de Spiritu sancto, dicere velim, ex his quatuordecim Pauli epistolis, in quibus diuersimodè, sufficiēter pieque docuit. Munus autē erit ipsius Spiritus sancti: nobis quidem, si in aliquibus deficiamus propter paucos hosce prædictos dies, veniam dare: vobis verò auditoribus eorum, quæ defunt, perfectiorem infundere cognitionē, præsertim vobis, qui crebriori diuinarum scripturarum studetis lectioni, vt ea faciliè discatis.

Iam verò ex præsentibus hisce catechesibus, & ex his, quæ à nobis antea dicta sunt fidem habetis firmiorem, in vnum Deum patrem omnipotentem, & in Dominum nostrum Iesum Christum, filium Dei vnigenitum, & in Spiritum sanctum consubstantialem & paracletum. Dictionis autem huius, & appellationis Spiritus, in sacris scripturis est etiam cum aliis communicatio. Dicitur enim & de patre, Spiritus est Deus, vt in Euāgelio Ioannis scriptum est. Et de filio: Spiritus faciei nostræ Christi Dominus, vt dicit Ieremias propheta. Et de Spiritu sancto: Paracletus autē Spiritus sanctus, vt dictum est. His itaque quæ in

ordine fidei pia sunt intellectis, & Sabellij reiecto errore, ad ea quæ nunc vrgent, & vobis vtilia sunt, sermonem conuertamus.

Cave ne fortè simulans tanquàm Simon ad baptismum accedas, cor autè tuum veritatē non quærat. Nostrum est testificari: vestrū autē cōfirmari. Si firmiter in fide perstiteris, beat⁹ euades: si incideris in perfidiā, abiice deinceps illā, & sis certissimus. Tempore enim baptismatis cū ad Episcopū accedis, aut presbyterū, aut diaconum, vbiq̃ue enim gratia, & in oppidis, & in ciuitatibus, & apud idiotas, & apud eruditos, & apud seruos, & apud liberos: quoniā nō ex hominibus est ea gratia. Tu quidē accede ad baptismū: accede autē, non vultū tantū istū visibilē baptizantium respiciēs, sed memineris istius Spiritus sancti, de quo nunc nobis sermo est. Hic enim paratus adest obsignare animā tuā, & dare tibi signaculū, quod dæmones tremūt, caeleste quoddā & diuinum, sicut scriptum est: In quo etiā credētes signati estis Spiritu sancto promissionis. Proba ergo animā, ne proicias margaritas ante porcos. Sin autē simulas, nihilominus homines quidē te baptizāt: spiritus autē te non baptizat. Si verò ex fide accedis, homines quidē id quod videri potest ministrāt, Spiritus autē sanctus simul inuisibilia magna efficit. Vnica hora in magnam venis disquisitionē, in magnumque certamen: Quod si perdidideris nō præparatur malū: si verò gratia tibi fuerit donata, illuminabitur aīa tua: accipies virtutē, quā non habebas. Accipies arma dæmonibus

horren-

horreda; quæ quidē arma si non abieceris, super anima signaculū habebis, ad quod dæmon non accedet. Timet enim propterea, quia in spiritu Dei eiiciūtur dæmonia: si credideris, non modò remissionē accipies peccatorū: verūm etiā supra vires humanas facies. Utinā verò dignus sis etiā prophetico charismate. Accipies enim tātum gratiæ, quantū capere poteris, & non quantū ego dico. Parua nanque me dicere cōuenit, te verò maiora accipere. Quoniam mercatura lata est fides. Custos paracletus est de te sollicitus, tanquā de suo milite, de introitu tuo, & exitu, de insidiatoribus tuis, & dabit tibi omnigena charismatū dona, si nō per peccata illū contristaueris. Scriptum est enim: Nolite cōtristare Spiritum sanctū Dei, in quo signati estis, in diem redemptionis. Quid igitur est præclarius, quā eiusinodi gratiā conseruare. Prompti sitis ad accipiendū donum spiritus, accipientes autē, ne deinceps illud abiiciatis. Ipse autem Deus vniuersorū, qui locutus est in Spiritu sancto per prophetas: qui misit illū in sanctos apostolos in die pentecostes, eundem & nunc ipse ad vos mittat, & per hūc eundem nos custodiat, communem omnibus nobis exhibens beneficentiam; ut ubique fructus Spiritus sancti reddamus, dilectionem, gaudium, pacem, longanimitatem, bonitatem, beneficentiā, fidem, mansuetudinem, continentiam, in Christo Iesu Domino nostro, per quem, & cum quo gloria patri cum Filio, & Spiritui sancto, nūc & semper, & in sæcula seculorum, Amen.

CATECHESIS DECIMA OCTA-
VA ILLUMINATORVM HIEROSO-
lymis extemporanea, de eo: *In vnā sanctā Catho-
licam Ecclesiam, & in carnis resurrectionem, &
in vitam aternam. Et lectio ex Ezechiele: Et fa-
cta est super me manus Domini, & posuit me in
medio campi, & hic erat plenus ossibus hominū.
& reliqua.*

* Animā eri-
git in spem.

RADIX totius bonæ operationis, est
spes resurrectionis: expectatio enim
retributionis incitat * mentem in be-
neficentiam: promptiorque fit omnis
operarius ad perferendos labores, si præmiū la-
borum præuiderit. Qui verò sine præmio labo-
rant, & anima & corpus illis concidit. Miles ex-
pectans præmia, alacris est in bellū. Nemo verò
tam indiscreto Regi militauerit, qui non soleat
brauia laborū exhibere, vt frustrā sit paratus mo-
ri. Sic & omnis anima credēs in resurrectionem,
meritò sibi parcit: non credēs autē resurrectioni,
exposita fit perditioni. Credēs manere corpus in
resurrectionem, parcit illi tanquā vesti, & non
polluit eam in iniquitatibus: qui verò non credit
resurrectionē, exponit sese libidini, ac veluti alie-
no abutitur corpore suo. Magna igitur est Eccle-
siæ catholicæ admonitio, fides de resurrectione,
& doctrina valde necessaria. Cui quidem multi
contradicūt, à veritate verò factum est, vt illi fi-
des habeatur. Contradicunt Græci, non credunt
Samaritæ, detrahūt hæretici. Multiplex enim est
contradi-

contradictio, sed simplex veritas. Et dicunt ad nos tam Græci, quàm Samaritæ: Occidit homo, mortuus, & cōputruit, & totus in vermes resolutus est, atque ij vermes quoque interierunt. Putrefactio tanta & corruptio corpus excepit, quomodo igitur resurget? Nauigatores à piscibus deuorati sunt, & ipsi quoque comesti sunt; eos qui cum bestiis pugnarunt, vrsi & leones, vnà cum ossibus comminuerunt. Vultures & corui mortuorum humi proiectorum corpora comederunt, & in vniuersum mundū dispersi sunt. Vnde congregabitur corpus? Nam auium, quæ illud comederunt, aliam quidem in India mori contingit, aliam in Perside, aliā in Gothia igne comburi, & ipsius cinerem ventus disperfit. Vnde id corpus congregabitur? Tibi sanè hominioni exiguo & imbecilli procul à Gothia, India, & Hispania à Perside videtur. Deo autem qui terram pugillo continet, omnia sunt propè. Non igitur pro tua imbecillitate, Deum arguas impotentia, sed potiùs illius potentia assentire. Si enim sol exiguum opus Dei, vno radiorum iactu, vniuersum orbem calefacit: & aër, quem Deus fecit, circumdat mundum, Deus autem & Solis & aëris opifex num distat à mundo? Cogita diuersa semina germinū misceri (infirmo enim tibi in fide, infirma propono exempla) & hæc diuersa semina tuo pugillo contineri. Est ne tibi homini res magna, an facilis, pugillum tuum aperire, & vnumquodque gerimen, secundum ipsius naturā colligere, & ad germen restaurare? Et tu quidē id in

Falsum multiplex, verum simplex.

id in tuo pugillo poteris, num & Deus, quæ il-
lius pugillo continentur, discernere, cōgregare
& restaurare non poterit? Considera quod dici-
tur, & si non est absurda redargutio, vel contra-
dictio hac in re vide: & ad rectam reuersus ratio-
nem, ad te ipsum redi. Diuersos habes seruos,
alij quidē sunt probi, alij mali, honoras probos
& malos verberas. Et si iudex es, bonos laudas,
punis iniquos. Si apud te hominem mortalem
est talis iustitia, apud Deum ne, Regem omnium
semperiternū, iustitiæ non erit retributio? Sed im-
pium est id negare. Perspice autē & istud: Multi
homicidæ in lecto impunè defuncti sunt: vbi i-
tur Dei iustitia? Sepè autem qui homicidia quinquaginta
patrauit, semel tantū capite plectitur: vbi igitur
illorū quadraginta nouem pœnas dabit? nisi post hanc vitam fuerit iudicium & retri-
butio: iniustitiā ne Dei arguis? Verūm noli
mireris dilationem damnationis: Omnis qui ce-
tat, posteaquā absoluit certamen, coronatur
aut contumelia afficitur. Neque prius agoneth-
decertantes coronat, quam omniū certaminum
finis aduenerit, vt postremò diiudicans, præmi-
victoriæ, & coronas proferat. Sic & Deus durā
adhuc in hoc mundo certamine, hætenus quod
dem iustis ex parte auxiliatur, deinceps autem
vnicuique perfectum præmium reddet.

Si non est resurrectio mortuorum secundū
te, cur mortuorū spoliatores condemnas? si eni-
periiit corpus, & desperata resurrectio, cur præ
mortui mulctatur? Vides, quod etiamsi neges

Iustitia Dei.

*Resurrectionis
conscientia.*

bū

biis, infracta tamen apud te manet resurrectionis conscientia. Tum verò arbor quidem excisa rursus floret, homo autè excisus non florebit? Et seminata demessaque in arcis manent, homo autè ex hoc mundo demessus, non manet in æternū? Et vitium surculi, aliarumque arborum omninò excisi, & transplantati, reuiuiscunt & fructificāt: homo verò, propter quem & illa sunt, cadens in terram, non excitabitur? Vt in discrimine opificiorum vtrum est maius, statuam quæ nulla erat, ab initio formare, an eam quæ ceciderit, in eandem rursus formam conflare? Qui ex nihilo nos fecit Deus, nunquid iam existentes & cadentes, rursus excitare non poterit? Si nō credis his quæ de resurrectione scripta sunt, gentilis existens ex rerū natura id perspice, & ex his quæ ad hodiernam vsque diem apparent, intellige. Seminatur frumentum, vel fortè aliud genus seminis, cadēs moritur, & quasi putrescit, fitque omninò ineptum ad cibum: sed mox illud putridum fit herbidum, & exile cadens surgit pulchrū. Frumentū autem fit propter nos, & propter vsum nostrū factum est: neque enim frumenta & semina sunt propter seipsa. Si ergo ista quæ propter nos nascuntur, mortua reuiuiscunt, nos verò, quorum causa & illa nata sunt, mortui, an non excitabimur? Brumale nunc tēpus vt vides, arbores nūc tanquàm mortuæ. Vbi enim folia ficus? Vbi botri vitis? Sed hæc quidē hyeme mortua, vere autem virētia apparent: Et cum tempus aduenerit, tunc veluti à mortificatione redditur viuificatio.

Videns

*Resurrectio
probatur ex
natura.*

Videns enim Deus tuam incredulitatem in his quæ videntur, singulis annis resurrectionem efficit: ut ea videns in rebus inanimatis, etiam de animatis rationalibus credas. Si muscæ quidē & apes, aqua suffocata: sæpè post tēpus anni resurgunt: & serpentū genera hyeme immobilia sunt æstate verò deinceps consurgūt: facilè sanè quilibet intelligēs his similia dederit exempla. Qui autē irrationalibus, & vilibus vitā præbet supernaturā: nōne idem nobis, propter quos & illa fecit, viuificationem donabit? Sed cū inquirūt Græci resurrectionem mortuorū, manifestius id esse volunt, atque dicunt: quamuis ista quidē excitantur, sed non omninò putrescunt, voluntque apertè videre animal putrefactum & resurgens. Vidit Deus hanc hominū incredulitatē, & auem quandam in hoc fabricatus est, quæ Phœnix appellatur. Hæc ut scribit Clemens, & alij complures idem referunt, cū sit vna tantūm avis, & sola, in terram Ægypti in spatio quingentorum annorum venire solet, atque demonstrare resurrectionem: non in locis desertis, ne mysteriū id ignoretur, sed in aperta ciuitate consistit, ut contrectetur quod non creditur. Septem enim sibi facit è thure & myrrha, cæterisque aromatibus, & completis annis eò deuenit. Moritur apertè & putrescit: deinde ex putrefacta carne mortuæ, vermis quidā generatur, & hic deinceps in auem efformatur. Non diffidas huic: nam & apium genera sic etiam ex vermibus formari vides, & ex ouis humidissimis pennas & ossa, & venas auiū

vidisti.

*Phœnix typus
resurrectionis.*

vidisti. Phœnix sanè præfatus excrefcēs in auem, talis euolat in aërē, qualis & mortuus erat, apertissimè mortuorum resurrectionem hominibus demonstrat. Admiranda quidē auis est Phœnix: sed auis tamen irrationalis, neque vnquam volans per aërem psallebat Deo: neque scit quis sit vnigenitus Dei filius. Ergo animanti quidem irrationali, & non cognoscenti factorem suum, resurrectio donatur: nobis verò glorificantibus Deum, & mandata eius custodientibus eadem non dabitur?

Sed quoniam longè petitū & rarum est Phœnicis exemplum, his qui non credunt: accipe aliam rursus demonstrationem ex his, quæ indies tibi sunt præ oculis: Ante centū vel ducentos annos, nos omnes qui loquimur & audim⁹, vbi eramus? Ac nescimus constitutionis nostræ subsistentiam? Nescis quomodò ex infirmis, rudibus, & confusis rebus generamur? & ex tam rudi infirmaque materia formatur homo: & quod erat imbecillum, incarnatū, in robur nervorum mutatur, & oculorum splendorem, & narium odoratum, & aurium auditum, & linguam loquentem, & cor saliens, & manus operantes, & pedes currētes, & in omnimodā membrorū speciem. Ac illud imbecillū fit navium fabricator, & domorū opifex, architectus & omnium artium operarius: miles, princeps, legislator & rex. Qui ex leuibus rebus ita nos facit Deus, num cadētes excitare non poterit? Et qui non existens fecit vt esset, nunquid cadens non subleua-

Resurrectio ex ipsa hominis generatione probatur.

subleuabit? Accipe autē & ex cælo apertam resurrectionis mortuorū demonstrationē, quæ in luminaribus mensibus singulis declaratur: Lunæ enim corpus, prorsus deficiens, ita vt nullum amplius appareat, rursus impletur, & ita vt erat in integrum restituitur. Si quidē pro huius rei perfectæ demonstratione, circuitu annotū, deficiens luna, & tota apertē sanguine quasi tinctā, denuò lucidū corpus recipit. Quod sanē Deus gubernat, vt & tu homo ex sanguine constans, de resurrectione mortuorum non dubites, & quod circum Lunam in cælo vides, hoc etiam de teipso credas. His itaque vttere verbis ad Græcos: nam qui scripturas non recipiunt, non scriptis eos armis oppugna, atque solis ratiocinationibus & demonstrationibus. Istis enim neque quis sit Moyses notū est, neque quis Esaias: neque Euangelia, neque Paulum agnoscunt.

Getes rationibus et non scripturis confutande.

Transeamus verò ad Samaritas, qui solam Legem recipiunt, prophetas nequaquam: quibus vanum videtur esse, quod modò ex Ezechiele lectum est. Prophetas enim, vt dixi, non recipiunt: Quomodò igitur & Samaritis persuadebimus? Veniamus ad scripta Legis. Dicit igitur Deus ad Moysen: Ego Deus Abraham, Isaac & Iacob: certum, quòd existentium, & subsistentiū. Si enim Abraham mortuus est, vel non existit, & Isaac & Iacob. Nunquid Deus est non existentium? Num aliquando dixit Rex, se Regem esse militū quos non habet? Quando aliquis ostentat diuitias, quas non possidet? Necessè est itaque subsistere,

Samaritæ Legem confutantur.

& Abra-

& Abraham & Iacob ut Deus sit existentiū Deus. Neque enim dixit, ipsoꝝ eram Deus, sed sum. Quod autem sit iudicium, dicit Abraham ad Dominū: Qui iudicas omnem terram, nequaquam facias iudiciū hoc. Ad hæc cōtrā insensati Samaritæ dicunt: Quod fieri quidem potest, ut animæ Abraham, Isaac & Iacob maneant, corpora autē resurgere non poterunt. Ita ne virgam quidem Moyſis iusti in draconem conuerti possibile est: corpora autem iustorum viuere & resurgere erit impossibile? Atque illud quidem præter naturam factum est: hoc autem secundū naturam non restaurabitur? Et virga Aaron excisa & mortua, absque humore aquæ reſloruit: atque hæc sub tecto existens, quæ in agris quondam florebat, nunc autem in aridis posita, fecit per vnā noctem ea, quæ per multos annos irrigata vix fecerit cū fructibus. Virga Aaron tanquā ex mortuis surrexit, & ipse Aaron non resurget? Cuius sanctitatē ut Deus declararet, in ligno miraculum fecit: ipsi autem Aaroni resurrectionem non largietur? Mulier illā præter naturam in sal conuersa est, & caro in carnem nō instaurabitur? Vxor Loth facta est statua salis: vxor autem Abraham non resurget? Qua autem virtute mutata est manus Moyſi, ut vna hora fieret tanquā nix, & rursus restituta, certum est quod mandato diuino. Quid ergo? tunc quidem mandatum erat efficax, nūc autem non erit efficax? Vnde autem ab initio totus homo factus est, ō insensati Samaritæ? Venite ad pri-

*Resurrectio ex
Lege probatur.*

pitis . Et creauit Deus hominem puluerem de terra. Puluis in corpus mutatur , & caro in carnem rursus non conuertetur? Quærendum esset à vobis, vnde constituti sunt cæli & terra, & mare, vnde sol & luna & astra? Quomoddò ex aquis volatilia & natàtia? Et quomoddò de terra omnia animantia? Tot myriades ex non existentibus, ad esse deductæ sunt, & nos homines, qui facti sumus ad illius imaginem, nunquid non resurgemus? Reuerà plena est res ista incredulitate , & multa reprehensione infidelium. Quando Abraham dicit ad Deum: Qui iudicas omnem terrā, & non credunt discentes legem. Quando scriptū est, quod ex terra homo, & non credūt id legentes. Illis igitur hæc tanquàm infidelibus, ex prophetis autem alia nobis credentibus.

*Resurrectionē
prophetæ asse-
runt.*

Cū autem & his vtentes aliqui diffidunt iis, quæ scripta sunt, ac proferunt nobis illud : Non resurgent impij in iudicio. Et illud: Cū descendit homo in infernum, non licet ascendere. Et, Non mortui laudabunt te Domine. His quæ benè scripta sunt, malè vtuntur. Bonum ergo est, obiter, quantum tempus patitur, nunc ista attingere, & illis respondere. Si enim dicit: Impij non resurgunt in iudicio, hoc significat, quòd non in iudicio. Neque magna Deo opus est inquisitione: simul vt resurrexerint impij, consequentur eos pænæ. Et si dicit: Non mortui laudabunt te Domine, hoc indicat, quòd pænitentia & remissionis peccatorum in hac vita tantū præscriptum tempus habemus. Dicit verò
& qui

& qui eo fruuntur, illum laudabunt. Non licet enim post mortem deinceps eos, qui in peccatis mortui sunt, sicut benefactoribus Deum laudare: sed lamentari. Laus enim est gratias agentium, stridor autem angustias patientium. Iusti igitur tunc Deum laudabunt. In peccatis autem mortui, tempus confessionis non habent. De eo autem, Si descendat homo in infernū, non licet illi ascendere; respice consequentiam: Scriptum enim est, non licet: & non, non ascendet, neque: & non reuertetur in propriam domum. Cum enim vniuersus mundus transierit, & omnes domus corrumpentur, quomodò in propriam domum reuerteretur, noua deinceps facta terra? Oportet autem ipsos audire Iob dicentem: Est enim arbori spes: si nanque excidatur, florebit, & vide quod truncus eius non deficit: si enim senuerit in terra radix eius, in petra verò moriatur truncus eius, ab odore aquæ florebit, & faciet fructum tanquàm nuper insitum. Vir autem mortuus peribit: cadens autem homo non amplius est? Modò non confundit, & increpat. Sic enim legendum per interrogationem illud, non amplius est? Quid enim, si lignum cadens, inquit, excitatur, homo propter quem lignum factum est, non resurget? Et ne putes me id torquere, lege quod sequitur. Post hanc enim interrogationē, Cadens homo non amplius est? dicit: Si mortuus fuerit homo, viuet. Et statim dicit: Expecto donec rursus fiā. Et iterū alibi: Cū tis, inquit, mea resurget, quæ ista patitur. Esaias

autem propheta dicit: Resurgent mortui, & excitabuntur qui in monumētis sunt. Apertissimè autem propheta Ezechiel dicit: Ecce ego aperio sepulchra vestra, & leuabo vos de monumentis vestris. Et Daniel dicit: Multi dormientiū in puluere terræ resurgent, alij in vitam æternam, alij verò in contumeliam æternā. Et scripturæ multæ testantur de resurrectione mortuorum: suntque alia permulta verba de illa.

Reliqua autē cursim prætereamus, vt Lazari quatriidnani resurrectionem propter tēporis breuitatem, vt filium viduæ excitatum. Et filia archisynagogi tantum mentio sit. Et quomodò scissæ sunt petrae, multaque corpora requiescentiū sanctorum apertis monumentis surrexerūt. Præcipuè autem recordemur, quòd Christus à mortuis surrexit. Prætereo Eliam, & filium viduæ ab illo excitatum: & Elizeum, bis excitantem, & in vita post mortem. Viuens quidem effecit resurrectionem per animam suam. Vt autem non solum anima sanctorum honoretur, credaturque quòd etiam in corporibus mortuorum inest virtus, seu potentia: iacens in sepulchro Elizei mortuus, mortuumque corpus prophetae attingens, viuificatus est, atque ita mortuum corpus prophetae, perficit opus animæ, & mortuum iacensque vitam præbuit defuncto: exhibensque alteri vitam, ipsum nihilominus mortuum perman-
sit. Qui de causa? Ne si surrexisset Elizeus, factum id soli animæ adscribatur: & vt demonstretur, quòd absente etiam anima, inest virtus quædam

*Reliquie san-
ctorum hono-
rande.*

*Corporibus san-
ctorum virtus
mirabilis inest.*

dam eiusmodi corporibus sanctorum, propter tot annorum inhabitatas in illis animas iustas, quorum ministerio usæ sunt. Neque verò diffidamus, ut rerum ignari, fieri istud. Si enim sudaria & semicinctia, extra corpus existentia, contacta ab ægrotis, liberabant illos ab infirmitate: quanto magis corpus ipsum prophetæ mortuum excitauit? Sunt quidem alia multa, quæ dicamus in hanc sententiam, si singula eiusmodi præter opinionem facta, persequenda essent. Propter labores autem superiores, & dilationem ieiunij Parasceues, & vigiliæ, ista quidem sic obiter dicta sunt, sparsim disseminata, ut vos quæ optima sint semina accipientes, copiosorem fructum feratis.

Veruntamen & illius mentionem faciamus, quòd Apostoli mortuos excitabant. Petrus quidem Ioppæ Tabitham, Paulus verò Troade Eutychum, & reliqui omnes Apostoli: quamuis non omnia scripta sunt, quæ unusquisque admiranda fecit. Memineritis quoque eorum, quæ Paulus Corinthiis scripsit, ad eos qui dicebant: Quomodo resurgent mortui, quali autem corpore venient? Et quòd si mortui non resurgent, neque Christus surrexit. Et quòd insipientes vocauit, non credentes, & reliquæ omnis doctrinæ illius de resurrectione mortuorum recordemini: & quòd ad Thessalonicenses scripsit: Nolumus autem vos ignorare fratres, de dormientibus, ne contristemini, sicut & cæteri, qui non habent spem, & cætera. Maximè verò,

quòd & mortui resurgent primi. Præcipuè autem hoc notate, quod modò non digito indicans Paulus dicit: Oportet enim corruptibile hoc induere corruptionem, & mortale hoc induere immortalitatem. Corpus enim hoc excitabitur non ita infirmum, sed ipsum quidem resurget, indutum tamen incorruptione transformabitur. Sicut ferrum in igne versatum, fit ignis. Magis autem, sicut nouit ille resurgēs Dominus. Resurget itaque hoc corpus, sed non tale manebit, verum erit æternum. Non amplius eiusmodi cibis ad vitam opus habebit, neque scalis ad ascensum: fiet enim spiritale. Admirandum quid, & quale pro dignitate declarare nequimus. Iusti splendebunt vt sol, & tanquàm luna, & sicut

Corpora futura splendida.

splendor firmamenti. Et præuidens istam hominum incredulitatem Deus, vermibus paruulis æstate lucidum dedit corpus, vt eo splenderent. Vt ex apparentibus crederetur id, quod expectamus. Qui enim partem potest præstare, poterit & totum. Et qui fecit, vermis vt lumine splenderet, multò magis illustrabit hominem iustum. Excitabimur ergo aterna habentes corpora, omnes autem similia: sed qui est iustus, corpus accipiet cæleste, vt possit cum angelis dignè conuersari. Si verò peccator est, accipiet corpus æternum, quo sufferre possit pœnas peccatorum, vt perpetuo in igne ardeat, & nunquàm dissoluatur. Et iustè vtrisque his ordinibus Deus hoc præbebit: nihil enim sine corpore à nobis gestum est. Blasphemamus per os, oramus

Corpus resurgens quale.

Corpora futura splendida.

Corpora aeterna malorum.

oramus per os, expiamus per os: Luxuriamur corpore, casti sumus per corp⁹: rapimus per manum, eleemosynas damus per manum: & reliqua similiter. Cùm igitur in omnibus cooperatur corpus, etiam in futuris fructum eius percipiet. Parcamus itaque fratres corporibus, & ne tanquàm alienis illis utamur. Ne dicamus ut hæretici, quòd corpus sit tanquàm aliena vestis, sed tanquàm propriis parcamus. Oportet enim nos reddere Deo rationem de omnibus in corpore factis. Non dicas, nemo me vidit. Neque putes, quòd testis factorum non sit, homo quidem quandoque non est: sed non errans testis est in cælo, & videt omnia quæ fiunt, & maculæ peccatorum manebunt in corpore. Ut enim *Macula peccatorum in corpore.* plaga accepta in corpore, etiamsi curata sit, cicatrix tamen manet: sic & peccatum vulnerat corpus, & animam, & manent signa cicatricum in omnibus. Tolluntur autem tantùm ab iis, qui lauacrum baptismi accipiunt. Itaque ea, quæ baptismum antecesserunt, animæ & corporis vulnera curat Deus per baptismum. Ad reliqua autem futura sic nos deinceps comuniamus omnes, ut mundam corporis hanc vestem custodiamus. Et ne per exiguam fornicationem, vel lasciuiam, aut aliquod eiusmodi peccati opus, perdamus cælestem salutem: sed ut hæreditemus regnum Dei æternum. Quo nos omnes sua gratia dignos efficiat Dominus. Atque hæc quidem de resurrectione mortuorum demonstrationes sufficiant.

Porro amplius fidei nostræ confessio iterum atque iterum vobis cum diligētia omni à nobis recitata, per vos ipsos profiteri & enuntiari for- miter debet: tum & illud memineritis, quòd iam proposita fides, seu fidei confessio hoc in se con- tinet: Et in vnum baptismum pœnitentiæ: In remissionem peccatorum: Et in vnam sanctam Ca- tholicam Ecclesiã, & in carnis resurrectionem, & in vitam æternã. De baptismo igitur pœnitentię, in prioribus vobis iam dictũ est Catechesibus, & de resurrectione quoque mortuorũ vobis dictũ est, propter illud: Et in carnis resurrectionem.

Dicantur autem reliqua tandem propter il- lud, Et in vnam sanctam Catholicam Ecclesiam. De qua multa dici potuissent: sed paucis ea com- prehendemus. Catholica igitur vocatur, quia per vniuersum sit orbem terrarum diffusa, à fi- nibus terræ vsque ad extrema. Et quia docet Ca- tholicè, hoc est vniuersaliter, & sine vllò defe- ctu vel differentia omnia dogmata, quæ debe- rent venire in cognitionem, de rebus visibili- bus & inuisibilibus, cœlestibus & terrestribus. Et quòd omne genus hominum piè subiugat principes & priuatos. Et quia in vniuersum cu- rat omne genus peccatorum, & quæ per ani- mam & quæ per corpus patrantur. Habeturque in illa omne genus (quocunque nomine voce- tur) virtutis, in factis & dictis, & spiritualibus charismatibus omnigenis. Aptè autem Ecclesia vocatur, quasi dicas conuocatio: propter omni- um conuocationem & cōgregationem. Sicut in

Leuitico

*In baptismum
in Ecclesia
credere.*

*Catholica Ec-
clesia cur di-
cta.*

*Ecclesia unde
dicatur.*

Leuitico dicit Dominus : Et omnē congregati-
nem conuoca ante ostiū tabernaculi testimoniū.
Nota hīc in scripturis, quod sit Ecclesiæ seu con-
uocationis nomē. Deinde & Aaronē in sanctua-
rio Dominus constituit. Et in Deuteronomio
Moyses : Tunc, inquit, Dominus dixit ad me,
Cōuoca populū, & audiātur verba mea, vt discāt
timere me. Rurſus nominis Ecclesiæ meminit,
cū inquit de tabulis : & in ipsis scripsit omnes
sermōnes, quos locutus est Dominus ad nos in
mōte de medio ignis in die Ecclesiæ. Quasi dice-
ret apertius, in die vocatorū à Domino cōgrega-
ti estis. Et Psaltes dicit: Confiteor tibi in Ecclesia
magna, in populo graui laudabo te. Antea igitur
cecinit Psalmus in Ecclesiis: Benedicite Dominū
Deū de fontibus Israël: posteaquā autē propter
factas Saluatori infidias Iudæi gratia exciderunt,
alterā ordinauit Saluator nostrā sanctā Ecclesiam
Christianā. De qua dixit Petro: Tu es Petrus, &
super hanc petrā ædificabo Ecclesiā meā, & por-
tæ inferni nō præualebūt ei. De his autē vtriusque
prophetans Dauid, apertē dicit: de prima quidē
excindēda: Odiui Ecclesiā malignantiū: de altera
verò ædificata in eodē psalmo dicit, Domine di-
lexi decōrē domus tuæ, Et deinde statim: In Ec-
clesiis benedicam te Domine. Vna enim in Iudea
reiecta, per vniuersum orbē deinde Christi mul-
tiplicate sunt Ecclesiæ. De quibus in psalmis di-
citur: Cātate Domino canticū nouū, laus eius in
Ecclesia sanctorū. Quibus consentanea propheta
ad Iudæos dixit: Non est mihi voluntas in vobis,

*Ecclesia ma-
lignantium.*

*Ecclesie
Christi.*

dicit Dominus omnipotens. Et iterū: Propterea
 ab ortu solis vsque ad occasum nomen meū lau-
 dabitur in gentibus. De hac autem secunda Ca-
 tholica Ecclesia, scribit ad Timotheū Paulus: vt
 scias quomodò oporteat in domo Domini cōuer-
 sari, quæ est Ecclesia Dei viuētis, columna & fir-
 mamentū veritatis. Quoniā verò Ecclesiæ nomē
 de diuersis rebus dicitur, sicut & de turba, quæ
 erat in theatro Ephesiorum, scriptum est. Et hæc
 dicens, dimisit Ecclesiā. Propriè quoque & verè
 aliquis dixerit, Ecclesiam esse malignantium, con-
 uenticula hæreticorū. Marcionitarū dico, & Ma-
 nichæorum, & reliquorū. Propterea nunc cōfir-
 mans fides tradidit, vt dicas: Et in vnā sanctam ca-
 tholicam Ecclesiam; vt illorum quidē fæda con-
 uenticula fugias: perseueres autē in catholica Ec-
 clesia, in qua & renatus es. Quòd si fortè veneris
 in ciuitates, non simpliciter interroga vbi sit Do-
 minicus, seu domus Domini: nam & reliquæ im-
 piorū hèreses Dominicos, quamuis pollutos, ap-
 pellare nō dubitant. Neque id tantū quæras sim-
 pliciter, vbi sit Ecclesia: sed vbi catholica Ecclesia.
 Hoc enim propriū nomē est sanctæ huius & ma-
 tris omnium nostrū, quæ est sponsa Domini no-
 stri Iesu Christi vnigeniti filij Dei. Scriptum est
 enim: Sicut Christus dilexit Ecclesiā, & seipsum
 tradidit pro illa, &c. Typum autē habet, & imi-
 tationē supernæ Hierusalē, quæ libera est, & ma-
 ter omnium nostrū. Quæ antea quidem sterilis,
 nunc autem multorum est liberorum parens. Illa
 enim priore extincta, in hac altera Ecclesia Ca-
 tho-

*Ecclesia Ca-
 tholica.*

*Domus Do-
 mini.*

*Ecclesie pro-
 prium nomen,
 Catholica.*

*Ecclesie or-
 dines.*

tholica, vt Paulus dicit, Deus posuit, primùm quidē Apostolos, deinde Prophetas, tertio doctores, postea virtutes, tum gratias curationū, opitulationes, gubernationes, genera linguarū, & omne genus totius virtutis. Sapientiā dico & intellectum, temperantiā & humanitatē, & in persecutionibus patientiā irreprehensibilē. Quę per arma iustitię prospera & aduersa, per gloriā & ignominiam: primùm quidē in persecutionibus & tribulationibus martyres & sanctos diuersis coronis patientiæ, & multum florentibus coronauit, quibus & ipsa Ecclesia ornata est. Nunc verò temporibus pacis gratia Christi, debitum habet honorem, à Regibus & illustribus, & omni genere hominum. Regum quidem potestas certis locis, & gentibus, terminos habet: Ecclesię autem catholicę per vniuersum orbem indefinita est potentia. De qua si omnia dicere vellemus, pluribus sanè nobis opus fuisset horis ad enarrationem. In eadem sancta catholica Ecclesia, edocti & conuersantes benè, regnum cælorum, & vitam æternam possidebimus, propter quam omnes laboramus, vt eam à Domino consequamur. Non enim de rebus exiguis nostrum est propositum, sed de vita æterna contendimus. Propterea in cōfessione fidei docemur, Et in carnis resurrectionem, hoc est, mortuorum: de qua vt credendum sit, disseruimus. Et, In vitam æternam. De qua Christianis nobis est certamē. Vita igitur existens & vera omnium pater est, & filius, cum Spiritu sancto: à quo tanquā à fonte

Ecclesiam Reges honorant.

Ecclesię catholica indefinita per orbem totum potestas.

fonte fluunt cęlestia dona, propter illius benignitatem, qui nobis hominibus ea quę pertinet ad vitam æternā, verissimè annuntiauit. Neque diffidendū est, quasi impossibile id esset: nō enim ad nostrā imbecillitatē, sed ad illius potentiā respectum habēdo oportet credere. Omnia autē possibilia sunt Deo: cū autē & hoc sit possibile, vitam æternam expectamus. Dicit enim Daniel: Et qui ad instantiam erudiunt multos, quasi stellę in perpetuas æternitates. Dicit & Paulus: Et ita semper cum Domino erimus, vitam æternam significans. Manifestissimè autē Saluator in Evangelius dicit: Et abibunt isti in pœnam æternam, iusti autem in vitam æternam.

Multę sunt nobis de vita æterna demonstrationes. Cupientibus autē nobis possidere ipsam æternam vitam, sacre scripturę modos possidēdi proponūt, ex quibus nunc ne sermo nimīū producat, pauca testimōnia adducemus, reliqua verò studiosis perquirēda relinquemus. Aliquādo enim dicunt, per fidem, Vt scriptū est: Credēs in filium habet vitam æternā, &c. Et iterum ipse dicit: Amen amen dico vobis, quōd qui verba mea audit, & credit illi, qui misit me, habet vitam æternam, &c. Aliquando autem per martirium, & Christi confessionem, & per Evangelicā prædicationem. Dicit enim: Et metens fructum accipiet, congregabit fructum in vitam æternam. Et: Qui odit animam suam in hoc mundo, in vitam æternam custodit illam. Tum verò qui propter Christū opes & propinques relinquit: Et omnis qui

*Modi querēda
vitę æternę
varij.*

Per fidem.

*Per marty-
rium &c.*

qui reliquit fratres, & sorores, &c. vitam æternā possidebit. Et propter mandatorum obseruationem, sicut respondit accedenti & dicenti: Magister bone, quid boni faciendo habebō vitam æternā? Est & hic modus: vt improbis relictis operibus, Deo deinceps seruiamus. Dicit enim Paulus: Nunc autem liberati à peccato, seruientes autem Deo, habebitis fructum vēstrum in sanctificationem, finem autem, vitam æternam. Et multimoda sanè quedam relictā est ratio consequendę vitæ æternę, propter illius passionē. Benignus enim cū sit Dominus, non vñum, neque alterū tantū, sed multas æternæ vitæ ianuas aperuit, vt omnes, quantum in ipso est, absque impedimento illa potiri possent. Atque hæc dicta sint de vita æterna. Quod sanè est eorum, quæ profitentur in fide, vltimū documentū. Qua vtinā omnes nos & docētes, & audiētes per Dei gratiā potiamur.

*Ianue vite
æternæ multe.*

Cæterū fratres dilecti, hortatur nos omnes huius doctrinæ sermo, præparare animam, ad receptionem gratiarū cęlestium. De tradita nanque vobis ad profitendum sancta & Apostolica fide, quantum catechesis capere potuit, per Dei gratiā diximus, præteritis hisce quadragesimæ diebus. Non quòd ea tantū dicere expediret: multa enim prætermis̃sa sunt, & meliùs fortè à bonis doctōribus intellectā. Instante autem deinceps sancto die Paschatis, & vestra per lauacrū regeneratione, docebimus rursus Deo volente ea, quæ conueniunt. Quanta cum reuerentia & ordine eò ingredi oporteat vocatos: cuiusque causā perficitur

tur vnumquodque sanctorum baptismi mysteriorum, & quanta cum deuotione à baptismo, ad sanctum Dei accedendum est altare, atque his quæ istic sunt spiritualibus & celestibus perfruendum mysteriis: vt anima nostra per doctrinam, & sermonem illuminata, ab vnoquoque cognoscatur à Deo vobis donatorum charismatum magnitudo. Post sanctum autem, & salutarem Paschatis diem, in reliquis hebdomadae diebus, post synaxim, ad sanctum resurrectionis Saluatoris locum congregati, Deo volente alias catecheses audietis, in quibus rursus de vnoquoque eorum quæ fiunt, causas discetis, atque tam ex nouo, quam ex veteri testamento demonstrationes accipietis. Primum quidem de his; quæ ante baptismum proximè fiunt. Deinde quomodo mundati estis à peccatis per Dominum lauacro aquæ, in verbo, & quomodo sacerdotalis appellationis Christi participes facti estis, & quomodo signaculum vobis datum est Spiritus sancti, & de iis quæ fiunt in altari sanctis noui testamenti mysteriis. Quæ hinc capient initium. Quod diuinæ scripturæ tradiderunt. Quæ istorum virtus. Et quomodo ad hæc accedendum, & quando, & quomodo ea habere oporteat. Vltimum autem omnium, quomodo vos progressu temporis & factis & dictis dignè ad percipiendam gratiam conuerti oporteat: vt possitis omnes vos vita perfrui sempiterna. Atque hæc quidem, si Deus volet, demonstrabuntur. Quod reliquum est, fratres, gaudete in Domino, & iterum dico, gaudeate. Venit enim redemptio vestra, & vestram expectat salutem

Propositio Catecheson mystagogicarum.

salutem angelorum celestis exercitus. Et vox iam intonat clamantis in deserto: Parate viam Domini. Clamar autem & Propheta: Sitientes accedāt ad aquam bonam. Et mox: Audite me, & comedetis bona: in delitiis & bonis anima mea. Et nō ita multō post optimam illam lectionē audietis: Illuminare, illuminare Hierusalē: venit enim lumen. De Hierusalem propheta dixit: Et post hæc vocabitur ciuitas iustitiæ, metropolis fidelis Siō, propter legem quæ ex Sion exiuit: & verbū Domini ex Hierusalē, quod hinc in vniuersum orbē intonuit. Ad eā quoque propheta dicit: Leua in circuitu oculos tuos: & vide congregatos filios tuos. Quæ respōdit dicens: Qui sunt hi tanquā nubes volantes: & sicut columbæ cū pullis super me? Nubes propter spirituale. Columbæ, propter simplicitatem. Et iterum: Quis audiuit talia, & quis vidit sic: si parturiuit terra vna die, & nata est gens statim, quod peperit Sion pueros suos. Gaudio autem ineffabili omnia replebūtur, propter Dominum qui dicit: Ecce ego faciam Hierusalem exultationem, & populum meū pacem. Liceat autem & de vobis nunc dicere. Latentur cæli & exultet terra, & reliqua, quod misertus est Deus populi sui, & humiles populi consolatus est. Hæc autem licebit propter Domini benignitatem ad nos dicentis: Ecce ego delebo tanquā nubem iniquitates tuas, & sicut caliginem peccata tua. Vos autem nomine fidelium donati, de quibus scriptum est: Seruientibus mihi, vocabitur nomen nouum, & benedicetur in terra.

Dicite

Dicite cum latitia: Benedictus Deus, & pater Domini nostri Iesu Christi, qui benedixit nos in omni benedictione spiritali in celestibus in Christo, in quo habemus redemptionem, per sanguinem ipsius, in remissionem peccatorum, propter diuitias bonitatis eius, quæ superabundauit in nos, & reliqua. Ac iterum: Deus autem qui diues est in misericordia, propter nimiam charitatem suam, qua dilexit nos, & cum essemus mortui peccatis, conuiuificauit nos Christo, &c. Et iterum: Sicut boni Dominum laudate dicentes. Cum autem benignitas & humanitas apparuit Saluatoris nostri Dei, non ex operibus iustitiæ, quæ fecimus nos, sed secundum misericordiam suam saluos nos fecit, per lauacrum regenerationis, & renouationis Spiritus sancti, quem effudit in nos abundanter, per Iesum Christum Saluatorem nostrum, ut iustificati illius gratia, heredes efficiamur secundum spem vitæ æternæ. Ipse autem Deus, & pater Domini nostri Iesu Christi, pater gloriæ det vobis spiritum sapientiæ, & reuelationis, in agnitionem eius, illuminatis oculis mentis, & custodiat semper nos in operibus, & sermonibus, & cogitationibus bonis. Cui gloria, honor & potentia per Christum Dominum nostrum, cum Spiritu sancto, & nunc, & in finita secula seculorum, Amen.

CYRIL-

CYRILLI ARCHIEPISCOPI

HIEROSOLYMITANI, CATECHESIS
*mystagogica prima, ad eos qui recens sunt bap-
 ptizati. Et lectio ex prima Petri Catholica Epi-
 stola, ab eo quod legitur: Sobrii estote & vigila-
 te: usque ad finem eiusdem Epistola.*

IOANNE GRODECIO D. G. C. VV.

INTERPRETE.

DESIDERABAM vobis & antea, o
 germani & dilecti Ecclesie filij, de his
 spiritualibus & supercaelestibus my-
 steriis discere: sed cum plane credi-
 derim, visum longè esse auditu certiorè, tempus
 hoc praesens expectavi, ut & vos ipsi melius per-
 cipere possitis, experiètia iam edocti, de his quae
 dicenda sunt: & ego ut facilius vos ad splèndidio-
 rem, & fragrantiorè huius paradisi campum ma-
 nu ducerem: quandoquidem participes iam facti
 estis diuinorum mysteriorum, diuinoque ac viuifi-
 ficante lauacro digni habiti. Cum itaque reliquum
 sit, ut perfectioris doctrinae mensam apponamus,
 agè haec ipsa nobis accuratius trademus: ut vim
 eorum non ignoretis, quae circa vos illo vespere
 fiunt. Primùm ingressi estis in porticum domus
 baptisterij, & stantes versus occidentem, manda-
 ri vobis audistis, ut protensa manu, tanquam prae-
 senti satanae renuntiaretis. Scire autem conuenit,
 figuram eiusmodi in veteri historia positam esse:
 Cum Pharaeo acerbissimus & crudelissimus ty-
 rannus, liberum & generosum Hebraeorum

Y

popu-

populum opprimeret: misit Deus Moysen, vt illum è grauiſſima Ægyptiorum ſeruitute libera-
ret: ac ſanguine quidem agni poſtes vngebantur,
vt domos hoc ſignum ſanguinis habentes, vaſta-
tor angelus vitaret: populus verò præter opinio-
nem liberatus eſt. Poſteaquàm verò hoſtis ille,
& liberatos, & mare diuiſum præter opinionem
vidit: pergebatque inſequens, & veſtigia veſtigis
vrgens, continuo ſubmerſus, rubrique maris flu-
ctibus oppreſſus eſt. Tranſeamus deinceps à ve-
teribus ad noua, à figura ad veritatē. Illic Moy-
ſes in Ægyptum à Deo: hinc Chriſtus à Patre
miſſus in mundum venit. Illic vt ex Ægypto po-
pulum educeret oppreſſum: hinc Chriſtus, vt eos,
qui in hoc mundo ſunt à peccato proſtigati, libe-
raret. Illic ſanguis agni fuerat vaſtatoris auerſio:
hic agni non contaminati Ieſu Chriſti ſanguis,
aduerſus dæmones ſtatuitur præſidium. Tyran-
nus ille ad mare vſque veteres perſequebatur: Iſte
verò impudens improbitatis princeps dæmon,
ad ipſas vſque ſalutares vndas te ſequebatur.
Ille in mari ſubmerſus eſt, iſte in aqua ſalutis ſuf-
ſocatur. Veruntamen audis, quòd nutu manus,
tanquàm ad præſentem dicitur: Renuntio tibi
Sathana. Qua de cauſa verò verſus occaſum ſte-
teritis, operæpretium eſſe puto explicare. Cùm
ſolis occaſus apparentium tenebrarum ſit locus:
diabolus autem cùm ſit tenebræ, robur in illis
ſuum habet. Idcirco ſymbolicè occaſum ſpe-
ctantes, caliginoso illi tenebrarum principi re-
nuntiat. Quid igitur vnusquisque veſtrū ſtans
dicebat?

dicebat? Renuntio tibi Sathana, tibi, inquam, scelerato & sæuissimo tyranno: non amplius metu vires tuas: dissoluit enim eas Christus, sanguinis mei, & corporis particeps factus, vt suis passionibus & morte, mortem opprimeret, vt ne perpetuò essem obnoxius seruituti. Renuntio illi serpenti callido & vafro: renuntio tibi impostori, qui sub specie amicitiae omnem agitas iniquitatem: qui maiores nostros ad defectionem induxisti: renuntio tibi Sathana, totius improbitatis opifici & administro.

Doceris mox & alteram renūtiationis partem addere: Et omnibus tuis operibus. Opera Sathanæ sunt cuiusuis generis peccata, quibus te renuntiare necesse est: vt cū aliquis fugit tyrannum, arma quoque illius vitare studet. Omne igitur genus peccati, sub hoc operum diaboli nomine comprehenditur. Istud præterea non ignores, quòd quæcunque dicis, illa præsertim formidabili hora, scripta sunt in libris Dei absconditis: vt si quid deinceps aduersus illa pronuntiata patraueris, tanquàm præuicator iudiceris. Renuntia ergo Sathanæ operibus, omnibus, inquam, actionibus & cogitationibus, quæcunque rectæ rationi non conueniunt.

Postea dicis: Et omni pompæ illius. Pōpa diaboli est, in theatris spectula, in hyppodromo cursus equorum, & venationes, & reliqua omnis cuiuscemodi vanitas: à qua postulans liberari sanctus ille Dei, Auerte, inquit, oculos meos, ne videant vanitatē. Nō ergo sis curiosus in frequētia

spectaculorum, ubi conspicias minimorum petulantias, omni contumelia & impudicitia refertas, & virorum effœminatorum choreas sceteris. Neque verò & illos admireris, qui dummodò ventri suo obsequantur, efferatis bestiis seipsos exponunt: atque ij plerunque cùm adedò ventrem cibus curare student, ipsi contrà ventris ferarum esca fiunt. Imò vt verius dicam, pro ventre, tanquàm pro suo Deo, vitam suam in certaminibus singularibus profundere non dubitant. Fuge autem & equorum curricula, quod est prorsus insanum, & multorum vitæ perniciosum spectaculum. Hæc enim omnia ad pompam diaboli pertinent. Tum verò & illa, quæ in idolorum solennitatibus suspendi solent, & carnes, & panes, & alia eiusmodi fœdissimorum dæmonum inuocatione contaminata, pompæ diaboli adscribuntur. Quemadmodum enim panis & vinum Eucharistiæ, ante sacram inuocationem adorandæ Trinitatis, panis erat & vinum merum: peracta verò inuocatione, panis quidem fit corpus Christi: vinum autem sanguis Christi: sic & cibus eiusmodi pompæ Sathanae, suaptè quidem natura puri sunt, inuocatione tamen dæmonum impuri efficiuntur.

Dicis præterea: Et omni tuo cultui. Cultus est diaboli, illæ, quæ in idolis fiunt, supplicationes, & quæcunque in honorem idolorum peraguntur, vt incendere lucernas, ad fontes & fluuios adolere: & quod nonnulli somniis, & à dæmonibus decepti faciunt, vt corporis etiam affe-

affectionum curationem inde sese cōsequi possē sperent. Neque ad alia eiusmodi deuenias : nam & auguria, diuinationes, omnia aut amuleta, aut inscriptiones in foliis, aut alia malæ artes, & cætera huiusmodi, cultus diaboli sunt. Caue itaque ista : nam si post renuntiationem diaboli, & Christi militiæ professionem, in eadem rursus incideris, tyrannum senties acerbiorē : qui te olim fortassè quasi familiaris tractabat, & duram seruitutem tuam remittebat : nunc verò vehementer est à te exacerbatus. Itaque Christo, à quo descisti, priuaberis, & illum quem irritasti, experieris. Nōne audisti ex veteri historia de Ioth & eius filiabus ? Nōne ipse quidem seruatus est vnā cum filiabus, cū ad mortem peruenisset : vxor verò illius in statuam salis mutata est, vt esset perpetuum monimentum improbæ illius voluntatis & reuersionis. Caue ideo tibi, vt ne retrò conuertaris : Et postquā manum miseris ad aratrum, ne deinceps ad miseram vitæ huius occupationem & studium reuertaris : sed fuge in montem Christum, excisum lapidem sine manibus, orbem totum replentem. Cū itaque Sathanæ renuntiaueris, & omne cum illo pactum rescideris : veteres, inquam, pactiones cum inferno : aperitur tibi paradysus Dei, quem ipse ad orientem plantauit : vnde propter mandati violationem, primus parens noster pulsus est in exilium. Et huius rei symbolum est, cum ab occasu conuerteris ad ortum, quæ lucis est regio. Tum admonebaris vt dicerēs :

Credo in Patrem & Filium, & Spiritum sanctum, & in baptisma pœnitentiæ. De quibus in superioribus catechesibus, quantum diuina concessit gratia, latiùs disseruimus.

His itaque confirmatus verbis aduigila: Aduersarius enim noster diabolus, vt modo lectum est, tanquàm leo rugiens circuit, quærens quem deuoret. Ac superiori quidem tempore, mors præualens deuorabat: in hoc verò sancto regenerationis lauacro, abstulit Detis omnem lachrymam ab omni facie. Non est enim ampliùs tibi luctus, qui exuisti veterem hominem: sed potiùs celebras lætitiā, indutus vestem salutaris Domini nostri Iesù Christi. Et hæc quidem in exteriori domo gesta sunt, in sequentibus verò mysticis instructionibus, Deo volente, in sancta sanctorum ingrediemur, atque tunc eorum, quæ illic peraguntur, symbola cognosceamus. Deo autem Patri sit gloria & potentia, cum Filio, & Spiritu sancto, in secula seculorum, Amen.

CATE-

CATECHESIS MYSTAGOGICA

SECUNDA, DE BAPTISMO. ET LECTIO ex Epistola ad Romanos, ab eo: *An ignoratis, quòd quicūque baptizati sumus, in Christum Iesum, & in mortem eius baptizati sumus? Usque ad illud: Non estis sub lege, sed sub gratia.*

VTI LES sunt nobis, quæ fiunt quotidie sacrae instructiones & doctrinae, quæ rerum nouarum nouas adferunt enuntiationes: & vobis praesertim à vetustate restitutis, nouitatem. Quamobrem facturum me operæpretium existimo, si hesternæ Mystagogiæ ea, quæ deinceps explicanda sequuntur, apposuerò: vt discere possitis, quorum illa symbola fuerint, quæ à vobis, in interiori domo peragebantur.

Statim igitur vt ingressi estis, vestem induistis: quod quidem exuti hominis antiqui cum operibus suis imago fuit. Atque ita exuti, eratis nudi: imitantes & in hoc eum, qui in cruce nudatus fuerat, Christum: qua ille nuditate principatus, & potestates huius seculi spoliauit, & magna confidentia in ligno de illis triumphauit. Quia in membris nostris delitescébant aduersariæ virtutes, non licet nobis vestem illam veterē ampliùs ferre. Non eam dico, quæ sensibus percipitur: sed veterem hominem, erroneis corruptum desideriis: quem non licet animæ rursus induere, postquam semel exuerit: imò dicendum est cum sponsa Christi, vt est in canticis canticorū: Exui vestem meam, quomodò rursus induam illam?

O rem admirandam ! nudi fuistis in conspectu omnium , & non vos pudebat . Reuerà enim in hoc protoplasti Adam ferebatis exemplum , qui nudus in paradiso fuit , & tamen nullo afficiebatur pudore .

Deinde verò iam exuti, exorcizato oleo à summis capillis ad infimos vsque peruncti estis , & participes effecti fructifere illius olei Iesu Christi . Excisi enim ex oleastro in oleam frugiferam inserti estis , & pinguedinis illius veræ oleæ, quisque vestrum particeps effectus . Illud ergo exorcizatum oleum, symbolum est, pinguedinis Christi nobiscum communicatæ, & quod omne vestigium diabolicæ operationis in nobis deletum sit. Nam vt insufflationes sanctorum, & nominis Dei inuocatio, tanquàm vehementissima quædã flamma vrit dæmones, & in fugam conuertit: sic & exorcizatum hoc oleum, per orationem, Dei-que inuocationem, tantam virtutem consequitur, vt non modò ardentia peccatorum vestigia expurget: verum etiam omnes inuisibiles dæmones repellat.

Posteà deducebimini ad sanctum diuini baptismi lauacrum: quemadmodum Christus à cruce ad destinatum sepulchrum ducebatur . Atque tunc vnusquisque interrogabatur, an crederet in nomen Patris, & Filij, & Spiritus sancti: & confessi estis salutarem confessionem, & merfi ter in aqua, rursus emeristis: atque ita per hæc symbola triduanam Christi significastis sepulturam. Nam vt Saluator noster tribus diebus, & tribus
nocti-

noctibus fuit in visceribus terræ: sic & vos prima emerfione, primam Christi sub terra imitabimini diem, & immerfione noctem. Sicut enim qui versatur in nocte, videre non potest, & qui est in die, in lumine est: haud aliter in submerfione, tanquàm in nocte nihil videbatis, in emerfione contrà tanquàm in die eratis: simul mortui & generati: atque ita illa salutaris aqua, & sepulchrum vobis, & mater effecta est. Et quod Solomon dixerat de aliis, hoc in vos optimè quadrat. Dicebat ille: Tempus pariendi, & tempus moriendi & tēpus generandi: nam id vtrunque vno eodemque fit tempore, simulque mors, & generatio vestra concurrit. O nouum & inopinatum mysterium! Nos quidem non reuerà morimur, nō reuerà sepelimur: nec verè cruci affixi sumus: sed in imagine tantum nostra est imitatio, in veritate autem salutis affecutio. Christus verè crucifixus est, verèque sepultus, & verè surrexit: & hæc omnia nobis donauit: vt cū imitatione passionibus eius communicauerimus, reuerà salutem lucremur. O excellentem benignitatē! Christus manus ac pedes suos incontaminatos, clauibus perfodi passus est, & per hosce tantos dolores, mihi nihil eiusmodi patienti salutem confert. Nemo itaque existimet, baptisma tantum remissionis peccatorum: verum etiam adoptionis filiorum sese accipere: sicut Ioannis baptisus solam peccatorum condemnationem præstabat. Nos vero de Christi baptismo certi sumus: quod ita vt est peccatorum absolutio, & donum sancti

Spiritus conciliat: sic & Christi passionum imaginem gerit. Propterea enim Paulus paulò antè exclamabat: An ignoratis, dicens, quòd quicunque baptizati sumus in Christum Iesum, in mortem eius baptizati sumus? Cõsepulti ergo sumus & per baptismum in mortem. Hæc dixerat declarans, quòd baptismus remissionem peccatorum, & adoptionem filiorum cõciliat, non autem iam veras Christi passiones imitatur ita, vt ibi passio fiat. Vt igitur discamus, quòd quæcunque Christus pro nobis, nostraque salute sustinuit, verè & non apparenter perpeßus est, nosque participes earundem passionum efficimur: idcirco accuratè docens clamat Paulus. Si enim insiti facti sumus illi similitudinè mortis ipsius, certè & resurrectionis eius erimus participes. Pulchrè autem vocat insitos, quia enim hic vitis vera plantata est, nos quoque cõmunionè baptismi complantati sumus morti eius. Adhibe autem magna cum attentione mentem verbis Apostoli. Non dixit enim, complantati sumus morti, sed similitudini mortis. Vera nanque mors Christi fuerat, anima eius à corpore separata: & verè sepultus, cùm in syndone munda corpus eius elatum est, & omnia denique verè in ipso contigerunt. In nobis autè, mortis quidem, & passionum quædam est similitudo: salutis verò non similitudo, sed veritas. Hæc sufficienter didicistis, & quæso in memoria habetote: vt & ego indignus de vobis dicam, diligo vos, quia semper mei memores estis, & traditiones, quas tradidi vobis, retinetis. Potès autem

tem est Deus exuscitans nos, tanquàm ex mortuis viuos, dare etiam nobis, vt in nouitate vitæ ambulemus. Quoniam illi gloria, & potentia nunc & in perpetuum, Amen.

CATECHESIS MYSTAGOGICA

TERTIA, DE CHRISMATE. ET LETITIA

ex prima Joannis catholica Epistola, ab eo loco: Et vos unctionem Dei habetis, & scitis omnia, usque ad eum: Et non confundemur ab ipso in aduentu eius.

QUICUNQUE in Christum baptizati estis, & Christum induistis, conformes facti estis filio Dei. Deus enim qui prædestinavit nos in adoptionem filiorum, cõformes fecit corpori gloriæ Christi. Participes ego Christi effecti, meritò Christi, hoc est, vñcti vocamini: & Deus dixit de vobis: Nolite tangere Christos meos. Christi verò estis facti, posteaquàm sancti Spiritus imaginem recepistis: & omnia in imagine facta sunt in vobis: quoniã Christi imagines estis. Ac ille quidẽ cum in flumine Iordano lauisset corp⁹, in quo diuinitas habitabat, aquis tradidit, ascēditque ex illis, & Spiritus sanct⁹ substācialiter super eum descēdit, requiescēs super sui similẽ. Et nobis postquàm similiter ex aquis sacri lauacri ascendimus, datũ est chrisma, quod imaginem gerit illius, quo vñctus est Christus. De quo & beatus Esaias in sua prophetia, ex persona Domini locut⁹ est: Spiritus Domini super me: quapropter vnxit me: euangelizare pauperi-

Chrisma quid significet.

pauperibus misit me. Oleo enim aut vnguento corporali, Christus ab hominibus vnctus non est: sed pater Saluatorem illū mundi totius constituens, vnxit eum sancto Spiritu. Quemadmodum Petrus inquit: Iesum à Nazareth, quem Deus ipse sancto Spiritu vnxit. De quo & David propheta clamat & dicit: Sedes tua Deus in seculum seculi, virga directionis, virga regni tui: Dilexisti iusticiam, & odisti iniquitatem: propterea vnxit te Deus, Deus tuus, oleo lætitiæ, præ confortibus tuis. Et sicut Christus verè crucifixus, & sepultus est, atque resuscitatus: nos verò per baptismum in similitudine quadam, vnà crucifigi, consepeliri, simulque secum voluit resurgere. Ita fit & in hoc chrismate. Ille spirituali oleo exultationis vnctus est, hoc est, Spiritu sancto: qui idcirco oleum exultationis vocatur, quia est auctor & causa exultationis. Vos verò vncti estis vnguento, facti participes & consortes Christi.

Panis Eucharistie post consecrationē fit corpus Christi.

Cæterum vide ne illud esse putes vnguentum tantum. Quemadmodum enim panis Eucharistiæ, post sancti Spiritus inuocationem, non amplius est panis communis, sed est corpus Christi: sic & sanctum hoc vnguentum, non amplius est vnguentum nudum, neque (si quis ita appellare malit) commune, postquam iam consecratū est: sed est charisma Christi, quod aduentu Spiritus sancti per ipsius diuinitatē, energiam habet. Quo frons & alij sensus corporis tui symbolicè inunguntur: & corpus quidem isto visibili vnguento perungitur, anima verò sancto viuificoque Spiritu

ritu sanctificatur. Ac primum quidem fronti illinitur, ut eum abstergat à vobis pudorem, quem primus homo transgressor perpetuò circumferebat: simulque efficiat, ut possitis vultu nò velato gloriam Domini intueri. Deinde verò aures vnguntur, ut ad audiendum diuina mysteria aures accipiat. De quibus dicebat Esaias: Et addidit mihi Dominus aures ad audiendum. Et Dominus in Euangelio: Qui habet aures ad audiendū audiat. Postea nares: ut diuinum recipiētes vnguentum dicatis: Christi gratus odor est Deo, in his qui saluātur. Tum verò & pectus inungitur: ut induti thoracem iusticiæ, fortiter aduersus insultus diaboli consistatis. Ut enim Saluator post baptismum, & illum sancti Spiritus aduentum egressus in prælium, deuicit aduersarium: sic & vos post sacrum baptisma & chrisma mysticum, induti armis sancti Spiritus, aduersus oppositam vobis potestatem consistitis, & præliamini, dicentes: Omnia possum in eo, qui me confortat, Christo.

Huius sancti chrismatis dono accepto, meritò appellamini Christiani: veram efficientes appellationem, in ipsa regeneratione: ante enim quàm hæc gratia vobis donata esset, non eratis propriè digni eo nomine, sed pergentes eò vsque progressi estis, ut efficeremini Christiani.

Fuerit autem operæpretium ne ignoretis, in veteri etiam lege, huius chrismatis symbolum præcessisse. Moyses enim quando fratrem suum secundum mādātum Dei, summum sacerdotem consti-

334 D. CYR. ARCH. CAT. MYST. III.
constituit, postquam lauit aqua, vnxit eundem:
atque ab eo videlicet typico vnguento vocatus
est Christus. Ad eundem modum cum summus
Pontifex Solomonem promouerat in Regem,
postquam lauit in Geon, vnxit eundem. Sed hæc
quidem in figura contingebant illis, nobis verò
non in figura, sed in veritate. Quandoquidem à
Spiritu sancto verè vncti estis, caput est & prin-
cipium nostræ salutis Christus. Ille enim est verè
primitiæ, nos autem conspersio: si autem primi-
tiæ sanctæ, proculdubio & in conspersionem san-
ctitas transibit. Hanc conspersionem seruate in-
corruptam: de omnibus enim docere poterit, si
in nobis maneat, sicut paulò antè ex Ioanne au-
distis, cum multa de chrismate loqueretur, & dis-
fereret. Est enim hoc sanctum, ad protegendum
corpus spiritualiter, & ad salutem animæ. De quo
& Esaias olim vaticinatus est: Et faciet, inquit,
Dominus, omnibus gētibus in hoc monte (mon-
tem autem appellat Ecclesiam, de qua etiam alibi
dicit: Et erit in extremis diebus cōspiciuus mons
Domini) vinum bibent, lætitiā bibent, vnguen-
to vngentur. Atque vt eò magis te confirmet ad
aduentum, de hoc vnguento tanquam mystico
dixit: Trade hæc omnia gentibus: voluntas enim
Domini super omnes gentes. Sic igitur peruncti
sancto chrismate, intemeratū id, & impollutum
in nobis, proficiētes in bonis operibus custodi-
te, & placentes Christo salutis nostræ principi, &
authori, cui gloria in secula seculorum.

CATE-

CATECHESIS MYSTAGOGICA

QUARTA, DE CORPORE ET SANGUINE Christi. Et lectio ex Epistola ad Corinthios: Ego enim accepi à Domino, quod & tradidi vobis.

HÆc beati Pauli doctrina, satis potest efficere vos certissimos de diuinis mysteriis, quæ vobis donata sunt, qui facti estis Christi corporis & sanguinis cōparticipes. Ille enim modò clamabat: Quòd nocte, qua Dominus noster Iesus Christus tradebatur, accepit panem, & gratias agēs fregit, & dedit discipulis suis, dicēs: Accipite, manducate, hoc est corpus meū. Et accipiens calicē, agēsque gratias dixit: Accipite, bibite, hic est sanguis meus. Cū igitur Christus ipse sic affirmet atque dicat de pane, Hoc est corp⁹ meū: quis deinceps audeat dubitare? Ac eodē quoque cōfirmante & dicente, Hic est sanguis meus; quis, inquam, dubitet, & dicat non esse illius sanguinē? Aquā aliquando mutauit in vinū, quod est sanguini propinquum, in Chana Galileæ, sola voluntate: & non erit dignus cui credamus, quòd vinū in sanguinem transmutassēt? Si enim ad nuptias corporeas inuitatus stupendum miraculū operatus est, & non multò magis corpus, & sanguinem suum filiis sponsi dedisse illum confitebimur? Quare omni cum certitudine corpus & sanguinē Christi sumamus. Nam sub specie panis datur tibi corp⁹: & sub specie vini datur sanguis, vt sumpto corpore & sanguine Christi, efficiaris ei cōparticeps

corpo-

336 D. CYRILLI ARCHIEPISCOPI
corporis & sanguinis, Χριστόφοι γινώμεθα. Sic
Christophori erimus, hoc est, Christum frētes,
cū eius corpus & sanguinem in mēbra nostra
receperimus: atque ita, vt beatus Petrus dicit, di-
uinæ naturæ consortes efficiemur.

Olim Christus cum Iudæis differens dicebat:
Nisi manducaueritis carnem meam, & biberitis
sanguinem meū, non habebitis vitam in vobis.
Illi verò non audientes ea secundū Spiritum,
scandalizati, abierunt retrò: eò quòd existimarēt
se se ad humanarum carnium esum incitari.

Erant & in veteri Testamento panes propo-
sitionis: sed illi ad legem veterem pertinētes finem
adepti sunt. At in lege noua panis cælestis, pocu-
lumque salutis, animam & corpus sanctificant:
sicut enim panis corpori, sic & verbū animæ con-
uenit. Ne ergo cōsideres tāquā panem nudū &
vinū nudū: corp⁹ enim est & sanguis Christi, se-
cundū ipsius Domini verba. Quāuis enim sen-
sus hoc tibi suggerit, tamen fides te cōfirmet, ne
ex gustu rem iudices, quin potius habeas ex fide
pro certissimo, ita vt nulla subeat dubitatio, esse
tibi donata corpus & sanguinē. Explicat hāc vim
Dauid his verbis: Paraasti in cōspectu meo mēsam
aduersus eos qui tribulant me. Quod hic dicit
tale quiddam est. Ante tuum Domine aduētum
dæmones hominibus mensam pollutam, & dia-
bolica contaminatam facultate parabant: sed po-
steaquā tu aduenisti, paraasti in conspectu meo
mensam, quid aliud significat, nisi mysticā illam
& spirituales mensam, quam Deus nobis pro-
posuit,

posuit, aduersariam illi, quæ nobis antea parabatur à dæmonibus, communionem habebat, hæc cum Deo habet. Impingualti in oleo caput meum. Impingauit tuum caput in fronte per signaculum Dei. Et calix tuus inebrians me, quam præclarus est. Vides hic dici de calice, quem Iesus accipiens, gratias egit & dixit: Hic est sanguis meus, qui pro multis effundetur in remissionem peccatorum. Idcirco & Solomon, cum in Ecclesiaste hanc eandem gratiam in ænigmate significaret: Age, inquit, manduca in lætitiâ panem tuum, videlicet panem spiritalem: & bibe vinum in corde bono: spiritale scilicet, vinum. Et oleum super caput tuum effundatur. Vides quomodo ille etiam mysticum chrisma in ænigmate denotat? & semper sint alba vestimenta tua: quoniam facta tua Domino placuerunt. Ita sanè exutis vestibus antiquis, & iis, quæ sunt secundum spiritum alba, indutis, perpetuò iam in albis incedere oportet. Non hoc ideo dicimus, quasi alba te semper vestimenta habere sit necesse, sed quod his, quæ verè alba, splendida & spiritalia sunt, vestiri te oporteat, ut cum Esaia possis dicere: Exultet anima mea in Domino: Induit me veste salutis, & tunicam laticiarum circumdedit mihi.

Hoc sciens & pro certissimo habens, panem hunc qui videtur à nobis, non esse panem, etiamsi gustus panem esse sentiat, sed esse corpus Christi. Et vinum quod à nobis conspicitur, tametsi sensui gustus vinum esse videatur: non tamen vinum, sed sanguinem esse Christi. Et quia de hoc

dixerat olim Dauid in Psalmo: Panis cor hominis confirmat, vt exhilaret faciem in oleo. Confirma cor tuum, participans de hoc pane, vt spiritali: Et exhilara faciem tuam, quam vtinam reuelatam habeas, vt possis in pura conscientia gloriam Domini speculari, transformatus à gloria in gloriam, in Christo Iesu Domino nostro, cui honor & gloria, & potētia, in secula seculorum, Amen.

CATECHESIS MYSTAGOGICA

QVINTA, EX EPISTOLA PETRI Catholica: *fraque abiiciētes omnem immunditiam, & omnem dolū ac detractionem: & quæ sequuntur.*

SATIS iam Deo fauente, & de baptismo & de chrismate, & de sumptione corporis & sanguinis Christi, in superioribus sacris instructionibus audistis: nunc verò ad reliqua transeundum est: atque hodie spiritali nostræ vtilitatis ædificationi coronis imponenda.

Vidistis igitur diaconum aquam lauandis manibus porrigentem sacerdoti, & illis qui circum altare Dei stabant, presbyteris. Num idèd prorsus dabat, vt sordes corporis abluerētur? Nequaquam. Nec enim adeò sordibus corporis fœdati in Ecclesiam ingredi solemus. Sed illa manuum ablutio, symbolum est, oportere nos à peccatis omnibus, & iniquitatibus mundari. Cùm enim per manus designentur actiones, lauare certè eadem

dem munditiem & puritatem operum significat. Nónne audisti Dauid myſteria tractantem iſta, & dicentem: Lauabo inter innocētes manus meas, & circumdabo altare tuum Domine. Itaque manus abluere, eſt ſymbolum non obnoxium eſſe peccatis.

Deinde clamat diaconus: Complectimini & osculemini vos inuicem, atquē tunc mutuo nos osculo ſalutamus. Non hoc ita accipias, quaſi osculum illud ſit eiſcemodi, quale in foro inter communes amicos eſſe conſuevit: neque enim tale eſt. Hoc igitur osculum animas mutuò conciliat, & omnem malorum obliuionem illis ſpondet. Signum igitur eſt hoc osculum reconciliationis animorum, vniuerſæque iniuriarum memoria deletæ. Propterea & Chriſtus Dei filius dicebat: Cū offers munus tuum ad altare, & illic recordatus fueris, quòd frater tuus habet aliquid aduerſus te, relinque munus tuum ad altare, & vade prius reconciliare fratri tuo, & tunc accedens offer munus tuum. Igitur osculum hoc reconciliatio eſt, atque idcirco ſanctum. De quo & Paulus dicit: Salutate vos inuicem in osculo ſancto. Et Petrus inquit, In osculo dilectionis.

Poſtea clamat ſacerdos: Surſum corda. Verē enim circa illam maximē tremendam horam ſurſum ad Deum corda leuare neceſſe eſt, & non deorſum ad terrā, terrenaque negotia deprimere. In hanc igitur ſententiam omnibus præcipit ſacerdos, curas ſcilicet vitæ huius omnes, & domeſticas ſolicitudines, illa hora relinquere, &

cor in cælo habere apud Deum generis humani amatorem. Vos deinde respondetis: Habemus ad Dominum, assentientes ei profitendo. Nullus autem sic consistat, ut ore quidem dicat, Habemus ad Dominum: mente verò circa vitæ huius curas vagetur. Ac semper quidem Dei meminisse debemus: sed si id propter infirmitatem humanam fieri non possit, illa tamen maximè hora studiosè istud enitendum est.

Dicit deinde Sacerdos: Gratias agamus Domino. Certè gratias agere debemus, quòd nos adeò indignos, ad tantam gratiam vocauit: quòd inimicos sibi reconciliauit, quòd spiritum adoptionis nobis donauit. Ad hæc vos subiicitis: Dignum & iustum est. Cùm enim nos Deo gratias agimus, dignum profectò & iustum opus facimus. Ille autem non iustum, sed supra iustum agens, tanto nos affecit beneficio, tantaque nobis bona donauit.

Facimus deinde mentionem cæli, & terræ, & maris, solis & lunæ, & syderū, ac vniuersæ creaturæ, tam ratione præditæ, quàm irrationalis: tam istius quæ videtur, quàm illius, quæ sub aspectum nostrum non cadit: angelorum, archangelorum, virtutū, dominationum, principatū, potestatum, thronorum, & Cherubim faciem operientū, quasi diceremus illud Davidis: Magnificate Dominū mecum. Commemoramus etiam illa Cherubim, quæ in Spiritu sancto cernebat Esaias, circumstantia thronum Dei: ac aliis quidem duabus faciem velantia, atque dicētia: Sanctus,

ctus, Sanctus, Sanctus Dominus Deus Sabaoth.

Propterea enim traditam nobis hanc Seraphicam theologiam recitamus, ut in illa cælesti hymnodia, cum supramundana militia communemus: atque sic per eiusmodi hymnos nos ipsos sanctificantes, Deum benignissimum oramus, ut super illa proposita, sanctum Spiritum emitat, ut panem quidem faciat corpus Christi, vinum verò sanguinem Christi. Omnino enim quod attigerit Spiritus sanctus, hoc sanctificatur & transmutatur.

Deinde verò postquam confectum est illud spirituale sacrificium, & ille cultus incruentus super ipsa propitiationis hostia, obsecramus Deum, pro communi Ecclesiarum pace, pro tranquillitate mundi, pro regibus, pro militibus, pro sociis, pro egrotis & afflictis, & in summa pro his omnibus qui egent auxilio. Indigemus autem omnes. Cum hoc sacrificium offerimus, postea facinus mentionem etiam eorum, qui ante nos obdormierunt. Primum Patriarcharum, Prophetarum, Apostolorum, Martyrum, ut Deus orationibus illorum & deprecationibus suscipiat preces nostras. Deinde pro defunctis sanctis patribus & Episcopis, denique pro omnibus oramus, qui inter nos vita functi sunt, maximum esse credentes animarum iuuamen, pro quibus offertur obsecratio, sancti illius & tremendi, quod in altari positum est, sacrificij. Quod exemplo nobis demonstrare volumus. Scio enim multos dicere. Quid iuuat animam in peccatis ex hoc mundo decedentem,

etiamsi in hoc sacrificio mérito illius fiat? An enim si Rex aliquis eos, à quibus offensus est, in exiliū pepulerit, postea verò illorum propinqui, coronam aliquam conficientes, pro his, qui sunt in supplicio, exulibus, eidem offerent, nonne condonationem aliquam suppliciorū ipsis dederit? Ad eundem modum & nos pro defunctis preces adhibentes, quamuis sint peccatores, non quidem coronam plectimus, sed Christum pro nostris peccatis mactatum offerimus, ut & nobis, & illis, eum qui est benignissimus, propitium reddamus.

Postea dicitis illam orationem, quam Saluator suis discipulis tradidit, cum pura conscientia patrem nuncupantes Deum, atque dicentes: Pater noster qui es in cælis. O maximam Dei benignitatem, his qui defecerant ab illo, & in extrema inciderant mala, tantam præstitit malorum oblivionem, & gratiæ participationem, ut patrem se se appellari voluerit, Pater noster qui es in cælis. Cæli sunt, qui cælestis Adam fuerunt imago, in quibus Deus habitat & inambulat. Sanctificetur nomen tuum. Sanctum est natura nomen Dei, siue id nos dicamus, siue non dicamus. Quia verò in iis qui peccant aliquando profanatur, sicut scriptum est: Propter vos nomen meum blasphematur inter gentes, idcirco petimus in nobis sanctificari nomen Dei: non ut ex eo quod non fuisset tale, esse incipiat, sed ut in nobis sanctificatis, & quæ sanctificatione digna sunt faciētibz, sanctum fiat. Adueniat regnum tuum. Munda est

est animæ, dicere confidenter: Adueniat regnum tuum. Audisti enim Paulum dicentem: Non igitur regnet peccatum in corpore vestro mortali, sed qui se emundauerit, & operatione, & cogitatione, & sermone, dicet Deo: Adueniat regnū tuum. Fiat voluntas tua sicut in cælo & in terra. Diuini beatique angeli Dei, voluntatem illius semper faciunt, sicut inquit Dauid: Benedicite Dominum omnes angeli eius potentes virtute, facientes voluntates eius. Perinde igitur hoc est, quasi precando dicas: Sicut in angelis fit voluntas tua, sic & in terra in me fiat Domine. Panem nostrum ἐπιείσιν, id est, supersubstantialem da nobis hodie. Panis hic communis, non est ἐπιείσιν, id est, supersubstantialis. Panis verò iste sanctus, supersubstantialis dicitur, eò quòd substantiam animæ confirmet. Panis hic non in ventrem descendit, & in secessum emittitur, sed per te totum, ad corporis & animæ vtilitatem distribuitur. Hodie autem dicit, pro quotidie: sicut & Paulus: Donec inquit, hodiè cognominabitur. Et dimitte nobis debita nostra, sicut & nos dimittimus debitoribus nostris. Multa enim habemus peccata, & offendimus tū sermone, tum cogitatione, plurimæque damnationis opera facimus. Et si dicamus, quia peccatū nō habemus, mentimur, vt dicit Ioannes. Cum Deo igitur pacta inimus, quando petimus remitti nobis peccata, sicut & nos proximis debita remittim⁹. Cogitantes ergo pro quantulis quanta accipiamus, ne cunctemur & mutuas inter nos offensiones

ignoscere, non tergiuersemur. Exigua, leuia & facilia ad remittendum sunt nostra in proximos peccata: quæ verò fiunt à nobis contra Deum, ea sunt maxima, hac sola indigētia benignitate. Aduerte igitur, ne ob aliqua parua & leuia aduersum te peccata, proximo non condonata, tibi ipsi præcludas apud Deum grauissimorum peccatorum cōdonationem. Et, Ne nos inducas in tentationem Domine. Nunquid hīc docet nos Dominus orare, vt ne omninò tentemur? Quomodo ergo alibi dictum est: Vir non tentatus, non est probatus? Et iterum: Omne gaudiū existimate fratres mei, cum in varias incideritis tentationes. Sed istud fortè est ingredi in tentationē, cum aliquis tentatione obruitur. Videtur enim esse tentatio, veluti torrens aliquis transitu difficilis. Qui ergo in huiuscemodi torréte non submergūtur, optimi natatores facti, traiciūt; neque deinceps vnquam ab illo detrahuntur. Qui verò secūs affecti sunt, quum primū in aliquam tentationem fuerint ingressi, statim submerguntur. Verbi gratia: Iudas in auaritiæ tentationē ingressus, nō eam superauit, verū submersus, & corpus & animā. Petrus ingressus in eā, qua Christum negauit, tentationem, non est submersus, sed strenuè tranans, à tentatione liberatus est. Audi rursus alibi vniuersum sanctorū chorū, quòd à tentatione liberati sunt, gratias agentem: Probaſti nos Deus, igne nos examinaſti, sicut examinatur argentum. Induxiſti nos in laqueū, posuisti tribulationem supra dorsum nostrum. Adduxisti

Adduxisti homines super caput nostrum. Transiimus per ignem & aquam, & eduxisti nos in refrigerium. Vides ipsos liberè de transitu tentationis loquentes, atque profitentes, sese in illa non hæsisse. Eduxisti nos, inquiunt, in refrigeriũ. Educi in refrigeriũ, est liberari à tentatione. Sed libera nos à malo. Si hoc quod dicitur, Ne inducas nos in tentationem, omninò nō tentari, significaret, non amplius adiecisset, Sed libera nos à *malo. Malus autem est aduersarius noster *Ab inimico. diabolus, à quo liberari petimus. Tum verò ex- Inimicus
pleta oratione, dicit Amen: (quod significat, fiat) autem.
totam hanc, quam à Deo dicimus, orationem.

Sacerdos autem postea dicit: Sancta sanctis. Sancta scilicet ea quæ in ara proposita sunt, aduentu Spiritus sancti sanctificata: sancti & vos cùm sitis, sancto Spiritu donati, atque ita sancta sanctis cōueniunt. Vos deinde respondetis: Vnus sanctus, vnus Dominus Iesus Christus. Verè vnus est ille sanctus, qui est natura sanctus: vos autem etsi sancti sitis, non tamen natura, sed participatione, exercitio & precatione.

Audistis deinceps diuina quadā melodia psallentem, atque ad sacrorũ mysteriorũ cōmunionē vos adhortatē: Gustate & videte, quòd Christus est Dominus. Num hoc corporeo palato vt istud diludicetis, vobis præcipitur? Nequaquā, sed potius fide certa, et omnis dubitationis experti. Gustantes enim non panē, aut vinũ vt gustēt, iubentur, sed quod sub specie est, (videlicet panis & vinum) corpus & sanguinē Christi. Accedens autē

346 D. CYRILL. ARCH. CAT. MYST. V.
ad communionē, non expansis manuū volis ac-
cede, neque cū disiūctis digitis, sed sinistrā, veluti
sedem quandā subiicias dextrę, quę tantū Regem
susceptura est: & concava manu suscipe corpus
Christi, dicens: Amē. Sanctificatis ergo diligēter
oculis, tum sancti corporis contactu cōmunica.
Caue autē, ne quid inde excidat tibi: quod enim
amittas, hoc tanquā ex proprio membro ami-
seris. Nam si quis tibi ramēta aurea daret, nōne
magna cum diligentia illa teneres, cauēs, ne quid
ex illis periret, damnumque sustineres? Et non
multò magis & diligentius de hoc, quod auro
gemmisque pretiosius est, ne mica aliqua ex illo
cadat, providebis. Tum verò post cōmunionem
corporis Christi, accede & ad calicem sanguinis
illius, nō extendens manus, sed pronus adoratio-
nis in modū, & venerationis, dicens: Amen. San-
ctificeris eo sanguine Christi, quem assumis: &
cū adhuc est humiditas in labiis tuis, manibus
attingens, & oculos, & frontē, & reliqua sensuū
organa cōsecra. Postremò expecta oratione, Deo
gratias age, qui te tantis mysteriis dignum reddi-
dit. Retinete has traditiones, & sine vllius offen-
diculo vosmet seruate: atque à communionē vos
non præcidatis: neque propter inquinamentum
peccati, sacris hisce, spiritualibusque mysteriis vos
ipso priuetis. Deus autem pacis perfectē vos san-
ctificet, vt integrum corpus vestrum, & anima in
aduentu Domini nostri Iesu Christi cōseruetur.
Cui gloria, honor & potentia, Patri & Filio, &
Spiritu sancto, in secula seculorum, Amen.

MENSE MAIO

CYRILLI ARCHIEPISCOPI
HIEROSOLYMORVM EPISTOLA,
AD CONSTANTIVM IMPERATO-
REM PIENTISSIMVM.

*De signo Crucis in calo ex lumine Hie-
rosolymis apparente.*

IMPERATORI DEODILECTISSIMO
ET PIENTISSIMO,

CONSTANTIO AVGVSTO,

Cyrillus Episcopus Hierosolymitanus
in Domino salutem.

PRIMAS hasce ex Hierosolymis ad te
Deodilecte Imperator, mitto litera-
rum primitias, quas & te deceat acci-
pere, & me dare: non verborum adu-
lationibus refertas, sed cælestium diuina decla-
rantes prodigia: neque sermonū oratorio splen-
dore persuasiones aliquas continentes, sed san-
ctorum angelorum ostentis, per rerum euentum
testantes veritatem. Ac alij quidem, vnde habent
honorem, aureas coronas gemmis splendidissi-
mis exornatas adferentes, caput tuum persæpè
coronant: nos autem non rebus hisce terrenis:
quæ enim de terra sunt, finem habent terram: sed
cælestium rerum diuinā virtutem, tempore Deo-
dilecti regni tui, Hierosolymis apparentē, pietati
tuæ in notitiam studiosè deducimus: Non vt
nunc

nunc primum ex ignorantia peruenias in Dei cognitionem: (videris enim ipse iam alios posse docere, in quibus pie agis) sed ut ista perspicies confirmaris, & regni à parentibus accepta hereditate, amplioribus te diuinitus coronis cælestibus honoratum non ignorans: Deo vniuersorum regi, & nunc eas, quas decet, gratias agas: & deinceps maiorem animum aduersus hostes geras: Reuera enim imperium tuum amatur à Deo: quandoquidem hoc tempore tuo tanta prodigia monstrare non dubitat. Ac tempore quidem Deo dilectissimi & beatæ memoriæ Constantini patris tui, salutare Crucis lignum Hierosolymis repertum est: diuina gratia concedente ei, qui rectè quærebat pietatem, etiam abstrusam locorum sanctorum inuentione. Tempore verò tuo Domine omnium pietissime Imperator, qui tua erga Deum pietate maiori, parentes tuos superasti, non iam amplius de terra, sed de cælis sunt prodigia: quoniam Domini & Saluatoris nostri Iesu Christi, vnigeniti filij Dei, mortis deuictæ trophæum, beata inquam Crux, splendoribus luminis coruscans Hierosolymis apparuit.

Sanctis enim hisce diebus sanctæ pentecostes, circiter horam tertiam, omnium maxima Crux, ex lumine constituta in cælo, super sanctissimum montem Golgotham, & usque ad sanctum montem oliuarum extensa, apparuit: non vni aut alteri tantum visa: sed vniuersæ ciuitatis multitudini manifestissimè ostensa: neque ut aliquis fortè putauerit celeriter secundum phantasiam
percur-

percurrrens : sed compluribus horis supra terram apertè conspècta , coruscis splendoribus radios superans solares : nam si ab illis superaretur , certè obfuscaretur , & lateret . Adeò excellentiores quàm sol emittebat fulgores , vt illicò vniuersa ciuitatis multitudo ad sanctam ecclesiam concurreret , metu illius diuini prodigij , non sine lætitia cōcitata , iuuenum simul & senum , virorum & mulierum , & omnis ætatis , ad ipsas vsque in thalamis per domos recumbentes puellas , vicinorum hospitem Christianorum , & aliunde aduenientium ethnicorum ingens erat spectaculum , qui tum concordi , & vno ore omnes , Iesum Christum Dominum nostrum , filium Dei vni- genitum , eiusmodi mirabilium effectorem lau- dabant : re ipsa & experientia discennes , quod Christianorum pietissimum dogma , non est in persuasibilibus humanæ sapientiæ verbis , sed in ostensione spiritus & virtutis , non ab hominibus tantum annuntiatum , sed de cælis diuinitus testificatum . Cùm igitur nos incolæ Hierosolymitani , paradoxum hoc prodigiū hisce oculis percipissēmus , Deo quidem omnium regi , & filio Dei vni- genito , ita vt æquū est , gratias cum adoratione egimus , & preces pro tu Deo dilecta potētia , in his locis sanctis effudimus . Operæpretiū autem putauī , cælestes hæc & diuinas ostensiones silentio non præterire : quin potiùs bonum nuncium tibi , diuinamque ex his benignitatem , per has literas studui adferre : vt in bono fundamēto , antea partæ fidei , ex his quæ subito diuini-
tusque

tusque demonstrata sunt, ampliorem extruens
notitiam, firmiorem in Dominum nostrum Ie-
sum Christum spem assumas: atque confidens,
& omni fortitudine repletus, tãquàm is, qui de-
super Deum habet socium, Crucis trophæum
efferas honorificentissimè, gloriationem gloria-
tionum, signum produciens, quod in cælo osten-
sum est: cuius effigiem cùm ostenderet homini-
bus, etiam cælum multùm gloriabatur, & læta-
batur.

Atque hoc quidem prodigiũ Imperator Deo dilectissime, prophetarum testimoniis, ac verbis
Christi, quæ sunt in Euangelis, prædictum: &
nunc iam peractum est, & deinceps ampliùs per-
ficietur. Nam in Euangelio secundũ Matthæum,
cùm Saluator rerum futurarum cognitionem
beatis Apostolis suis traderet, & per illos aliis,
qui cum eo versabantur, apertissimè prædixit: Et
tunc, inquit, apparebit signũ filij hominis in cæ-
lo. Quem sacrũ Euangeliorum librũ de more in
manum accipiens, quæ de isto signo ibi sunt, præ-
dictiones & testimonia scripta reperies: quibus
Euangelis vt maius adhibeas studiũ, te Domine
admoneo: propter earum, quæ reliqua istic de-
scripta sunt, seriem rerum à Salvatore prædicta-
rum, & magna indigentium obseruatione non
sine pietate, ne aliquod ab aduersaria virtute de-
trimentum patiamur.

Has tibi Imperator Deo dilectissime, sermo-
num meorum offero primitias: has ab Hieroso-
lymis primas annuntio voces, tibi maximè ger-
mano,

mano, & omnis pietatis studioſo, Chriſti vnigeniti filij Dei, & Saluatoris noſtri, vnà nobiſcum adoratori: qui ſecundùm diuinas ſcripturas Hieroſolymis mundi operatus eſt ſalutem, qui mortem quidem hîc perpeſſus eſt, proprioque ac pretioſo ſanguine ſuo, hominũ peccata deleuit: vitam verò & incorruptibilitatem ſpiritualem, cæleſtemque gratiam credētibus omnibus præbuit. Cuius potentia & gratia te cuſtoditum, & lætantiem, ſplendidioribusque ac maioribus in officiis pietatis verſantiem, atque filium proprium regiis inſignientem ornamentis: ipſe Rex omniũ Deus, totius beneficentiæ exhibitor, multis annorum periodis pacificis, ad honorem & gloriam Chriſtianiſ, mundoque vniuerſo ſeruet perpetuo: potentioſoremque te efficiat, & omni ornatum virtute, vt pro more ſanctarum eccleſiarum, Imperiique Romani, humanitatem demonſtres, & amplioribus pietatis coronis, in multos annorum circulos quietos reſplendeas. Deus vniuerſorum id nobis concedat, Auguſte Imperator Deo dilectiſſime, laudantibus ſemper ſanctam & ὁμοούσιον, id eſt, conſubſtantialem Trinitatem, verum Deum noſtrum, quem decet omnis gloria in ſecula ſeculorum,
Amen.

1001